









# HISTORIA ECCLESIASTICA VARIIS COLLOQUIIS DIGESTA

U B I

## PRO THEOLOGIÆ CANDIDATIS

*Res precipuæ, non solum ad Historiam, sed etiam ad  
Dogmata, Criticam, Chronologiam, & Ecclesiæ  
Disciplinam pertinentes, per breves Interroga-  
tiones, & Responsiones perstringuntur,  
& in præclaro ordine collocantur.*


## TOMUS QUINTUS

Complectens duo Ecclesiæ sæcula  
Decimum tertium, & Decimum  
quartum.

A U C T O R E

FR. IGNATIO HIACYNTHO  
AMAT DE GRAVESON

Sacræ Facultatis Parisiensis Doctore, & Collegii  
Casanatenfis Theologo, Ord. Fratrum Præd.

*Ex dono B. Dormutia*  *Abbat. Egyp. M. J.*  
ROMÆ MDCCXIX.  
Apud Franciscum Gonzagam.

---

SUPERIORUM PERMISSU.

HISTORIA

ECCLÉSIASTICA

PARIS COLLEGIUM DILECTUM

PRO THEOLOGICIS CANDIDATIS

TOMUS QUINTUS

Compendium theologiae doctrinae

Præsentium doctrinae & doctrinae

Præsentium

IN OMNIBUS THEOLOGICIS

ARTIBUS DOCTRINARIIS

PARIS COLLEGIUM DILECTUM

PARIS COLLEGIUM DILECTUM

*Handwritten signatures and notes in ink, including names like 'Gottlieb' and 'Gottlieb'.*

PARIS COLLEGIUM DILECTUM

PARIS COLLEGIUM DILECTUM



# NOS FR. ANTONINUS C L O C H E

Sacrae Theologiae Professor, ac totius Ordinis  
Fratrum Prædicatorum humilis Magi-  
ster Generalis & servus salutem .

**T**Enore præsentium nostrique auctoritate Officii li-  
centiam facimus Reverendo admodum Patri Fra-  
tri *Ignatio Hiacynto Amat de Graveson* in Sacra Fa-  
cultate Parisiensi Doctori ac in Collegio Casanatenſi  
Conventus Sanctæ Mariæ super Minervam de Urbe  
Theologo, Provinciæ nostræ Provinciæ Alumno ty-  
pis edendi Opus in plures Tomos distributum, cui ti-  
tulus est: *Historia Ecclesiastica variis Colloquiis dige-  
sta, &c.* dummodò prius approbatum fuerit à duobus  
Ordinis nostri in Theologia Magistris, & aliis servatis  
de jure servandis. In quorum fidem &c. Datum Ro-  
mæ in Conventu nostro Sanctæ Mariæ super Minervam  
die 8. Martii 1717.

**Fr. Antoninus Cloche**  
Magister Ordinis.

Loco † Sigilli .

*Fr. Bernardus d'Arcet Magister,  
& Socius.*

*Registr. fol. 79.*

**D**Uobus verbis comprehendendi potest munus ejus , qui lucubrationibus suis de litteraria republica quàm optimè studet promereri : Videndum enim est , quid doceat , & quomodò . Prius illud eam vim habet , curandum esse ei , primùm ut vera doceat ; Tùm ut propria ejus argumenti , in quo versatur , aut certè cum eo quod agitur , conjuncta & cohærentia . Modus autem pulchrè scribendi is est , ut perspicuè scribat , quod duabus rebus conficitur , ordine , & genere sermonis ad res enodandas & enucleandas accommodato . Hæc omnia qui præstet , ut in scribendo & vera tradat , & pertinentia ad argumentum quod versat , & ea distinguat , ut suo quodque loco digerat ac collocet , & verbis propriis , significantibus , ab eorum qui purè ac nitidè loquuntur consuetudine haud abhorrentibus , ei ego nihil omninò ad eximii authoris laudem deesse statuo , dignissimumque esse puto , cujus honestissimos conatus , & industriam ad præclara tendentem bonorum omnium perpetuus applausus approbatioque comitetur . Has boni Scriptoris partes implet Rev. P. *Fr. Ignatius Hyacinthus Amat De Graveson* , Sacræ Facultatis Parisiensis Doctor , Collegii Casanatenfis Theologus , & Historiæ Ecclesiasticæ variis Colloquiis digestæ Author . Unde post anteriorum voluminum , Commendationem nostram , hoc quod historiam Sæculorum XIII. & XIV. complectitur , dignum omninò publicâ luce , ac eruditorum cognitione judico , cum nihil in eo nec à recta fide , nec à bonis moribus alienum sit , sed totum variæ , reconditæque eruditionis plenum , multamque præferat verborum elegantiam , & rerum copiam . Datum Romæ vi. Kalendas Octobris anno 1719. in Conventu Sanctæ Mariæ super Minervam .

*Fr. Antonius Bardon in Sacra Facultate Parisiensi Doctor Theologus , & Catedraticus Casanatenfis , Ordinis FF. Prædicatorum .*

Supre-



**S**upremi Ordinis nostri Archimandritæ mandatis obsequuturus, quintum Historiæ Ecclesiasticæ Volumen à Clarissimo Viro *Fr. Ignatio Hiacyntbo Amat De Graveson*, Sacræ Facultatis Parisiensis Doctore, & Collegii Casanatensis Theologo elucubratum, datâ operâ perlustravi. Quo quidem in Opere, tantum abest, ut quidpiam offenderim, quod siue Aristarchi grave supercilium, siue mordacem *Zoili* linguam pertimescat, ut potius omnia, quæ ad exactam accuratamque decimi tertii, & decimi quarti Ecclesiæ Sæculorum Historiæ notitiam faciunt, præclaro certè ordine digesta positaque invenerim. Istud prætereà in præstantissimo Concinnatore, tum olim, tum præsertim impræsentiarum hæud semel observavi, quod meo equidem iudicio vel maximam laudem promereatur: Is scilicet inter obscuritatem & prolixitatem incedens, atq; Regiam captans viam, claritatem cum brevitate summâ prudentiâ, summoque studio componit: Id quod Lectorem, mirum quantum rapiat, neminem latere puto. Nam, ut pulchrè monet *Hugo à Sancto Victore*: lectio duobus modis animo fastidium ingerere solet, & affligere spiritum. Et qualitate, videlicet, si obscurior fuerit: & quantitate, si prolixior extiterit. In quo utroque magno uti moderamine oportet: ne quod ad refectionem quæsitum est, sumatur ad suffocationem. Quocircà, cum Opus huiusmodi nihil demum contineat, quod sanæ doctrinæ dogmatibus, & Christianæ Moralis documentis non sit consentaneum, ut in Theatrum litterarium prodeat, dignum omninò censeo. Datum Romæ in Conventu Sanctæ Mariæ super Minervam, die 25. Septembris, Anni 1719.

*Fr. Patricius Plonket Ordinis Prædicatorum,  
Sacræ Facultatis Parisiensis Doctor, & Col-  
legii Casanatensis Theologus.*

IMPRIMATUR,

Si videbitur Reverendissimo Patri Magistro  
Sacri Palatii Apostolici.

*T. Episcopus Heracliae Vicesgerens.*

---

APPROBATIO  
D. LEANDRI DE PORZIA

Abbatis Sadrensis.

*Ordinis Sancti Benedicti, Sac. Indicis Congregationis  
Consultoris, necnon S. Officii Qualificatoris.*

**I**Ussu Reverendiss. P. Gregorii Selleri Sac. Pal. Apost.  
Magistri perlegi librum inscriptum : *Historia Ec-  
clesiastica &c.* Tomus Quintus : Cùmque illum in-  
verim quolibet nomine, laude, & publica luce dignis-  
simum, ideò censeo typis vulgandum, ut ex hoc Ope-  
re litteraria Resp. ejus commodi accessionem percipiat,  
quod ex aliis à celeberrimo Authore exaratis & edi-  
tis hucusque percepit. Romæ ex Ædibus Sancti Cal-  
listi die 26. Septembris anno 1719.

*D. Leander de Porzia Abb. Sadrensis Congr. Casin.*

---

IMPRIMATUR,

Fr. Gregorius Selleri Ordinis Prædicatorum  
Sacri Palatii Apostolici Magister.



# INDEX COLLOQUIORUM

Quæ continentur  
IN HOC QUINTO TOMO.

## COLLOQUIA

In Historiam Ecclesiasticam Sæculorum XIII. & XIV.

### COLLOQUIUM I.

**D**E statu, seu loco, quo erant res Ecclesiæ Sæculis XIII. & XIV. tam in Oriente, quàm in Occidente sub Imperatoribus, & Principibus Christianis. pag. 5.

### COLLOQUIUM II.

In quo textitur Series Episcoporum, qui Illustriores Ecclesiæ Sedes Sæculis XIII. & XIV. tenuerunt. 73.

### COLLOQUIUM III.

De Hæresibus & Controversiis, quæ Sæculis XIII. & XIV. enatæ sunt in Ecclesia. 171.

COL-

## COLLOQUIUM IV.

*De Conciliis tam Oecumenicis , quàm Nationalibus , in quibus gliscentes Sæculis XIII. & XIV. Hæreses fuerunt damnatæ , & restituta est Ecclesiæ Disciplina .* 261.

## COLLOQUIUM V.

*De Viris Illustribus , qui doctrina , vitæ-que Sanctimonia Sæcula Ecclesiæ XIII. & XIV. illustrarunt .* 367

## COLLOQUIUM VI.

*De Doctrina Fidei , de Disciplina tam Ecclesiastica , quàm Monastica , & de Ethices Christianæ Doctrina , quæ Sæculis XIII. & XIV. in Ecclesiâ obtinuit .* 471.



# HISTORIA ECCLESIASTICA

Sæculorum XIII. & XIV.

*Variis Colloquiis digesta.*



ISTORIAM Ecclesiasticam, Sæculorum XIII. & XIV. continuâ serie describemus, quia Ecclesia in utroque Sæculo gravissimis turbis atque diuturnis bellis miserum in modum fuit funestata. At enim, Sæculo decimotertio occasione dissidiorum, quæ Romanos

Pontifices inter & Imperatores non rarò emerferunt, duæ in Italia infensissimæ excitatæ sunt factiones, videlicet *Gibellinorum*, qui ab Imperatoribus stabant, & *Guelphorum*, qui obtentu tuendi jura Pontificum acerrimè decertabant. Hæ duæ armatæ factiones tot clades, funera, perfidias, parricidia, & sacrilegia invexerunt, ut tota Italiæ facies suorum discerpta manibus, suis convulsa sedibus, & populorum mutuis cœdibus in se irruentium ubique sanguine inundata cerneretur. Nec minùs Ecclesiæ fatalis fuit gravis illa dissensio, quæ eodem Sæculo XIII. *Bonifacium VIII.* Pontificem Maximum inter & *Philippum pulchrum* Galliarum Regem vehementer exarsit, ut nihil in præsentia dicam



de *Vesperis Siculis*, seu de occulta illa, & post hominum memoriam crudelissima conspiratione, quâ Siculi octo millia Gallorum inermium, nihilque minus cogitantium die xxx. mensis Martii, in quam eo anno, seu mclclxxxii. incidit Dominica Resurrectio, absque ullo ætatis, sexusve discrimine, immaniter trucidarunt, & Siculas mulieres, quæ de Gallis conceperant, plusquam Scythicâ barbarie exenterarunt, ut, excussis earum fœtibus, nihil prorsus Francici seminis in Sicilia superesset. Tot turbas Sæculo XIII. excitatas cumularunt Hæreseon procellæ, quibus jactata est Ecclesia, præcipuè Albigenium, qui bello flammâque in Catholicos atrociter sævientes, nonnisi bello sacro, ac multorum profuso sanguine in ordinem redigi, atque penitus exterminari potuerunt. His haud levioribus malis & calamitatibus sequenti Sæculo, seu decimoquarto, exagitata est Ecclesia. Romanæ siquidem Sedis per *Clementem V.* Pontificem Maximum in Gallias translatio, quam Itali appellavere *Babylonicam*, quòd LXX. annos duraverit, Orbem Christianum conturbavit. Accessit insuper Itolorum discordia concitata Florentinorum dissidiis, Longobardorum Regulorum bellis, *Ludovici Bavari* Imperatoris Schismate, *Petri de Corbaria*, seu *de Corvario* Franciscani Antipapæ intrusionem, Gibelinorum & Guelphorum factionibus, *Ochami* tumultibus, *Beguardorum*, *Beguinarum*, & *Vvicleffistarum* exitiosis pestibus, quibus tandem cumulum omnium malorum addidit nefandum illud Schisma, per quod post mortem *Gregorii XI.* Papæ Christianus Orbis sub incerto Capite per quadraginta annos divisus est, uno videlicet Pontifice Romæ, altero Ave-

Avenione sedente. In tam alto tot bellorum, Hæresum, discriminumq; pelago Ecclesia Sæculis XIII. & XIV. variis fuit agitata procellis, & tantum non fluctibus operta, nunquam tamen divinâ opitulante providentiâ demersa est, sed potius eò magis emicuit Summorum Pontificum, Pastorum, & Doctorum in remigando labor, quò proximius periculum imminebat. Sævas bellorum tempestates in optatam tranquillitatem convertit Deus Optimus Maximus. Obortas Hæreses Romani Pontifices in Conciliis, Doctores suis eruditis Operibus, & Principes Christiani sacris bellis feliciter obtriverunt. Postremò, accessit ad fidei victoriam & fidelium solamen pietas in Occidente renovata per novos religiosos Ordines, qui in honorem Dei & firmissimum Ecclesiæ præsidium Sæculis XIII. & XIV. excitati, collapsam vitæ Regularis disciplinam, & solidam pietatem in Claustris jam ipsâ senectute abantem repararunt, quorum ingentes fructus non solum in Sanctis *Thoma Aquinate*, & *Bonaventura*, aliisque Luminibus claruerunt, verum etiam in tuendis, ac vindicandis Sedis Apostolicæ juribus non parvo adjumento fuerunt. Hæc omnia, quæ ad Historiam Sæculorum XIII. & XIV. spectant, brevitate cum claritate conjunctâ, juxtâ methodum nobis à principio præscriptam in sex Colloquiis expendemus, & in his nihil, quod ad Sanctæ Ecclesiæ publicam administrationem, dogmata & disciplinam pertinet, omitemus; nullam Hæresim, nulla Concilia Generalia, Nationalia, aut Provincialia, intacta relinquemus; Romanorum Pontificum, ac præcipuarum Ecclesiæ Sedium Episcoporum, necnon Imperatorum cum Orientis, tum Occidentis,



& Regum Christianorum successiones ac nobiliora gesta referemus ; illustriorum Virorum Opera , & Ordinum Regularium institutiones atque in Ecclesiam promerita indicabimus ; uno verbo , omnia , quæ in Historia utriusque Sæculi vel scitu utilia , vel lectu delectabilia existimabimus , summatim attingemus in nostris Colloquiis , in quorum primo ostendemus , quo loco Sæculis XIII. & XIV. essent res Ecclesiæ tam in Oriente , quàm in Occidente , sub Imperatoribus & Principibus Christianis . In altero dabimus seriem Episcoporum , qui illustriores Ecclesiæ Sedes tenuerunt . In tertio recensebimus Hæreses , quæ Sæculis XIII. & XIV. ex orco prodierunt , & Ecclesiam infestarunt . In quarto differemus de Conciliis , tum Oecumenicis , tum Nationalibus , in quibus vel serpentes Hæreses damnatæ sunt , vel restituta fuit collapsa Ecclesiæ disciplina . In quinto Illustrium Virorum , qui doctrinâ , vitæq ; sanctimoniâ magnum Ecclesiæ splendorem conciliarunt , Opera examinabimus . In ultimo Colloquio Doctrinam Fidei , Disciplinam tam Ecclesiasticam , quàm Monasticam , & Moralem Christianam utriusque Sæculi XIII. & XIV. perstringemus .



## COLLOQUIUM PRIMUM

*De statu, seu loco, quo erant res Ecclesiæ Sæculis XIII. & XIV. tam in Oriente, quàm in Occidente sub Imperatoribus, & Principibus Christianis.*

DISCIPULUS.

**R**Es Ecclesiæ pessimo loco in Oriente decimotertio Sæculo fuisse, faciliè conjicio ex tristi, infaustoque exitu, quem tot à Latinis Crucesignatis contra Saracenos susceptæ in Oriente Expeditiones habuerunt ob perfidiam, & æmulationem Græcorum, Imperatorum, qui Latinos exosi, nec eorum auxiliis, nec armis ad sanio rem mentem revocari potuerunt, sed potiùs, per summam & à sæculis inauditam ingratitude m, illis ad Terram Sanctam recuperandam suppetias ferentibus occultas pararunt insidias, & societatem cum Saracenis inire maluerunt, quàm eorum exscindere tyrannidem suis certicibus imminentem. Verùm, quò magis perspectam habere possim Historiam Byzantinam, & plenior em assequi notitiam rerum, quæ ab Imperatoribus Orientis XIII. Sæculo gestæ sunt, necesse est, ut resumamus in præsent i Colloquio seriem Imperatorum Orientis, quam in Colloquio I. in Historiam duodecimi Sæculi perduxisti usque ad Imperatorem *Alexium IV.* Isaacii Angeli filium, qui à patruo suo *Alexio III.* tyranno in carcerem detrusus, & ex eo dilapsus confugit ad Venetos, & à cruce signato Latinorum exercitu fuit anno mille-



fimo ducentesimo tertio Imperio restitutus, patremque suum *Isaacium Angelum*, qui à fratre suo *Alexio* tyranno exauctoratus & excæcatus in carcerem coniectus erat, inde extraxit, sibi que Collegam factum gubernaculis Imperii rursùm admovit.

MAGISTER. Orientale Imperium variis decimotertio Ecclesiæ Sæculo turbis ac dissensionibus Græcorum concussum, venit tandem in potestatem Francorum, qui eo per spatium quinquaginta septem annorum, trium mensium & undecim dierum potiti sunt. Franci siquidem cum Venetis fœderati Constantinopolim ceperunt die XII. Aprilis anni MCCIV. & Imperium Orientis obtinuerunt usque ad diem XXV. mensis Julii anni MCCLXI. quo Michael Palæologus Græcorum Imperator Latinos Regiâ urbe ejecit, & Orientale Imperium ipsis ereptum ad Græcos revocavit, sicut fusè describitur in *Historia Constantinopolitana sub Imperio Francorum*, quam Gallico idiomate ex Scriptoribus coævis, præsertim ex *Gunthero*, & *Godefrido Villardui* Campaniæ & Romaniæ Mareschallo, concinnavit clarissimus *Carolus Du Fresne Du Cangius*, ex quibus pauca nunc deflorabo, quæ ad illustrandam Historiam Byzantinam, & texendam seriem Imperatorum Orientis multùm conducere possunt.

Junior *Alexius* hujus nominis IV. Orientalis Imperator, *Isaacii Angeli* filius, anno millesimo ducentesimo tertio à Francis cum Venetis fœderati captâ urbe Constantinopoli, & expulso *Alexio* tyranno, restitutus Imperio, supremam in Oriente unâ cum patre *Isaacio Angelo*, dominationem obtinuit, sed eam diù non retinuit. Orta quippè e Constantinopoli anno millesimo ducentesimo qua

to atrox seditio Græcos inter & Latinos, cujus præcipuus author fuit *Alexius Ducas*, ob conjuncta, & imminencia supercilia *Murtzulphus* cognominatus, qui, cum esset ingenii subdoli, & animi capeffendi Imperii impotenti cupiditate flagrantis, juniore *Alexio* Imperatori ac benefactori suo ingratus malè rependit vicem. At enim, cum tumultuans populus adolescentem *Nicolaum Canabum* inaugurasset Imperatorem, insignis proditor ille *Alexius Ducas*, dum sive dolore rerum præsentium, sive, ut creditum est, veneno potatus animam ageret *Isaacius Angelus*, pater junioris *Alexii* Imperatoris, sub specioso obtentu juniorem *Alexium* Imperatorem eripiendi è manu furentis plebis, eum nihil diffidentem in carcerem conjecit, Orientale Imperium invasit, moxque victo, & custodiæ tradito *Nicolao Canabo*, qui, ut mox diximus, à tumultuante plebe Imperator salutatus fuerat, eò crudelitatis prorupit, ut junioris *Alexii* Imperatoris, quem bis in carcere veneno frustra tentaverat, propriis manibus fauces laqueo fregerit, sicque arreptam tyrannidem confirmare ausus fuerit. At non permisit Deus, ut scelestus ille tyrannus *Alexius Ducas* Imperium, quod tam injustè & crudeliter sibi arrogaverat, diù occuparet. Prælium siquidem, præviâ Imagine Beatæ Virginis, quam Græci *νικητοριον*, seu *Victoriæ effectricem*, appellitare solebant, cum Francis Crucesignatis committere ausus, tam infelici Marte pugnavit, ut Græci cæsi fugatique victoriam amiserint & sacram Imaginem B. Virginis, quam ab Orientis Imperatoribus *Joanne Zemisce*, & *Joanne Comneno* olim curru triumphali post adeptas victorias deferri solitam esse, jam in



præcedentibus Colloquiis observavimus . Latini tam prospero belli exitu animati, & præeunte Imagine B. Virginis, quæ à Græcis ad ipsos transierat, in spem ulterioris consequendæ victoriæ erecti , actutum communi consilio viribusque Constantinopolim regrediuntur , eamque denuò terrâ marique, adorti , brevi temporis intervallo expugnant die xi. mensis Aprilis anni mccciv. sicut fuerat quibusdam Oraculis antehac prænunciatum , quæ legi possunt apud *Henricum Spondanum* Continuatores Baronii ad annum mccciv. Hanc urbis Constantinopolitanæ direptionem à Latinis factam , Sacrorum profanationem, aliaque scelera in ejusmodi urbium expugnationibus patrari contra fas justumque solita tragicè describit , ac ultrà modum exaggerat *Nicetas* . Sed profectò mirum videri haud debet , quòd hic Scriptor Græcus in Schismate pertinax , & in expiabili in Ecclesiam Romanam odio actus, Latinos tot probris oneraverit , totque horrenda flagitia eis affinxerit . *Nicetas* itaque hac in re testimonium , utpotè viri græcæ , ac sublestæ admodum fidei, contemni meritò debet . Non negaverim tamen aliquot scelera & sacrilegia in hac urbis Constantinopolitanæ expugnatione à Latinis commissa fuisse, cum Scriptor anonymus vitæ *Innocentii III.* Pontificis Maximi id candidè fateatur . Captâ à Latinis Constantinopolitanâ urbe , rebusque pro tempore compositis , de Latino eligendo Imperatore actum est, & communibus suffragiis , anitente potissimum , & promovente *Dandulo* Vene-tæ Classis Præfecto, *Baldwinus* Flander à duodecim designatis Electoribus creatus est Imperator Byzantinus, *Alexius* verò *Ducas* cognominatus *Murtzul-*

*zolphus*, qui, occiso *Alexio* juniore, Imperium invaserat, &, captâ Constantinopoli, sibi à Latinis timens in Peloponesum fugerat, ab *Alexio* tyranno, patruo *Alexii* junioris, & socero *Alexii Murtzolphi* (qui ejus filiam *Eudociam* sibi matrimonio copulaverat) ibidem proditoriè captus & oculis orbatus in Latinorum manus incidit, à quibus Constantinopolim reductus, & ob cædem, quam *Alexio juniore* Imperatori suo nefariè intulerat, extremo capitis supplicio damnatus, gratas Græcis perindè ac Latinis pœnas, suis tamen sceleribus mitiores, pependit, & ex altissima columna præcipitatus, humique allisus ac membratim discerptus miseram efflavit animam. Hoc pacto in potestatem Latinorum venit Orientale Imperium, distractum tamen, & exiguis angustisque finibus conclusum, eò quòd Principes Græci Constantinopoli à Latinis expulsi, quasi vectores in communi naufragio, tabulas, quas fors offerebat, arripientes, varia sibi Regna per ejusdem Imperii Orientalis regiones constituerunt. *David*, & *Alexius Comneni* Trapezuntinum Regnum fixerunt in Ponto; *Theodorus Angelus* Thessalonicæ dominatum usurpavit; *Theodorus Lascaris* Nicææ in Bithynia Imperii quamdam imaginem fundavit, cùmque esset strenuus belli Dux, Turcas ab *Alexio*, socero suo, quondam Imperii invasore, contra se concitatos, iteratis præliis fudit, superavit, ac magna strage delevit, eorumque Principi *Jatathini* Iconii Sultano suapte manu caput amputavit, quo in sublime elato, & hostibus ostentato insignem de illis retulit victoriam. Nec solùm Principes Græci, verùm etiam Latini varias Imperii Orientalis regiones suam

suam in potestatem redigentes , angustiores ejus fines reddiderunt . Veneti quippè , plerasque tum maris Ægæi, tum Mediterranei Insulas retinuerunt. *Bonifacius* Marchio Montisferrati Peloponesum , quæ vulgò *Morea*, cum Regis titulo occupavit . *Godofridus* trecensis Athenas sibi asseruit, aliique alia loca suo dominio armis subjicientes , tot in partes Orientale Imperium dilacerarunt , quot olim in frustra infelicem *Orpheum* *Bacchæ* mulieres discerpserunt . Ad has angustias redactum Orientale Imperium anno ætatis suæ trigésimo secundo gubernare cœpit *Baldwinus* inter Latinos Imperatores Byzantinos hujus nominis primus , quem virum fuisse fortem, pium, modestum ac justum , non solum Latini, sed & *Nicetas* Scriptor Græcus & Latinis infensus, ingenuè fatetur his verbis : *Nondum Baldwinus annum ætatis xxxij. concesserat, & alioqui vir erat pius & modestus , nec impudico quidem aspectu mulierem intuitus, quamdiu à sua conjuge absuerat, vacabat divinis laudibus , necessitatibus conflitantes sublevabat, suæ sententiæ adversantes æquo animo audiebat ; & quod maximum est , bis qualibet hebdomada vesperi proclamari jubebat , ne quis in suo palatio cubaret, qui alienam mulierem attigisset . At , quod maxime dolendum est, Baldwinus, Imperator omnibus numeris absolutus , periit in ipso ætatis suæ flore . Adrianopolim quippè , urbem Thraciæ munitissimam , quò se Græci perduelles receperant , strenuè oppugnans, à Joannitio, sive Calojoanne Bulgarorum Rege, qui cum ingentibus suorum , Scytharumque copiis huc advenerat , ut Græcis Latinorum jugum excutere molientibus auxilium ferret, in paratas incidit insidias Baldwinus, captusque à Bul-*



à Bulgarorum Rege , captivus in Bulgariam abductus est anno mccv. ubi mensium sexdecim spatio in carcere detentus obiit ex morbo , ut Rex ipse Bulgarorum in litteris ad *Innocentium III.* Summum Pontificem , à quo pro ejus libertate urgebatur , datis, & *Godefridus Villarduinus* , qui rebus à *Balduino* Imperatore gestis interfuit, testantur, quibus magis adhibenda fides est , quàm Græcis , qui post *Nicetam Choniatem* scribunt , *Balduinum* Imperatorem cruribus, brachiisque truncatum, projectum, esse in vallem , ibique post triduum expirantem volucris & feris relictum esse prædam. Nec enim verosimile est, *Joannitium* Bulgarorum Regem, virum alioqui suopte ingenio crudelem , tantam immanitatem in *Balduinum* optimum Imperatorem, exercere voluisse . Sic *Balduinus* , Heros invictissimus , post æquatas pugnis victorias , post tot perduellium Græcorum urbes uno armorum impetu & continenti serie triumphorum domitas , acerbo & omnibus piis luctuoso casu occubuit .

D. Quis *Balduino* in Imperio Constantino-politano successit .

M. In *Balduini* demortui locum successus est à Latinorum exercitu *Henricus* , ejus frater anno mccvi. Fuit Princeps prudentissimus , & tùm domi , tùm foris rebus gerendis aptissimus . Rem adversus Bulgaros & Scythas, qui perpetuis incursionibus ejus Imperium infestabant , itrenuè gessit. Vivente adhuc fratre suo *Balduino*, sed captivo, Imperio præfectus, illud administrare cœpit , nomine tamen Imperatoris & Insignibus abstinens , donec anno & mensibus sex ab illa captivitate exactis , postquàm mors fratris sui comperta est , in Impe-

rii nomen & ornamenta tūc demūm consensit. Quā occasione *Nicetas Choniates* moderationem, cæterasque *Henrici* virtutes commendat, ac simul detestatur ambitionem & immanitatem suorum popularium Græcorum, apud quos hi, qui Imperio erant designati, non expectatā prædecessoris morte, per cædes ad tyrannidem grassabantur. Obiit *Henricus* Imperator Constantinopolitanus die xi. Junii anni MCCXVI. cū annos decem, novem, menses & dies xxii. imperasset. Ei sine prole defuncto successit *Petrus Corteniacus*, Antifiodorensis Comes, qui illius sororem *Jolantam* in matrimonium duxerat, & ab *Honorio III.* Pontifice Maximo Imperii coronam Romæ accepit quinto Idus Aprilis anni MCCXVII. Sed Romā discedens, cū Constantinopolim contenderet, in Albanix montium angustiis à *Theodoro Angelo* Græco, Epiri Principe, perfidiosè captus, in carcere, vel, ut alii volunt, prælio peremptus est. Successorem habuit *Robertum* filium suum, qui die xxv. Martii anni MCCXXI. Constantinopoli coronatus Imperium tenuit usque ad annum MCCXXVIII. quo è vivis excessit, & *Balduino* hujus nominis II. filio, aut, ut alii volunt, fratri suo, Imperii successionem reliquit. Verū, cū *Balduinus II.* juvenis adhuc decennis esset, ac subindè regendo imperio impar, *Joannes Bryennius*, qui Regis Hierosolymorum nomen ferebat, ex Italia accitus est, ut junioris *Balduini* tutelam, & Imperii Constantinopolitani administrationem ac defensionem susciperet. Imperio autem Constantinopolitano *Balduinus II.* annos circiter triginta, duos à morte *Roberti* potitus est, hoc est, ab anno MCCXXVIII. usque ad annum MCCLXI. quo anno

no *Michaël Palæologus* , Urbe Constantinopoli, *Alexii Strategopuli* artibus cum DCCC. haud ampliùs militibus proditione captâ xxv. Julii, *Balduinum II.* ultimum inter Latinos Imperatorem Constantinopolitanum, Imperio ac Regia Urbe eiecit, atque Imperium Constantinopolitanum in Græcorum potestatem denuò redegit. Vixit tamen *Balduinus II.* suæ calamitati superstes annos XI. filiumque unicum *Philippum* nomine reliquit, cui *Beatricem* filiam *Caroli* Siciliae Regis despondit, Constantinopolitano promisso Imperio, si illius ope recuperari posset. Hoc pacto Franci, seu Latini, Imperium Constantinopolitanum, quo, ut jam diximus, per quinquaginta septem annos, tres menses, & undecim dies potiti sunt, penitus amiserunt, ita ut *Philippus* filius *Balduini II.* & alii deinceps Latini, qui Imperatores Constantinopolitani appellati sunt, fuerint dumtaxat solo nomine, & titulo tenus Imperatores, ut videre est in *Historia Constantinopolitana sub Francorum Imperio* scriptâ à viro jam laudato clarissimo *Carolo du Fresne*, Domino *du Cange*, cujus studiis & eruditione & Byzantina & Francorum Historia plurimum illustrata est.

D. Expone, quæso, uberius, quibus artibus *Michaël Palæologus* Orientis Imperium, Francis ablatum, restituerit Græcis, & quos successores habuerit?

M. Ut artes detegamus, quas *Michaël Palæologus* Imperator adhibuit, ut Francos Imperio Constantinopolitano privaret, illudque restitueret popularibus suis Græcis, rem altiùs repetere debemus. Captâ à Francis cum Venetis fæderatis  
Urbe



Urbe Constantinopolitanâ anno millesimo ducentesimo quarto , Græcorum Principes , quos Latini ex ea expulerant , varia sibi Regna per ejusdem Imperii Constantinopolitani regiones constituerunt . *Theodorus Lascares* Imperator à Græcis salutatus Imperator anno MCCIV. Niceæ in Bithynia sedem habuit , obiitque anno MCCXXII. Imperii XVIII. Moriens sine mascula prole *Theodorus Lascares* Imperii Græcorum successorem designavit generum suum *Joannem Ducam* , cognomento *Vatacium* , qui , postquàm Imperium auxisset , è vivis sublatus est III. Kalendas Novembris anni MCCLV. Imperii trigesimo tertio . Filium unicum , reliquit *Joannes Ducas* ex *Irene* Augusta priori conjuge susceptum , qui ab avo materno *Theodorus Lascares* appellatus est , & post obitum patris militum populique concursu Imperator acclamatus , ab *Arsenio* Patriarcha Græco Constantinopolitano inauguratus est . Sed anno IV. Imperii sui gravi morbo correptus , ac valetudine à Medicis desperatâ , Monasticum habitum induit , ac multis editis sinceræ pœnitentiæ signis vitam clausit mense Augusto anni MCCLIX. Filium reliquit octo dumtaxat annorum puerum , *Joannem* nomine , quem Imperii legitimum hæredem & annum ætatis decimum agentem *Michaël Palæologus* , post captam , ut jam annotavimus , *Alexii Strategopuli* artibus Constantinopolitanam urbem , indèque expulsos Latinos , igniti crepitaculi objectu excæcavit anno MCCLXI. totumque Orientis Imperium , ejectis Latinis , sibi vindicavit , ac Græcis addixit . Hic est *Michaël* ille *Palæologus* Græcorum Imperator , qui ingruentem sibi cum valido exercitu Carolum Siciliæ

ciliæ Regem extimescens , Romanum Pontificem , sibi conciliandum duxit , adeoque Ecclesiæ Græcæ cum Romana unionem promovendam in Concilio Generali Lugdunensi II. sub *Gregorio X.* Pontifice , Maximo , sicut in Colloquio quarto , agendo de Conciliis , commodiùs ostendemus . Hic breviter observandum est , non solum *Michaëlem Palæologum* , sed etiam alios ejus prædecessores Imperatores Græcos de pangenda Ecclesiæ Græcæ cum Latina pace cogitasse eo solo fine , ut Constantinopolitanum Imperium , quo Latini tum temporis potiebantur , Imperatori Græco restitueretur . Anno siquidem millesimo ducentesimo trigesimo secundo *Germanus II.* Patriarcha Græcus Constantinopolitanus , annuente *Joanne Duca* Græcorum Imperatore , Epistolas ad *Gregorium IX.* Pontificem , Maximum , nec non ad Cardinales ad promovendam utriusque Ecclesiæ unionem Nicæâ scripsit . Româ Nicæam missi sunt ex Fratrum Prædicatorum Ordine duo , totidemque ex Ordine Minorum , qui cum Græcis paciscerentur , habitâque Nymphææ in Bithynia Synodo , cui Patriarchæ Græci Constantinopolitanus , & Antiochenus , interfuerunt , litteras ad instar professionis fidei ad Papam Græci dedere , in quibus , quàm plurimis Patrum sententiis intextis , errorem suum de Spiritu Sancto disertè enuntiarunt , sicque malis artibus Patriarchæ Antiocheni cæptum opus pro votis non cessit . Nihilominus *Joannes Ducas* Græcorum Imperator pro viribus egit , ut pax redintegraretur . Idque testantur litteræ *Alexandri IV.* Pontificis Maximi datæ anno mclvi. ad Episcopum Urbevetanum , quem Pontifex Legatum ad *Theodorum La-*  
*sca-*

*scarim juniorem*, filium *Joannis Ducæ*, Græcorum Imperatorem, misit, in quibus describuntur articuli ineundæ pacis. Sed nequaquàm fœdus sancitum fuit, quia Constantinopolis Imperatori Græco non fuit restituta. Nec feliciorum exitum nactæ sunt aliæ uniones Ecclesiæ Græcæ cum Latina, quæ, Constantinopoli Græcis anno MCCLXI. restitutâ, sub *Michaële Palæologo*, & aliis deinceps Imperatoribus Græcis tentatæ, aut factæ identidem fuerunt, ut ex his, quæ postea dicturi sumus, liquidò patebit.

Sed redeamus ad seriem Imperatorum Græcorum. *Michaël Palæologus*, postquam imperasset annos à capta urbe Constantinopoli viginti duos, obiit die XI. mensis Decembris anni MCCLXXXII. Hæredem Imperii reliquit filium suum *Andronicum*, qui patrem Imperatoria sepultura adeò non honoravit, ut ne plebeja quidem sit dignatus, sicut refert *Nicephorus Gregoras*, idque in odium concordie Ecclesiæ Græcæ cum Latina, quam totis viribus vivens ipsius pater promoverat, & ad mortem usque servaverat. Sed pertinaciæ suæ in promovendo Schismate, & Spiritus Sancti neganda ex Filio processione pœnas, justo Dei judicio dedit *Andronicus* Imperator; quippè qui, mortuo filio suo *Michaële*, nepotem *Andronicum* Imperii designavit hæredem, qui adversus avum rebellans sæpius, tandem, captâ Constantinopoli anno millesimo trecentesimo vigesimo septimo die sacrâ Pentecostes, sicut observat *Cantacuzenus lib. I. cap. 59.* eum Imperiali folio dejecit, in carcerem conjecit, ubi multa toleravit incommoda, & ex morbo oculorum usum amisit. Paulòpost Monasticum induere habi-



habitum coactus est, quem postquam per biennium gestasset, obiit anno MCCCXXXII. in ipsa religiosæ vitæ professione *Antonius* appellatus. Interim Græcorum Imperium miserè lacerabatur à Turcis, quorum irruptionibus oppressus *Andronicus junior*, redintegrandæ cum Romana Ecclesiæ concordiæ pium præ se tulit desiderium. Narrat si quidem *Nicephorus Gregoras lib. 10.* sub *Andronico juniore*, tentatam esse reconciliationem ab Episcopis Latinis duobus, qui Constantinopolim venerant, se verò, Græcos suos, habitâ oratione, quam recitat, deterruisse variis de causis, ac præsertim quòd Romani omnia Sedis suæ arbitrio finire vellent, ac Latini Dialecticis cavillis nimium indulgerent, qui ad dogmata sancienda nocivi essent. Hæc itaque unio Ecclesiæ Græcæ cum Latina, ad quam *Andronicus junior* se propensum demonstrabat, exitu caruit; tum quia Latini Principes Græcis auxilium contra Turcas petentibus suppetias non tulerunt; tum quia etiam id temporis *Palamitarum* hæresis, de qua in tertio Colloquio agemus, Orientalem Ecclesiam invasit. Eâ etenim grassante hæresi, cui plurimum favit *Andronicus junior*, & ex qua robur novum schismati accessit, de unione Ecclesiarum, sancienda parùm cogitabatur, quamvis Imperium Byzantinum in dies collaberetur. Obstitit etiam huic Ecclesiarum unioni diutinum inter Latinos dissidium, quo tres Pontifices Romanam sedem sibi vindicabant. Obiit *Andronicus junior* Græcorum Imperator die xxv. mensis Junii anni MCCCXLI. filiumque novennem *Joannem Palæologum* Imperi. successorem reliquit, cujus tutelam & publicæ rei administrationem suscepit *Joannes Cantacuzenus*,

qui postea Imperii Insignia sumpsit, ob idque à *Joanne* Patriarcha Constantinopolitano anathemate percussus. Sed à *Joanne Cantacuzeno* captâ anno **MCCCXLVII.** Constantinopoli, initum est fœdus inter *Cantacuzenum*, & *Joannem Palæologum*, ut ambo simul imperarent, seque eâ invicem benevolentia complecterentur, quâ patres & filii solent. Ut autem fœdus istud magis confirmaretur, filiam suam *Helenam* Imperatori *Joanni Palæologo* collocavit *Joannes Cantacuzenus*. Hoc sancito fœdere, *Cantacuzenus* Imperator, ut Romanorum Pontificum, & Occidentalium Principum sibi conciliaret amicitias, & auxilia ad frangendum Turcarum impetum ab ipsis impetraret, de Græcorum conjunctione cum Romana Ecclesia instauranda seriò cogitare cæpit. Pium, quod inierat consilium, cum Romanis Pontificibus *Clemente VI.* & *Innocentio VI.* communicavit, Sedis Apostolicę Legatos honorificè excepit, & conditionem proposuit de Concilio celebrando. At consilium suum, cum ad optatum exitum perducere minimè posset, & aliundè ægrè videret, Orientis Imperium intestinis bellis in dies debilitari, tandem rerum humanarum pertæsus, purpuram ac sceptrum cum habitu Monastico, nomenque ipsum *Joannis* cum *Joasaph* nomine commutavit anno **MCCCLV.** Eâ insperatâ *Joannis Cantacuzeni* abdicatione Imperii potentior factus *Joannes Palæologus* Imperator, armis sine mora aggressus est *Matthæum Cantacuzenum*, quem ipsius pater *Joannes Cantacuzenus* Imperatorem renunciaverat, eoque Philippis capto, & in ordinem redactò, solus, domito æmulo, Imperium obtinuit. Romam, ut Latinorum auxilium contra Turcas imploraret,

annu

anno MCCCLXIX. accessit, ubi, ex præscripta à Summo Pontifice *Urbano V.* Formulâ, Romanæ Ecclesiæ fidem professus est. Professionem ipsius apud *Odoricum Raynaldum* legere est ad an. MCCCLXIX. Incertum est quo anno mortuus sit *Joannes Palæologus* Imperator. Mortis ejus tēpus à *Petavio* refertur ad an. MCCCLXXXIV. à *Bulialdo* consignatur an. MCCCXCI. Sed, si quod in Græcorum Imperatorum catalogo, qui *Codino* de Originibus Constantinopolitanis subjungitur, verum est, *Joannem* videlicet *Palæologum* imperasse an. XLI. eum excessisse oportet anno MCCCLXXXII. cum *Andronicus* ejus pater, ut mox diximus, obierit die xxv. mensis Junii anni MCCCXLI. Verum, cum annus millesimus quadringentesimus vigesimus secundus fuerit Imperii *Manuelis* filii *Joannis Palæologi* trigessimus secundus, teste *Joanne Canano* illius ætatis scriptore, hinc sanè *Bulialdi* firmatur calculus, conficiturq; *Joannem Palæologum* imperasse annos ferè LII. & è vita migrasse an. MCCCXCI. *Joannem Palæologum* excepit in Imperio Orientis *Manuel Palæologus* ejus filius natus minor, in quem pater magis propensus fuit, quàm in *Andronicum*, suum primogenitum, tum quia *Manuel* obsidem sese dederat pro patre, qui captivus à Venetis detinebatur ob magnam pecuniæ summam à fœneratoribus acceptam, cui solvendæ par non erat; tum quia etiam *Andronicus* primogenitus Genuensium fultus auxiliis conjuraverat in patrem, qui, eâ conjuratione detectâ, *Andronicum* filium suum primogenitum excæcari, & in carcerem detrudi jussit. Ad Imperium itaque evehctus *Manuel*, cum à Turcarum Principe *Bajazethe* immani bello lacefferetur, ac undique premeretur, totam ferè peragravit Europam, ut auxiliares copias, præfer-



tim à Francorum , Anglorumque Regibus elicere posset , sed turbę Anglicę , & *Caroli VI.* Galliarum Regis morbus frequens in causa fuerunt , cur nulum itineris fructum reportarit . Obiit *Manuel Græcorum Imperator* ex Apoplexia die *xxi.* mensis Junii anni *mccccxxv.* cùm biduo ante Monachi habitum induisset , *Matthæi* sumpto nomine . Imperavit annos circiter *xxxv.* cùm *Joannes Palæologus* ejus pater obierit, sicut mox insinuavimus , anno Christi *mcccxc.* vel sequenti *mcccxc.* à quo ad annum usque *mccccxxv.* intercedunt anni *xxxv.* Hi sunt Imperatores Byzantini cùm Latini , tum Græci , qui sæculis *xiii.* & *xiv.* summâ rerum in Oriente potiti sunt , & quorum Genealogias , seu Familias, legere poteris apud *Carolum du Fresne* dominum *du Cangium* , qui eas accuratè descripsit .

D. Quis est iste *Bajazethes* , à quo , ut mox observasti, immani bello impetitus & penè oppressus fuit *Manuel Palæologus* Græcorum Imperator ?

M. Antequàm exponam , quis fuerit iste *Bajazethes* , sedulò observare debes , Turcicam gentem , de cujus origine non una est Scriptorum sententia , magni Imperii in Oriente anno millesimo ducentesimo nonagesimo octavo , Auctore *Othomano* , jecisse fundamenta . Is quippè *Othomanus* , sive *Osman* , filius *Orthogulis* , animo & corpore præcellens , ex *Sogutha* Mysiæ vico oriundus erat , in Asiam cum gentilibus suis infudit sese , rem Turcicam incredibilitèr auxit , plurimas subegit urbes , ac Prusæ Mysiæ urbi opibus florenti , magnâ obsidione expugnatæ , sedem Imperii, quod ab ipso *Othomanum* dictum est , anno *mccxcviii.* constituit . Obiit *Othomanus* , primus Turcarum Imperator ,

anno MCCCXXVI. Ei in Imperium successit *Urchanes* illius filius, qui Mysiam, ac Lydiam universam ditioni suæ subiecit, Nicæam expugnavit, Lycaoniam, Phrygiam, Cariam, cæteraque ad Hellespontum, & Euxinum usque in suam potestatem redegit, dum *Joannes Cantacuzenus*, & *Joannes Palæologus* Græcorum Imperatores inter se odiis & armis certantes, novis Turcarum victoriis atque incrementis locum dederunt. Mortuus est *Urchanes*, secundus Turcarum Imperator, anno Christi MCCCLVII. Imperii trigesimo secundo. *Urchanem* in Imperio Othomano excepit ejus filius *Amurathes*,cujus frater *Solimanus* natu major inter venandum ex equo lapsus, humique allisus, jam è vitamigraverat. Musulmanicæ superstitioni addictissimus fuit *Amurathes*, utpote qui Templâ, Schollas, Xenodochia Religiosis Turcis ac pauperibus extruxit. Bellicâ etiam virtute insignem sese prodidit. Callipolim, Adrianopolim, ac circumjectas Provincias occupavit, Triballos ac Mysios domuit, & bellis triginta septem in Asia & Europa, partim contra Christianos, partim contra rebelles suos confectis, nullo victus succubuit, sed semper sibi arridentem fortunam expertus est. Excessit è vivis *Amurathes* anno Christi MCCCXC. postquam, juxtâ Annales Turcicos, imperasset annis triginta duobus. Filium reliquit *Amurathes* Imperii Othomani hæredem *Bajazethem*, qui in Annalibus Turcicis *Gilderun*, idest, *Fulmen*, cognominatur. Hic ille est *Bajazethes*, qui, ut mox dicebamus, Græciæ, vicinisque regionibus armorum terrorem inferens, *Manuelem Palæologum* Græcorum Imperatorem ad extremas redegit angustias,

& Græcorum Imperium miserum in modum laceravit. Othomanum Imperium longè latèque propagavit *Bajazethes*. Thessaliam, Macedoniam, Phocidem, Atticam, Mysiam, Bulgariam, & Valachiam Turcicæ ditionis fecit, Constantinopolim verò pluribus obsedit annis, quam tamen obsidionem solvere coactus est, ut contra *Sigismundum* Hungariæ Regem Nicopoli cum exercitu imminentem procederet, & cum illo committeret prælium, in quo *Sigismundum* Hungariæ Regem magnâ clade affectum fuisse ex Turcarum Historiis *Leunclavius* narrat. Tot victoriis ac secundis rebus elatum *Bajazethem* debitâ pænâ castigavit Deus præpotens scelerum ultor. A' *Tamerlane* quippe, qui cum ingenti Tartarorum, Persarumque exercitu in Asiam irruptionem fecerat, victus captusque *Bajazethes*, caveâ ferreâ inclusus, feræ instar, ad ludibrium circumductus est, & scabelli loco adhibitus, quotiès equitandum aut ex equo *Tamerlani* victori desiliendum erat. Eâ animi ægritudine doloreque confectus *Bajazethes*, vir post homines natos superbissimus, ac ferocissimus, mortem sibi met ipsi conscivit, caput suum allidendo caveæ ferreæ, quâ tenebatur inclusus. Periit autem anno mcccciii. cùm annos quatuordecim imperasset. Si plura de exordio Imperii Othomani, & de Turcarum Imperatoribus, qui decimo quarto Ecclesiæ sæculo præfuerunt Imperio Othomano, scire desideres, ieges Annales Turcicos, *Leonicum Chalcondilam*, & *Phranzem*, qui de rebus Turcicis scripserunt, quibus adde *Leunclavium* in pandectis Historiæ Turcicæ, & in Historia Musulmanorum.

D. Ab Imperio Orientali, quod satis hætenus,



nus perluſtravimus, transferamus nos ad Imperium Occidentale, quod ſub finem Colloquii primi in Hiſtoriam XII. ſæculi obſervasti, haud parùm turbatum fuisse à duobus illud prehensantibus, Electorumque ſuffragiis in eoſdem diſtractis poſt mortem *Henrici VI.* Imperat. quæ accidit anno MCXCVII. Hi erant *Philippus* Sueviæ Dux, *Henrici VI.* Imperatoris germanus frater, & *Otto* Saxoniz Dux, quorum primus, ſeu *Philippus* electus Imperator, dùm in cubiculo poſt venæ ſectionem cubaret, à quodam Palatino perfidiſe caſus eſt Bambergæ anno MCCVIII. *Otto* verò, ſublato ſuo competitore, ſolus Imperio potitus eſt, ut ibidem annotaſti. Cùm igitur ad *Ottonem* inter Imperatores Occidentis huius nominis IV. pervenerimus, obſecro te ut illius geſta, ac ſeriem aliorum, qui ſæculis XIII. & XIV. ei in Imperio Occidentis ſucceſſerunt, in præſentia deſcribendi munus ſuſcipias.

M. *Otto* huius nominis IV. filius *Henrici Leonis* Bavariz ac Saxoniz Ducis, contra *Philippum* Sueviæ Ducem & *Henrici VI.* Imperatoris fratrem, electus Imperator, eodem mortuo an. MCCVIII. tenuit Imperium, & ſequenti anno, poſtquàm Sedi Apoſtolicæ Sacramento obſtrictus, Eccleſiæ jura confirmaveſſet, Imperii coronam accepit ab *Innocentio III.* Pontifice Maximo. Promiſſis non ſtetit *Otto* Imperator, eumque jura ac ditionem Eccleſiæ invadentem Pontifex per legatos admonuit, ut ab incepto deſiſteret, ſed cùm morem gerere pertinaciter detrectaret, anathemate percuſſus eſt, ejuſque ſubditi Sacramento fidelitatis ſoluti. Quò factum eſt, ut plures è Germaniz procereſ ab eo alienati *Fridericum II.* filium *Henrici VI.* Imperatorem ſalutaverint, quem ſociis

armis fovit etiam *Philippus Augustus* Galliarum Rex . Cum his *Otto* congressus ad Bovinas propè Tornacum anno MCCXIV. ingenti suorum cæde victus est , sensimque ab omnibus destitutus in Saxoniam fugit Imperio privatus, obiitque, datis Christianæ pænitiæ non dubiis argumentis , anno MCCXVIII. cùm Imperium ab obitu *Philippi* per annos circitèr sex tenuisset . Exauctorato , *Ottone* , ejusque exercitu , ut jam diximus , profligato penitus anno MCCXIV. *Fridericus II.* Imperium solus obtinuit , & ab *Honorio III.* Pontifice Maximo Imperator coronatus est anno MCCXX. Post solemnem suæ inaugurationis pompam aureos montes pro tuenda Ecclesiæ dignitate pollicitus est , legesque tulit de exterminandis Hæreticis , de testamentis Cruce signatorum fulciendis , & agricolis ab injuriis vindicandis , ut apud *Goldastum in constitutionibus Imperialibus* legere est . Quin, & Crucis signum ad Hierosolymitanam expeditionem ex manu *Hugolini* Cardinalis Hostiensis accepit, seque ad profectiorem maturandam totum è nutu Summi Pontificis pendere juravit, sed fidem fefellit . Ea quipè arma , quæ ad expugnandos Saracenos , ut primùm Imperium iniit , capturum voto ac juramento sese obstrinxerat, ad infestandam Ecclesiam impiè convertit, atque Romanos Pontifices diù divexavit , à quibus vicissim , cùm esset in impietate, pertinax , quinquies fuit anathemate percussus . Primò ab *Honorio III.* quòd Episcopos quosdam injustè exagitasset, ac sedibus expulisset . Secundò, à *Gregorio IX.* anathemate confixus est, quòd expeditionem in Palæstinam , quam pollicitus fuerat, fictè ac simulatè suscipiens , turpe, & rei Christianæ

na exitiosum fœdus cum Sultano Babylonæ inivisset, & Hierosolymitanâ peregrinatione ad solam ostentationem perfunctus cum maximo dedecore rediisset. Tertiò ab eodem Summo Pontifice excommunicationis fulmine perstrictus est, quòd Lombardiam, aliasque Italiæ Regiones immanissimis stragibus devastaret, incenderet, ac deformeret; Quòd Ecclesiæ ditiones invaderet, Cardinales, Episcopos, Abbates Romam ad Concilium ab eodem Pontifice indictum euntes interciperet, captivosque detineret; quòd Ecclesiæ libertatem opprimeret, Ecclesiasticis viris molestiam crearet, & priora scelera novis criminibus cumlaret. Quartò, novo anathemate ab *Innocentio IV.* constrictus est, quòd in impietate sua adhuc perseverans, bona Ecclesiæ sibi usurparet. Denique, ab eodem Summo Pontifice in Concilio Generali Lugdunensi I. anno mccxlv. celebrato non solum excommunicationis fulmine percussus est, sed etiam, ceu indignus, Imperio dejectus, sicut uberius explicabimus in Colloquio quarto, ubi agemus de Conciliis. Ex hac exauctorationis sententia in ipsum ab *Innocentio IV.* in Concilio Lugdunensi prolata, furibundus evasit *Fridericus II.* nedum resipuit; arma corripuit, gravissimaque damna Pontifici, & Ecclesiæ intulit, quæ illius temporis Historici commemorant. Parmam per menses omninò septem obsidione cinxit, à qua ingenti clade repulsus in Siciliam se recepit, obiitque anno mcll. in Arce quadam Apuliæ, quæ *Florentina* dicebatur. Quo autem morbi genere extinctus fuerit, non convenit inter Historicos. Alii quippè volunt, *Fridericum II.* à *Manfredo*, quem ex concubina genuerat, fuisse

sus.



suffocatum. Alii asserunt, eum gravi morbo correptum, vel ex veneno sibi propinato interiisse. Incertum itidem est, an *Fridericus II.* moriens, ad meliorem frugem se receperit? Sunt nonnulli Scriptores, qui tradunt, eum nihil unquam de odio in Romanos Pontifices, & pervicaciâ remisisse, adeoque excômmunicatum, & impenitentem ex hac vita migrasse. Non desunt tamen alii Scriptores, quos inter censetur *Matthæus Parisius*, qui restantur, *Fridericum II.* antequàm moreretur, edidisse pænitentiae signa, & ab Archiepiscopo Panormitano fuisse absolutum.

Post exauctorationem *Friderici II.* fluctuavit Imperium Occidentale nulli securè innixum, &, juxta probabiliorum eruditorum Scriptorum sententiam, contigit Interregnum ab anno MCCXLV. quo *Fridericus II.* ab *Innocentio IV.* Pontifice Maximo in Concilio Generali Lugdunensi I. Imperio abdicatus est, usque ad annum MCCLXXIII. quo *Rodolphus* Comes Habsburgensis fuit Imperator electus. Fuerunt quidem nonnulli ab anno MCCXLV. usque ad annum MCCLXXIII. electi Imperatores, videlicet *Henricus* Thuringiae, & Hassiae Landgravius, *Guillelmus* Brabantiae, sive Hollandiae Comes, *Richardus* Cornubiae Comes, *Henrici III.* Angliae Regis frater, & *Alphonsus* Castellae Rex *Ferdinandus III.* Hispaniarum Regis filius; verùm hi Principes Imperium dumtaxat degustarunt, & à multis Scriptoribus Imperatorum Occidentis Catalogo non accensentur. Quapropter de illis pauca dicemus, eorumque electionis, ac mortis tempus indicare sat superque sufficiet. *Henricus* Thuringiae, & Hassiae Landgravius, exauctorato *Friderico*, electus est eodem

eodem anno MCCXLV. Imperator apud Herbipolim. Movit contra ipsum *Conradus*, quem *Fridericus II.* ejus pater Regem Romanorum anno MCCXXXIV. eligi curaverat, cujus electionis Acta edidit *Baluzius* tomo I. *Miscellaneorum* pag. 472. In prælio victus fugatusq; fuit *Conradus*, ac victor remansit *Henricus*, qui tamen dum *Ulmā* obsidet, sagittâ ictus, indèq; reversus obiit ex vulnere anno MCCXLVII. ab electione sua secundo. Mortuo *Henrico* Septemviralibus Comitibus suffectus est *Guillelmus* Brabantia seu Hollandia Comes, contra quem *Conradus* à patre suo *Friderico II.* missus, grandi repulsus clade fugit ad patrem, ut ejus furorem augetet & ignominiam; *Guillelmus* verò electus Imperator Aquisgranum expugnavit, & in ea urbe ritu solemni coronatus est. Contra Frisios rebelles fortiter pugnans *Guillelmus* in glaciem incidit sub equo subsidentem, è qua cum subilire haud posset, jaculis ac contis à nescio quibus confossus periit ann. MCCLVII. Post *Guillelmi* obitum Principes Electores, varia in studia distracti, duos creavere Cæsares, *Richardum* scilicet Cornubiæ Comitem, *Henrici III.* Angliæ Regis fratrem, & *Alphonsum* Castellæ Regem, *Ferdinandi III.* Hispaniarum Regis filium. Utriusque electio coram Summis Pontificibus *Alexandro IV.* *Urbano IV.* & *Clemente IV.* cum diu disceptata fuisset, *Richardus* parum firmè se in Imperio consistere posse cernens, in Angliam rediit; *Alphonsum* verò, Princeps excelsi ingenii & eximiæ literaturæ, dictusque cognomento *Sapiens*, cum undique imminetia bella conspiceret, consiliis *Gregorii X.* Summi Pontificis permotus, spontè cessit Imperio, & in Hispaniam suam se recepit. Vacuum itaque cum

utrius-

utriusque electi Cæsaris cessione relictum esset Germaniæ Imperium, *Gregorius X.* Comitia indixit, in quibus *Rodolphus* Comes Habspurgenfis electus est Imperator pridie Kalendas Octobris anni MCCLXXIII. Vir iustitiâ, religione, & bellicâ virtute Imperio non impar, quique, sicut Scriptores non obscuri tradunt, pietate suâ diuturnum, sibi, suisq; posteris asseruit Imperium ob honorem exhibitum Sanctissimo Eucharistiæ Sacramento, dum in venatione & tempore pluvio occurrens Sacerdoti illud lubrico & difficili itinere ad infirmum deferenti, è vestigio equum, cui infidebat, dedit, pedesque equitem maximâ religione deduxit ad ægrum, ac in Ecclesiam reduxit, eique religiosa quædam fœmina amplissimum honorem à Deo in remunerationem tam pii facinoris augurata est, sicut latè refert & probat *Serarius* libro 5. *Rerum Moguntinarum*. Aliud post suam ad Imperium electionem, insigne pietatis argumentum dedit idem *Rodolphus*. Nam cum fidelitatis Sacramentum ei recusarent Electores, quòd Sceptrum Imperii non adesset, acceptâ ille Cruce ait: *Ecce signum, in quo nos & totus Mundus est redemptus: & hoc signo utamur loco sceptri*, eamque mox deosculatus, cæteros, ut idem facerent invitavit, & fidelitatis Sacramento sibi obstrinxit, sicut referunt *Stero*, & *Eberardus* Authores coævi. Plura in Germania bella gessit *Rodolphus*, in quibus, virtute summâ & felicitate, suffragantibus, tot ferè victorias retulit, quot præmia commisit. *Othocarum* ipsi parère detrectantem armis ad officium revocavit, sed reparatis viribus post veniam adhuc insolescentem acie superavit, in qua *Othocarus* ipse à gregario quodam milite perem-



peremptus est . Hujus victoriæ præmium *Rodolphus* tulit Austriam, quæ *Alberto* ejusdem *Rodulphi* Imperatoris filio concessa , Augustæ Austriacæ familiæ Imperatorum feracissimæ in posteris nomen & originem dedit . Alia insuper bella gessit cum Helvetiis & Burgundis, quæ ipsi feliciter cesserunt. Obiit *Rodolphus* Imperator anno Christi mcccxi. pridie Kalend. Octobris , anno ætatis suæ lxxiii. Imperii verò xviii. *Rodolphum* excepit *Adolphus* Nassaviæ Comes, qui avaritiâ , crudelitate , & libidine infectus Imperium extenuavit , discordias & bella nutrit, populos tributis insolitis oppressit , odium procerum sibi conflavit , præsertim ex passionem, quam cum *Eduardo* Anglorum Rege fecit , ei videlicet suppetias ferendi contra *Philippum Pulchrum* Francorum Regem , prius ab eodem *Eduardo* acceptâ summâ triginta millium marcarum. Electoribus igitur eum indignum Imperio judicantibus , in ejus locum suffectus est *Albertus* Austriæ Dux , *Rodulphi* Imperatoris filius, contra quem *Adolphus* Imperio dejectus bellum movens, commissâ acerrimâ pugnâ per sex horas in campo dicto *Burgentrich* propè Wormatiam, victus est, & ab eodem *Alberto* vulneratus cecidit in prælio anno mcccxviii. Post *Adolphi* necem , *Albertus* electionem suâ à Septemviris ratam haberi curavit, eamque *Bonifacius VIII.* anno mcccii. approbavit, sicut Colmariense Chronicon testatur . Nonnulla bella in Germania gessit *Albertus* Imperator , nimirum contra Electores, Trevirenses, Moguntinum, Coloniensem, & *Rodolphum* Palatinum, qui foedus contra ipsum inierant, eosdemque represit . Pugnavit etiam contra *Ottomem* Baviaræ Ducem , qui *Salisburgensis* Episcopi

arti-

artibus adjutus Hungariæ Regnum affe&abat, tum-  
 que *Alberto* Imperatori venenum ab Episcopo Sa-  
 lisburgensi propinatum est, quod dum arte medicâ  
 evomere conatur, oculum amisit, indeque *Monocu-*  
*lus* cognominatus. Movit etiam *Albertus* in *Hen-*  
*ricum* Carinthiæ Ducem, ut Bohemiæ regnum re-  
 cuperaret, quod ille, Imperatore inscio, sibi usur-  
 paverat; sed factâ suorum conspiratione, à Princi-  
 pe *Joanne*, fratris sui filio, cui Sueviæ Ducatum,  
 tanquam nimis prodigo, abstulerat, pugione ictus  
 nefariè trucidatus est Kalendis Maji anni millesi-  
 mi trecentissimi octavi, Imperii decimi. *Alberto*  
 è vivis sublato, post varia Electorum dissidia, quo-  
 rum suffragia distrahebantur à *Philippo Pulchro*  
 Galliarum Rege, qui *Henrico Valesio* fratri suo Im-  
 perium aucupabatur, tandem electus est anno  
 mcccviii. Imperator *Henricus VII.* Comitis Lut-  
 zemburgensis, & *Beatricis* Hannoniæ Comitissæ fi-  
 lius, qui in Italiam anno mcccx. cum numerofo  
 exercitu veniens, Mediolani coronâ ferreâ ab Ar-  
 chiepiscopo redimitus est. Deindè, quasdam Ita-  
 liæ civitates, quæ Imperii jugum excusserant, sube-  
 git, alias in deditionem accepit, & Romam ingres-  
 sus anno mcccxii. à Cardinalibus, quibus Summus  
 Pontifex *Clemens V.* qui tunc temporis in Galliis,  
 seu Avenione Sedem habebat, hanc provinciam  
 demandaverat, solemni ritu inaugurâtus est. Bel-  
 lum gessit cum Florentinis, & cum *Roberto* Siciliæ  
 & Apuliæ Rege, qui eis favebat; sed in medio re-  
 rum cursu sublatus est apud Bonconventum, qui  
 pagus est duodecim millibus Senis in Etruria di-  
 stans, anno millesimo trecentesimo decimotertio,  
 Imperii ab electione quinto, à Romana verò coro-

atione anno secundo per mensem unum & dies vintiquatuor inchoato, sicut *Jordanus* coævus Scriitor testatur. Nonnulli Historici falso rumore decepti tradunt, *Henricum VII.* Imperatorem obiisse & veneno ipsi porrecto in particula Sanctissimę Eucharistię manu *Bernardi Politiani* Ordinis Prædicatorum, qui Imperatori erat à Confessionibus, & quod ipsum auctoritate, & gratiâ plurimum poterat. Sed hanc esse Sanctissimo Ordini & de Ecclesia benemerito afflictam calumniam multis momentis evinci potest. Primò, quia multi Scriptores, nos inter censetur *Albertinus Mussatus*, coævus auctor, disertè asserit, *Henricum VII.* Imperatorem naturali morte occubuisse. Continuator etiam *Guillelmi Nangii*, qui tum vivebat, ad an. mcccxiii. tribit, *Henricum VII.* morbo & febre ex hac vita excessisse, veneni autem propinationem ad vagos incertos rumores refert; idemque faciunt *Platinus* in *Vitis Pontificum* in *Clemente V.* & *Joannes auclerus*, Præpositus *Tubingensis*, qui solum rumorem veneni *Henrico VII.* Imperatori propinati stem proferunt. Secundò, si *Henricus VII.* veneno periisset, omni proculdubio signa veneni in cavere apparuissent, & tamen constat, Medicos post mortem Imperatoris accersitos, dissecto ipsius cavere, viscera, cor, jecur, partesque singulas diligenter inspexisse, nec veneno, sed naturali morbo obiisse *Henricum VII.* Imperatorem testatos fuisse, litteris & instrumentis publicis, quæ in *Chronicis Jacobi Susati* extant. Tertiò, si *Bernardus Politianus* tam nefandum scelus perpetrasset, debuisset post mortem *Henrici* Imperatoris, ut vitæ suæ consulere, ad *Florentinos*, aut ad *Robertum Siciliae Regem*

Hen-



*Henrici* Imperatoris hostes fugere, non fugit tamen, sed sibi benè conscius mansit apud *Henrici* Imperatoris amicos, calumniam à malevolis disseminatam intrepido excepit animo, certò certius habens, eam facile dissipatum iri, sicut reverà dissipata est, tum *Clementis V.* Pontificis Maximi sententiâ, tum iudicio ac testimonio Principum Imperii, & præsertim *Joannis* Bohemiæ Regis, ipsius *Henrici* Imperatoris filii Diplomate, quod, ex veteri membrana authentica in Conventu Viridunensi FF. Prædicatorum asservatâ, publicavit Vir doctissimus *Stephanus Baluzius* lib. 1. *Miscellaneorum* pagina 162. tum denique ex singulari illo affectu, quo *Carolus IV.* Imperator, *Joannis* Bohemiæ Regis filius, & *Henrici* Imperatoris nepos, Ordinem Fratrum Prædicatorum semper complexus est. Ille quippè à Magistro Generali ejusdem Ordinis obtinuit, ut Pragæ, quæ Bohemiæ Metropolis est ac Regia Civitas, Comitia generalia celebrarentur. Die sancto Pentecostes Eucharistiam in solemnissimo Sacro de manu Magistri Generalis accepit cum Imperatrice; Diplomata aureis sigillis appensis munita, quibus Prædicatorum Ordinem magnis exornabat Privilegiis, concessit; omnes Patres Capitulares Imperiali convivio in Regia excepit, multisque affecit honoribus. Credibile autem non est *Joannem* Bohemiæ Regem, & *Henrici VII.* Imperatoris filium, speciale Diploma ad vindicandam Fratrum Prædicatorum innocentiam concedere, ejusque filium *Carolum IV.* Imperatorem, & *Henrici VII.* Imperatoris nepotem, tot beneficiis & privilegiis Ordinem Prædicatorum donare voluisse, si *Bernardus Politianus* ejusdem Ordinis *Henrico VII.* Imperato-

ri Hostiam veneno illitam porrexisset. Quartò, præter hæc antiqua & integerrimæ fidei monumenta, *Nicolaus Serarius* Societ. Jesu, vir doctissimus, libro 5. *Rerum Moguntinarum* duos laudat Auctores *Trithemium*, & *Conradum Vecerium* Scriptorem Vitæ *Henrici VII.* qui hoc execrabile facinus à *Bernardo Politiano* Dominicano amoliuntur, & ad ejus tuendam innocentiam multa proferunt argumenta; quibus Scriptoribus duos magni nominis adjungam Auctores, videlicet *Henricum Spondanum* Appamiarum Episcopum, & *Odoricum Raynaldum* Congregationis Oratorii Presbyterum, quorum primus in Annalibus Ecclesiasticis ad an. mcccxiii. Num. vi. ab hac putida & immani calumnia Dominicanum Ordinem egregiè vindicat, & locupletissimis testimoniis probat, *Henricum VII.* Imperatorem morte naturali obiisse, ejusque infirmitatem coepisse ab apostemate in coxa, & inde venisse in febrem, ex qua decesserit decima post die. Alter verò, seu *Odoricus Raynaldus* in Annalibus Ecclesiasticis ad annum mcccxiii. Num. xiv. ait, ejusmodi calumniam perperam Ordini Prædicatorum impositam, & à pietatis osoribus confictam, eâdem facilitate refelli, quâ objicitur, cum levi recentiorum auctoritate nitatur, & veteres Historici morbo naturali *Henricum VII.* Imperatorem extinctum fuisse affirmant. Non me fugit, quosdam scripturuisse, ob sacrilegum & parricidiale *Bernardi Politiani* facinus Prædicatores omnes à Romano Pontifice hac pœna fuisse mulctatos, ut Sacrum facientes manu sinistrâ Corpus Christi sumant. Sed hoc purum, putumque commentum esse evincam in Colloquio sexto, ubi agendo de Monastica disciplina, quæ Sa-

culo Ecclesiæ decimoquarto viguit, ostendam, hunc ritum, quem etiamnum Dominicani Sacris operantes observant, ab ipso Ordinis exordio invaluisse.

D. Redeamus, quæso, ad seriem Imperatorum, qui sæculo decimoquarto post *Henricum VII.* summâ rerum in Imperio Occidentis potiti sunt.

M. Mortuo *Henrico VII.* Imperatore, die *S. Bartholomæo* Sacrâ anni *MCCCXIII.* extitit Interregnum mensium quatuordecim, & divisis bifariâ Principibus, alii *Ludovicum* Bavarix Ducem, alii *Fredericum Austriacum* Imperatorem designarunt. Potior fuit *Ludovici* Bavarix Ducis electio, ad quam Electores omninò quinque conspirarunt, *Petrus* Moguntinus, & *Balduinus* Trevirensis, Archiepiscopi, *Joannes* Bohemix & Poloniæ Rex, *Waldemar* Marchio Brandeburgensis, & *Joannes* Dux Saxonix. Electio verò *Frederici Austriaci* duobus dumtaxat Electoribus probata est, videlicet *Henrico* Archiepiscopo Coloniensi, & *Rudolpho* Comiti Palatino, qui ad Comititia vocati eis interesse noluerunt, & *Fredericum* extra locum & diem constitutam Imperatorem elegerunt. Ea dissensio Germaniam atroci bello ab anno *MCCCXIV.* usque ad annum *MCCCXXII.* distinuit, sed post multa prælia, *Fredericus*, commissâ in Bavaria cum *Ludovico* pugnâ, ab eo victus & captus est, atque triennio apud victorem stetit in vinculis, inde anno *MCCCXXV.* dimissus est, eâ lege, ut Austriâ suâ penitus contentus, omni jure ad Imperium cederet, omni ambitui renunciaret, omnia instrumenta & literas, quibus sua fulciri poterat electio, in *Ludovici* manus deponeret, & quæcumque ipse, ejusque fratres de



Imperio tenebant, *Ludovico* restituerent. Litteras  
hanc acis ex Archivis Serenissimorum Bavariæ Ducum  
descripsit *Herwartus* tomo 1. pag. 328. Sic semoto  
in ordinem redacto *Frederico*, Imperii æmulo,  
*Ludovicus* Bavariæ Dux, Imperium solus obtinuit,  
electus à *Joanne XXI.* quem alii appellant *XXII.* qui  
anno *MCCCXVI.* Summus Pontifex fuit electus,  
inaugurationem & coronationem impetrare haud  
potuit, immò, ipsum monuit Summus ille Pontifex,  
ut sub pœna excommunicationis ipso facto incur-  
rendæ, intra trium mensium spatium ab omni Re-  
gni & Imperii administratione cessaret, nec eam  
ulterius resumeret, nisi post approbationem ejus  
personæ à Sede Apostolica factam. Hujus Pontifi-  
ci mandati gravitate exacerbatus *Ludovicus*, cum  
in sua animi obfirmatione perseveraret, ab eodem  
Summo Pontifice quinto Idus Julii anni *MCCCXIV.*  
declatus est contumax, & omni jure Regni &  
Imperii, si quod sibi ex sua electione competere  
posset, privatus. Huic sententiæ, quam Avenione  
publicatam, alibi etiam per Germaniam, Italiam,  
aliaque Regna promulgandam Prælati direxit  
*Joannes XXI.* parere noluit *Ludovicus*, & excusâ  
factâ, quæ debetur Sedi Apostolicæ reverentiâ, ausus  
est Epistolam publicare virulento calamo exarâ-  
tam, quâ *Joannem XXI.* uti injustum innocentium  
persecutorem, Clavium subversorem, Ecclesiæ legum  
contemnatorem, denique incorrigibilem & hæreticum  
notorium impetiit, & universo Orbi declaravit.  
Posthæc, invitantibus Gibellinis, Italiam ingressus,  
abitis Tridenti Comitibus, iterum *Joannem XXI.*  
exdecim contra ipsum oppositis articulis, hæreti-  
cum palam denunciavit, eum non jam Pontificem,

fed *Presbyterum Joannem* irrisoriè appellans . Indè Mediolanum progressus , Coronâ ferreâ ab Episcopis duobus propter crimina exauctoratis redemptus est . Quæ omnia , ubi rescivit *Joannes XXI.* citavit *Ludovicum* , eumque non comparentem , sed contumacem, velut hæreticum damnavit , & bonis omnibus mobilibus , & immobilibus , ac juribus privatum edixit, Vassallosque ipsius , & quascunque personas ei obstrictas à juramento fidelitatis absolvit , prohibuitque Fidelibus universis ne illi obtemperarent , aut cum illo communicarent . Hanc Pontificis sententiam ex Codice Vaticano descriptam edidit *Odoricus Raynaldus* ad annum, mcccxxvi i. Num. xx. & sequentibus . Eâ Pontificis sententiâ ferocior factus *Ludovicus Bavarus*, cum quatuor millibus Equitum Romam an. mcccxxviii. septimo Januarii die ingressus est , & in Basilica *S. Petri à Sciarra Columna* Imperator coronatus est, & à *Jacobo Alberto* Veneriarum Episcopo inunctus . Tunc longè majora moliens *Ludovicus Bavarus*, die xii. mensis Maji ejusdem an. mcccxxviii. quâ gloriosæ Christi in Cælos Ascensionis celebrabatur solemnitatis, Schismaticis & Apostatis quibusdam Minoritis , cum Abbate Fuldensi , *Nicolao Fabrianensi* , aliisque ejusdem furfuris hominibus cum promiscua plebe congregatis, *Petrum Raynaldum de Corbaria*, Oppido Diocesis Reatinæ , Ordinis Fratrum Minorum , qui Romæ in Conventu *S. Mariæ de Ara Cæli* residebat , Antipapam constituit, ab eoque iterum coronatus est; cum ipsi prius purpureum pileum imposuisset . Sed de hoc Pseudo-Pontifice dicto *Nicolao V.* plura dicemus in sequenti Colloquio . Post mortem *Joannis XXI.* co-

natus

atus est *Benedictus XII.* contumaciam *Ludovici Bavarum*, literis ac Nunciis ad eum missis, frangere, se cuius reconciliatione semel iterumque actum, ab ipsius Pontificatu, confectum nihil. Denique, cum *Ludovicus Bavarus* se infestum semper & inimicum adversus Sedem Apostolicam exhiberet, omnibus concordiae viis Sacerdotium inter & Imperium frustra tentatis, *Clemens VI.* qui *Benedicto XII.* accessit, latam olim in *Ludovicum Bavarum* à *Joanne XXI.* sententiam renovavit, omnique jure ad Imperium, Ducatum & Palatinatum exiit, Principesque Electores convenire jussit, ut alium Germaniae Regem crearent, quem Sedes Apostolica in Imperatorem promoveret, ut videre est apud *Odorinum Raynaldum* ad annum MCCCXLVI. num. III. & IX. ubi *Clementis VI.* eà de re Decretum, litterasque ad Principes Electores directas refert. Mandato pontificis morem gesserunt Principes Electores, qui in Comitibus habitis in Villa *Rhens* Diocesis Trevirensis, quæ supra Confluentiam ad Rhenum sita est, *Carolus IV.* Regem Bohemiae in Romanorum Regem elegerunt anno MCCCXLVI. Obiit verò *Ludovicus Bavarus* anno sequenti, seu MCCCXLVII. non sine suspitione veneni à *Joanna* Austriae Ducis propinati, quod frustra cum vomere tentasset; perans agitatione corporis illud dissolutum iri, veniatum iit, ubi dum vehementius equitando aprum insequitur, subitâ apoplexiâ correptus, lapsu equi obrutus est. Eum Christianae poenitentiae signa didisse, *Cuspinianus*, *Paulus Langius*, alique Authores ab *Herwarto* laudati asserunt, alii verò negant, ut videre est apud *Spondanum* ad annum MCCCXLVII. Id omninò certum est, *Ludovicum Bavarum* nunquam



quam à Summis Pontificibus absolutum fuisse ab excommunicatione , quâ repetitis frequentissimè dirissimis sententiis justè ligatus fuerat atque damnatus .

Mortuo *Ludovico Bavaro* anno MCCCXLVII. *Carolus IV.* filius *Johannis Bohemiæ Regis* , & nepos *Henrici VII.* Imperatoris , qui , ut mox diximus , à Principibus Electoribus anno MCCCXLVI. creatus fuerat Romanorum Rex, aliquos post obitum *Ludovici Bavari* expertus est Imperii æmulos . Bavari siquidem Principes , & hi , qui à partibus eorum , stabant, Imperium *Eduardo Regi Angliæ* detulerunt, sed huic injustum ac plenum periculis honorem recusanti suffecerunt *Fredericum Thuringiæ Landgravium* , *Misniæque Marchionem* , qui oblatum sibi Imperium subire detrectavit . Tertio igitur loco substituerunt *Guntherum* , Comitem *Scurartzburgensem* , qui *Frankfurtum* veniens publicè acclamatus est Imperator , quam tamen dignitatem dumtaxat degustavit . *Carolus* quippè hujus nominis IV. Imperator, corrupto *Fridanko*, Comitis *Guntheri* Medico, operam dedit, ut venenum ipsi propinaretur . Quare intra sex menses *Guntherus*, qui ad electionem suam armis tutandam sese comparabat, sublatus est; *Carolus* verò, incruentâ partâ victoriâ, solus Imperio liberè potitus est, ejusque inauguratione , quæ *Aquisgrani* anno MCCCXLIX. facta est, quievire penitus omnes in Germania excitatæ turbæ . In Italiam venit *Carolus IV.* anno MCCCCLV. ac Romæ die Palchatis coronam Imperii accepit ab *Ægidio Cardinali Pœnitentiario Innocentii VI.* Pontificis Maximi, statimque, juxtâ pacta conventa cum eodem Romano Pontifice , urbe excessit , ac

totâ ditione Pontificiâ. Haud malè Imperium rexit *Carolus IV.* fuitque Princeps æquissimus, in utilitates Ecclesiæ propensissimus, erga sacras reliquias, præsertim Crucem, Lanceam & Clavos, quibus confixus est Christus Dominus, singulari pietate affectus. Ad promovenda litterarum & linguarum studia, quibus erat impensè addictus, *Pragæ* Academiam instituit. Legem dictam *Carolinam*, seu *Bullam auream*, in Comitibus *Nurembergæ* anno *MCCCLVI.* habitis promulgavit, quæ continet triginta Capita, in quibus præscribitur forma, seu modus aut ritus procedendi in celebranda sive Romanorum Regis, sive Imperatoris electione, & determinantur singulorum Electorum numerus, officia, locus, comitatus, jura, aliæque plura in ea statuuntur ad generale Imperii regimen attinentia. *Wenceslaum* filium suum quindecim annorum adolescentem, redemptis magnâ pecuniæ vi septem Principum Electorum suffragiis, Romanorum Regem creavit anno *MCCCLXXVII.* Quo factò haud parvam nomini suo inussit maculam, proditâ propter nimium privatæ suæ familiæ studium Imperii majestate, sicut refert *Aeneas Sylvius*, qui postea Summus Pontifex fuit, dictus *Pius II.* Cap. *xxxiii.* *Historiæ Bohemicæ.* Vitâ functus est *Carolus IV.* anno *MCCCLXXVII.* in Vigilia S. *Andræ*, ut *Albertus Argentinenfis*, & *Trithemius* testantur. *Wenceslaum*, filium natu majorem, Bohemici Regni, Imperiique successorem reliquit. Hic, ut jam diximus, Patris sui *Caroli IV.* artibus ac pecuniâ in Romanorum Regem anno *MCCCLXXVII.* electus, successit eidem in Imperio anno *MCCCLXXVIII.* Princeps corpore, animoque deformis, libidini, crapulæque, iacantatio-

tionibus, ac sævitia, instar *Neronis*, deditissimus nihil gessit memoriâ dignum. Lustralem aquam, dum baptizaretur, lotio resperfit, sicut unus è Græcis Imperatoribus *Constantinus Copronymus*, uti refert *Dubravius*. Imperium pessimè administravit usque ad annum millesimum quadringentesimum. Nam præter mox memorata illa vitia, quibus, instar suis in volutabro, sese fœdavit, Imperii jura, dissipavit, Urbem, Ditionemque Mediolanensem, *Joanni Galeatio* Virtutum Comiti vendidit, ipsumque primi Mediolanensium Ducis titulo insignivit, acceptis ab eodem centum & quinquaginta millibus Florenorum; latrocinia permisit, in Sacerdotes, aliosque viros honestos crudeliter sævit, quorum plures in flumen præcipites egit, igne damnavit, aliisve suppliciis vexavit & peremit. His turpissimis moribus infectus *Wenceslaus* Imperator, in tantum suorum odium & contemptum venit, ut anno millesimo quadringentesimo ab Electoribus fuerit Imperio privatus. Hanc exauctorationis in *Wenceslaum* sententiam à *Joanne* Archiepiscopo Moguntino cæterorum Electorum nomine latam, refert *Odoricus Raynaldus* ad ann. mcccc.num.xiiii. Habes nunc seriem Imperatorum, qui Sæculis XIII. & XIV. Occidentis Imperium gubernarunt, compendiosè quidem, sed accuratè, quantum fieri potuit, descriptam.

D. Tot varios & infaustos rerum eventus, quibus Sæculis XIII. & XIV. Imperium tam Orientis, quàm Occidentis jactatum est, & Ecclesiæ perturbata tranquillitas, dum tacitus mecum perpendo, non possum, ut candidè fatear, quin vehementer indoleam, hisque succenseam Principibus Christi-



ianis, qui æstu ambitionis abrepti turbas excitant, & omnia in Ecclesia suis deque miscuerunt. At expectatio rerum bonarum, quas alii Orbis Christiani Principes iisdem Sæculis pro utilitate, & defensione Ecclesiæ gesserunt, jacentem animum rigit, & inducit in spem, melioremque cogitationem. Ostende igitur, obsecro te, quo loco essent es Ecclesiæ Sæculis XIII. & XIV. sub Christianissimis Galliarum Regibus.

M. Ineunte Sæculo XIII. *Philippus II.* cognomento *Augustus* Galliarum Rex, de quo haud paucum in Colloquio primo in Historiam XII. Ecclesiæ sæculi diximus, annum Regni sui agebat vigesimum, pace initâ ipsum inter & *Joannem*, dictum, in terra Anglorum Regem, lætissimum. Sed breve fuit populorum de pace gaudium. Rex quippe *Joannes* Parisios à *Philippo Augusto* vocatus, ut antiquam Regis Francorum Beneficiarius pro Comitatu Pictaviensi, & Andegavensi, & Aquitanix Ducatu statâ die coram illo se sisteret, responsurus id ea, quæ ei objicere debebat, nec per se, nec per Oratorem comparuit. Quocircâ Rex *Philippus Augustus* bellum redintegravit, & *Joannem* Anglorum Regem inobedientem in ordinem redegit. *Joannes de Sancto Victore* ad annum MCCXXIII. de *Philippo Augusto* non minus de Ecclesia, quàm de Regno Galliarum benè merito hæc scribit, quæ illum plurimum commendant: Hoc anno, inquit, obiit *Philippus Rex Francorum* ab aliquibus *Augustus* cognominatus hujus nominis II. fortunatissimus, qui Regnum Francorum ferè duplo ampliavit. Hic in omnibus Actis felix, Ecclesiarum & Personarum religionum amator & fautor, & specialiter Ecclesiarum.

S. Dio-

*S. Dionysii & Victoris Parisius . De ipso referebat B. Ludovicus ejus ex filio nepos , quòd cùm dictus Philippus Rex reprehenderetur à quodam milite suo Consiliario , quia tot dabat Ecclesiis , & quòd personæ Ecclesiasticæ multa damna ei inferebant , jura videlicet ipsius usurpando , multique mirabantur , quomodo hæc ita pacificè sustinebat , & sub silentio præteribat , respondit: Benè credo id quod dicitis , sed quando cogito Beneficia , quæ Deus mihi contulit , cui ipsi deserviunt , & ad quem pro me preces & pro Regno fundunt , malò hoc pati pro Deo , quàm inter me & Ecclesiam scandalum generare , vel suscitare , & eos , quorum orationes scio mihi profuisse , contra me provocare . In favorem etiam Ecclesiæ constituit , ne Judæi apud se quocumque modo vestimenta Ecclesiastica , vel ornamenta Altaris , vel Cruces , aut libros , ut Missalia & Textus retinerent , & retenta redderentur absque pecunia , & quod dicti Judæi nulli religioso mutuarent pecuniam sine licentia Abbatis sui . In Ecclesia Beata Mariæ Parisiensis quatuor Capellanas constituit pro anima Gaufridi Comitis Britanniae , & etiam pro anima Isabellis Reginae , & multa alia bona , propter quæ Deus contra omnes inimicos suos victorem semper fecit . Nam Normanniam , Pictaviam , Andegaviam , Cenomaniam , Aquitaniæ magnam partem contra Regem Anglorum ( Joannem scilicet dictum Sine terra ) acquisivit . Flandriam , Hannoniam , Bologniæ Comitatum . Sed etiam tantæ benignitatis & liberalitatis fuit , quòd Comitatum Flandriæ , quem Ferrandus justè amiserat , reddidit Margaretae satis juveni , & ejus sorori Joannæ uxori Ferrandi . De laude igitur Philippi Regis dicere possumus , quòd à tempore Caroli Magni non fuit Rex in Francia , qui tot agones habuit pro*

Regno suo gubernando, nec aliquis tot victorias. Fortunatus enim in omnibus fuit, & multas bonas Constitutiones in Regno fecit. Bellum Belgicum omni ex parte secundo Marte confecit *Philippus Augustus*, Imperatore *Ottone*, necnon *Ferrando* Flandriæ, & *Reginaldo* Morinorum Comitibus, numeroſo cum exercitu, ad *Bovinas*, *Tornacum* inter & *Insulam*, iuſto prælio proſtigatis anno MCCXIV. In cuius victoriæ celeberrimæ accepti beneficii monimentum, Abbatiam propè *Silvanectum* erigere decrevit Rex Chriſtianiſſimus, ejuſque votum *Ludovicus VIII.* ejus filius exoluit, & *Victoriæ* nomen Abbatix indidit. Omnium Literatorum amantiſſimum fuiſſe, *Philippum Augustum*, coque regnante, Academiam Pariſienſem multùm floruiſſe oſtendit *Egaſſius Bullaus* tomo 3. *Hiſtoriæ Univerſitatis Pariſienſis* pagina 109. Poſtremò, *Rigordus*, qui *Philippi Auguſti* geſta litteris commendavit, hoc unum in tanto Rege reprehentione dignum fuiſſe teſtatur, quod *Iſemburgim* Reginam uxorem ſuam duriùs habuerit, & ab ea ſexdecim annos & ampliùs diſſenſerit; quam tamen in gratiam recepit anno MCCXXIII. Mortuo *Philippo Auguſto* Galliarum Regi ſucceſſit *Ludovicus VIII.* ejus filius cognomento *Leo*, annum agens ætatis ſuæ trigefimum circiter ſeptimum, qui, vivente adhuc patre ſuo *Philippo Auguſto*, Expeditionem Anglicanam eâ occaſione iuſcepit. Anno MCCXVI. *Innocentius III.* Pontifex Maximus à *Joanne* dicto *Sine terra* Anglorum Rege enixiſſimè rogatus, Barones Angliæ, quòd *Joannem* è Regno Angliæ expellere molirentur, nominatim excommunicavit. Eo Summi Pontificis patrociniò adjutus *Joannes* Anglorum Rex, impunè omnia valtare, diripe-



ripere, ferro, flammisque mandare cœpit, adeòt nunquam tam luctuosa, lugubrisque visa fuerit ullibi rerum facies, quàm in Anglia, cujus miserrimæ cladis hypotiposim exhibet *Matthæus Parisius* ad hunc annum. Rebus in eo positis, Barones Regni Angliæ omnium rerum inopes, nescii quò, aut ad quem confugerent, demùm, missis Legatis, *Ludovicum* filium *Philippi Augusti* Galliarum Regis sibi poposcerunt in Regem, quorum precibus acquiescens *Ludovicus* rescripsit, se quamprimùm auxilio affuturum. Id ubi rescivit Pontifex *Innocentius III.* Legatum misit in Gallias *Wallonem*, seu *Gualonem* *S. Martini* Presbyterum Cardinalem ad *Philippum*, & *Ludovicum* cum litteris deprecatoriis, ne *Joannem* Anglorum Regem jam aliundè satis afflictum magis affligerent. At frustra minis prohibente, Legato, *Ludovicus* propositi tenax exercitum deportavit in Angliam, urbes adventu suo consternatas, aut expugnatas in deditionem accepit, agros depopulatus est, fautoresque *Joannis* Anglorum Regis ubique passim oppressit. Hinc à *Gualone* Summi Pontificis Legato sententiâ excommunicationis perculsus est *Ludovicus*, qui ideò Romam Legatos misit, ut eum apud *Innocentium III.* Pontificem Maximum excusarent; & *Joannem* Angliæ Regem multorum criminum insimularent, præsertim verò, quòd *Arturum* nepotem suum Regni legitimum hæredem jugulasset; sed parùm illi Legati profecerunt. Interim *Ludovicus* longè latèque in Anglia dominabatur, dumque acerrimo animorum æstu utrinque decertaretur, contigit & *Joannem* Anglorum Regem, & *Innocentium III.* Papam mori. *Joannes* Angliæ Regni hæredem reliquit *Henricum*

Primogenitum suum, qui tantum decennis erat, Custodemque, seu Tutorem habuit *Willelmum de Penbroc* Angliæ Marescallum, qui sapientibus consiliis suis Anglorum animos ad obsequium novo Regi præstandum, & Gallos ex Anglia expellendos convertit. Quò factum est, ut *Ludovicus*, concessio Angliæ Regno *Henrico* hujus nominis III. filio *Joannis*, in Galliam regressus sit, gloriam ex animi moderatione non minorem, quam antehac ex bellica fortitudine sibi pepererat. In Gallias reversus *Ludovicus* duas Expeditiones suscepit, unam adversus Anglos in Aquitaniam, ubi *Savaricum Malleonensem* huic Provinciæ Præfectum, & magni in Anglica Aula nominis virum, prælio vicit, & *Rupellam*, quò Angli appellere solebant, in suam potestatem redegit anno MCCXXIV. Alteram Expeditionem anno MCCXXVI. in Albigenes aggressus est, quorum omnia penè Oppida, præter Tolosam, quam pestilentiae metu obsidere noluit, ad deditionem compulit. Sed in citeriorem Galliam ab hac Expeditione rediens dysenteriae morbo correptus, ad *Montempensium* in Arverniam è vita migravit eodem anno MCCXXVI. Princeps fuit castissimus, qui, teste ejus Gestorum Scriptore apud *Duchefnium* tom. 5. nullam, præter uxorem suam, sceminam cognovit unquam, oblatamque sibi virginem eleganti formâ præditam, dum ægrotaret, quâ morbum ex Medicorum consilio depellere posset, constanter recusavit his verbis: *Non ita erit, non enim peccarem mortaliter ullo modo, maluitque mori, quam scædari*, sicut refert *Guillelmus de Podio Laurentii* cap. 25. *Historiæ Albigensum*.

Defuncto *Ludovico VIII.* Galliarum Rege, *Solum*

lium Regale conscendit *Ludovicus IX.* ejus filius annum agens ætatis duodecimum, qui statim Remis inauguratus est. Exordio Principatus sui *Ludovicus IX.* sub tutela matris suæ *Blanchæ* heroici animi & pietatis eximiæ fæminæ, *Philippum* Bologniæ Comitem, *Theobaldum* Campaniæ, aliosque Princeps, qui ægrè ferebant, quòd *Blancha*, genere extera, rerum summâ in Regno potiretur, armis ad obsequium compulit. Dein, sacrum bellum jam à patre suo susceptum contra Albigenes, qui in Ministros, & Ecclesias immaniter grassabantur, instauravit, illudque feliciter confecit an. MCCXXVIII. quo *Raymundus*, filius *Raymundi* senioris Comitis Tolosani, cujus præsidio fulta Albigenium hæresis totam regionem infecerat, ejuratâ Lutetiæ Parisiorum hæresi, filiam suam *Alphonso*, fratri *Ludovici IX.* Galliarum Regis, cum Tolosani Comitatus dote collocavit. Finitâ contra Albigenes sacrâ militiâ, de qua in Colloquio tertio iterum redibit sermo, conditisque sanctissimis legibus ad Hæreseos extirpationem, & ad Ecclesiasticæ restorationem libertatis in Narbonensi, & Arelateni Provincia, gravi, ac periculoso ex morbo recreatus *Ludovicus IX.* Crucis Insigne anno millesimo ducentesimo quadregesimo quarto ab Episcopo Parisiensi accepit, & sacrum bellum in Ægyptum invexit, cujus tota moles in *Damiatam* urbem Ægypti incubuit, quam Saraceni à Francis magna clade affecti ac in fugam compulsi, injecto igne, deseruerunt, eamque, postquam extinctus fuisset ignis, piissimus Rex, nudis pedibus & capite, ingressus est, ejusque Templum à Mahometanæ superstitionis sordibus omnino repurgavit anno MCCXLIX. At, proh dolor!



anno sequenti post atrocissimum prælium Rex *Ludovicus IX.* captus est à Saracenis cum fratribus suis *Alphonso* Pictaviensi, & *Carolo* Andegavensi, nihil tamen clade suâ dejectus, tam fortêm ac mananimum in sua captivitate exhibuit animum, ut, à *abyloniæ* Sultano à suis occiso, *Mammalucchi* deo in Regem eligendo deliberarint, idque reapse præstitissent, nisi Religionis dissimilitudo obstitisset, ut *Joinvillæus* testatur. Redditâ Saracenis *Damia*, Rex in libertatem assertus annos quinque in *Pyria* commoratus est, ubi omnes Regiæ, paritèr & Christianæ virtutis numeros implevit, captivos remittit innumeros, & cōplures Saracenos ad fidem Christianam convertit. Accepto tandem nuncio de morte Reginæ Matris, cui Regni procurationem mandaverat, in *Gallias* rediit anno *mccliv.* *Lucretiam* reversus *Ludovicus IX.* promovendæ publicæ utilitati, atque amplificandæ Religioni totum se dedit. *Justitiam* castè administrari, sanctissimis conditis legibus, iudicibusque integerimis constitutis, non solum curavit Rex optimus, sed etiam subditis suis, maximè pauperibus, juse dicere solitus erat ad *Nemus vincennarum* sub atulæ quercus umbra causas ipsorum audiens. Meminerat quippè, se à Deo Regnum accepisse, non tibi, sed Religionis, ac Subditorum tranquillitati consulere. Hinc ille amplificandę fidei nunquam intermissus ardor, plena animi pietas, plena dignitatis & modestiæ ad pervidenda, quæ Reipublicæ Christianæ rationibus conducebant, prudens sagacitas ad conficienda quæ perviderat, constantia singularis, mens recta, ut nihil veller aliud, nisi quod esset optimum; summa auctoritas, ut quod

quod optimum esse intelligebat, ad optatum exitum id certè perduceret. Hinc summa illa charitas, quâ Ordines Fratrum Prædicatorum, & Minorum complectebatur, quorum Cænobia Parisiis, & in aliis Galliarum Regni civitatibus plurima ejus sumptibus erecta sunt; invictum illud animi robur, quo, pro tuenda gloria Dei, Edicto sanxit, ut blasphemix, pænâ ferri candentis in blasphemantes decretâ, punirentur, luxus in vestibus, conviviisque reprimeretur, publicæ Meretrices ex urbibus & pagis expellerentur, & ludi aleatorii prohiberentur. Sed angustior erat Europa, quàm ut tantam Regis pietatem in se contineret. Iterum in Africam anno MCCLXIX. transmisit S. *Ludovicus* Tunicium expugnaturus, ut indè in Terram Sanctam, sive in Ægyptum transfiret; utrobique Christianos à Saracenorum tyrannide vindicaturus. Votis tamen non respondit exitus ille, cujus explorata spes injecta fuerat. Castra siquidem Christianorum lues invasit, quæ juncta dysenteria Sanctum Regem afflavit. Quare, cum præclara *Philippo* primogenito suo tradidisset documenta quæ Gallicè *Joinvilleus* historiæ suæ inseruit, Latine verò verterunt *Gaufridus de Bello loco*, & *Guillelmus Nangius*, migravit ad Dominum an. MCCLXX. inter Sâctos post mortem à *Bonifacio VIII.* Pontifice Maximo solemni canonizationis ritu adscriptus. Extant adhuc Parisiis, inter cætera alia piæ liberalitatis Sancti *Ludovici* Galliarum Regis perpetua monumenta, Sacrum Sacellum ab ipso fundatum in quo spinea Corona Salvatoris, pars vivificæ Crucis, aliæque Reliquiæ summa cum veneratione asservantur; Et Domus Hospitalis vulgò dicta

*Quindecim viginti*, seu trecentorum cæcorum, quam *Sanctus Ludovicus* confestim post suum ex Syria reditum ad recipiendos & alendos trecentos cæcos excitavit, dotavitque in memoriam trecentorum militum suorum, qui ab Infidelibus crudeliter excæcati fuerunt, dum ipse Terram Sanctam ab eorum manibus eripere conaretur. *S. Ludovico* Galliarum Regi ab hac mortali vita ad Cœlestem, translato successit ejus filius *Philippus III.* dictus *Audax*, qui, pace cum Tunicii Rege certis quibusdam legibus confectâ, in Gallias ex Africa rediit, & Sacra parentis sui *Sancti Ludovici* ossa Parisios ad Sandionysianas Ædes augustissimâ pompâ funebri deferri curavit, eoque pietatis officio perfunctus, Remis ipso die Assumptioni Virginis sacro fuit ab Episcopo Sveshionensi anno MCCLXXI. de more coronatus. Comitatus Tolosani, qui ejus patruî *Alphonfi*, Pictavorum ac Tolosatium Comititis, ex Africa redeuntis morte vacabat, possessionem adiit. Cum *Petro* Aragoniæ Rege acre ac diuturnum bellum gessit *Philippus Audax* Galliarum Rex, cujus originem & causam paucis aperire non abs re erit. *Urbanus IV.* Pontifex Maximus, utriusque Siciliæ Regnum in *Carolum* Andegavorum Comitem, *Sancti Ludovici* fratrem, transtulerat anno MCCLXIII. quod idem jus *Clemens IV.* qui *Urbanus IV.* successit, novo Decreto firmavit. *Carolus* itaque Romæ unâ cum conjugè Rex Siciliæ coronatus *Manfredum* Siciliæ tyrannum, & filium spurium impii *Friderici II.* Imperatoris, sibi cum valido exercitu occurrentem anno MCCLXVI. acie vicit, & occidit, atque biennio post *Conradinum*, ejusdem *Friderici II.* quondam Imperatoris nepotem, Siciliæ



Regnum affectantem ad Fucinum lacum prælio superavit, & in suam potestatem redactum capitis sententiâ damnavit anno MCCLXVIII. Hunc finem, habuit maledicta, ac Sedi Apostolicæ jure merito exosa stirps *Friderici II.* Imperatoris. Adversus *Carolus*, utriusque Siciliæ Regnum legitimè ac pacificè possidentem, *Michaël Palæologus* Græcorum Imperator novo & arcano artificio machinatus est conjurationem. *Petrus* enim Aragonum Regem extimulavit ad Siciliam invadendam, quasi sibi debitam jure uxoris suæ *Constantiæ*, filiæ *Manfredi* Siciliæ olim invasoris. Hæc horrenda conspiratio, quæ ob malas & occultas artes, quibus incepta ac finita est, verè appellari potest *Negotium perambulans in tenebris*, crudelissimum post hominum memoriam habuit exitum. Anno siquidem MCCLXXXII. die xxx. Martii sub campanæ signum, ad Vespertinum Officium convocantis (undè *Sicularum Vesperarum* nomen) per singula insulæ oppida omnes ad unum Galli cujuslibet sexus, ætatis, conditionis, & ordinis ex condicito à Siculis trucidati sunt, *Petro* Aragoniæ Rege cum sua classe in Anchoris rei exitum haud valde procùl expectante. His infaustis auspiciis *Petrus* Aragonum Rex Siciliæ Regnum invasit, quem *Martinus IV.* Pontifex Maximus confestim diris devovit, exauctoravit, ejusque Aragoniæ Regnum *Carolo*, filio *Philippi Audacis* Galliarum Regis, detulit. Hanc Pontificiam Regni Aragonii donationem acceptavit *Philippus Audax*, justumque bellum *Petro* Aragoniæ Regi intulit ob videlicet Gallorum stragem, ejus, ut credebatur, nutu in Siculis Vesperis editam, ob usurpatum Siciliæ Regnum, injuriamque illatam

Romanæ Ecclesiæ & Carolo Regi Siciliæ patruo  
 no. Cum valido itaque exercitu, tot atroces inju-  
 as ulturus, in Aragoniam venit *Philippus Audax*,  
 complures urbes expugnavit, & , commisso præ-  
 o, Aragonii fugere compulsi sunt, *Petrus* verò  
 orum Rex accepto vulnere paulò post obiit. Ex  
 hac bellica expeditione in Gallias rediens *Philippus*  
*Audax*, contracto ex aëris intemperie, & itineris  
 difficultate morbo, Ecclesiæ Sacramentis piè su-  
 ceptis, conditoque Testamento, quod *Lucas Da-*  
*verius* tomo ix. *Spicilegii* pag. 268. refert, supre-  
 mum diem obiit Perpiniani die vi. Octobris anni  
 mcccxxxv. Eum jejuniis, & mirabili ciborum  
 continentia corpus suum macerasse, cilicio lorica  
 super indutum uti solitum fuisse, aliisque Chri-  
 stianis præfulsisse virtutibus asserit *Guillelmus Nan-*  
*us* Monachus San-dionysianus Ordinis Benede-  
 ctini. *Philippo Audaci* successit ejus filius *Philip-*  
*us IV.* qui ob formæ præstantiam, & decentissi-  
 mam totius corporis speciem dictus est *Pulcher*.  
 hic Remis VIII. Idus Januarii anni mcccxxxvi.  
 auguratus, assidua ferè cum Anglis eorumque  
 federatis Belgis bella suscepit. *Eduardum V.* An-  
 glia Regem, qui Normaniam & Aquitaniam in-  
 vaserat, magnâ clade repressit duce *Carolo Valesio*  
 anno mcccxciii. & per eum Aquitaniam recepit.  
*Guidonem* Flandriæ Comitem vicit ad Furnas anno  
 mcccxcv. & non multò post per *Carolum Valesium*,  
 belgas anno mcccxcix. rursùs perdomuit. At tri-  
 mmo necdùm elapso, cum *Jacobus Castilionæus*,  
 belgii regio nomine præfectus, tributorum gra-  
 tate plebem nimium vexaret, Belgæ tam duri ju-  
 ri ferendi impatientes, à *Philippo Pulchro* defecce-

runt , quos ipse ut in ordinem redigeret, validum contraxit exercitum , qui ad Curtracum cum seditionis infelicitè pugnavit anno mcccii. Cæsa, quippè Gallorum viginti millia . Insula , Gandavum , Duacum, Castellum , cæteraque oppida *Guidoni* triumphanti fascès submiserunt , ac portas aperuerunt . Hujus cladis acceptæ ignominiam biennio post delevit *Philippus Pulcher* , ac pristinum belli decus reparavit . Commisso siquidem ad Audomaropolim prælio anno mccciv. quindecim Belgarum millia profligavit , eosque compulit ut pacem cum illo inirent , eâ tamen lege ut suis moribus ac institutis viverent, veterique immunitate fruerentur . Hic fuit belli Flandrici exitus , de quo plura scribunt *Joannes Villanius* , qui tum in Belgio versabatur, continuator *Guillelmi Nangii*, *Paulus Æmilius* , *Nicolaus Gilius*, & *Papirius Massonus*, aliique Francorum Historici . Cum *Bonifacio VIII.* Pontifice Maximo, *Philippo Pulchro* Galliarum Regi negotium fuit ac dissidium acerrimum , cujus originem & causam in sequenti Colloquio , texendo seriem Romanorum Pontificum , commodius referemus . Ordinis Templariorum extinctionem promovisse *Philippum Pulchrum* , eamque à *Clemente V.* Romano Pontifice in Concilio Viennensi obtinuisse , suo loco itidè ostendemus , seu in Colloquio quarto , ubi de Conciliis , quæ sæculis xiii. & xiv. fuerunt celebrata , deditâ operam agemus . Excessit è vita *Philippus Pulcher* apud Fontemblaudi, ubi natus erat, sacramentis Ecclesiæ piè susceptis die xxx. mensis Novemb. ann. mcccxiv. Ejus coniugis *Joannæ* plurimum commendatur liberalitas , quippequæ Parisiis celeberrimum Na-



arræ fundavit Collegium, cujus Foundationis literæ, aliaque ad eam spectantia leguntur in historia  
 jusdem Collegii Navarræ, quam edidit *Joannes*  
*annojus* Sac. Fac. Parisiensis Doctor. Mortuo  
*Philippo Pulchro* Galliarum Regi successit ejus filius  
*Ludovicus X.* cognominatus *Hutinus*, idest, rixosus,  
 & perversus, annos viginti sex natus. Remis inau-  
 guratus bellum suscepit Belgicum, & *Curtracum*  
 obsidione cinxit, quam tamen brevi solvere co-  
 actus, rediit inglorius. Supremum Senatum Lute-  
 riæ in Palatio Regio collocavit, & *Ordinarium*  
 instituit. Veneno sublatu est *Ludovicus X.* die  
 quintâ Junii anni mcccxvi. Regni undevigesimo  
 mense, Reliquit filiam *Joannam* ex priori uxore,  
 & *Clementiam* alteram uxorem suam gravidam.  
 Quare *Philippus* ejus frater, qui ob staturæ proce-  
 ritatem fuit *Longus* appellatus, Parisios veniens  
 Regni administrationem suscepit, dum *Clementia*,  
 uxor *Ludovici X.* ejus fratris, peperisset, & si mas-  
 culum pareret, donec adolevisset. Peperit *Clemen-*  
*a* filium *Joannem I.* dictum, qui paucos post dies  
 mortuus est. Tum *Philippus* hujus nominis *V.* fra-  
 ter *Ludovici X.* ab omnibus Rex agnitus est, & Re-  
 mis die Epiphaniæ inunctus, rejectâ *Joanna*, *Ludo-*  
*vici X.* filiâ, propter legem Salicam, quæ fœminas  
 à Galliis à Corona Regia arcet, eamque solis ma-  
 culis adjudicat. Nihil præclarum gessit *Philippus*  
 hujus nominis *V.* Galliarum Rex, & ineunte anno  
 sexto Regni sui obiit, nulla ex se virili prole reli-  
 ctâ, die III. Januarii anni mcccxxii. Post *Philip-*  
*um Longum* regnavit in Galliis ejus frater *Caro-*  
*lus IV.* ob egregiam formam *Pulcher* nuncupatus,  
 a quo, præter bellum Aquitanicum, quod duce

*Carolo Valesio* feliciter gessit , nihil laude ac memoriâ dignum dicendum occurrit . Vitâ functus est *Carolus Pulcher* die 1. Februarii anni MCCCXXVIII. Regni sui ineunte anno septimo . Uxorem *Joannam* gravidam reliquit , quæ mox filiam enixa est , sicque per legem Salicam omninò defecit , ac jure Regni excidit familia *Philippi IV.* dicti *Pulchri* Galliarum Regis , cujus tres filii , qui post ipsum successivè regnarunt , sine prole mascula continenter mortui sunt .

D. Deficiente familiâ *Philippi IV.* *Pulchri* cognomine donati , cuinam delata fuit Galliarum Regni corona ?

M. Mortuo *Carolo IV.* qui ultimus fuit ex stirpe *Philippi Pulchri* oriundus , de Jure ad Galliarum Regnum disceptavere *Eduardus VI.* Anglorum Rex , *Elizabethæ* sororis *Caroli IV.* filius , ac subindè ejusdem *Caroli* nepos , & *Philippus Valesius* qui defuncti *Caroli IV.* patruelis erat . Hæc lis inter utrumque Principem de Jure ad Galliarum Regnum suborta , diu agitata est , ac tandem *Philippus Valesio* omnium Regni Parium consensu adjudicata . Hic , licet *Bene Fortunatus* Rex fuerit appellatus , Galliarum tamen Regnum malè fortunatum fecit , Bello cum *Eduardo VI.* Anglorum Rege infelicitè gesto . Eo siquidem bello læpiùs Galli fuerè victi , primùm ad *Clusas* in Flandria navali certamine die XXIII. Junii anni MCCCXL. Deindè , terrestri ad *Crossiacum* die XXVI. Augusti an. MCCCXLV in quo prælio Principes undecim , Equites mille ducenti , peditum triginta millia in Francorum exercitu cecidèrè , & ex eo Caletum oppidum in potestatem venit Anglorum . Felicior fuit *Philippus*

*Philippus Valesius* Rex in bello Belgico, quod statim post adeptum Galliarum Regnum suscepit. Nam communis ad Castellum pugnâ, Belgarum amplius duodecim millia internecone delevit, *Castellum*, *Poperingæ*, *Ipræ*, *Brugæ* Urbes munitissimæ deditio- nem fecerunt. Obiit *Philippus Valesius* hujus nominis VI. die XXII. mensis Augusti anni MCCCL. & in ejus familia, *Valesiana* scilicet, Galliarum Regnum ducentis annis, hoc est usque ad obitum, *Henrici III.* constitit. Hic autem duas res memorabiles, quæ, regnante in Galliis *Philippo Valesio* contigerunt, silentio prætermittere haud possum.

In primis, regnante *Philippo Valesio*, acta est anno MCCCXXIX. celebris illa causa Episcoporum, & Prætorum Regionum, seu Ecclesiasticorum & sæcularium Judicum. Prætores Regii, teste *Papio Massono*, omnem jurisdictionem ad Episcopos transire conquerebantur; Episcopi verò à Prætoribus Regiis injuriam sibi fieri asseriebant, quòd Ecclesiasticam libertatem infringere, quantum in se erat, non dubitarent. *Philippus Valesius* Rex de hac controversia cogniturus, Lutetiam eos convocavit. Tùm *Petrus Cunerius*, seu de *Cuneriis*, vulgò gallicè, sed corruptè, *Maitre Pierre du Coinet*, ex ordine Equestri Consiliarius, & Advocatus in Senatu Parisiensi, causam Prætorum, seu sæcularium Judicum, egit acerrimè, adversus quem pro jurisdictione Ecclesiastica disputarunt *Petrus Rogerii* (qui deindè ad Pontificatum Maximum, vectus est, & vocatus *Clemens VI.*) *Petrus Bertrandus* Aduensis Episcopus, postea S.R.E. Cardinalis. primas responsiones ad Objecta *Petri Cunerii* fecit *Petrus Rogerius*, cæteras *Bertrandus* Episcopus



Æduensis . Exitus iudicii hic fuit . Rex , ne posteris exemplum daret de Sacerdotum privilegiis aliquid detrahendi , nihil immutandum pronuntiavit , *Seque jura Ecclesiarum aucta , quàm imminuta esse velle* ; monuit attamen Antistites ut Ecclesiæ abusus & excessus corrigerent , & sic tollerentur deinceps omnes querelarum occasiones , ut videre est apud *Spondanum* ad annum mcccxxix. Hac periculosâ lite disceptatâ , tantam sibi invidiam conflavit , odiumque in se concitavit *Petrus Cunerius* , ut omnium sibilis exploderetur , atque ad majorem ei inurendam infamiæ notam , quia Ecclesiam infra jurisdictionem Regiam deprimere contenderrat , factum est ipsius simulacrum sumum ac deforme , inque Chori Cathedralis Ecclesiæ Parisiensis parietem obscuro in angulo infixum sub repræsentatione orci sive Inferorum , quod scholastici prætereuntes suis styliis scriptoriis , pugnisque confodere atque contundere solebant . Quâ de re plura leges apud jam citatum *Spondanum* , & apud *Egassium Bulaum* tom. 3. *Historiæ Universitatis Parisiensis* pag. 222.

Altera res memorabilis , quæ ad tempora *Philippi Valesii* Galliarû Regis referri debet , est Provinciæ seu , Principatus Delphinatus ad Regias ditiones accessio , donatione *Humberti* Delphinatum Principis , qui rerum sæcularium pertæsus , ac filiis orbat , mundo nuncium remisit , & Ordinem Fratrum Prædicatorum professus est , relicto sui Principatus , sive Delphinatus hærede Primogenito Regis Galliæ , eâ lege , ut , superstite parente , ante aditum Regnum , *Delphini* nomen & Insignia ferret . Quam donationem laudavit , approbavitque *Cle-*

*gens VI.* Pontifex Maximus litteris Apostolicis ,  
quarū meminit *Odoricus Raynaldus* ad an. MCCCXLIV.  
num. LXII. , & ad annum MCCCXLV. num. VIII.  
postquā *Philippus Valesius* Galliarum Rex ex  
hac vita migrasset , anno , ut superiūs observavi-  
mus , millesimo trecentesimo quinquagesimo , *Jo-*  
*hannes* ejus filius cognomento *Bonus* in illius locum  
affectus est, Princeps excelsi quidem animi, sed in  
gerendo cum Anglorum Rege hæreditario bello  
infeliciorem,quā pater, habuit exitum. At enim,  
cum *Eduardo* Walliæ Principe , *Eduardi VI.* Anglo-  
rum Regis filio , prælium in *Pictonibus* die XIX.  
mensis Septembris anni MCCCLVI. magno quidem  
animo , sed præcipiti consilio commisit , tamque  
infelicitè ei cecidit martis alea, ut cæsis sex Franco-  
rum millibus , atque inter cæteros *Petro Borbonio*,  
aliisque proceribus , & octingentis Equitibus pri-  
mariæ nobilitatis , ipsemet Rex *Joannes* captus  
fuerit cum *Philippo* filio natu minimo , qui à Pa-  
tris latere nunquā divelli potuerat , eumque, su-  
pra hominem pugnans, acriter defenderat . In An-  
gliam itaque *Joannes* Galliarum Rex captivus ab-  
ductus est ; sed quarto postquam captus fuerat an-  
no , tricies centum aureorum millibus , hoc est tri-  
bus aureis millionibus redemptus, Parisios rediit,  
& in Regnum , variis ob ejus absentiam factioni-  
bus ac seditionum procellis agitatum, receptus est.  
Tot exhaustus calamitatibus, sacram contra Turcas  
expeditionem meditatus *Joannes* Rex , cujus ab  
*Urbano V.* Pontifice Maximo Dux fuerat renuncia-  
tus , in Angliam anno MCCCLXIV. trajecit , ut An-  
gliæ Regem in belli sacri societatem pellicere pos-  
set . At morbo correptus obiit Londini die VIII.

Aprilis ejusdem anni, eique funus magnificè ab *Eduardo* paratum, corpusque in Gallias remissum, quod in Ecclesia Monasterii San-*Dionysiani* sepulturæ mandatum est. *Carolus* hujus nominis *V.* cognomento *Sapiens*, mortuo patri suo *Joanni* Galliarum Regi successit, & Remis die ix. Maji anni MCCCLXIV. inauguratus est. Hic fortunam in bellis magis secundam, quàm pater, expertus fuit. Duce *Bertrando Guesclino* *Aremorico*, & rei militaris scientissimo, bellum Hispanicum feliciter confecit adversùs *Petrum* Castellæ Regem, dictum *Cru-  
delem*, ut ulcisceretur injuriam *Blancæ* Reginae, sorori uxoris suæ, factam, quam ille Rex *Petrus Cru-  
delis* repudiaverat, probris affecerat, in carcerem detruferat, ac tandem post injurias omnis generis toto decennio illatas, veneno necaverat, sicut narrat *Mariana* lib. xvii. De rebus Hispaniæ cap. iv. Alterum bellum gessit *Carolus V.* adversùs Anglos, quos mari terræque vicit, & Aquitaniam, ac Novempopulanam omnem, *Burdigala* & *Bajona* exceptis, in suam redegit potestatem. Bellum denique movit contra *Joannem Montefortium* *Aremoricæ*, seu *Britanniæ minoris* Regulum, qui ad Anglos defecerat. De hisce bellis à *Carolo V.* confectis legendi sunt *Continuator Guillelmi Nangii*, *Froissardus*, *Walsinghamus*, *Paulus Æmilius*, alii-  
que Historici. Obiit *Carolus V.* die xvi. Septembris anni MCCCLXXX. cujus absolutissimum Elogium, pangit Auctor Anonymus Operis, quòd inscribitur *Somnium Viridarii* cap. cxxxv. apud *Goldastum* tom. 2. *Monarchiæ*. *Carolus V.* Galliarum Rex filium reliquit duodennem, qui statim post obitum patris ex procerum & Optimatum consilio inaugura-  
tus



us est, dictusque *Carolus VI.* cujus ætas cum rebus gerendis necdum idonea esset, Regni administratio *Ludovico* Andegavensium Duci, patruo Regis *Caroli VI.* natu maximo, demandata est. Hic ille, fuit *Ludovicus* Andegavensium Dux, Regni Galliarum Regens, quem *Joanna*, Neapolis & Sicilia Regina, in filium & Regni Neapolitani hæredem adoptaverat, quæ tamen à *Carolo Dyrrachino*, in quem *Urbanus VI.* Regnum Neapolitanum transtulerat, oppressa & perempta fuit, antequam Galli ei suppetias ferre potuissent. *Ludovicus* Andegavensis à *Clemente VII.* tempore Schismatis Avenione sedente coronatus Rex Neapolis, Sicilia & Apuliæ, collectis copiis ex Provincia digressus, per Alpes Cottias in Italiam penetravit, ubi plurimis affectus incommodis, fatigante Francorum exercitu insolitis æstibus & morbis, interceptisque ad vitam sustentandam necessariis com meatibus, atque Italarum invidiâ infectis, ut fertur, veneno aquis, commisso prælio occisus est, magnaque Gallorum edita strages. Hæc in Italiam expeditio, quam *Ludovicus* Andegavensis, Regni Galliarum Regens, & *Caroli VI.* Regis patruus suscepit, funesta fuit Galliarum Regno, quippè quæ Regium ejus ærarium exhaustit. Accessit etiam ad ejusdem Galliarum Regni omnium malorum cumulum, morbus *Caroli VI.* Francorum Regis, qui in Ducem Brittaniæ minoris vindictam animo noctu diuque versans, in eum duxit exercitum; sed cum Cænonianos pervenisset, ardore solis icto capite in amentiam incidit. Quare *Carolo VI.* regnandi impote per dementiam facto, duo superstites ejus patrui *Joannes* Biturigum, & *Philippus* Burgundiæ

Duces

Duces Regni administrationem sumpserunt, *Ludovico*, Regis fratre & Aurelianorum Duce, rejecto, quæ res Burgundionem inter & Aurelianensem, ac utriusque stirpem implacabilis odii semen, bellique civilis fomitem subministravit, sicut commodius referemus in Colloquio I. in Historiam Sæculi decimi quinti, ubi de *Carolo VI.* Galliarum Rege, qui obiit anno mccccxxi. plura, auxiliante Deo, dicemus.

D. De Galliarum Regibus uno spiritu multa continentèr dixisti, quæ mihi summæ voluptati fuerunt, tantum abest, ut tædium aliquod attulerint, nec minorem, ut spero, voluptatem percipiam ex brevi narratione rerum, quæ Sæculis XIII. & XIV. sub Castellæ, seu Castiliæ Regibus in Hispania gestæ sunt.

M. *Alphonsus VIII.* seu, ut alii volunt, IX. Castellæ Regnum, ut jam observavimus in Colloquio I. in Historiam XII. Sæculi, *Sanctio* hujus nominis III. patre suo defuncto, anno mclviii. administrare cœpit, ac subindè decimotertio ineunte, Sæculo quadragesimum secundum Regni numerabat annum. Hispaniam id temporis Saraceni miserè vexabant. *Miramolinus* quippè Tunisi Rex totam vincendo pervagatus Hispaniam, Arelatum & Avenionem usque pertruxerat. Sed anno mccc. quatuor Reges, Castellæ videlicet, Aragoniæ, Lusitaniæ, & Navarræ, junctis viribus contra Saracenos progressi sunt, eosque tantâ strage profligarunt, ut ducenta millia cecidisse dicantur, è Christianis verò viginti quinque, aut triginta dumtaxat occupuerint. Post hanc nobilissimam Hispanorum victoriam, quam narrant *Rodericus Toletanus* Archie-

episcopus lib. 8. de *Rebus Hispaniæ*, & *Joannes Mariana* lib. 10. cap. 23. & 24. Saracenorum in Hispania res inclinare cœperunt, adeò ut paulatim missis Provinciis, quas invaserant, nihil eis præter Granatense Regnum reliquum fuerit. Obiit *Alphonfus* Castellæ Rex anno MCCXIV. plenus non tantum dierum, sed virtutibus & honore cumulatissime exornatus, cum quo totam Castellæ gloriam, sepultam scribit idem *Rodericus Ximinius* Archiepiscopus Toletanus. Vixit annis LXII. è quibus annis tribus & quinquaginta regnavit, ac filium reliquit Regni hæredem *Henricum* annorum undecimverum, quem ex sua conjuge *Leonora*, filia *Henrici* Regis Angliæ, susceperat. Post obitum itaque *Alphonfi* patris Rex Castellæ salutatus est *Henricus* sub tutela & institutione sororis suæ *Berengariæ*, conjugis *Alphonfi* Legionis Regis. At diu non regnavit *Henricus* hujus nominis primus, nam dum Valentiniæ in ædibus Episcopi cum æqualibus luderet, cocti lateris ictu vulnus accepit in capite, & ex eo undecimo post die è vita migravit VIII. Idus Junias anni MCCXVII. In ejus locum successus est *Ferdinandus* hujus nominis III. filius *Alphonfi* Legionis Regis, & *Berengariæ* ejus conjugis. Utroque Regno Castellæ videlicet & Legionis potitus est *Ferdinandus*, omnibusque Hispaniæ finibus Mauros procùl eliminavit, præter Granatam, cujus tamen Regem sibi tributarium fecit, magnâ ubique editâ Barbarorum strage. Diem supremum obiit *Ferdinandus* Hispali Kalendis Junii anni MCCII. cum annos xxxv. Castellanis, Legionensibus verò XXI. imperasset. *Ferdinando* successit *Alphonfus* X. filius *Ferdinandi* III. Hic ille *Alphonfus* est, cui, ut supra dice-



dicebamus, variantibus in creando Occidentis Imperatore sententiis, Imperium delatum est, causâq; sub *Alexandro IV. Urbano IV. & Clemente IV.* iudicatâ, demùm sub *Gregorio X.* jure cedere coactus est. Astronomiam, Syderalemque Scientiam professus est idem *Alphonsus*, & in ea tantâ cum laude versatus, ut quæ modò extant Astronomicæ Tabulæ, ab eo dictæ sint *Alphonsinæ*. Primus etiam fuit Hispaniæ Regum, qui leges & Edicta vulgari Hispanorum linguâ condiderit, cum antehac Latino idiomate publicis in tabulis exprimerentur. Sacros Bibliorum libros in vernaculam linguam vertendos quoque curavit. Obiit *Alphonsus* Rex Castellæ, à perduelli filio suo *Sanctio* Regno exturbatus, anno mclxxxiv. Regni sui xxxi i. Eo mortuo, *Sanctius* hujus nominis *IV.* illius filius, spoliati ejectiq; è Regno patris notâ ad posteritatem infamis, Rex Castellæ salutatus est, & undecim annis Regnum tenuit, obiitque Toleti Kalendis Maji ann. mcccxcv. Princeps fuit, teste *Mariana*, magnis Principibus exequatus fortitudinis, æquitatis, prudentiæque laudibus. sed egregiè callidus, sagax, neque uno loco crudelitatis impressa vestigia ad posteritatis invidiam relinquens. Post obitum *Sanctii* Castellæ Regnum excepit *Ferdinandus IV.* ejus filius, quod annum agens ætatis nonum per matrem suam *Mariam* filiam *Alphonsi* Infantis de *Molina* gessit. Undè *Ferdinandi* Regis ætas adolescentior, ejusque matris *Mariæ* cum *Sanctio* nuptiæ, quæ ob impedimentum propinquitatis (erat enim *Maria* neptis *Sanctii*) à *Martino IV.* Pontifice Maximo rescissæ fuerant, civilibus, externisq; bellis locum dedere. Una ex parte Aragoniæ, Navarræ, & Lusitanæ Reges, ex altera *Alphonsus de la*  
Cer-

*da, Joannesque patruus, quorum alter se Castel-*  
*Regem, alter Legionis atterebat, junctis copiis*  
*opibus in Ferdinandum IV. arma moverunt;*  
*udentia tamen matris incolume filio Ferdinando*  
*gnum servavit, ac pace inter Principes compofi-*  
*, octodecim circiter annis Castellæ Regum gu-*  
*rnavit Ferdinandus IV. obiitque VII. Idus Septem-*  
*is anni MCCCXII. Ferdinando successit ejus filius*  
*Alphonfus hujus nominis XI. adhuc puerulus, utpotè*  
*tus dumtaxat annum unum & dies sex, quod in*  
*usa fuit, cur, Rege adhuc minore, intestinis dissi-*  
*is scœdum in modum laceratum fuerit Castellæ*  
*egnum. Anno ætatis suæ decimo quinto Alphon-*  
*Regni administrationem capeffivit. De Mauris*  
*signem victoriam reportavit ad Tariffam anno*  
*MCCXL. & ab iis sæpius prælio victis plura recepit*  
*opida, rerumque annis triginta octo potitus, pe-*  
*is contagione correptus decessit in obsidione Ca-*  
*ri de Gilbratar die XXVI. Martii anni MCCCL. Ex*  
*Maria Lusitanix Regis filia, justâ & legitimâ con-*  
*ge sua, unicum reliquit filium, videlicet Petrum,*  
*egni hæredem. At ex Leonora Gusmania, pellice,*  
*a, quam in deliciis habebat, plures suscepit, reli-*  
*quitque liberos, Henricum scilicet, Fredericum, San-*  
*ium, Telium, Petrum, & Didacum. Mortuo Al-*  
*bonso successit ejus filius Petrus ex Maria legitimâ*  
*onjuge procreatus, qui Crudelis fuit appellatus,*  
*on solùm quia impudicis Mariæ Padillæ amoribus*  
*retitus, Blancam, Joannis Ducis Borbonii filiam,*  
*uam sibi legitimo matrimonio copulaverat, inju-*  
*re repudiavit, captivam omni solatio destitutam,*  
*etinuivit, ac tandem veneno extinxit; verùm etiam*  
*quia multos Viros Principes ferro peremit. Idem*

crudelitatis genus exercuit in tres fratres suos nothos, seu in *Fredericum*, *Petrum*, & *Didacum*, quorum etiam matrem *Leonoram Gusmaniam* Principatus sui initio occidit. *Rubeum*, qui cum *Machometo* de Regno *Granatæ* contendebat, quique adversæ factionis viribus impar ad eum confugerat, humano divinoque jure violato, jugulavit, inhians thesauris, quos advexisse secum putabatur. Cùm igitur, regnante *Petro Crudeli*, fœda esset Hispaniæ facies, & bellis civilibus externisque deformata, sicut *Mariana* lib. 17. alique Hispanicæ gentis Historici describunt, tres adhuc superstites *Petri Crudelis* fratres nothi, nimirum *Henricus*, *Sanctius*, & *Telius*, mortem matris suæ *Leonoræ Gusmaniæ*, ac fratrum suorum ulturi, ad Aragonum Regem sese receperunt, impetratoque auxilio, Castellæ fines adoriuntur, & expulso *Petro Crudeli*, regium nomen sumpsit *Henricus* ejus frater nothus. Animum tamen non despondit *Petrus Crudelis*, sed in Vasconiam profectus, Anglos, qui hanc Provinciam tenebant, ostentatâ præmiorum, prædæque spe pellexit, ut ei suppetias ferrent. Inito prælio adversus *Henricum* victoriâ potitus est *Petrus Crudelis*, eumque finibus Hispaniæ exegit. Victus *Henricus* in Galliam venit, instauratoque bello Francorum Regis *Caroli V.* auxilio adjutus, commisso apud *Oppidum Montielem* prælio, *Petrum Crudelem* superavit, captumque ac de fuga cogitantem stricto gladio confodit. Hæc *Petri Crudelis* mors contigit die *xxiii.* mensis Martii anni *mccclxix.* anni verò Regni *Petri Crudelis* undevigesimi. Sublato *Petro Crudeli*, Castellæ Regno, nemine reclamante, potitus est *Henricus* hujus nominis *II.* filius *Alphonfi XI.* & *Leo-*



*Leonora Gusmania*, illudque sapienter rexit usque ad annum MCCCCLXXIX. quo è vivis excessit . Narrat Mariana lib. 17. de Rebus Hispaniæ cap. 2. *Henricum*, Castellæ Regem, præ singulari amore , quo Prædicatorum Ordinem, ob Beati *Dominici* sui gentilis & cognati memoriam, complectebatur , voluisse proediem moriturum veste Dominicani Ordinis indui , & eâ indutum sepeliri . Addit etiam idem scriptor , Hispaniæ Regibus solemne fuisse ex eorum numero & Ordine, seu Fratrum Prædicatorum , Sacerdotes deligere , quibus conscientiæ vulnera detegerent . Hinc Dominicani, ut obiter dicam , ab initio Ordinis ad audiendas Catholicorum Regum Confessiones admissi sunt, eoque præclaro, ac perhonorifico munere continuâ ac perpetuâ temporum serie magno cum zelo & Ecclesiæ Regniq; utilitate perfuncti sunt usque ad annum MDCC. quo , *Caro II.* Hispaniæ Rege ex Austriacorum progenie, postque liberis defuncto , Rex Hispaniæ proclamatus est *Philippus V.* ex Borboniorum Sanguine oriundus , qui Sacerdotem è Societate Jesu sibi confessorium adscivit .

D. Absolvistine feriem Regum , qui Sæculis III. & XIV. Hispaniæ , seu Castellæ Regnum administrarunt .

M. Duo adhuc supersunt Reges , qui Sæculo IV. Hispaniæ , seu Castellæ Regni gubernacula tractarunt . Mortuo *Henrico* hujus nominis II. Castellæ Regi , quem in Dominicanum Ordinem optinè affectum fuisse diximus , successit *Joannes* hujus nominis I. ejus filius anno MCCCCLXXIX. Bellum gessit cum Lusitanis , Anglisque difficillimum , quod tandem feliciter composuit . Totius Regni Comiti-

tia habuit Caracæ anno mcccxc. ad deliberandum de multis rebus Rempubicam, Ecclesiamque spectantibus, & ad perversam, quæ inoleverat, extirpandam consuetudinem, juxtâ quam Proceres Laici in jura Ecclesiarum involabant, & Patronorum occupato nomine, Sacerdotes, exiguo stipendio constituto, Ecclesiis præficere solebant, decimarum multò maximam partem pro se quisque domum avertebant, Ecclesiarum jura impune occupabant, dabant & auferabant Templis mercenarios Sacerdotes atque temporarios. Hunc gravissimum serpentem id temporis in Hispania abusum meritò deplorat *Joannes Mariana* cap. 13. lib. 18. de *Rebus Hispaniæ*, ubi etiam observat, præclaros *Joannis Castellæ* Regis ad æquitatem, & ad sanciendam Ecclesiarum libertatem propensi conatus fuisse impeditos Regulorum intercessione, morem istum per multas ætates continuatum, majorum merita, & veterum Pontificum veniam excusantium, quos amplius urgeri haud visum Regi, nè novâ offensione eorum animi irritarentur. Post hæc celebrata Comitia, *Joannes* Rex Complutum venit, cùmque septimo Idus Octobris anni mcccxc. ad quoddam Spectaculum Equitum Africanorum exiisset, atque ut se oblectaret, ostentaretque peritiam, equum, quo vehebatur, calcaribus incitasset, ex quo præcipitatus momento temporis extinctus est anno ætatis suæ xxxiii. Regni xii. Reliquit Regnum hæredem filium suum natum annos duntaxat undecim, *Henricum* hujus nominis III. qui post obitum patris Rex salutatus est, ejus tamen ætati minori regendæ, donec adolesceret, ac Regni administrationi procurandæ decreti sunt ab Ordinibus

tores, quorum æmulatione haud parùm res turbata sunt, Regnumque periclitari cœpit tum ab intestinis dissensionibus, tum etiam à Lusitanis res eas interim promovere satagentibus, donec post tertium annum, pactis cum Lusitanis in annos quincim induciis, compositæ exteræ dissensiones, internæ verò per Legatum Pontificis in integrum restitutæ fuerunt. Quatuordecim annos natus *Henricus*. Catharinam filiam Lecestriæ Ducis sibi matrimonio copulavit. Cum Lusitanis haud infeliciter pugnavit, & à *Tamerlane*, Tartarorum Imperatore, horrificam Legationem excepit, ad quem vicissim, viatores milit. Tandem, cum uteretur sæpiùs adersâ valetudine, & eam ob rem *Valetudinarius* lgo appellaretur, obiit viii. Kalendas Januarias mccccvii. ætatis xxvii. Regni xvii. Filium reliquit *Joannem* Regni Cástellæ hæredem, cujus res referemus in Colloquio I. in Historiam Sæculi XV.

D. Colloquium nostrum, si placet, absolvamus, & ne quid eorum, quæ ad notitiam status ecclesiæ sub Principibus Christianis comparandam fore possunt, in eo desiderari videatur; totum, id concludamus brevi narratione gestorum ac actione Regum, qui Sæculis XIII. & XIV. supremum Angliæ dominium obtinuerunt.

M. Regum Anglorum seriem perduximus in Colloquio primo in Historiam Sæculi duodecimi, quæ ad *Richardum*, qui anno postremo ejusdem sæculi duodecimi vitâ functus regnare desuit in Angliâ. *Richardo* Angliæ Regi defuncto successit frater, dictus *Joannes Sine terra*, quod ei à pa-



tre nihil relictum esset. De jure ad Coronam Angliæ contendit cum *Arturo* Britanniae Duce nepote suo, & filio *Gaufridi*, qui frater erat *Joannis* natu major. *Arturi* jura *Philippus II.* dictus *Augustus* Galliarum Rex protexit ac defendit. Sed *Joanne* captum *Arturum* nepotem suum & Rothomagum abductum in Arce Nova inclusit, ac paulò post trucidavit. Hæc mors *Arturo* injustè illata occasionem dedit gravissimis bellis, quæ *Philippus Augustus*, ejusque filius *Ludovicus VIII.* Galliarum Reges contra *Joannem* Anglorum Regem gesserunt de quibus bellis superiùs sermonem sat superque habuimus. Aliud acerrimum dissidium habuit idem *Joannes* Anglorum Rex cum *Innocentio II.* Pontifice Maximo, qui in eum Excommunicationis sententiam tulit, & sacrorum justitium Angliæ indixit, quòd prædictus Rex *Stephani* Cantuariensis Archiepiscopi electioni obstinato animo intercederet, & Ecclesiasticos redditus sacrilegâ temeritate invaderet. Verùm facti pœnitens *Joannes* Rex, ut pacem cum *Innocentio III.* iniret, Regna sua Angliæ & Hiberniæ, Ecclesiæ Romanæ, seu *Innocentio III.* ejusque Successoribus resignavit ac contulit, ut videtur est apud *Matthæum Parisium* ad ann. MCCXII. Obiit *Joannes* Rex in pervigilio S. *Lucae* Evangelistæ anno MCCXVI. Hunc Regem parùm in fide Christiana constantem fuisse scribit *Matthæus Parisius* asserens illum de Resurrectione corporum ac de aliis Christianæ fidei Capitibus malè sensitisse, quidam impia ac blasphema sæpè evomuisse, eumque ad ejurandam Christianam Religionem paratum Legatos misisse ad *Miramolinum* Africæ & *Marrichæ*, ut ei Regnum suum Angliæ tributarium redder-

deret . Quæ omnia fabulæ simillima videntur . Post obitum *Joannis* Angliæ Regis proclamatus est filius ejus primogenitus *Henricus* hujus nominis III. qui, præfente *Galone* Sedis Apostolicæ Legato, fecit homagium Sanctæ Romanæ Ecclesiæ, & *Innocentio* Patri de Regno Angliæ & Hiberniæ ; & juravit quòd nulle marcas, quas Pater ejus Romanæ contulerat Ecclesiæ, fideliter persolveret, quamdiù prædicta Regna teneret . Sicut testatur *Matthæus Parisius* . Bellum adversus *S. Ludovicum* hujus nominis IX. Galliarum Regem infeliciter gessit *Henricus* III. ad Talleburgum datus in fugam, ad Xantonas profligatus, obtentis demùm induciis in Angliam redire compulsus est anno MCCXLIII. Pietatem *Henrici* III. erga sacrosanctum Missæ Sacrificium plurimùm commendat *Walsinghamus*, aitque, eum solitum fuisse, tres Missas solemnes quotidie audire, pluribus etiam privatim celebrantibus adesse, atque Sacerdotis, Corpus Christi attollentis, dexteram deosculari . Obiit *Henricus* III. Angliæ Rex anno æræ Christianæ MCCCLXXII. postquam regnasset annos quinquaginta sex . Ei successit filius primogenitus *Eduardus*, quem alii hujus nominis I. alii meliùs IV. appellant . Cum Scotis acerrimè pugnavit *Eduardus*, eosque profligavit insigni prælio, in quo sexaginta Scotorum millia ceciderunt . Quò factum est, ut Rex, Proceresque Scotorum sese ac Regnum Scotiæ voluntati *Eduardi* Regis permiserint . Sed hoc Regno, quamdiù vixit, novis identidem emergentibus bellis ac dissensionibus, potiri haud potuit . Quare, sub finem vitæ suæ jussit filio suo *Eduardo* Regni hæredi, ut paternas injurias in Scotos honorificè ulcisceretur, ejusque ossa in aliquo

vase reclusa secum deportaret, donec totam Scotiam pervagatus, hostes omnes superasset. Hæc suprema mandata postquam filio suo dedisset superbus ille Rex, dissenteriam correptus è vita migravit pridie Nonas Junii anni mcccviii. cum regnasset annos triginta quinque. Mortuo *Eduardo IV.* Angliæ Regi successit ejus filius *Eduardus* hujus nominis *V.* quo regnante magnis motibus Anglia fuit agitata, ac bellis civilibus lacerata. In primis, anno mcccxi. grave dissidium habuit *Eduardus* Rex cum Proceribus supremi Senatus, quem *Parlamentum* vocant, quod licet anno mcccxiii. satagentibus Regni Episcopis, pace Regem inter & Procere conciliatâ, sopitum fuerit; acrius tamen recruidi anno mcccxxvii. Eo siquidem anno *Isabella* Angliæ Regina, quam Regni inimicam Londini proclamari jusserrat *Eduardus* Rex ejus maritus, Comitissæ *Hannoniæ*, qui filiam suam *Philippam* juniori *Eduardo* Angliæ Regni hæredi desponderat, necnon Anglicanorum Præsulum auxiliis adjuncta, trajecit in Angliam, eique è vestigio Proceres ac populus se adjunxerunt. Tum ipse Rex *Eduardus* captus est Duo *Hugones Spencerii*, pater scilicet & filius, quorum consiliis ac ministerio Rempublicam regebat *Eduardus*, atroci supplicio sublatis sunt. Ad hæc habita sunt Regni Comiticia, in quibus Procerum sententia *Eduardus* Rex fuit Regno abdicatus, *Eduardus junior*, ejus filius primogenitus, Rex salutat. Huic sententiæ acquievit *Eduardus* pater filii electionem probavit, & Regiæ dignitatis Ingenua, missis Oratoribus, tradidit. Denique *Eduardus senior* in Castro de Berkley detentus, inauditi crudelitatis genere, à Custodibus suis necatus est.



Veru scilicet candente per anum immisso confossus & corneâ fistulâ ad partem illam pudendam aptatâ, ne adustionis vestigia conspicerentur. Sic extinctus est *Eduardus senior*, cum regnasset annos novemdecim. Ejus filius *Eduardus junior* bellum, Scotis indixit, cum quibus postea pacem iniit, quam turpem Angli vocant, quâ videlicet Scotia declarata est immunis ab omni jure, quod Angli sibi in eam usurpaverant, & in vinculum sanctitæ concordie *Eduardus junior*, hujus nominis VI. Anglorum Rex, *Joannam* sororem suam *Davidi*, filio *Roberti* Scotiæ Regis, matrimonio collocavit. Verum, turpiorem maculam *Eduardo* Regi inusserunt obscæni amores, quibus implicitus fuit cum *Alicia Peresia*, pellice impudentissima, quam licet, rogantibus Regni Proceribus, ab Aula recedere jussisset, mox tamen ipsam revocavit, ad obitum usque retinuit, & in ejus complexu, nullis Ecclesiæ munitus Sacramentis, immortalis est propudiosissimus senex. Hic ille est *Eduardus* hujus nominis VI. Anglorum Rex, qui, ut superius dicebamus, magnis cladibus Gallos affecit, regnantibus *Philippo Valesio*, & *Joanne*, quem postremum habuit captivum, ac primus Galliarum Regis sibi nomen adscripsit. Sed, cum varius sit eventus belli, adversam fortunam sub *Carolo V.* Galliarum Rege expertus est *Eduardus*, ac totam, exceptis *Burdigalâ* & *Bajonâ*, perdidit *Aquitaniâ*, quæ ab ipso defecit, ac Regi Christianissimo se dedit. Obiit *Eduardus* hujus nominis VI. Anglorum Rex die XXI. mensis Junii anni MCCCLXXVII. cum regnasset annos LI. Defuncto *Eduardo* successit ejus filius *Richardus* hujus nominis II. undecim dumtaxat annos natus, cujus ætas

cum ad Rempublicam regendam sufficere haud posset, Regni procurationem suscepere Lancastriæ Dux, & *Edmundus Cantabrigensis Comes*, *Richardus* Regis patruus. *Joannis Wicklessi* hæresis, cui nimia *Eduardi senioris Angliæ* Regis negligentia initium, dederat, latè in Anglia serpere cœpit sub ejus successore *Richardo*, cujus pueritia opportunum serenendis erroribus tempus, & viam ad eos spargendos facillimam *Joanni Wicklesso* natione Anglo, & ingenii vehementis homini, superbo & ambitioso stravit, sicut ostendemus in sequentibus Colloquiis. Regnum Angliæ pessimè administravit *Richardus* hujus nominis II. tamque gravi tyrannide omnes Regni Ordines à se alienavit, ut Regno sese abdicare coactus fuerit anno mcccxcix. Ejus renunciationem non solum omnes Regni Ordines admiserunt, sed etiam sententiam depositionis, quam refert *Walsinghamus* in Historia Anglicana, ad annum mcccxcix. in ipsam tulerunt, quâ illum cum ex propria confessione, tum ex tribus & triginta Capitibus contra eum probatis, in quibus Regalis Juramenti violati, & tyrannidis convictus erat, Regno omninò ineptum, ac subindè jure optimo exauctoratum declarabant. Confestim Angliæ Regnum sibi vindicavit *Richardus* Regis depositi patruelis *Henricus*, qui filius erat *Joannis* Ducis Lancastriæ, Rexque ab Ordinibus salutatus est. Regno potitus *Henricus* hujus nominis IV. nefandissimum scelus perpetravit, quod omnes Historici, etiam Angli, detestantur. *Richardum* siquidem, quem Regno deponi curaverat, & in turri Londinensi captivum detinebat, specie cujusdam conjurationis in se à nonnullis Regni Proceribus factæ, citò obtrunc-

cari jussit. Hunc deploratissimum exitum habuit execranda illa rebellio, quam, Auctore *Henrico*, contra *Richardum* legitimum Regem excitarunt in Anglia nonnulli perfidi homines, quos omni severitate dignos, pestes Regnorum, publicarum rerum subversores, populorum destructores, hostes denique Dei & hominum jure merito appellat *Henricus Spondanus* in *Continuatione Baronii* ad an. mcccxcix. Sed de *Henrico IV.* Angliæ Rege, qui hujus rebellionis adversus *Richardum* incentor ac promotor fuit, plura dicemus in Colloquio I. in *Historiam Ecclesiasticam Sæculi XV.*

## COLLOQUIUM II.

*In quo texitur Series Episcoporum, qui Illustriores Ecclesiæ Sedes Sæculis XIII.*

*& XIV. tenuerunt.*

DISCIPULUS.

**T**O T inter procellas, quibus universus Orbis Christianus Sæculis XIII. & XIV. fuit agitatus, potueruntne

Romani Pontifices clavum Ecclesiæ feliciter gubernare, & non solum ornandæ ac propagandæ Religioni, sed etiam paci Sacerdotium inter & Imperium conciliandæ utilem navare operam?

MAGISTER. Summi Pontifices, qui Sæculis XIII. & XIV. Sedem Romanam tenuerunt, in communem gloriam & utilitatem tam universæ, cui præerant, Ecclesiæ, quam ad procurandam Imperii & Regnorum pacem indefesso studio incubuerunt. Eorum pietas publica fuit ad exemplum,



plum, constans ad diuturnitatem, fortis ad debellandam impietatem, & destruendam omnem altitudinem sese extollentem adversus scientiam Dei. Bellum Hæresi, flagitiis, improbitati, lapsis in deteriora moribus perpetuò indixerunt, disciplinam legum severitate sanxerunt, constituerunt veterem Ecclesiæ dignitatem, emendarunt ea, quæ obrepserant temporum labe, vitia; & Imperatoribus Jura Ecclesiæ violare, aut ejus pacem, inductis Schismatibus, perturbare molientibus magnis animis resisterunt.

D. Maeste itaque animo, mihi quidem gratum erit, seriem, gestaque Pontificum, qui Sæculis XIII. & XIV. Ecclesiæ Romanæ præfuerunt, in præsentis nostro Colloquio perlustrare, summamque delibare.

M. Anno MDCXCVIII. mortuo *Celestino III.* Pontifice Maximo, sicut jam observavimus in Colloquio secundo in Historiam Sæculi duodecimi, non vacavit Sedes Pontificia, sed eadem die, quâ sepultus est *Celestinus III.* seu IV. Idus Januarii anni millesimi centesimi nonagesimi octavi *Innocentius III.* electus fuit Pontifex Romanus, ut testatur Scriptor Anonymus à *Bosqueto*, postea Episcopo Monspelienſi, editus, qui *Innocentii III.* adhuc viventis res gestas descripsit. Verum, quia *Innocentius III.* tunc tantum Diaconus erat, dilata est ejus Ordinatio in Presbyterum usque ad Sabbatum quatuor temporum IX. Kalendas Martii; & sequenti Dominica, in qua tunc occurrit festum Cathedræ Sancti Petri (die nempe XXI. mensis Februarii) fuit apud Sanctum Petrum in Episcopum consecratus, & in ejusdem Apostoli Cathedra constitutus, uti referunt  
idem

idem Anonymus , & *Rodolphus de Diceto* Scriptor Anglus in *Historia* , quam edidit , pag. 701.

D. Afferis , *Innocentium III.* fuisse dumtaxat Presbyterum ordinatum ix. Kalendas Martii , seu die xxi. mensis Februarii anni millesimi centesimi nonagesimi octavi , & tamen , ut audivi à viris eruditis , extant etiamnùm antiqua quædam Breviaria Ordinis Sanctissimæ Trinitatis , in quibus dicitur , Sanctum *Joannem de Matha* , ejusdem Ordinis Institutorem , unà cum Sancto *Felice Valesio* , Romam anno mcxcviii. venisse , & petiisse ab *Innocentio III.* recens electo sui Ordinis confirmationem , & Pontifici in festo Sanctæ Agnetis secundò , scilicet die xxviii. mensis Januarii , dùm in Ecclesia Lateranensi Missam celebraret , ad Sacræ hostiæ elevationem , Angelum candidâ veste , cruce bicolori , specie redimentis captivos apparuisse ; quo viso , Pontificem hoc novum Institutum approbasse . Quî igitur fieri potest , ut *Innocentius III.* fuerit dumtaxat , ut dicis , Presbyter Ordinatus die xxi. mensis Februarii anni mcxcviii. cùm tamen die xxviii. mensis Januarii ejusdem anni eum jam Missam celebrasse antiqua illa Breviaria apertè testentur ?

M. Non parvam certè proponis difficultatem , ad quam solvendam *Bonaventura Baro* in annualibus Ordinis Trinitariorum à se Romę vulgatis asserit , verum non esse quod passim dicitur , *Innocentium III.* qui Diaconus tantùm erat , quando Summus Pontifex die vii. Januarii creatus est , distulisse ordinationem suam in Presbyterum usq; ad diem vigesimam primam mensis Februarii , cùm visio , quam inter celebrandum missam die vigesima octavâ mensis Januarii habuit *Innocentius III.*

certa

certa sit; ideòque jam Presbiter esset ordinatus *Innocentius III.* die vigesimâ octavâ mensis Januarii. Verùm, ipse, etsi lubentissimè fatear, certam esse hanc visionem, quam habuit *Innocentius III.* die xxviii. mensis Januarii, existimo tamen, eum hac die necdùm fuisse Presbyterum, sed tantùm Diaconum, ut disertè testantur jam citati Scriptor coævus Anonimus, & *Rodolphus de Diceto*. Sed, si ita sit, inquis, cur igitur in antiquis Trinitariorum Ordinis Breviariis legitur, *Innocentium III.* hanc habuisse apparitionem, dùm celebraret Missam die vigesima octavâ Januarii? Profectò, si eâ die nondùm fuisset Presbyter, sed tantum Diaconus, Missam celebrare haud potuisset *Innocentius III.* Non eo inficias, hanc difficultatem nonnullis insuperabilem visam esse, eam tamen, si consulamus Scriptores mediæ & infimæ Latinitatis, apud quos celebrare & audire Missam aliquandò unum & idem est, facili negotio solvi posse existimo. Unum, præ cæteris aliis, quæ apud illos Scriptores suppetunt, proferam exemplum petatum ex *S. Gregorio Turonensi*, qui in libro *de Gloria Martyrum*, cap. li. referens miracula *Sancti Sigismundi Burgundiæ Regis*, ait: *Si qui nunc Frigoretici* ( idest, *Febricitantes*, uti variis exemplis explicat *Du Cange* in Glossario ) *in ejus honore Missas devotè celebrant* ( idest Missas audiant ) *ejusque pro requie offerant oblationem, statim compressis tremoribus, restinctis febribus, sanitati pristinæ restaurantur*. Cùm itaque apud Scriptores mediæ & infimæ latinitatis celebrare & audire Missam aliquandò unum & idem sit, & promiscuè usurpari possit, mirum videri haud debet, quòd in antiquis Trinitariorum Ord-



Ordinis Breviariis legatur, *Innocentium III.* die vigesimâ octavâ mensis Januarii anni millesimi centesimi nonagesimi octavi Missam celebrasse, idest, *audivisse*, cum eâ die non esset Presbyter, sed tantum Diaconus. Hoc pacto solvitur iste nodus, & eadem operâ corrigitur Anachronismus, in quem lapsus est *Spondanus*, qui ad annum MCCIX. ait, Ordinem Sanctissimæ Trinitatis ab *Innocentio III.* fuisse confirmatum eo anno, & hanc Apparitionem, cujus superius mentionem fecimus, contigisse v. Kalendas Februarii ejusdem anni millesimi ducentesimi noni, dum *Innocentius III.* rem divinam faceret. Hunc *Spondani*, & aliorum Authorum, qui eum secuti sunt, Anachronismum apertè refellunt ea, quæ mox adduximus diserta probatæ fidei antiquorum Scriptorum testimonia.

D. Res magnas ac memoriâ dignas, quas in suo Pontificatu gessit *Innocentius III.* Pontifex Maximus, obsecro te, ut breviter describas.

M. Cum Res propemodum infinitas in suo Pontificatu *Innocentius III.* præclarè gesserit, quas nec memoriâ complecti, nec observando hic notare possem; præcipuas dumtaxat, quas litteris prodiderunt celebriores Historici, compendiosè referam. *Innocentius III.* natione Campanus, patriâ Anagninus, filius *Thrasimundi* ex illustrissima Comitum Signiæ familia, ante promotionem suam *Lotharius* dictus, à *Celestino III.* Pontifice Maximo Cardinalium albo fuit adscriptus, cum annum dumtaxat vigesimum nonum ætatis suæ attigisset, & post *Celestinum III.* ad Pontificatum provectus est die VIII. Januarii anni MCXCVIII. Fuit Pontifex, teste *Trithemio*, in divinis scripturis erudi-

tissi-

tissimus , quippè qui à pueritia ( in Academiis Parisiensi & Bononiensi ) operam litteris impenderat , & in virum non minus probum , quàm doctum evaserat . Quo autem zelo , quantâve animi constantiâ Ecclesiam rexit *Innocentius III.* facilè ex his , quæ jam in præcedentibus Colloquiis observavimus , colligere potes . Ille quippè est , qui *Philippum II.* Galliarum Regem cognomento *Augustum* monitis , obsecrationibus , Censuris , ad *Inseburgim* repudiata uxorem recipiendam , & *Mariam* , Ducis *Moraviæ* filiam , superductam , compulit dimittendam . *Joannem* , dictum *sine terra* , Angliæ Regem tyrannidem in Ecclesiam & Clericos exercentem anathemate percussit , ipsiusque subditos à Sacramento fidelitatis absolvit . *Ottoni* hujus nominis *IV.* de Imperio cum *Philippo* *Sveviæ* Duce decertanti constantèr favit , eumque , postquam Sacramentum præstitisset de obedientiâ & reverentia Romanæ Ecclesiæ , de servanda Canoniarum electionum libertate , de Hæreticis delendis , de omnium possessionum Ecclesiæ restitutione facienda &c. Imperatorem coronavit , quem tamen postea insigni perfidiâ præstitum Sacramentum violantem , & castra plurima Ecclesiasticæ ditionis , urbesquè *Apuliæ* invadentem anathemate confixit , & ejus subditos ab ejus fidei Sacramento solvit , ut constat ex *Rigordo* , & ex variis *Innocentii III.* Epistolis , quas duobus Tomis collegit *Stephanus Baluzius* . *Siciliam* , fiduciarium Romanæ Ecclesiæ Regnum , summâ diligentiam tuitus est *Innocentius III.* eoque *Constantiam* Imperatricem & *Fridericum* ejus filium investivit , postquàm ipsi , ejusque Successoribus , fidelitatem iurasset . *Marcualdum* *Siciliæ* Ty-

ran-

annum anathemate contrivit, & conscripto exercitu armis fregit atque fugavit. Regem Aragonum propriis manibus coronavit *Petrum*, qui suum Aragoniæ Regnum Romanæ Ecclesiæ fiduciarium ac vectigale constituit. Bulgaros ad Romanæ Ecclesiæ obedientiam revocavit, effecitque, ut *Joannitius*, seu *Calojobannes*, Bulgarorum Rex, humilem obedientiam Sedi Apostolicæ professus, se ac Regnum suum illius Sacro Principatui subjecerit. Armenorum Catholicum, & *Leonem*, minoris Armeniæ Regem, devotionem suam ac obedientiam ergà Romanam Ecclesiam scriptis litteris profitentes paterno affectu excepit, & Armeniæ Ecclesiam cum Romana conjunxit. Nihil etiam intentatum reliquit, ut Ecclesiam Græcam cum Latina uniret, missis ad *Alexium Angelum* Orientis Imperatorem Legatis, qui Græcos ad Ecclesiæ unitatem revocare satagerent. Antiquam litem inter Ecclesiam Turonensem & Dolensem, de qua in præcedentibus nostris Colloquiis sermonem jam fecimus, finivit *Innocentius III.* sanxitque ut Dolensis Ecclesia tanquam suffraganea Ecclesiæ Turonensi, ceu Metropoli, in perpetuum subjaceret. Ad excindendam ac penitus extirpandam Albigenium hæresim, sacram Expeditionem indixit, *Raymundum* Comitem Tolosanum eorum fautorem anathemate perculit, & Synodum Oecumenicam Lateranensem quartam anno mcccv. celebravit, in qua Albigenium hæresim, *Joachimi* Abbatis libellum, & *Almaricum* damnavit, sicut in Colloquio quarto datâ operâ ostendemus. Obiit *Innocentius III.* Perusii xvi. vel xvii. Kalendas Augusti an. mcccvi. cum annos duodeviginti, menses sex, & dies novem.

Eccle-



Ecclesiam rexisset . Nonnulla scripsit Opera , sed præsertim doctissimas Epistolas per annos singulos in Regesto digestas , quas ad Historiam Ecclesiasticam illius temporis illustrandam , & ad Jus Canonicum excolendum plurimum conferre posse , una est omnium eruditorum sententia . Sed de Operibus & Epistolis *Innocentii III.* plura dicemus in Colloquio quinto, ubi de Viris Illustribus, qui sæculis XIII. & XIV. floruerunt , differemus . Gesta seu Vitam *Innocentii III.* Romani Pontificis ab Autore incognito , sed coætaneo, descriptam *Stephanus Baluzius* præfixit fronti Tomi primi Editionis accuratissimæ , quam adornavit, Epistolarum *Innocentii III.* Post obitum *Innocentii III.* cum Sede Pontificia vacasset unum tantummodò diem , successus est ibidem Perusii in locum ejus *Cencius Sabellus*, ex nobilissima Sabellorum familia oriundus patriâ Romanus , vir doctrinâ & morum probitate conspicuus , dictus *Honorius III.* quem *Cælestinus III.* Diaconum Cardinalem & Camerarium , & *Innocentius III.* Cardinalem Presbyterum antehà creaverant . Hic decessoris sui vestigiis insistens nihil tam curæ ac cordi habuit , quàm ut Sacram contra Saracenos Expeditionem promoveret, missis ad *Philippum* Galliarum Regem, aliosque Christianos Principes , Legatis , qui illos ad eandem ineundam expeditionem adhortarentur . In Syriam profectiorem adornarunt Crucesignati , tantumque suo adventu terrorem Saracenis injecerunt, ut multos ex illis trucidarint , castra divitiis refertissima actutum occupaverint , & Pelusium , seu Damiatam , nobilissimam Ægypti urbem, obsederint , atque expugnaverint . At , orto Damiatam

inter Christianos diffidio , eorum Classis à Saracenis combusta est , & *Damiata* ad deditiōem compulsa . His auditis , Pontifex *Honorius* , ne Saraceni fortunā suā uterentur , *Fridericum II.* Imperatorem ad Expeditionem Syriacam impulit , sed frustra . Hic siquidem Imperator , qui de manu *Honorii III.* Insignia ceperat Imperii , fidemque jurejurando obtinuerat Expeditionis adversus Saracenos suscipiendæ , innumeris usus tergiversationibus , moras consultò necebat , & postquam inani-  
bus promissis , suis commodis unicè studens , Romanum Pontificem diù delusisset , in apertas adversus ipsum simulates erupit , illius ditionem , vexavit , Episcopos diversos per Apuliam & Siciliam constituit , depulsis his , quos Summus Pontifex iisdem præfecerat Ecclesiis . *Joannem* Hierosolymorum Regem , Socerum suum ( ejus quippè filiam *Jolem* , seu *Jolantam* , uxorem duxerat *Fridericus II.* ) Regno exuit , sicque inutiles omninò reddidit optimi illius Principis conatus , qui totum , pene Occidentem peragrarat , ut sacram expeditionem promoveret . Tuendæ adversus Mauros Hispaniæ , & exscindendæ Albigenſium grassanti hæresi , traducendisque ad fidem Catholicam hæreticis *Honorius* Pontifex curam omnem adhibuit . *Henricum III.* Angliæ Regem post *Joannis* patris obitum in tutelam Sedis Apostolicæ suscepit , nihilque non egit , ut hunc Angliæ Regem cum *Philippo Augusto* , ejusque filio *Ludovico* , qui ei negotium faceſſebant , conciliaret . Ordines Religiosos Fratrum Prædicatorum , Minorum , & Eremitarum Beatæ Mariæ de Monte Carmelo confirmavit , sicut fusiùs exponemus in Colloquio sexto , ubi de Mona-

stica Disciplina Sæculorum XIII. & XIV. sermonem habituri sumus. Obiit *Honorius III.* Optimus Pontifex, xv. Kalend. Aprilis anni MCCXXVII. cùm annos decem, & menses octo Ecclesiam rexisset.

D. *Innocentium III.* decessorem *Honorii III.* Sanctissimum fuisse Pontificem, ac multa ad utilitatem Ecclesiæ magno zelo præstitisse observasti, & tamen nudiustertius audivi à viris eruditis, eum, post mortem ingenti flammâ cinctum visibiliter apparuisse *Ludgardi* Virgini Sanctissimæ, eique significasse, se ob tres causas cruciari, quæ etiã æternis suppliciis illum addixissent, nisi per intercessionem piissimæ Matris Dei, cui Monasterium condiderat, in extremis ipsum pœnituisset. Hanc de *Innocentii III.* post mortem apparitione Historiam, an fabulæ loco habere debeam? Dubius adhuc hæreo.

M. Hanc de *Innocentii III.* post mortem apparitione Historiam, quam graves referunt Scriptores, videlicet noster *Thomas Cantipratensis* in Vita, quam descripsit, *Ludgardis* Virginis, *Bellarminus* lib. 2. de gemitu *Columbæ* cap. 9. & *Spondanus* in Annalibus ad annum MCCXVI. falsi insimulare non audeo, sed potiùs cum *Bellarmino* crediderim, id ad timorem Prælatis, etiam piis, incutiendum, sapienter fuisse à Deo ordinatum. Si enim, inquit doctissimus ille Cardinalis, tam laudabilis Pontifex ( seu *Innocentius III.* ) qui in oculis hominum non probus & prudens solùm, sed etiã Sanctus & imitatione dignissimus habitus est, tam parùm fuit à gehenna, & usque ad diem judicii purgatoriiis incendiis atrocissimi puniendus est, quis Prælatus non trepidet? quis non accuratissimè conscientiæ suæ secreta rimetur? Eg  
enim



enim facile mibi persuadeo, tantum Pontificem non potuisse Lethalia peccata committere, nisi sub specie boni deceptum ab adulatoribus & domesticis, de quibus in Evangelio dicitur: inimici homines domestici ejus. Itaque hoc tam magno exemplo discamus omnes sollicitè scrutari conscientiam nostram, ne forte erronea sit, cùm nobis recta, & sana esse videatur.

D. Quem in Sede Pontificia Successorem habuit *Honorius III.* qui, ut mox dicebas, obiit xv. Kalend. Aprilis anni mcccxxvii.

M. *Honorio III.* in Pontificatum successit *Ugo-*  
*inus*, patria *Agnaninus*, ex Illustrissima Comitum  
 signiæ prosapia Oriundus, Ostiensis Episcopus, &  
 in Pontificatu dictus *Gregorius IX.* quem sempiter-  
 nâ laude, & immortalî memoriâ dignissimum esse,  
 nimî magnitudine, & vitæ sanctitate clarissimum,  
 Divini humanique juris consultissimum, authori-  
 tatis Ecclesiasticæ assertorem constantissimum, te-  
 atur *Ciaconius* in Vitis Pontificum. Ut primùm  
 pontifex Maximus inauguratus fuit *Gregorius IX.*  
 Imperatorem *Fridericum II.* vehementer adhorta-  
 tus est, ut promissam jam olim in Palæstinam con-  
 tra Saracenos profectiorem maturaret, eumque  
 ergiverfantem sacrorum communione interdixit.  
 Quo fulmine territus *Fridericus*, in Syriam naviga-  
 vit, ubi, nullo edito prælio, cùm turpe, & exitio-  
 sum Religioni Christianæ fœdus iniisset cum Sulta-  
 no, & in Italiam inglorius atque infamis regressus  
 fuisset, iterùm ab eodem Summo Pontifice anathe-  
 mate percussus est, ejusque subditi Sacramenti, quo  
 ant ei obstricti, religione fuerunt absoluti. Tunc  
 iracundiâ furens, & scelus anhelans *Fridericus* Impe-  
 tor, totam Italiam odiis & factionibus replevit

*Gibellinorum*, qui ejus partes acerrimè sustinebant, & *Guelphorum*, qui à Romano Pontifice stabant. Constituit etiam in Longobardia Ducem *Ecelinum* Gibellinæ partis & stirpis Teutonicæ Tyrannum perfidum & immanem, qui annis triginta quatuor Patavium, Veronam, Brixiam, Tridentum, Tarvisium, & alias urbes oppressas tenuit, tamque belluinam in Longobardos crudelitatem exercuit, ut nonnulli eum ex Dæmone genitum sibi persuaferint. Nihil antiquius habuit *Gregorius IX.* Pontifex Maximus, quàm ut Principum ac Populorum pacem procuraret. Hinc inter Florentinos & Senenses, inter Romanos varias in factiones divisos, inter Longobardos & *Fridericum* Imperatorem, inter Angliæ & Scotiæ Reges pacem conciliare summo operè studuit. Litterarum cum esset amantissimus Summus ille Pontifex, Academiam Parisiensem impensè coluit, ejus Leges ac Privilegia renovavit in Epistola XIII. lib. v. in qua eandem Academiam appellat *Sapientiæ Officinam*, & *Scientiarum parentem*. Academiam etiam Tolosanam: *Raymundo juniore* Comite Tolosano institutam approbavit. Redimendis Christianis apud barbara Nationes captivis, & proferendis Ecclesiæ finibus intentus *Gregorius IX.* Ordinem Beatæ Mariæ de Mercede Redemptionis captivorum confirmavit & ad Gentes in tenebris, & umbra mortis sedentes spargendi Evangelii præcones misit, præsertim Dominicanos, qui, velut nubes in aera sublata, Infidelium regiones non solum Divino Verbo, & Evangelii copioso imbri, sed etiam proprio sanguine largissimè irrigarunt. Obiit *Gregorius IX.* propè centenarius anno Christi MCCXLI. postquàm

annis quatuordecim , & mensibus quinque Ecclesiam rexisset . Trigesimo à *Gregorii IX.* obitu die , Pontifex electus est *Gaufridus Castilonæus* , morum integritate , eximiâ doctrinâ , in tractandis Ecclesiasticis negotiis experienciâ diuturno rerum usu comparatâ multum commendatus , & ex Ordine Cisterciensi ad Cardinalitias Insulas à *Gregorio IX.* assumptus , qui in Pontificatu *Celestinus IV.* fuit appellatus . Sed hunc Pontificem tantæ dignitati obviandæ parem , post septemdecim ab inito Pontificatu dies , præmatura mors rapuit , sicut testatur *Bernardus Guidonis* in Chronico Romanorum Pontificum . Mortuo *Celestino IV.* vacavit Sedes Pontificia annum unum , menses octo , & dies quindecim , eò quod *Fridericus* Imperator aliquot Cardinales in malphitano carcere detineret , qui postea , adniventibus *S. Ludovico* Galliarum Rege , & *Balduino* Imperatore Constantinopolitano , remissi , elegerunt Anagninæ cum aliis Cardinalibus *Sinibaldum de* *lisco* , Genuensem tituli *Sancti Laurentii in Lucina* Cardinalem , qui in Pontificatu *Innocentius IV.* diutius est , & propter eximiam , quâ pollebat , doctrinam , *Pater juris* , & *Pater veritatis* passim appellatus . In exordio Pontificatus sui concordiam Sacerdotii & Imperii statuere pro viribus studuit immus ille Pontifex , & in eam inclinare videbatur *Fridericus* Imperator , missis ad Pontificem Litteris , & propositis ineundæ pacis legibus , quas *Matthæus Parisius* recenset ad annum MCCXLIV. At *Fridericum* , superbi , levisque animi Principem , citò contempsit , quod se ad parendum Summi Pontificis mandatis , præstito per Oratores suos Sacramento , contempsisset , propositis pacis conditionibus stare



noluit, Summo Pontifici paravit insidias, seseque apertum prodidit Ecclesiæ inimicum. Quapropter, *Innocentius IV.* ut evaderet insidias, quas implacabili odio ei struebat *Fridericus* Imperator, in Gallias, solitum Romanorum Pontificum Azilum se recepit, ubi à *Ludovico*, Rege Sanctissimo, Summâ, quâ par erat, reverentiâ, ac magnifico apparatu exceptus, Oecumenicam Synodum Lugdunensē indixit anno MCCXLV. in qua in contumacem *Fridericum* Imperatorem excommunicationis & excommunicationis fulmina vibravit, sicut latius expendemus in quarto Colloquio, in quo de Concilio habitis Sæculis XIII. & XIV. operosius disseremus. Mortuo *Friderico II.* Imperatore anno MCCL. *Innocentius IV.* Lugduno discessit, & in Italiam reversus est, ubi multos populos, qui *Friderici* Imperatoris partibus adhæserant, ad officium revocavit. *Ecelinum* tyrannum, & *Fridericianæ* persecutionis in Marchia Tarvisina incentorem & administrum, tanquam hæreticum prorsus vitandum, & Fidei armis petendum, palam denuntiavit. *Conradum*, Imperatoris *Friderici* filium, hæredem paternæ tyrannidis, ut è Sicilia, quam occupabat, expelleret, Siciliæ Regnum *Carolo*, Andegaviæ Provinciæ Comiti, Sancti Ludovici Galliarum Regis fratri, certis conditionibus in Diplomate expressis, in feudum possidendum obtulit. *Innocentius IV.* qui tamen susceptum consilium, ob abjectionem Sancti Ludovici Regis cum perficere haud tuisset, Siciliæ ac Apuliæ Regnum *Henrico* Angliæ Regi in feudum obtulit pro *Eadmundo*, minore filio, ut testatur *Matthæus Parisius* ad annum MCCLIV. Maximo fidei apud gentes barbaras pro-

gandæ studio flagravit *Innocentius IV.* In Prussiam siquidem, Norwegiam, Græciam, Bulgariam, Æthyopiam, Indiam, ad Jacobitas, Nestorianos, Tartaros, Saracenos, nec non ad Turcarum Sultatum misit Viros religiosos, præsertim Ordinis Fratrum Prædicatorum, qui Fidei Catholicæ doctrinam eis prædicarent atque instillarent. Quos verò fructus in istis Missionibus tulerint Religiosi illi Viri, opportuniùs ostendemus in Colloquio sexto, ubi de Monastica Disciplina nobis sermo erit. Hic duntaxat breviter observabo *Innocentium IV.* ad reprimendos Hæreticos, qui in Lombardia, Romandiola, Marchia Anconitana, & Taruifina id ætatis grassabantur, Sacræ Inquisitionis munus Fratribus Prædicatoribus demandasse. Obiit Optimus ille Pontifex Neapoli anno mcliv. die vii. vel, ut scribit *Ciaconius*, die xiii. Decembris, cum annos ix. menses v. & dies xiv. sedisset. Noster *Thomas Cantipratenfis* lib. 2. *De Apibus* c. x. num. xxi. asserit, hunc Summum Pontificem, ob rescissâ Fratrum Mendicantium Privilegia à suis Decessoribus concessa, divinitus percussum fuisse, paralyti, ac vocis officium ad mortem usque amisisse. Duplicem causam mortis *Innocentii IV.* assignat *Matthæus Parisius*. Prima est, quod ægerimè tulerit Summus ille Pontifex, exercitum suum à *Conrado*, Rege Sicilia, adversario suo, victum ac dissipatum fuisse. Altera est, quod *Robertus* Lincolnensis in Anglia Episcopus (quem odebat *Innocentius IV.* & cujus ossa è tumulo eruere, & insepulta relinquere decreverat, nisi obstitissent Cardinales) in visione nocturna cuspide Baculi sui Pastoralis ipsum in latere iratus pupugerit, ex quo

ictu ait, cæpisse *Innocentium IV.* laborare pleuresi, quâ tandem extinctus est. Sed hæc omnia, quæ de obitu *Innocentii IV.* referunt *Thomas Cantipratensis*, & *Matthæus Parisius*, somnia sunt ac mera commenta, quæ non solum accurati Historiæ Ecclesiasticæ Scriptores explodunt, & ad aniles fabulas rejiciunt, sed etiam falli apertè convincuntur ex Epitaphio ejusdem *Innocentii IV.* quod legitur in Ecclesia Cathedrali Neapolitana, & his versibus conceptum est.

*Hic Superis dignus requiescit Papa benignus,  
Latus de Flisco, sepultus tempore prisco.*

*Vir sacer & rectus sancto velamine tectus.*

*Ut jam collapso Mundo temeraria passo*

*Sancta ministrari, Urbs posset quoque rectificari,*

*Concilium fecit, veteraque jura refecit.*

*Hæresis illisa, tunc extitit atque recisa.*

*Mœnia direxit, rectè sibi credita rexit.*

*Stravit inimicum Christi Colubrum Fridericum.*

*Janua de nato gaudet sic clarificato,*

*Laudibus immensis Urbs tu quoq; Parthenopen sis,*

*Pulchra decore satis dedit hic tibi plurima gratis.*

*Hoc titulavit ita Umbertus Metropolita.*

Ordinem *Servorum B. Mariæ* approbavit *Innocentius IV.* & in Sanctorum album solemni ritu retulit *Edmundum* Cantuariensem Archiepiscopum; *Guillelmum* Briocensem Episcopum in minori Britannia; *Stanislaum*, Cracoviensem Episcopum ac Martyrem, & *S. Petrum* Martyrem Ordinis Fratrum Prædicatorum, cujus vitam, à *Thoma Lentino* ejusdem Ordinis cœtaneo Scriptore editam, *Henscheinius* & *Papebrochius* inter Acta Sanctorum mensis Aprilis tomo 3. ad diem 29. reposuerunt.

D. Eò mihi charior semper erit *Innocen-*  
tiii



¶ IV. Pontificis Maximi memoria, quòd nuper legerim apud *S. Thomam* in *iv. Sententiarum*, *Distinct. xx. quæst. i. artic. iv. quæstiunculâ iii.* Summum illum Pontificem omnibus & singulis pro Galliarum Rege orantibus decem dierum Indulgentiam concessisse, quam postea ad centum dies *Clementem VII.* & ad unum annum *Leonem X.* extendisse testatur *Durantus cap. 33. lib. 2. De Ritibus Ecclesiæ.* Sed perge, si placet, alios memorare Pontifices, qui sæculis XIII. & XIV. Romanam gubernarunt Ecclesiam.

M. Paucis post *Innocentii IV.* obitum diebus, *Raynaldus*, seu *Reginaldus* è stirpe Comitum Signiæ, Cardinalis Episcopus Ostiensis, Pontifex electus est, Vir jugi orandi studio, abstinentiæ laude, & mansuetudine singulari spectatissimus, dictus in Pontificatu *Alexander IV.* Exscindendis Albigensum Hæreticorum reliquiis, & promovendæ Ecclesiæ Græcæ cum Latina unioni maximam sollicitudinem adhibuit Romanus ille Pontifex. *Alphonsum*, Castellæ Regem, sacram Expeditionem in Mauros adornantem, & *Orthocarum*, Bohemiæ Regem, contra Lituanos, aliosque Paganos in Poloniam irrumpentes, egregiè adjuvit, & contra omnes illos Catholicæ Fidei hostes Crucis vexillum explicari, & sacra militiæ Classicum personare iussit. Librum *Willelmi de Sancto Amore* adversus Religiosos Mendicantes editum, *De Periculis Novissimorum Temporum* inscriptum, damnavit *Alexander IV.* Ortas contra Fratres Prædicatores ac Minores turbas in Academia Parisiensi, cujus partem maximam *Willelmus à Sancto Amore* sibi conciliaverat, compescuit, eosque, quorum pietatem ac doctrinam probè nove-

rat,

rat, Magistrorum Collegio, è quo fuerant eje-  
cti, restituit; rescissis omninò durioribus eorum-  
dem Magistrorum Sæcularium contra prædictos Re-  
ligiosos Statutis. Causam harumce turbarum, quæ  
contra Fratres Prædicatores ac Minores in Acade-  
mia Parisiensi excitatæ sunt, aperiam in sequenti  
Colloquio. Hic tamen breviter observabo, *Egas-  
sium Bulæum*, qui tomo 3. *Historiæ Universitatis Pa-  
risiensis* hanc invidiosam litem repetere, & obliga-  
ta jampridem vulnera de industria refricare voluit,  
non eâ, quâ par est, reverentiâ loqui de *Alexan-  
dro IV.* eo solo nomine, quòd Summus ille Pontifex  
Dominicanos, & Minoritas contra eorum in Aca-  
demia Parisiensi æmulos Apostolicâ autoritate,  
defenderit. Hæc quippè sunt prædicti Scriptoris  
verba stomachi & querimoniarum plena, quæ le-  
guntur pag. 355. *Quis non fremat, inquit, cum audit  
tot Bullas, tam ob levem causam datas? tot fulmina  
manu Apostolica emissa? Quis non miretur, Summum  
Pontificem, alioqui virum optimum, ita ab inimicis  
Universitatis induci potuisse, ut tam vehementer per-  
sequeretur Academiam Parisiensem, quòd nollet alte-  
rius Ordinis, & Instituti homines in suum consortium  
admittere? Tunc enim Academici damnatum fuisse  
Guillelmi à Sancto Amore libellum minùs impatientèr  
ferebant: sed violari ab istis hominibus, seu Mendi-  
cantibus, sua Privilegia, libertates imminui, Statuta  
infringi, cum inimicis & ab inimicis cogi, conversari,  
omnia habere cum acerrimis persecutoribus communia,  
uno verbo cum percussoribus societatem inire compelli,  
hoc verò, supra quàm dici potest, indignantèr ferebant.  
Et pag. 363. hæc habet: Anno MCCLXI. oétavo Kal.  
Junii Alexander IV. moritur: quo mortuo pacatiores fue-*

fuerunt *Musæ Parisienses*, quas toto sui Pontificatus tempore durissimè tractavit & persecutus est ob *Willelmum de Sancto Amore Mendicantium malleum*, quos ille tuebatur. Itanè *Alexander IV.* toto sui Pontificatus tempore *Academiam Parisiensem* persecutus est, quia *Willelmi à Sancto Amore* Doctoris Parisiensis libellum contra Religiosos Mendicantes temerè scriptum, & erroribus scatentem proscripsit, & *Dominicanos* ac *Minoritas* injustè vexatos, præcipuè *Albertum Magnum*, *Thomam Aquinatem*, & *Bonaventuram*, fulgentia suorum Ordinum, ac totius Ecclesiæ Lumina strenuè tutatus est, Sanctosq; illos Doctores, qui non sanctimonix solum, sed & doctrinæ splendore toti Orbi prælucebant, Magistrorum Parisiensium Collegio, è quo expulsi fuerant, auctoritate Apostolicâ restituit? Itane, inquam, *Alexander IV.* *Academiam Parisiensem* persecutus est, qui in suis ad eam scriptis Epistolis, quæ legi possunt apud *Spondanum* ad annum *MCCLV.* multis encomiis illustribus illam celebrat, eamque appellat *Lignum vitæ in Paradiso Dei: Lucernam fulgoris in domo Domini, fœcundam eruditionis parentem: fulgidum Solem doctrinæ*, qui per totum Orbem claræ intelligentiæ lumen fundens, depellit ignorantia tenebras, ruditatis abstergit caliginem, aufert imperitiæ nubilum, promit illuminationis auroram, cognitionis pandit serenum, & lucidum scientiæ monstrat diem, rigat documentorum suorum fluentis paradisi omnem terram, & bonorum influentia dogmatum instruit & imbuit universum, copiosis, & dulcibus sapientiæ fructibus reficiens Ecclesiam, Mundum pascens; quia de Parisiis, velut de parentis sinu partus scientiarum pluriimi prodeunt, de ipsa rectæ ac perfectæ disciplinæ so-

boles



boles gignuntur . Hinc procedit inclyta Doct̃orum pro-  
sapia , hinc alta progenies provenit peritorum , quibus  
Christianus illustratur populus & Fides Catholica ro-  
boratur . Profectò , quicumque tot encomia , qui-  
bus *Alexander IV.* Pontifex Maximus Academiam  
Parisiensem prosequitur , semoto omnium partium  
studio , & abdicatis omnibus præjudiciis expendere  
haud gravabitur , confestim nullo negotio fatebi-  
tur , Summum illum Pontificem impensè Acade-  
miam Parisiensem coluisse , & de eâ optimè meri-  
tum fuisse , dum Fratrum Prædicatorum ac Mino-  
rum , qui ex ipsius gremio fuerant exclusi , patroci-  
nium suscepit , eosque restitui iussit . Mortuus est  
*Alexander IV.* octavo Kalendas Junii anni m cclxi .  
cum annos sex , menses quinque , & dies totidem  
Ecclesiam Romanam gubernasset .

Post *Alexandri IV.* obitum Sedes Apostolica  
duobus mensibus & totidem hebdomadibus cum  
vacasset , inauguratus est die iv. mensis Septembris  
anni millesimi ducentissimi sexagesimi primi Pon-  
tifex Maximus *Urbanus* hujus nominis *IV.* dictus  
ante Pontificatum *Jacobus Pantaleon* , natione Gal-  
lus in Trecensi Urbe humili loco natus , utpotè Su-  
toris veteramentarii filius , sed virtutibus & doctri-  
nâ per inferiores dignitatum gradus ad Apostoli-  
cam Sedem elatus . Primùm siquidem fuit Canoni-  
cus Tricassinus , dein Laudunensis Archidiaconus ,  
postea Virdunensis Episcopus , *Alexandri IV.* in Po-  
meriana , Prussia , universaque Germania Legatus ;  
mox Patriarcha Hierosolymitanus , ac tandem  
Summus Pontifex . Sub illius Pontificatus initium  
*Michaël Palæologus* Imperium Constantinopolita-  
num Latinis eripuit , & ad Græcos revocavit . Quod  
ægrè

ægrè ferens Romanus Pontifex, sacram Expeditionem indixit, quam ut averteret *Michaël Palæologus* Græcorum Imperator, Ecclesiæ Græcæ cum Latina conjunctionem se vehementer optare, missisque Oratoribus, quos summâ lætitiâ & humanitate excepit *Urbanus IV.* sacræ illud unionis negotium, procurare, totisque viribus promovere se velle significavit. *Manfredum* Siciliæ Tyrannum anathemate perculit *Urbanus IV.* Eum in Campaniam cum Saracenorum auxiliaribus copiis irrumpentem, contracto Crucesignatorum exercitu fugavit, Regnoque abdicavit, quod in *Carolus* Andegavorum Comitem, *S. Ludovici* fratrem, de Cardinalium consilio transtulit anno MCCLXIII. Festum Corporis Christi quotannis in universa Ecclesia ritu solemni celebrandum instituit idem Summus Pontifex. *S. Richardum* Episcopum Cicestriensem in Anglia in Sanctorum album retulit, cujus Sancti Episcopi vitam duplicem edidere *Henschenius* & *Papebrochius* inter Acta Sanctorum mensis Aprilis, unam ex *Joanne Capgravio* acceptam & descriptam ab Autore Anonymo, alteram à *Fr. Radupho* Ordinis Prædicatorum concinnatam. Monialibus Ordinis *S. Clare* Regulam tradidit *Urbanus IV.* mitiorem, & teneri sexus infirmitati accommodatiorem eâ, quam eis dederat *S. Franciscus*. Hinc Sanctimonialibus illius Ordinis, quæ hanc *Urbani* Pontificis Maximi Regulam profitentur, *Urbanistæ* propterea nuncupantur. Obiit *Urbanus IV.* sexto Nonas Octobris anni MCCLXIV. postquam annos tres, mensem unum & dies quatuor Ecclesiam Romanam rexisset, Vir sanè magni animi, eximiæ pietatis, & dignus diuturniori Pontificatu. Post Interpontificium

cium quinque mensium ab obitu *Urbani IV.* electus est Pontifex Maximus *Guido*, Episcopus Sabinensis, dictus in Pontificatu *Clemens IV.* Hic fuit natione Gallus, qui post mortem uxoris, quam duxerat, & ex qua duas filias susceperat, Sacris Ordinibus initiatus est, ac primùm Podiensis, sive Anicienſis Archidiaconus, indèque ejusdem Ecclesiæ Episcopus, ac paulò post Archiepiscopus Narbonensis, & ab *Urbano IV.* Cardinalis Episcopus Sabinensis creatus fuit, demùmque ob vitæ integritatem, & in rebus agendis solertiam, omnium Cardinalium suffragiis electus est Romanus Pontifex, dum absens esset, & à Legatione Anglicana, ad quam ab *Urbano IV.* missus fuerat, rediret. Hoc nuncio in itinere accepto, Viterbium pervenit, & die XXI. mensis Februarii Cathedræ S. Petri Sacrà anni MCCLXV. coronatus est. Primo statim Pontificatus ingressu rerum contemptus Mundi, & incredibilis erga propinquos suos moderationis præbuit exemplum. Scripsit siquidem integerrimus ille Pontifex Epistolam ad *Petrum Grossum* nepotem suum, quâ ei significat, se nullo pacto velle, ut aliquis ex suis agnatis obtentu ipsius sublimationis infletur, sibiq; non licere, quod suum non esset, dare propinquis. Promittit tamen se daturum sorori *Petri Grossi*, ad quem scribebat, trecentas libras Turonenses, si ipsa filio simplicis militis, hoc est, nobilis, desponsaretur; si verò altiores nuptias ambiret, nec unicum denarium largiturum. Hujus propositi adeò tenax fuit Sanctissimus ille Pontifex, ut non solum duas filias, quas, ut diximus, ante Pontificatum susceperat, innuptas reliquerit, sed etiam filio fratris sui Clerico, & tres Canonicatus possidenti jussit, ut,



t, duobus dimittis, quem maximè optaret, unicum  
 etineret. Hujus Summi Pontificis, qui carni &  
 sanguini nunquam acquievit, Epistolam ad *Petrum*  
*Crossum de Sancto Aegidio* nepotem suum edidit in  
 his Annalibus *Odoricus Raynaldus*, eamque Colle-  
 ctores Conciliorum inseruerunt tomo 11. pag. 830.  
 Verùm, qui in propinquos suos beneficia sic tem-  
 perabat *Clemens IV.* Pontifex Maximus, in proxi-  
 mum & pauperes summæ liberalitatis erat, & in-  
 mergentibus temporum difficultatibus Ecclesia-  
 sticas opes pro Ecclesiæ utilitate profunde-  
 bat. Si-  
 cilix Regnum *Carolo* Andegavensi, *S. Ludovici* Gal-  
 liarum Regis fratri, Apostolico jure donavit, & re-  
 portatam ab eodem *Carolo*, novo Siciliæ Rege, in si-  
 nem victoriam, in qua deleti sunt Gibellini,  
*Manfredus* Siciliæ Tyrannus cæsus, ejus uxor, filii,  
 & præcipui Duces capti, gratulatus est idem Sum-  
 mus Pontifex, & *Conradinum* Siciliæ Regnum affe-  
 rantem anathemate perculit. Accepto de calamito-  
 sis Christianorum in Syria statu, & Soldani Babylo-  
 ni progressibus nuncio, omnes Principes Christia-  
 nos, sed præsertim *S. Ludovicum* Galliarum Regem  
 ad succurrendum, bellumque Sacrum in Syria in-  
 aurandum vehementer adhortatus est, & nego-  
 rum habitum sub decessore suo *Urbano IV.* de  
 unionem Ecclesiæ Græcæ cum Latina, missis ad *Mi-  
 chaelem Palaeologum* Græcorum Imperatorem Viris  
 religiosis ex Prædicatorum Ordine Apocrisariis,  
 promovere ac perficere in votis habuit. Ita Juris  
 disciplinam exactè didicerat *Clemens IV.* Pontifex  
 Maximus, ut *Durandus* eum *Lumen juris*, *Platina*,  
*Griseoconsultum* totius Gallix sine contentione prima-  
 rium, & *Onuphrius Jureconsultorum peritissimum*  
 ap-

appellent. Viros doctos impensè coluit, & Sancto *Thomæ Aquinati* Neapolitanum Archiepiscopatum obtulit, quem Sanctissimus ille Doctor eximiâ sed sibi congenitâ humilitate, constantè recusavit. Denique, omnes Sanctissimi Pontificis numero postquàm explevisset *Clemens IV.* obiit Viterbii i. Vigilia S. *Andree* anni MCCLXVIII. & in ea urbe in Ecclesia Fratrum Prædicatorum sepultus est. Rexit Ecclesiam tribus annis, mensibus novem, diebus viginti quinque. Post mortem *Clementis IV.* Sedes Apostolica, ob varia, contrariaque Cardinalium studia vacavit annos duos, menses novem & dies duos. Tandem sex Cardinales, in quos cæteri alii ejusdem Collegii omnem suam novi eligendi Pontificis auctoritatem, edito Compromisso, refuderant; elegerunt *Thealdum*, seu *Theobaldum*, Placentinum, Archidiaconum Leodiensem, qui tum temporis cum Christiano exercitu in Syria degbat. Huic electioni factæ Kalendis Septembris anni MCCLXXI. omnes Cardinales lubentissimè unore, unâ mente, communibusque suffragiis conferunt, ac *Thealdum* Romam è Syria reversum v. Kalendas Aprilis anni MCCLXXII. in Basilica S. Petri Romanum Pontificem, dictum *Gregorium X.* inaugurarunt. In res Palæstinæ plurimum intentus fuit Summus ille Pontifex, & sicut, è Syria atequam discederet, promiserat his verbis: *Si obitus fuero tui Hierusalem, oblivioni detur dextera mea*, omnem adhibuit sollicitudinem, ut subsidia nova Christianis in Oriente militantibus suppeditarentur, & ut Græci, quibus *Michaël Palæologus* imperabat, deturbato è Solio Cōstantinopolitano *Balan*no, ultimo ex Latinis Cōstantinopolitano Imperatore,

tore, ad fidei, & Communionis Apostolicę Sedis unitatem revocarentur. Metuebat quippè, ut jam observavimus, *Michaël Palaeologus*, novus Græcorum Imperator, Principum Latinorum adversus se con-  
 spirationem, quam ut à se dispellere studeret, *Gregorium X.* Romanum Pontificem novâ fidei professione, & Ecclesię Græcæ cum Latina unione sibi conciliavit. Eam ob rem, *Gregorius X.* Concilium Oecumenicum Lugdunense II. celebravit anno MCCLXXIV. in quo Græci Spiritus Sancti à Patre Filioque processionem festis vocibus agnoverunt, Terrę Sanctę decreta sunt auxilia, & sancita saluberrimis Statutis Ecclesię Disciplina. Sed de hoc Concilio Generali Lugdunensi secundo uberius in quarto Colloquio differemus. *Rodulphi* Imperatoris electionem confirmavit *Gregorius X.* & *Alphonso* Castellę Regi suavit, ut Imperii juribus cederet, sicut in superiori Colloquio observavimus. Italię Provinciis ac Civitatibus pacandis, & Gibellinorum, Guelforumque factionibus, quibus tota Italia perstrepebat, extinguendis, totum se dedit Summus ille Pontifex, & in id præsertim incubuit, ut Christianorum Principum arma stringerentur in fidei hostes, maximè Saracenos, ad quos profligandos scripsit ad *Philippum III.* Galliarum Regem, ut subsidiarias copias in Syriam mitteret, eidem Regi postea gratulatus est, quòd sumptis Crucis Insignibus, Sacram Expeditionem in Syriam mitteret, eique Gallicani Cleri decimas concessit, ad conficiendum contra Saracenos bellum necessarias. Mortuus est *Gregorius X.* Aretii in Tuscia die x. Januarii anni MCCLXXVI. cum sedisset annos ab electione quatuor, menses quatuor, & dies decem; à Confe-



cratione verò tres annos, novem menses, & dies quindecim. Eum miraculis post mortem claruisse, testantur *Ptolomæus Lucensis*, & *S. Antoninus*. Idem etiam legitur in Monumentis Aretinæ Ecclesiæ, & in Vaticano Codice à nostro *Bzovio* in Annalibus Ecclesiasticis laudato.

D. Fuitne diuturnior Pontificatus Successoris *Gregorii X.*?

M. *Innocentius V.* *Hadrianus V.* & *Joannes XX.* qui post *Gregorium X.* Sedem Romanam tenuerunt, brevissimum Pontificatum gesserunt. At enim, post Justa *Gregorio X.* à Cardinalibus, ut moris est, persoluta, *Petrus de Tarentasia*, Episcopus Ostiensis, ex Ordine Fratrum Prædicatorum assumptus, vitæ integritate & præcellenti eruditione præditus, electus fuit Romanus Pontifex, dictusq; *Innocentius V.* quem acerba mors sexto mense Pontificatus per unum alterumque diem inchoato rapuit, & spes ingentes ab Ecclesia de illius regimine conceptas præcîdit die *xxii. Junii* anni *mcclxxvi.* Præter singularem eruditionem, librorum, quæ adhuc supersunt monumentis, contestatam, paremque morum sanctitatem, formam & pulchritudinem dignam Imperio, quâ sui Sæculi hominibus præstabat *Innocentius V.* Pontifex Maximus, multis aliis præclarissimis dotibus, ex quibus quamplurima in Republicam Christianam bona derivarunt, in Ecclesia præfulsit, eaque in Pontificatu prudenter felicitèq; peregit, quæ multorum annorum æquare & implere spatia possent. *Innocentio V.* suffectus est *Ottobonus* Patria Genuensis, Diaconus Cardinalis Tituli Sancti *Hadriani*, ob idque dictus *Hadrianus V.* cujus Pontificatus brevissimus fuit. Obiit siquidem V.

terbii altero ab electione sua mense necdum expleto, die videlicet XVIII. mensis Augusti an. MCCLXXVI. *Hadrianum V.* in Pontificatu excepit *Petrus Juliani* natione Lusitanus, Cardinalis Episcopus Tusculanus, dictus *Joannes XX.* Fuit hic Pontifex eximiæ eruditionis vir, & in Physicis præsertim, ac in Medicinæ Disciplina versatissimus. Ad pacem inter Principes Christianos conciliandam, ad debellandos Fidei Christianæ hostes, & ad promovendum S. Unionis Ecclesiæ Græcæ cum Latina negotium omnes suas curas convertit. Hinc *Philippum* Galliarum Regem ad Syriacam Expeditionem, quam voverat, perficiendam, missis Legatis, vehementer adhortatus est. *Petro* Aragonum Regi decimas ad propulandos Mauros, qui in ejus Regnum irruperant, concessit, sicut & *Guidoni* Flandriæ Comiti, qui Syriæ defensionem arma consecrarat. Misit etiam idem summus Pontifex Legatos Apostolicos *Jacobum* ac *Salvium* Ordinis Fratrum Prædicatorum ad *Michaëlem Palæologum* Græcorum Imperatorem, & ab eo obtinuit, ut juratam à suis Oratoribus in Concilio Generali Lugdunensi II. utriusque Ecclesiæ Græcæ & Latinæ unionem coram Legatis Apostolicis confirmaret, ut liquet ex Litteris ejusdem Imperatoris ab *Odorico Raynaldo* relatis ad annum MCCLXXVII. Num. XXI. Viros litteratos, teste nostro *Ptolomæo Lucensi*, singulari affectu complectebatur, fovebat, beneficiis cumulabat *Joannes XX.* quem alii appellant *Joannem XXI.* quique tam infelici, quam inopinatâ & præmaturâ morte extinctus est. Solutâ quidem Camerae suæ contignatione, eâque subinle corruente, inter ligna & lapides collisus ac oppressus est, indèque ægrè retractus, sex dumtaxat

dies post casum vixit, obiitque Viterbii mense Maio anni MCCLXXVII.

D. Ex tam deplorando Pontificis casu probè intelligo, quàm fluxæ & instabiles sint res humanæ, quàmque lubrica & anceps sit earum conditio. Sed, ne hujus funesti & acerbi interitus intempestivo luctu diutiùs te detineam, perge quæso, aliorum Pontificum, qui decimo tertio Sæculo Ecclesiam Romanam gubernarunt, texere Catalogum.

M. Protractâ post *Joannis XX.* obitum ad sex menses Romani Pontificis electione, tandem electus est *Joannes Cajetanus*, patriâ Romanus, ex Illustrissimâ Ursinâ Prosapiâ oriundus, cui adhuc puero Sanctus *Franciscus* supremam Pontificatus dignitatem fuerat auguratus, atque Ordinem commendarat suum. Diaconus erat Cardinalis S. *Nicolai in Carcere Tulliano*, à quo sibi in Pontificatu nomen sumpsit, dictusque est *Nicolaus III.* Tanta fuit hujus Summi Pontificis morum æquabilitas, & in rebus gerendis singularis prudentia, ut vulgò *Compositus* appellaretur. Electus est die S. *Catharinæ Martyri* Sacrà anni MCCLXXVII. & die S. *Stephani* Protomartyris ejusdem anni consecratus. *Alphonsum* Hispaniæ, & *Philippum* Galliarum Reges inter se acerrimè dissidentes, missis ad utrumque Legatis, conciliare pro viribus studuit, quod tamen exitu caruit. Florentinorum dissensiones sedavit Summus ille Pontifex, & extinctis Guelphorum, Gibellinorumque factionibus, pacem, cujus erat studiosissimus, in Italiam feliciter revocavit. *Ladislaum* Ungariæ Regem, Cumanis Paganis faventem injectis Censurarum minis ad officium reducere curavit. Ut Ecclesiæ Græcæ cum Latina conjunctio



in Concilio Lugdunensi facta, firmaretur; strenuam navavit operam, datis pluribus ad *Michaëlem Palæologum* Græcorum Imperatorem, ad *Andronicum* ejus filium, ad Patriarcham Constantinopolitanum, cæterosque Præsules Græcos Litteris. De Judæorum, & Hæreticorum conversione multum sollicitus verbum Dei Judæis prædicandi Fratribus Prædicatoribus Provinciam demandavit, variaque pœnarum genera in Catharos, aliosque Hæreticos promulgavit. Regulam *Fratrum Minorum* explicuit idem Summus Pontifex celebri illa Constitutione, quæ incipit: *Exiit qui seminat*, quâ rerum omnium, quæ Ordini *Minorum* concederentur, usu dumtaxat Fratribus permisso, dominium Sedi Apostolicæ reservavit. Quod dominium *Joannes XXI.* quem alii dicunt *XXII.* in Extravag. ad *Conditorem*, ut Comenititium & nullius utilitatis abdicavit. Obiit *Nicolaus III.* in Castro Suriano Apoplexiâ ictus in Octava Assumptionis Deiparæ Virg. ann. mclxxx. cum annis duobus & mensibus novem, minùs duobus diebus, Romanam Ecclesiam rexisset. Ejus Corpus Romam delatum in Basilicam S. Petri in Sacello, quod in honorem S. *Nicolai* excitaverat, conditum est. Sub Pontificatu hujus Papæ *Nicolai III.* hoc est, anno mclxxix. piâ *Caroli II.* Salernitani Principis, & Siciliæ Regis filii diligentia Sacrum B. Mariæ Magdalenæ Corpus in Gallo-Provincia, seu in Sancti *Maximini* Villa fuisse inventum testantur *Bernardus Guido*, *Jordanus*, & *Ptolomæus Lucensis*, quibus ipse etiam lubentissime subscribam, & præpositam eâ de re *Joannis Launoii* (cui, ob nimiam vestitissimos quosque Sanctos è Cælo detrudendi puriginem, *Sanctorum everforis* cognomen adha-

fit) dubitationem explodi meritò debere censeam; non possum attamen, ut liberè dicam, quin ceù fictitium repudiem miraculum, quod *Sylvester Prieras*, & *Bzovius* ad annum MCCLXXXIII. referunt, liberationis *Caroli II.* Salernitani Principis è carcere Barcinonensi, in quo ab *Alphonso* Aragonum Rege detinebatur, ejusque Narbonam usque mirabilis translationis, nullâ ope humanâ factæ, sed solâ virtute *B. Mariæ Magdalenæ*, quæ ei indicavit, quo loco ejus reliquiæ delitescerent, utque inventas honorificentius collocaret, ac ibi Cœnobium Fratribus Prædicatoribus extrueret, dotaretq; præcepit. Hoc, inquam, miraculum *Caroli II.* Salernitani Principis è carcere Barcinonensi liberationis virtute *B. Mariæ Magdalenæ* factæ, loco fabulæ haberi debere, ex eo maximè evincitur, quòd inventio Corporis *B. Mariæ Magdalenæ*, ejusque in loco honoratiori, jussu laudati Principis Salernitani *Caroli II.* collocatio facta fuerit, ut convenit inter omnes Historicos, anno MCCLXXIX. Liberatio vero *Caroli II.* Principis Salernitani contigerit dumtaxa anno MCCLXXXVIII. sub Pontificatu *Nicolai IV.* sicut disertè testantur Scriptores coævi, & probatissimæ fidei *Guillelmus Nangius*, ad ann. MCCLXXXVIII. *Paulus Æmilius* in *Philippo Pulchro*, *Joannes Villanus* lib. 7. cap. 114. *Ptolomæus Lucensis* cap. 24. *Historiæ*, *S. Antoninus*, *Platina* in *Nicolao IV.* *Marianus* lib. 14. cap. 14. & *Walsinghamus* ad ann. MCCLXXXI. Addo etiam, liberationem *Caroli II.* Principis Salernitani è carcere Barcinonensi contigisse sub Pontificatu *Nicolai IV.* Summi Pontificis, hoc est, ann. millesimo ducentesimo octogesimo octavo, aperire constare ex Epistola ejusdem Papæ *Nicolai IV.*

*Philippum Pulchrum* Galliarum Regem, cujus fragmenta Annalibus Ecclesiasticis inseruit *Odoricus Raynaldus* ad annum MCCLXXXVIII. Num. XVI.

D. Famam *Nicolai III.* Pontificis Maximi duplici potissimum ex capite proscindebat nuperrime morosus quidam ac superciliosus Censor. Ei siquidem vitio vertebat, quod conscius fuisset conjurationis adversus *Carolum* Siciliae Regem à *Joanne Prochita*, viro sceleratissimo, initæ cum *Petro* Rege *Aragonum*, & *Michaële Palæologo* Græcorum Imperatore, de invadenda Sicilia. Quam Conjurationem nefariè susceptam, cæsis postea omnibus ad unum in tota Sicilia Francis per immanitatem post nominum memoriam maximam executi sunt. Præterea, dictitabat idem Censor, *Nicolaum III.* in sua Constitutione, *Exiit qui seminat*, quæ legitur in Secundo, Tit. *De Verborum significatione*, definiisse, abdicationem omnium rerum tam in speciali, quam in communi, verbo & exemplo Christum Dominum docuisse, quod tamen erroneum & hæreticum esse *Joannes XXI.* quem alii dicunt *XXII.* in sua Constitutione, quæ incipit his verbis: *Cum inter nonnullos*, decretorio judicio declaravit. Ab his duobus accusationis Capitibus *Nicolaum III.* vindicandi tibi onus in præsentia incumbit.

M. Proclive est hæc duo accusationis Capita amoliri à *Nicolao III.* Pontifice Maximo, ejusque famæ, quam maledico dente carpere ausus est aspersimus ille Censor, integritatem demonstrare. Quod enim primum Caput spectat, nefarium videlicet de Gallorum in Sicilia cæde consilium cum *Nicolao III.* communicatum, oppidò falsum est, sicut colligitur ex locupletissimo *Ægidii* Cardinalis Vi-



terbiensis testimonio: *Cædes Gallorum*, inquit, in *Sicilia facta* (*Vesperas Siculas dicunt*) turbari in *Italia omnia*, *Nicolao extincto custode pacis*. Non potuisset autem *Ægidius* Cardinalis appellare *Nicolaum III.* Custodem pacis, si reverâ Summus ille Pontifex prædictæ conjurationis, & tragicæ proditiōis conscius fuisset. Non me latet Scriptores Italos, *Ricordanum*, *Villanium*, *S. Antoninum*, *Blondum*, *Fazel-lum*, *Summontium* asserere, *Nicolaum III.* sollicitatum à *Joanne Prochita* huic conjurationi manus dedisse, eò quòd infensus esset *Carolo* *Siciliæ Regi* ob repulsam, quam passus fuerat cum quibusdam verborum aculeis, dum ab ipso postulasset, ut neptem suam *Ursino* nepoti uxorem traderet. At illos Scriptores Italos falsis rumoribus temerè & mendaci famâ in vulgus sparsis plus æquo credidisse existimo, quia verosimile non est, *Nicolaum III.* qui ab ipso Pontificatus sui exordio pacem & concordiam inter *Carolum* *Siciliæ Regem*, & *Michaëlem Palæologum* Imperatorem Græcorum stabilire pro viribus sategit, quique probè norat, decessores suos *Urbanum IV.* & *Clementem IV.* excommunicato *Manfredo*, & omni jure Regni *Siciliæ* exuto, Regnum *Siciliæ* detulisse *Carolo* Comiti *Andegavensi*, *S. Ludovici* *Galliarum* Regis fratri, Francosque nihil minùs cogitantes enixis precibus ad illud Regnum suscipiendum sollicitasse, non est, inquam, verosimile, *Nicolaum III.* tam facilè mutasse sententiam, & non solum *Carolum* *Siciliæ* Regno, quo à Romanis Pontificibus donatus fuerat, privare, verùm etiam iniquæ contra omnes Gallos in *Siciliæ* Regno degentes conjurationi assensum præbere voluisse. Sed laudatos Scriptores Italos deceptos fuisse, dum nar-

narrant *Nicolaum III.* conscium fuisse conjunctionis adversus *Carolum* Siciliae Regem, ex eo maxime suaderi potest, quod iidem Scriptores similiter referunt, *Martinum II.* vulgò *IV.* appellatum, *Nicolaï III.* successorem, consensisse privato certamini, Burdegalaë, centum Equitibus utrinque concurrentibus, committendo, ad quod *Petrus Aragonum*, Rex, qui Siciliam invaserat, provocavit *Carolus* Siciliae Regem. Quod tamen falsum esse (inquit *Spondanus* ad annum *MCCLXXXI*.) aperte probant litteræ ab eodem *Martino* Romano Pontifice ad *Carolus*, quibus acerrimè eum redarguit, quod adeò temerariè consenserit huiusmodi damnabili & damnato certamini, eique sub debito ipsi Pontifici, & Ecclesiae Romanae fidei & homagii omninò injunxit, ut ab eo sub pœna excommunicationis abstineret, & omnes, qui ei auxilio, consilio, vel favore assisterent, etiam si Regiâ vel Imperiali dignitate fulgerent, eadem censurâ irretitos declaravit. Sicut ergo audiri haud debent Scriptores Itali, dum asserunt *Martinum* Romanum Pontificem pacto Reges inter Aragoniæ & Siciliae singulari certamini consensisse, ita nobis sublesta eorundem Scriptorum fides esse debet, dum scribunt, *Nicolaum III.* conjunctionis adversus *Carolus* Siciliae Regem, & iniquissimæ Gallorum cedis conscium fuisse.

Nec minus à vero aberrarunt hi, qui putarunt *Nicolaum III.* definiisse in sua Constitutione, quæ incipit. *Exiit qui seminat*, Christum rerum aliquarum, earum præsertim quibus utebatur, vel quas ad suos & suorum Discipulorum usus accipiebat, nullum dominium habuisse. Id certè in prædicta Constitutione non decernit *Nicolaus III.* sed solum asse-

asserit, Christum abdicationem absolutissimam dominii rerum temporalium tam immobilium, quàm mobilium, in communi & in speciali, verbo & exemplo docuisse, quod sanè verissimum est. Subdit tamen idem Summus Pontifex, Christum, præter hoc vitæ genus, aliud, dum viveret, suo commendasse exemplo, si quidem Loculos cum Apostolis possidebat, ex quibus emi jubebat necessaria ad communem vitæ sustentationem, & pauperibus etiam eleemosynam erogari. Sic enim ait Summus ille Pontifex: *Infirmorum personam Christus suscepit in Loculis, & infirmorum imperfectionibus condescendit*. Hoc est, Christus Dominus dignatus sese accommodare imbecillitati & imperfectioni naturæ nostræ multis necessario sustentandæ subsidiis, quæ non nisi pecuniis comparari possunt, Loculos humano more, seu cum vero dominio, habere voluit. Non negat igitur *Nicolaus III.* Christum habuisse aliquandò rerum aliquarum, earum maxime quibus utebatur, dominium, ac subindè nulla est pugna inter hunc Romanum Pontificem, & *Joannem XXI.* quem alii dicunt *XXII.* quia *Joannes XXI.* in sua Constitutione cum inter nonnullos, definivit dumtaxat Hæreticum esse negare, Christum & Apostolos aliquid habuisse in communi, sicut tum temporis pervicaciter docebant quidam Minoritæ, qui de sua paupertate ambitiosius, quàm religiosius disceptantes, magno animorum æstu Christum & Apostolos nunquam aliquid in communi possedisse pertendebant, & omne à se bonorum dominium amoliebantur, atque in Sanctam Sedem rejiciebant, usum sibi tantum reservantes, sicut opportuniùs in sequentibus Colloquiis expendemus.



D. Vacavitne Sedes Pontificia post *Nicolai III.* obitum, qui, uti annotasti, contigit anno MCCLXXX.

M. Sunt quidam Dominicani Scriptores, qui post *Bzovium* ejusdem Ordinis, Annalium *Baronii* continuatorem, asserunt, *Joannem Vercellensem* Ordinis Prædicatorum Generalem Magistrum, mortuo *Nicolao III.* Pontifice Maximo, electum fuisse in Romanum Pontificem; Sed, cum absens electus fuisset, antequam suæ promotionis nuncium accepisset, vitam functum esse. Nolim quidem ipse Familiæ Dominicanæ, cui nomen dedisse eximæ felicitatis, & summo semper honoris loco ducam, gloriam deprimere, quam potius, quamdiu suppetent vires, promovere curæ ac cordi jugiter habebō; ad Historiæ tamen Ecclesiasticæ elucidationem ingenuè hic fatebor, hanc creationem *Joannis Vercellensis* in Romanum Pontificem post mortem *Nicolai III.* meram esse fabulam, quæ non solum *Ptolomæi Lucensis*, & *Sancti Antonini* silentio aliorumve gravissimorum Auctorum, qui de Romanis Pontificibus scripserunt, aut Ecclesiasticam Historiam concinnarunt, auctoritate vincitur, sed etiam cum ratione temporum cohærere minimè potest. At enim, *Nicolaus III.* ut jam diximus, mortuus est anno MCCLXXX. & *Joannes Vercellensis* obiit anno MCCLXXXIII. ut videre est in Chronicis Ordinis Prædicatorum, & in Scriptoribus ejusdem Ordinis. Si ergo *Joannes Vercellensis* immediate post obitum *Nicolai III.* in Romanum Pontificem fuisset electus, omni procul dubio, suæ electionis nuncium accepisset, cum è vita dumtaxat migrarit anno MCCLXXXIII. quo anno nulla fieri potuit Pontificis Romani electio, Sedente jam *Martino*

*tino II.* qui vulgò *IV.* appellatur. Hac itaque misis fabulâ, quâ non eget Familia Dominicana veris & innumeris, ut ostendam in sexto Colloquio, cummulata honoribus, certum & indubitatum est apud omnes Historicos, post *Nicolai III.* obitum Sedem Apostolicam, ob tumultus occasione Hannibaldensium & Ursinorum æmulationis exortos, per sex menses vacasse, & tandem communibus suffragiis electum esse in Romanum Pontificem viii. Kalend. Martii, seu die Cathedræ *Sancti Petri* sacrâ, anni MCCLXXXI. *Simonem de Bria*, natione Gallum, Tituli *Sanctæ Cæcilie* Presbyterum Cardinalem, qui in Ecclesia *Sancti Martini* Turonensis cum olim, Canonicus fuisset, & sacri ærarii Præfectus, *Martinus* appellari voluit. *Martinus II.* juxta ordinem Romanorum Pontificum, qui eo nomine donati sunt, nuncupari deberet, sicut eum vocat *Henricus Stero* in Annalibus, usus tamen obtinuit, ut dicatur *Martinus IV.* moribus generosus & magnanimus, & à cupiditate pro se vel suis alienus, Ecclesiasticique Juris zelator, ut ait *S. Antonius*, qui etiam testatur, Summum illum Pontificem fratri suo, qui statim ac audierat creationis ipsius nuncium, ex Gallia ad ipsum gratulabundus advolaverat, modica tantum munera, & itineris expensas tribuisse, dicendo: *Bona esse Ecclesiæ, non sua, quæ in Consanguineos profunderè non liceret.* O sententiam auream, cedro dignam, ac marmori insculpendam! Pontificiam dignitatem, quam modestè de se sentiens, variis adhibitis excusationibus, declinare conatus fuerat, intrepidâ constantiâ sustinuit. *Michaëlem Palæologum*, Græcorum Imperatorem, ab unione cum Ecclesia Latina in Concilio Lugdunen-

per Oratores suos juratâ , & proprio deinde Sacramento coram Legatis Apostolicis confirmatâ ræca levitate recedentem anathemate perculit. Sicularum prodicionem , & immanitatem à sæculis nauditam , quâ in ipsa Paschatis solemnitate, dum Campanæ ad Vespertinum Officium pulsarentur , unde *Sicularum Vesperarum* nomen ) omnes ad unum Gallos cujuslibet sexus , ætatis , conditionis & ordinis , indiscriminatim confoderunt , execratus est *Martinus* Papa. *Petrum* Aragoniæ Regem , & efarîæ istius conjurationis participem , & Regni Siciliæ invasorem, diris solemnibus Ecclesiæ ritu devovit, eumque, Ecclesiasticas Censuras contemnentem, Regno Aragoniæ , & Cataloniæ ac Valentîæ Principatibus privatum edixit , & ejus subditos à juramento fidelitatis absolvit : Aragoniæ verò Regnum , aliasque *Petri* Ditiones , *Philippo* , Galliarum Regi , adjudicavit , ut *Carolo Valesio* , filio suo minori , ex ipsius *Petri* sorore suscepto , eas armis indicaret , sub clientela tamen Sedis Apostolicæ , certis conditionibus possidendas . Anathematis sententiam tulit in Panormitanos , & in eos , qui Regnum Siciliæ *Carolo* Regi fiduciario jure ab Ecclesia traditum invaderent , vel conjuratis opererent : Pugnaturis verò pro *Carolo* , legitimo Siciliæ Rege , si in prælio caderent , eandem concessit indulgentiam , quam Crucesignatis pro Terræ Sanctæ recuperatione , aut defensione , sui Decessores arguti fuerant . Felix *Carolus* , si Optimi illius Pontificis consiliis ac mandatis morem gessisset ! Sed ejus mandata negligens, delusus est à *Petro* Aragoniæ Rege , qui dolo rem agens , eum ad singulare certamen provocavit, eâ lege ut victoris præmium ellet



esset Siciliae Regnum, infamia pugnam detrectantis. Dolum non subodoratus generosior *Carolus*, Burdegalam, assignatum certamini locum, se contulit, ubi se delusum tandem agnovit, non comparente *Petro* Aragoniae Rege. Sic dolus virtuti praevaluit. Perdidit Siciliam *Carolus* fortitudine, eam potitus est *Petrus* Aragoniae Rex, minus de fama sua, cujus jam jacturam fecerat, quam de Siciliae Regno, quod invaserat, injuste retinendo sollicitus. Obiit *Martinus IV.* Perusii, iv. Kalend. Aprilis anni mclxxxv. eumque post obitum multis claruisse miraculis testantur *Martini* Poloni Continuator, *Guillelmus Nangius*, & Auctor Vitae MS. *Martino IV.* consentientibus suffragiis subrogatus est in Sede Apostolica *Jacobus Sabellus*, nobilis Romanus, *Sanctae Mariae in Cosmedin* Diaconus Cardinalis, iv. Nonas Aprilis ejusdem an. mclxxxv. dictus in Pontificatu *Honorius IV.* qui Decessoris sui vestigiis insistens, *Jacobum*, filium *Petri* Aragoniae Regis, paternae tyrannidis haeredem, qui Siciliae sceptrum arripuerat, ejusque matrem *Constantiam*, filiam *Manfredi* Siciliae Tyranni, anathemate confixit. *Ladislaum* Ungariae Regem, qui, repudiatâ legitima uxore, cum pellicibus polluebatur, suoque familiari consortio Infideles Cumanos, Tartaros, Neugerios, & Saracenos dignabatur, acerrimè redarguit, & in eum, ni Reginam reciperet, & maritali complecteretur affectu, atque Infideles à sua societate ablegaret, Anathematis minas intexit. Plures Epistolas scripsit Summus ille Pontifex, quae referuntur ab *Odorico Raynaldo*, *Bzovio* & *Wadingho*. Extat etiam in Bullario Romano ejusdem Pontificis diploma, quod incipit: *Olim.*

*Felicio*, anno MCCLXXXVI. datum, quo novam Men-  
 licantium Sectam, sub nomine Ordinis Apostolo-  
 um, à nescio quibus institutam damnavit. Sedit  
 duobus annis, & uno die, atque è vita migravit  
 Romæ die Cænæ Domini, quæ incidit in diem  
 II. Aprilis anni MCCLXXXVII. Post illius obitum  
 vacavit Sedes Romana mensibus decem, & octo-  
 decim diebus, hoc est, usque ad diem XXI. men-  
 is Februarii festo Cathedræ Sancti Petri Sacram-  
 anni MCCLXXXVII. quâ die Romanus Pontifex ele-  
 ctus est *Hieronymus Asculanus*, tituli Sanctæ Puden-  
 tianæ Cardinalis, ex Ordine Fratrum Minorum as-  
 sumptus, non verò ex Ordine Fratrum Prædicato-  
 um, sicut per errorem, aut memoriæ lapsum ob-  
 cepit *Dupino* tom. 10. *Bibliothecæ Scriptorum Eccle-*  
*asticorum* pag. 57. Primus fuit ex Ordine S. Franci-  
 sci Romanus Pontifex, dictusque est *Nicolaus IV.*  
 cui, susceptâ Ecclesiæ administratione, statim ad  
 componendas res Siculas animum applicuit. Siculis  
 assistit ut ad obsequium Ecclesiæ redirent, & ad *Al-*  
*phonsum* Aragoniæ Regem Legatos misit pro *Caroli*,  
 cognominati *Claudi*, Principis Salernitani & Sici-  
 liæ Regis, quem in carcere Barcinonensi captivum  
 detinebat, liberatione. E carcere dimissus quidem  
 est *Carolus*, sed asperrimis conditionibus ei in  
 Conventu Oleronenſi impositis, quas *Nicolaus IV.*  
 rescidit, & *Carolus* Siciliæ & Apuliæ Regem cor-  
 onavit. Inde tamen acrius recrudit bellum inter  
 prædictum *Carolus* Siciliæ Regem, & *Jacobum*  
 ejusdem Regni invasorem, *Alphonſi* Aragonum  
 legis fratrem. De Religione Christiana apud bar-  
 baras nationes propaganda multum fuit sollicitus  
*Nicolaus IV.* misitque Religiosos tam ex Ordine

Fratrum Prædicatorum , quàm ex Ordine Fratrum  
 Minorum , quibus Verbi Divini nationibus à fide  
 Christiana alienis prædicandi provinciam deman-  
 davit , quorum Apostolicis laboribus apud Tarta-  
 ros Christiana Religio ita effloruit , ut *Argon* Rex,  
 ejusque coniux Christo nomen dederint , quorum  
 conversioni gratulatus est *Nicolaus IV.* Epistolis  
 decimâ libri primi, & duodecimâ ad *Argonem* Re-  
 gem . Causam etiam Christianorum in Syria, quo-  
 rum res inclinata erat, apud Principes Christianos,  
 præsertim apud Reges Galliæ , & Angliæ , vehe-  
 mentèr sollicitavit . Quin & ad tuendam Urbem  
 Ptolomæidem multos milites ipse proprio ære  
 transmisit . Hunc Summum Pontificem egregiè  
 doctum fuisse , & ex omni ferè Religione viros op-  
 timos & doctos Cardinales creasse, ac Romam pul-  
 cherrimis ædificiis exornasse testatur *Joannes Stel-  
 la* Venetus in suo Commentario de *Vita & Moribus*  
*Romanorum Pontificum* . Obiit *Nicolaus IV.* die Sa-  
 crâ Parasceves , seu die iv. Aprilis anni mccxcii.  
 annum agens Pontificatus quintum . Post mortem  
*Nicolai IV.* Sedes Pontificia , ob Cardinalium dis-  
 fensionem , vacavit annis duobus , mensibus tribus  
 & die unâ , cùm tandè m die v. mensis Julii anni  
 mccxciv. Summo omnium consensu electus est  
 Summus Pontifex *Petrus de Murrone*, Sanctus Ana-  
 choreta , & novæ Congregationis Religiosæ , quæ  
*Cælestinorum* postea dicta est, Auctor . In aspera ac  
 remota Apuliæ solitudine rerum divinarum con-  
 templationi , & corpori macerando intentus erat  
 vir ille sanctitate illustris , dùm de sua electione  
 nuncium accepit , ac statim , ut erat verè pius &  
 humilis , fugam arripere cogitavit , sed à populo  
 deten-



detentus , in urbe Aprutii *Aquila* , volens nolens , inauguratus est , dictusque *Cælestinus V.* qui tamen paulò post se ad hanc dignitatem minus aptum , agnoscens , tantoq; oneri ferendo imparem sentiens , oneri & honori cedere statuit , adductus potissimum consiliis Cardinalis *Benedicti Cajetani* , viri sagacis , callidi , & rerum gerendarum gnari , qui ipsum divini judicii metu , ut se Pontificatu abdicaret , deterruit ; non verò , ut quidam ineptè fabulantur , voce per tubum fictâ , & quasi cælitùs dimissâ , ei , ut Pontificatum deponeret , persuasit . Tandem , post quinque menses & dies octo Pontificatus , *Cælestinus V.* ornamenta Pontificis in Consistorio exuit mense Decembri , & die *Sanctæ Lucie* sacrâ anni mcccxciv. editâque Constitutione , quâ cessionem hujusmodi fieri posse pronunciavit , stupendam humilitatis exemplum , & magnum spretæ humanæ felicitatis reliquit argumentum , quod omnis ætas mirabitur , nulla deinceps fortassis imitabitur . Obiit *Cælestinus V.* anno mcccxcvi. in Arce Fumonis , ubi *Bonifacius VIII.* ejus successor illum recluserat , metuens ne ipsius simplicitate aliqui ad Schisma in Ecclesia conflandum abuterentur . Eum post mortem miraculis clarum *Clemens V.* Pontifex Maximus solemnni ritu in Sanctorum album retulit . *Cælestinum V.* in carcerem à *Bonifacio VIII.* ejus successore , conjectum , hæc de eo pronunciasse fertur : *Intravit ut Vulpes , regnabit ut Leo , morietur ut canis .* Sed id falsò & temerè usurpatum à Malevolis , & Principum assentatoribus , plerique existimant , quoniam *Platina* , valdè alioqui pronus ad notandas Pontificum maculas , nihil tale retulit , sed nec alii , qui eorum vitas descripserunt , inquit *Genebrardus Aque-*

sis Episcopus in Chronico ad annum MCCCIII.

D. Estne hic *Bonifacius* ille Papa, qui, sicut in superiori Colloquio dicebas, grave ac diuturnum cum *Philippo Pulchro* Galliarum Rege habuit dissidium?

M. Is ille ipsissimus est, qui, patriâ Anagninus, ante Pontificatum dicebatur *Benedictus Cajetanus*, Presbyter Cardinalis tituli SS. *Silvestri*, & *Martini*; vacante verò Sede per *Cælestini V.* abdicationem, à Cardinalibus ipso Natalis Domini pervigilio anni MCCCIV. Romanus Pontifex electus est, dictusque *Bonifacius VIII.* In ipso sui Pontificatus exordio, pacis inter Principes Christianos stabilientiæ curam suscepit, ac bellum acerrimum, *Jacobum* Aragonium Regem inter & *Carolum* de Regno Siciliae contententes eâ lege composuit, ut *Jacobus* Aragonius omni jure in Siciliam cederet. At siculi Gallicæ dominationis jugum omninò excutere volentes, *Carolus*, legitimum licet Siciliae Regem, agnoscere detrectarunt, & *Fridericum*, fratrem *Jacobi* Regis Aragoniæ, crearunt Siciliae Regem, eorumque contumaciam nullis beneficiis, nullis minis, & Ecclesiasticarum Censurarum fulminibus frangere potuit Summus Pontifex, donec tandem pace sub certis quibusdam conditionibus, quæ legi possunt apud *Spondanum* ad annum MCCCII. *Fridericum* inter & *Carolus*, dictum *Claudum* initâ, contumaces Siculos ad officium revocaverit, & Censuris Ecclesiasticis, quibus erant devincti, solverit, ut videre est in illius Summi Pontificis Diplomate, quod *Odoricus Raynaldus* in Annalibus Ecclesiasticis descripsit ad annum MCCCIII. num. XXIV. Verùm, dum paci inter Principes conciliandæ totus incumberet

beret *Bonifacius VIII.* incidit, proh dolor ! in grave ac infaustum cum *Philippo Pulchro* Galliarum Rege dissidium , cujus memoriam æternis deflendam lachrymis nō refricarem, nisi Historiæ leges ad id me compellerent . Huic exitiali Ecclesiæ dissidio, quod *Bonifacium VIII.* inter & *Philippum Pulchrum* Regem Christianissimum exarsit , tria potissimum capita occasionem dederunt . Primum illius dissidii incentivum fuit Regaliæ Jus , quod Rex in Ecclesiis Galliarum Regni exercebat, quod tamen vehementer improbabat *Bonifacius VIII.* Secundò , hoc ferale dissidium , velut unguis in ulcere , auxit suscepta à Rege *Philippo Pulchro* protectio duorum Cardinalium Columnensium , quos Gibellinorum factioni addictos , sibi que clam insidiantes , *Bonifacius VIII.* habito Romæ Episcoporum Conventu purpurâ exutos , omnibus bonis , muneribus , Beneficiis , & jure ad quascumque dignitates deinceps consequendas spoliatos anathemati subjecerat . Postremò, illud dissidium acrius recrudit per Legationem *Bernardi Saisseti* Appamiensis Episcopi, quem *Bonifacius VIII.* ad Regem miserat , ut ejus Majestatem ad Syriacam Expeditionem impelleret, indictas ad hoc Sacrum Bellum Ecclesiarum Decimas in alios usus convertere prohiberet , vacantium Ecclesiarum fructus retinere, earumque titulos absque consensu Romani Pontificis conferre Regi inhiheret . *Bernardus Saissetus* ( quem *rixarum & deffensionum virum* appellat *Spondanus* ad annum MCCXCVI. quemque recenti beneficio Pontifex obstrinxerat , cum Appamiarum Episcopatum a ejus gratiam anno MCCXCVI. erexerat, eique, invito Rege, primas Insulas tradiderat ) sibi deman-



datâ Legatione functus, durioribus verbis ac intempestivis minis exasperavit animum Regis, qui illum Narbonensi Archiepiscopo in custodiam tradidit, ut ab eo unâ cum Episcopis Provinciæ canonicè judicaretur. Multorum criminum accusatus fuit *Bernardus Saissetus* Appamiensis Episcopus, quæ legi possunt apud *Spondanum* ad annum mcccî. De his omnibus, quæ in *Bernardum Saissetum* Appamiensem Episcopum in Galliis gesta erant, certior factus *Bonifacius VIII.* scripsit ad *Philippum Pulchrum* Galliarum Regem litteras, quibus hunc Episcopum è carcere eximi jussit, additis etiam Anathematis ac depositionis minis, quæ jam nuntantem & iratum *Philippum* Regem in furorem impulerunt. Hinc, exacerbatis vehementer animis, asperiores utrimque scriptæ Epistolæ. Hinc *Philippus* Rex tam Legatum Apostolicum, quàm Appamiensem Episcopum libertate donatum Regno abire jussit, ac solemni Edicto prohibuit, ne quis è Clero Gallicano Romam peteret, aut è Regno aurum vel argentum Romam inferret. Hinc publicata Gallorum ad Sedem Apostolicam, vel ad Concilium Generale provocatio. Hinc immania accusationum, seu potius calumniarum capita, quæ *Plessiacus*, vir nobilis, in Conventu Præsulum, Doctorum, & Procerum Parisiis habito, proposuit contra *Bonifacium VIII.* Hinc sententia excommunicationis, quam in *Philippum Pulchrum* tulit *Bonifacius VIII.* totumque Galliarum Regnum sacris interdixit, Academias docere vetuit, & Gallos Sacramento fidei exoluit. Hinc denique perditissima illa conjuratio *Sciarre Columnæ*, & *Nogareti*, Equitis Galli, qui secretò militari conductâ manu audax

dax & execrabile facinus aggressi sunt in Summum Pontificem *Bonifacium VIII.* quem captivum apud Anagninam fecerunt, eique Colaphum armatâ manu *Sciarram Columnnam* inflixisse fertur. Elapsis autem tribus ab ejus captivitate diebus, intra quos thesaurus Ecclesiæ direptus est, Cives Anagnini, resumptis animis, quæ sui officii erant, præstiterunt, ac Summum Pontificem in libertatem asserunt Romam perduxerunt, ubi tandem paucos post dies, eorum, quæ sibi usquè adeò indignè obtigerant, acerrimo dolore confectus migravit ex hac vita anno mccciii. cum annos octo, menses novem, & dies duodeviginti Ecclesiam rexisset. Ipsum muro caput concussisse, digitos corrosisse, & desperato ac furenti similem mortuum esse asserunt quidam Scriptores, inter quos est *Spondanus* ad annum mccciii. At hoc indignissimum commentum est, quod non solum falsi cōvincit magnanimitas *Bonifaci VIII.* quem *Magnanimum & imperterritum* appellat *S. Antoninus*, sed etiam exploditur ejusdem *Sancti Antonini*, *Platina*, *Pauli Æmilii*, aliorumque illius temporis Scriptorum silentio. *Bonifacium VIII.* Virum fuisse doctissimum, magni animi, in amicos liberalem, jurium Ecclesiæ acerrimum defensorem, integerrimæ fidei Pontificem, purumque latinum, quæ ei *Columnenses*, & *Philippi Pulchri Galliarum Regis Ministri*, fervente dissidio, affuerunt, fatentur Historici, qui à studio partium int alieni. Negare tamen haud possum, esse aliquos Scriptores, quos inter censetur *S. Antoninus*, ui huic Summo Pontifici nonnulla vitia, præsertim nimium consanguineorum amorem, vitio verent. Jubilæum anno quolibet centesimo recur-

rente primus instituit *Bonifacius VIII.* illudque Romæ promulgavit anno mccc. quò immensa hominum multitudo religionis ergò confluit.

D. Fuitne *Bonifacii VIII.* successor in Galliarum Regnum, & *Philippum Pulchrum* Regem propensior?

M. Mortuo *Bonifacio VIII.* Pontifice Maximo, Summo Purpuratorum consensu substitutus est *Nicolaus Bocasinus*, Tarvisinus, Cardinalis Episc. Ostiensis, ex Ordine Prædicatorum assumptus, dictus in Pontificatu *Benedictus XI.* quamvis juxta Ordinem istius nominis Pontificum esset dumtaxat X. appellandus. Is ille est, qui ex humillimis natalibus ortus, cum Sedem Apostolicam conscendisset, matrem pretiosis ornatam vestibus, quæ magis novæ filii dignitati, quàm priori abjectæ fortunæ convenirent, se adeuntem repulit, & negavit se matrem agniturum, nisi depositis his adscititiis ornamentis, accederet vilibus, ut solita erat, induta vestibus. Quod cum præstitisset mater, eam honorificè suscepit, & magno cum gaudio amplexatus est. Pacis studiosissimus fuit Summus ille Pontifex, quam pro viribus promovit non solum in Sicilia, quam, sublato Interdicto, communioni restituit, & in diversis Italiæ Provinciis, quæ Guelphorum & Gibellinorum, Alborum & Nigrorum diris factionibus miserum in modum erant laceratæ; verum etiam in Galliarum Regno, in quo gravissimas, dididiis *Bonifacii VIII.* & *Philippi Pulchri* Francorum Regis, ortas tempestates compescuit, atque revocatis ac rescissis, quas *Philippo Pulchro* Regi ejus decessor intentaverat, pænis & censuris, antiquam Regum Galliæ & Summorum Pontificum

con



concordiam gravissimè læsam feliciter instauravit. Plura his similia dum medicaretur Sanctissimus ille Pontifex, obiit Perusii cum gravissimo Orbis Christiani damno die IV. Julii anni MCCCIV. cum sedisset menses octo & dies XVII. Apud Fratres Prædicatores Perusii sepultus est, miraculis etiam post obitum clarus. *Benedicto XI.* ad vitam immortalem, translato, duas in partes scissi sunt Cardinales, aliis optantibus amicum *Bonifacii VIII.* aliis ex adverso Gallum, vel saltem Regi Christianissimo addictum eligere in animo habentibus. Quò factum est, ut, perstante illa pertinaci Cardinalium divisione, Sedes Pontificia undecim mensibus vacaverit. Tandem operâ præsertim & consiliis *Nicolai Pratenfis* Ostiensis Episcopi Cardinalis Ord. Prædicatorum, inclinati sunt Cardinaliū animi in electionem *Bertrandi de Agutis*, seu *de Gotto* Archiepiscopi Burdigalensis, qui *Philippo Pulchro* Galliarum Regi subinfectus erat. De eo Cardinalium proposito idem Cardinalis Pratenfis Christianissimum Regem, in quem propensum gerebat animum, per litteras certiore fecit, eumque monuit, ut *Bertrandum* sibi devinceret, & in gratiam cum ipso rediret. Rex, acceptis à Cardinali Pratenfi litteris, confestim *Bertrandum* Burdigalensem Archiepiscopum ad *S. Joannis Angeli* oppidum in Sanctonibus, accitum ad secretum Colloquium ita demulsit, & injecktâ spe Pontificatus sibi tam arctè obstrinxit, ut *Bertrandus*, quem *avidum honoris & gloriæ* fuisse, estatur *S. Antoninus*, omnia in Regis gratiam sese acturum spononderit, si ejus operâ & favore Summus Pontifex crearetur. Rex suis, Regnique commodis consulere volens, quinque ei condiciones

proposuit, & sextam suo tempore declarandam, quas omnes cum Archipræsul se accuratè impleturum juramento promississet, Rex Nuncium ad Cardinalem Pratensem misit, ut electionis ipsius negotium promoveret. Electus itaque est Perusii Nonis mensis Junii anni mcccv. Romanus Pontifex *Bernardus de Agutis*, seu de *Gotto*, Archiepiscopus Burdigalensis, dictusque in Pontificatu *Clemens V.* & coronatus Lugduni die xiv. Novembris ejusdem anni. At, dum in suæ coronationis celebritate per urbem solemnî pompâ veheretur, *Joannes Dux Britanniae*, & *Gaillardus de Gotto* frater Pontificis, aliique nobiles cum promiscua plebe ruinâ cadentis muri oppressi ac collisi interierunt, *Carolus* verò *Valesius* frater Regis gravitèr læsus est. Pontificiam Sedem in Gallias transtulit *Clemens V.* modò Lugduni, modò Burdegalis, sed potissimùm Avinionone commoratus. In tesseram grati animi, conditiones, quas *Philippo Pulchro* Galliarum Regi antè inaugurationem promiserat, statim implere cæpit. Regi plenissimam veniam indulgit læsæ in *Bonifacio VIII.* Pontificiæ Mejestatis, & hæc fuit prima conditio. Conscios ac fautores ejusdem criminis veniâ itidem donavit, & hæc altera conditio. Decimas in quinquennium Regi concessit, & hæc tertia conditio. Constitutiones *Bonifacii VIII.* quatenus Regi, Galliæque Regno officere poterant, revocavit, & hæc quarta conditio. Nunquam tamen adduci potuit Pontifex, à Rege licèt vehementer sollicitatus, ut memoriam sui Decessoris *Bonifacii VIII.* damnaret. Columnensibus ad petitionem Regis pepercit idem Summus Pontifex, eisque Insulas restituit, & hæc quinta fuit conditio. Denique

ique, sextæ conditioni, quam suo tempore exponendam sibi reservarat *Philippus Pulcher* Galliarum Rex, satisfecit *Clemens V.* Pontifex Maximus in Concilio Generali Viennæ in Galliis celebrato, in quo *Templariorum* Ordinem extinxit, sicut opportunius ostendemus in Colloquio IV. ubi de Conciliis Sæculo XIII. habitis differemus. In *An-ronicum* Græcorum Imperatorem Schismatis fauorem anathema vibravit *Clemens quintus*, & propagandæ fidei studiosus *Joannem de Monte Corvino* Ordinis Sancti Francisci in Oriente Legatum constituit, ut fides apud Tartaros, Indos, Æthyopes, aliasque Orientis regiones, in quibus vir ille religiosus pietate insignis magno cum fructu Evangelium jam prædicaverat, magis ac magis promoveri posset. *Roberti* Siciliæ Regis defensionem contra *Henricum VII.* Imperatorem suscepit ille Pontifex, obrogavitque exauctorationis & capitis pœnam, quam in eundem *Robertum*, velut Majestatis reum, & Imperii proditorem tulerat hic Imperator. Obiit *Clemens V.* apud *Rupem Mauram* supra Rhodanum III. Kalend. Maii anni MCCCXIV. postquam sedisset annos octo, menses decem, dies quindecim. Confectas in odium illius Pontificis calumnias, ob Sedis in Gallias translationem, & *Templariorum* Ordinis abolitionem, vulgarunt quidam Itali Scriptores, quæ fabulas olent, & figmenta malevolorum quorundam hominum, præsertim *Dantis* exulis Florentini, viri maledicentissimi, cui tantum fidei tribui debet, quantum calumniatori professio dari solet. Post obitum *Clementis V.* dissidentibus Cardinalibus, vacavit Apostolica Sedes annos duos, menses tres, dies septemdecim, ac tandem



dem Cardinales , urgente *Ludovico X.* dicto *Hutino*, Galliarum Rege, & à *Philippo* Pictaviensi Comite, ejusdem Regis fratre, Lugduni apud Fratres Prædicatores in Conclavi reclusi elegerunt Pontificem Romanum *Jacobum de Ossa*, Cardinalem Episcopum Portuensensem, natione Gallum, patriâ Cadurcensem, & ignobili patre sutore veteramentario natum. Cardinales Compromissum de illo eligendo Romano Pontifice fecisse, quem Cardinalis *Jacobus de Ossa* nominasset, ipsumque, Neapoleone *Ursino* suadente, se ipsum nominasse, asserunt quidam Scriptores Itali. Sed hoc purum figmentum est, quod falsi convincitur, tum quia Cardinalis *de Ossa* Supremum Pontificatum adeptus, dictusque *Joannes XXII.* (dicendus tamen, juxta ordinem hujus nominis Pontificum, *Joannes XXI.*) in suis litteris Encyclicis de electione sua disertè testatur, se à Cardinalibus *concorditè*, nemine discrepante, in Summum Pontificem electum, timore ac tremore concussum vehementèr hæsitasse; tum quia etiam, si Cardinalis *de Ossa* impotenti ambitione abreptus se ipsum Romanum Pontificem elegisset, omni procul dubio *Ludovicus Bavarus*, ejus infensissimus hostis, alique, qui ab illius Imperatoris partibus stabant, hanc immoderatæ ambitionis labem in acerbissimis adversus hunc Pontificem invektivis ei objecissent; quam tamen ab illis nunquam ei fuisse objectam certissimè constat. Tria præsertim gravissima negotia *Joannem XXI.* vel, ut vulgo alii dicunt, *XXII.* diù multùmque exercuerunt, quorum primum adversus eum excitarunt enatæ in Ordine Fratrum Minorum factiones occasione controversiæ de sensu & observantia Regulæ Sancti Francisci, quoad

oad Evangelicam paupertatem . Sed de hoc negotio , cui initium dedit quorundam Fratrum minorum non minùs importuna , quàm molesta controversia , commodiùs agemus in proximo Colloquio . Alterum negotium , quod Pontifici *Joanni XXI.* seu *XXII.* maximam faceſſivit moleſtiam , ut acerrimum illud diſſidium , quod habuit cum *Ludovico Bavaro* , veteratore ac fraudulento Imperatore , de quo diſſidio cùm plura in præcedenti colloquio à nobis dicta ſint , pauca hìc de Schiſmate à *Ludovico Bavaro* in Eccleſia conſtrato addere ſundè ſufficiet . *Petrus Raynaldus* de *Corbaria* conſtituit *Ludovicus Bavarus* Pſeudo-Pontificem , cui antehàc , invitâ ac reclamante uxore ſua , teſte *Radigho* in *Annalibus Fratrum Minorum* , Ordinem Fratrum Minorum profeſſus fuerat , factus ve-  
rò Pſeudo-Pontifex , ob novam , quâ ſplendebat , dignitatem , à propria uxore tanquam maritus , iudicè repetitus , omnibus ludibrio fuit . Aliquantu-  
liu tamen ſeſe ſcenicum Pontificem geſſit , & quamvis à legitimo Pontifice *Joanne XXI.* ſeu *XXII.* cum omnibus Schiſmatis ipſius fautoribus fuiſſet conſexus , Cardinales creavit , Legatos in Orientem miſit , & Catholicos omnes ejus Schiſmati ad-  
ærere nolentes diris devovit . At *Ludovico Bavaro* , cujus inſtrumentũ erat , in Germaniam reverſo , re-  
poſq; ipſius in Italia proſtigatis , *Petrus Corbarius* ad ſe tandèm reverſus , Inſignia Pontificatus depoſuit , Schiſma & errores ejuravit , & veniam à *Joanne XXI.* ſeu *XXII.* ad cujus pedes ſeſe , laqueo collo injecto , abjecerat , obtinuit , incluſus tamen , ne quis ejus Pſeudo-Pontificatu abuteretur , in Palatio Pontificis , ubi poſt triennium Avenione obiit , ut videre eſt

est apud *Odoricum Raynaldum* ad annum MCCXXX. num. XI. & sequentibus. Eo in Schismate, & gravissimo dissidio, quod *Ludovicus Bavarus* habuit cum *Joanne XXI.* seu *XXII.* Religiosi Dominicani infracto steterunt animo pro Sede Apostolica, & contra Imperatoris impetus & Pseudo-Pontificis consilia, causam Ecclesiæ, etiam cum vitæ rerumque suarum dispendio, strenuè gesserunt. Hinc *Ludovici Bavari* Imperatoris in Dominicanos implacabile odium. Hinc florentissimorum Cænobiorum Dominicanorum Ordinis, quæ in *Ludovici Bavari* Ditione posita erant, ruina & expulsio è tota Bavaria Dominicanorum, qui nec extincto schismate, nec nostris etiam temporibus fuerunt postliminio restituti. Ultimum negotium, quod haud parùm exercuit *Joannem XXI.* seu *XXII.* originem habuit ex privata opinione, in quam, ut Doctor particularis, plus æquò propendere visus est, de dilatione Beatitudinis Sanctorum usque ad Supremi Iudicii diem. In hanc quippè singularem opinionem (quam tamen, ut ostendemus in sexto Colloquio, nunquàm Summus ille Pontifex credendam proposuit, sed potiùs ante mortem revocavit) benè multi viri docti insurrexerunt, præsertim Dominicani; quos licèt Summus Pontifex demeruisset innumerus beneficiis, relato videlicet in Sanctorum album Sancto *Thoma Aquinate*, assumptis ad purpuram, tribus Dominicanis, & toti Ordini his duobus verbis: *Lucere & ardere*, in Insigne datis, eos tamen nunquàm adducere potuit, ut in ejus privatam abirent sententiam. Quæ in re *Ludovicus Bavarus* Imperator, acerrimus Dominicanorum hostis, qui ante suspicatus fuerat, Dominicanos sibi infen-



fenfos esse, & spe præmiorum Sedi Apostolicæ ad-  
 ctos, ubi audivit, illos in peculiarem Joannis XXI.  
 a XXII. de his licet optimè meriti, opinionem de-  
 endere nolle; De Prædicatorum Ordine excla-  
 asse fertur: *Hic Ordo, est Ordo veritatis*, cui uni-  
 se devovit. Obiit Avenione nonagenarius Joan-  
 s XXI. seu XXII. die IV. Decembr. an. MCCCXXXIV.  
 im sedisset annos undeviginti. Fuit Pontifex ve-  
 Maximus rerum gestarum magnitudine, summâ  
 Regna omnia Christiana providentiâ, exquisitâ  
 doctrinâ, & propensissimo in omnes viros erudi-  
 s animo, quibus rectum discendi ac docendi mo-  
 um præscripsit in Epistola, quam direxit ad Do-  
 ores Academiæ Parisiensis, quamque ex parte  
 fert ex Vaticano Codice Odoricus Raynaldus ad  
 annum MCCCXVIII. *Quidam etiam Theologi*, ait in ea  
 pistola Summus ille Pontifex, *postpositis vel negle-*  
*is necessariis, utilibus, & edificativis doctrinis,*  
*eriosis, inutilibus, & supervacuis Philosophiæ quæ-*  
*onibus, & subtilitatibus se immiscet; ex quibus*  
*ius studii disciplina dissolvitur, luminis ejus splen-*  
*r offunditur, & Studentium utilitas impeditur &c.*  
 ceter S. Thomam Aquinatem, quem ann. MCCCXXIII.  
 nctorum Fatis adscripsit, eundem honorem  
 etulit Sanctissimus ille Pontifex B. Ludovico Epis-  
 po Tolosano Ordinis Fratrum Minorum an-  
 o MCCCXVII. & Thomæ Herfordiensi Antistiti an-  
 o MCCCXX. Instituit etiam Sanctissimæ Trinitatis  
 estum. Post decem dies ab obitu Joannis XXI.  
 u XXII. Cardinales in Conventu Avenionensi Fra-  
 um Prædicatorum inclusi Jacobum Furnerium, seu  
 : Furno appellatum, natione Gallum, humili loco,  
 atre scilicet Guillelmo Molitore natum, Ordinis  
 Cister-

Cisterciensis olim Monachum , Sacræ Facultatis Parisiensis Doctorem Theologum , & Cardinalem tituli *Sanctæ Priscæ* elegerunt Pontificem Romanum die XIII. Kalend. Januarii anni MCCCXXXIV. qui in Pontificatu dictus est *Benedictus XII.* quamvis, juxta seriem hujus nominis Pontificum, dicendus esset *Benedictus XI.* Scie à Pontificatus exordio ostendit piū , constantem , liberalem , profusis Sanctæ pecuniis pro conversione Infidelium , maximè Tartarorum , ad quam promovendam Religiosos & Apostolicos viros misit . Ad dignitates Ecclesiasticas neminem è suis promovit , nisi nepotem , quem alioqui dignissimum , & orantibus Cardinalibus , Ecclesiæ Arelatenſi præfecit , nunquàm tamen adduci potuit , ut eum in Purpuratorum Patrum Senatum referret , & alios nepotes vel agnatos suos bonis Ecclesiæ ditaret , asserens , Pontificem parentes & affines non habere , sæpiusque istud Davidicum usurpans : *Si mei non fuerint dominati tunc immaculatus ero .* Nihil antiquius habuit idem Pontifex , quàm ut pacem inter Principes Christianos sanciret , foveretque , ut communes vires contra Saracenos verterent . Ad exterminandos Mauros Hispaniam devastantes sacram indixit expeditionem , quam fœderati Reges Christiani felicitè ac glorioſè confecerunt . Mediolanenses , aliosque Insubres , videlicèt Bergomenſes , Papienses , Novarienses , Cremonenses , Vercellenses , Comenses &c. Censuris Ecclesiasticis , ob *Ludovici Bavarii* , & Antipapæ *Petri Corbarii* Schisma , irretitos in gratiam Ecclesiæ recepit , & communione Ecclesiasticâ donavit , nunquàm tamen *Ludovici Bavarii* contumaciam , Litteris licèt ac Nunciis ad eum

ffis, frangere potuit. Controversiæ sub suo De-  
 lore enatæ de Sanctarum animarum beatitudine  
 em tandem imposuit, & Beatorum animas, sta-  
 ac solutæ sunt corporibus ( si tamen nihil illis  
 erfit piacularibus Purgatorii flammis eluen-  
 m ) ad Visionem Dei admitti definivit, Diplo-  
 ate, quod incipit: *Benedictus Deus*. Testatur Odo-  
 us Raynaldus ad annum mcccxxxvi. extare etiam  
 in Bibliotheca Vaticana aliquot Tractatus  
*S. de statu animarum ante Generale Judicium*,  
 os ante Pontificatum lucubraverat *Benedictus XI.*  
*XII.* Ad restaurandam collapsam disciplinam,  
 libertatem juraque Ecclesiæ vindicanda, ad  
 endandos abusus, qui id ætatis in Beneficiorum  
 lationem irreperant, ad reformandos Ordines  
 igiosos curas Apostolicas adhibuit, ac pater-  
 n sollicitudinem impendit Pontifex ille maxi-  
 s, tantæque in regimine Ecclesiæ constantiæ &  
 egritatis fuit, ut nec vi, nec precibus, aut pro-  
 lis à recto dimoveri unquam potuerit. Neptem  
 m unicam Tolosano Mercatori, modicâ dote  
 stitutâ, uxorem dedit, rejectis nobilibus procis,  
 ejus nuptias ambibant. Oblit Sanctissimus il-  
 Pontifex Avenione die xxv. Aprilis an. mcccxlii.  
 i rexisset Ecclesiam annis septem, mensibus  
 tuor, & diebus sex. Celebratur in Martyrologio  
 licano ut Pontifex *Sanctæ memoriæ*, eumque  
 m miraculis effulsisse testatur coævus ipsius  
 e Anonymus Author.

D. Mortuo *Benedicto XI.* seu *XII.* Sedes Pon-  
 tia, quam *Clemens V.* in Gallias transtulerat,  
 ne in Urbem Romam revocata?

M. Præter illos tres, quos memoravi, Pon-  
 tifices



tifices Maximos natione Gallos, *Clementem V.* *Joan-*  
*nem XXI.* seu *XXII.* & *Benedictū XI.* seu *XII.* quatuor  
alii Summi Pontifices, natione itidem Galli, Sedem  
Pontificiam in Galliis, seu Avenione fixerunt, videlicet  
*Clemens VI.* *Innocentius VI.* *Urbanus V.* & *Gregorius XI.*  
qui postremus, ut mox referemus, relicta tandem Avenione,  
Romam petiit, & in eam Urbem, post diuturnum exilium ab  
Italibus tot querelis, verbisque defletum, Sedem Pontificiam  
reverti. *Benedicto itaque XI.* seu *XII.* successit in Sede  
Pontificia *Clemens VI.* ante promotionem *Petrus Rogerius*  
dictus, natione Gallus, patriam Lemovicensis in territorio  
Castelli Malimontii natus ex nobili genere. Fratrem habuit  
*Guillelmum Rogerium Comitem Bellifortis*, qui fuit pater  
*Gregorii XI.* Pontificis. Apud Arvernorum Monasterio *Casa-*  
*Dei*, Ordinis Benedictini, nomen dedit *Petrus Rogerius*  
antequam pubertatis annos excessisset. Dehinc  
Lutetiam missus, in Philosophicis, Theologicisque  
disciplinis excelluit, ac Lauream Doctoralem in  
Academia Parisiensi promeritus est. Abbas Fisen-  
sensis primum fuit, deinde Atrebatensis Episcopus,  
hinc Senonensis Archipræsul, tum Rotomagensis,  
postea à *Benedicto XI.* seu *XII.* creatus Cardinalis  
xv. Kalend. Januarii anni mcccxxxvii. tuli ss. *Nerei*,  
& *Achillei*, postremo, electus Pontifex  
Maximus in Conclavi apud Fratres Predicatores  
Avenionenses die vii. Maji an. mcccxlii & die  
Sacra Pentecostes, quæ fuit xvi. ejusdem mensis,  
coronatus est, & appellatus, ut mox diximus,  
*Clemens VI.* Hunc *Petrarcha* litteratissimus Pontificem  
appellat, tam felicitis & invictæ memoriam, ut quod  
semel legisset, oblivisci nullatenus

posset, & quod mirabilius est, inquit, hæc memoria, magno quodam capitis ictu, cujus ingens suprema vertice cicatrix remanserat, ei provenerat. Clementi VI. summis precibus, missâque honorificâ Legatione, Romani supplicarunt, ut in Urbem rediret. Sed eorum votis obsecundare haud potuit Summus Pontifex, quòd *Ludovicus Bavarus*, Imperator Ecclesiæ perduellis, Romam, totamque Italiam turbaret, quem proindè Pontifex anathemate percussit, eumque omni Jure ad Imperium exuit, ut videre est in ejus Decreto, & in Epistolis ad Principes Electores directis, quas in Ecclesiasticis Annalibus inseruit *Odoricus Raynaldus* ad an. MCCCXLVI. *Joannam* Siciliæ Reginam, ac Provinciæ Comitissam, Regno suo pulsam à *Ludovico* Ungariæ Rege, pœnas de nece *Andree* Regis fratris sui, ejusdemque *Joannæ* mariti, cujus illa suspicione laborabat, repetente, Avenione honorificè suscepit, infontem declaravit, eique dispensationem indulsit matrimonium ineundi cum *Ludovico* Tarentino Principe. Ab eadem Regina *Joanna*, cui pecuniæ opus erant, ut in suum Regnum, quod Ungarorum Rex reliquerat, cum marito suo redire posset, Avenionem cum omnibus Juribus emit idem Pontifex, ut videre est apud nostrum *Bzovium* ad an. MCCCXLVI. ubi Instrumentum ea de re confectum, seu Contractum venditionis ex Archivis Vaticanis, & Molis Hadriani exhibet. Piè obiit *Clemens VI.* die vi. mensis Decembris anni MCCCLI. cum sedisset annos xi. Fuit Pontifex verè Maximus, clementiæ ac mansuetudinis laude insignis. Flagellantium Sectam damnavit anno MCCCXLIX. Jubilæum ab anno centenario ad quinquagesimum reduxit. Pacem inter Principes

pes Christianos conciliare maximoperè studuit . Sacram Expeditionem contra Turcas , communes fidei hostes , indixit . Proferendis Ecclesiæ finibus , & extinguendo Græcorum Schismati , missis ad *Joannem Palæologum* , eorum Imperatorem , litteris ac Nunciis , animum adjecit , multùmque fuit sollicitus de Armenorum salute , ut liquet ex ea Epistola , quam Summus ille Pontifex scripsit ad *Consolatorem* Armeniæ Catholicum , & universum Clerum , in qua quatuordecim Capita circa auctoritatem Ecclesiæ Romanæ , & Summi Pontificis credenda Armenis proponit , quam Epistolam recitat *Odoricus Raynaldus* ad annum MCCCXLVI. num. 68.

*Clementi VI.* Pontifici Maximo successit in Cathedra S. Petri *Innocentius VI.* antea dictus *Stephanus Alberti* , natione Gallus , Cardinalis Episcopus Ostiensis , electus Avenione Summus Pontifex die XVIII. mensis Decembris anni MCCCLII. Ab exordio Pontificatus sui constituit , ut omnes Prælati , alique Beneficarii ad Ecclesias suas sub anathematis pœnâ proficiscerentur , & in iis , juxtâ sacros Canones , residerent . Sanxit etiam , ut Ecclesiastica Beneficia , nullâ habitâ ratione nobilitatis , seu generis claritatis , conferrentur tantùm viris doctrinâ & pietate probatissimis , & quibus Christi & Apostolorum vita cordi esset , sicut refert *Ægidius* Cardinalis Viterbiensis . Sacram contra Turcas Expeditionem à suo Decessore indictam promoverè , & ad optatum exitum perducere , in votis maximè habuit . Cum Græcorum Imperatoribus *Cantacuzeno* primùm , deindè *Joanne Palæologo* de conjunctione Ecclesiæ Græcæ cum Romana per Legatos



os egit. Beguardos hæreticos in Germania exterminari iussit, & nascentem in Anglia hæresim, quæ Originale peccatum, & merita bonorum operum negabat, in ipso ortu extirpavit. In quosdam fratres Minoritas, qui contra definitionem *Joannis XXI.* seu *XXII.* pertinaciter disputabant, & spiritu potius Pithonico, quam Prophetico, nonnulla satiricinia temerè in vulgus spargebant, severè animadvertit *Innocentius VI.* Pacis inter Principes Christianos conciliandæ, & potissimum inter *Eduardum* Anglorum, & *Joannem* Francorum Reges procurandæ studiosissimus fuit. *Caroli* hujus nominis *IV.* Imperatoris inaugurandi provinciam *Petro Bertrando* juniore, Ostiensi Episcopo, & *Ægidio Albornotio* Cardinalibus demandavit. *Ludovicum* Marchionem Brandenburgensem, *Ludovici* Bavari Imperatoris, Censuris Ecclesiasticis ob Schisma patrum irretitum, veniam enixè postulantem, in communionem Ecclesiæ recepit, post emissam ab eo professionis Formulam, quam ex Tabulariis Arcis Angeli, & Bibliothecæ Vaticanæ exhibet *Odoricus Raynaldus* ad annum *MCCCLIX.* Ordinibus Religiosorum Mendicantium, in ea, quam habuerunt cum *Richardo* Armachano Episcopo gravissimâ controversiâ, impensè favit idem Summus Pontifex, prohibuitque Archiepiscopis & Episcopis Angliæ, ne fratres Mendicantes in Confessionibus excipiendis, prædicationibus, Sepulturis, ac Eleemosynis impederent, ac per suos subditos impediri permitterent. obiit Avenione *Innocentius VI.* die *XII.* mensis Septembris anni *MCCCLXII.* Pontificatus anno *X.* & in *Arthusia Villænova* sepultus. Hunc Pontificem multis encomiis celebrat vitæ ipsius Author, qui

tamen testatur, eum carni & sanguini plus æquo indulgisse, & in nepotes ac propinquos profusorem fuisse, quàm Pontificia dignitas postulabat.

*Innocentium VI.* in Sede Pontificia excepit *Urbanus* hujus nominis *V.* dictus antea *Guillelmus Grimoaldus* natione Gallus, Grisaco in Diœcesi Mimatensi oriundus, Ordinis Benedictini Monachus, Cœnobii *S. Victoris* apud Massiliam Abbas, Sedis Apostolicæ in Regno Siciliae & Neapolis Legatus, & tandem, præter suam & omnium expectationem, Deo inspirante, Summus Pontifex, absens licet, electus est Avenione die *xxiii.* mensis Septembris anni *mccclxi.* & die *vi.* mensis Novembris ejusdem anni fuit in eadem Civitate coronatus atque consecratus. Sub initia Pontificatus sui Tyrannos Italiae domuit ac in ordinem redegit *Urbanus V.* Sacram Expeditionem contra Asiaticos Saracenos indixit, quæ tamen optato exitu caruit. Romam anno *mccclxvii.* iter suscepit, & huic Urbi Sedem restituit, in qua fuerat à *S. Petro* collocata. Excepit in eadem Urbe *Joannem Palaeologum* Græcorum Imperatorem, qui subsidii contra Turcas à Latinis impetrandi spe inductus, Romam accessit anno *mccclxix.* ubi Schisma ejuravit, & Ecclesiæ Romanæ fidem professus est, juxta præscriptam ab eodem Summo Pontifice formulam, quam refert *Odoricus Raynaldus* ad annum *mccclxix.* Rebus in Italia ex animi sententia compositis, Avenionem anno *mccclxx.* repetiit *Urbanus V.* quamvis eum si in Gallias rediret, confestim moriturum *S. Brigitta* à Deo edocta ipsi prænucciasset. Verùm gravissimis causis ac rationibus, quas inter præcipua fuit Regum Galliae & Angliae conciliatio, per

notus Summus ille Pontifex, Româ profectus Ave-  
 nionem pervenit die xxiv. mensis Septembris, ubi  
 paulò post morbo correptus, piè obiit die ix. men-  
 sis Decembris ejusdem an. mcccclxx. Pontificatus ix.  
*Petrarcha* Epistola 1. libri 7. *Rerum Senilium*, hunc  
 Pontificem Maximum laudat, quòd Academias,  
 Collegia, ac Viros litteratos suo patrocinio fove-  
 rit, quòd Disciplinam Ecclesiasticam instauraverit,  
 mores reformarit, Beneficiorum pluralitatem da-  
 mnaverit, Residentiam in suis Ecclesiis ac Benefi-  
 ciis Prælatis, aliisque Beneficiariis districtè injun-  
 xerit, quòd denique immoderatum vestium rese-  
 ruerit luxum, quem idem Scriptor, facundiâ, & ar-  
 te poëticâ sui Sæculi facilè Princeps, ibidem ele-  
 gantèr describit. Adeò à voluntate propinquos  
 suos ditandi, aut promovendi alienus fuit *Urbanus V.*  
 ut nepotem suum, non Principem, aut pri-  
 variæ nobilitatis scæminam, sed filiam Mercatoris  
 Montispeßulani ducere voluerit. *Jesuatorum* Or-  
 nem à B. *Joanne Columbano* institutum, & *Ordinem*  
*Salvatoris* à Sancta *Brigitta* conditum appro-  
 bavit idem Summus Pontifex, sibi quæ æternum de-  
 xit *Ordinem Fratrum Prædicatorum*, dum ei  
 concessit Corpus S. *Thomæ Aquinatis*, quod in Mo-  
 nasterio Fossæ Novæ Cisterciensis Ordinis sepul-  
 tum erat, illudque in Tolosanum nostri Ordinis  
 conventum deferri jussit. Brachium verò dextrum  
 ejusdem Sancti Thomæ Aquinatis Parisios trans-  
 mitti voluit, eoque inæstimabili thesauro, nobisq;  
 rarissimo, ditavit Conventum ac Collegium no-  
 num Sancti *Jacobi*, quod Viris illustribus semper  
 undavit.

Mortuo *Urano V.* & sepulto in Cœnobio



S. *Victoris* Massiliensis, ubi, teste laudato *Petrarcha* Epistolâ 13. libri 13. miraculis post obitum claruit, electus est, consentientibus Cardinalium suffragiis, Pontifex Maximus *Petrus Rogerii*, natione Gallus, patriâ Lemovicensis, *Clementis VI.* ex fratre *Guillelmo* Comite *Belfortio* nepos, S. *Mariæ Novæ* Diaconus Cardinalis, ac die v. mensis Januarii anni MCCCLXXI. consecratus & coronatus est, dictusq; *Gregorius XI.* Tantam sibi omnium conciliaverat benevolentiam, ut teste *Spondano* ad ann. MCCCLXX. absque ulla mora, aut discordia renunciatus fuerit omnium Cardinalium consensu Pontifex, solo ipso diu renitente, & onus averfante; cui demum, ne videretur divinæ voluntati resistere, humeros supposuit nondum quadragenarius, statura autem parvus, debilis atque imbecille valetudinis. Statim ac ad Summi Pontificatus apicem evehctus fuit *Gregorius XI.* de acceptis à se Catholicæ Ecclesiæ gubernaculis totius Orbis Christiani Præsules ac Principes certiores fecit, in primis *Carolus V.* Galliarum Regem, quem hortatus est, ut, suorum Progenitorum more, Ecclesiam meritis obsequiis prosequeretur, ac vicissim studia Apostolica atque benevolentiam felubentissimè in ipsum expliciturum sponndit. Ac conciliandam pacem inter Galliæ & Angliæ Reges Legationem misit, quæ tamen, propter pertinaciam duorum horumce Regum simultates, felici exitu caruit. Sacræ contra Turcas in Oriente promovendæ Expeditionis percupidus, Legatos ad *Joanem Palæologum* Græcorum Imperatorem misit, ut Orientales Occidentalesque Christianos arctior fœdere ad compescendam Turcarum feritatem devinciret. Propagandæ etiam Catholicæ Fidei stu-

di

dio accensus, selectos ex Ordine præsertim Fratrum  
 Prædicatorum Religiosos Viros spiritu Apostoli-  
 co actos, & zelo flagrantes salutis animarum, in  
 varias Orientis regiones ad Infidelium conversio-  
 nem direxit. Pro asserenda Ecclesiastica libertate,  
 & vindicandis Ecclesiæ juribus strenuè allaboravit  
*Gregorius XI.* Hinc Florentinos in libertatem Ec-  
 clesiæ injurios perstrinxit gravissimâ excommuni-  
 cationis sententiâ, quam noster *Bzovius* ex Vati-  
 cano Codice descripsit ad annum MCCCLXXV. Nu-  
 mero xv. Eo fulmine perterriti Florentini, *S. Ca-  
 tharinam Senensem* Ordinis *S. Dominici* Virginem,  
 Sacram, quam sincera in Deum pietas, illibata  
 vitæ castimonia, flagrans in pauperes charitas, in  
 Ecclesiam zelus, & beatissima cœlestium donorum  
 copia supra fœminæ conditionem evexerant, obni-  
 tè rogarunt, ut pro ipsorum reconciliatione Le-  
 gatione ad Summum Pontificem perfungeretur.  
 Eorum votis annuens Virgo Sancta Avenionem  
 profecta est, & ad pedes Summi Pontificis *Grego-  
 ri XI.* effusa, hæc verba ab eo audire meruit: *Ut  
 omnibus pateat, quia pacem cum eis, seu Florentinis,  
 volo, ecce pacem ipsam pono in manibus tuis, carissi-  
 ma Filia; tu tantum recommendatum habeas honorem  
 Ecclesiæ Sanctæ.* Pontificem Maximum Florentinis  
 ratum omni procul dubio placasset Catharina Se-  
 nensis, nisi ejus consiliis, & *Gregorii XI.* pietati inter-  
 cessisset Florentinorum contumacia. Non inutilis  
 tamen fuit hæc Sanctæ Catharinæ Senensis Legatio.  
 Nacta siquidem Sancta illa Virgo opportunam oc-  
 casionem sæpius colloquendi cum *Gregorio XI.*  
 Pontifice Maximo, quem crebris antehac litteris  
 spiritus Sancti unctione perfusus de reditu ad Ur-  
 bem

bem Romam tandem suscipiendo sollicitaverat ,  
 tam egregiè miserum Italiæ jampridem armorum  
 strepitu funestata statum depinxit , tantâque ser-  
 monis efficaciam ei ob oculos posuit necessitatem Se-  
 dem Pontificiam in Urbem Romam postliminio  
 referendi; ut Summus Pontifex precibus , consiliis,  
 & vehementibus Sanctæ hujus Virginis adhorta-  
 tionibus permotus , relicta Avenione Romam ac-  
 cesserit, eoque appulerit die xxvii. mensis Janua-  
 rii anni mcccclxxvii. ingenti pompâ à Romanis se  
 suaque ei subicientibus susceptus, ibidemque anno  
 sequenti die xvii. mensis Martii, Sacramentis Ec-  
 clesiæ magnâ pietate perceptis, mortuus est . Scri-  
 bit *Gersonius* , Sacræ Facultatis Parisiensis Cancel-  
 larius, lib. *De Examine Doctrinarum* Par. 2. Confide-  
 ratione 3. hunc Summum Pontificem, paulò ante-  
 quam moreretur , habentem in manibus Sacrum  
 Christi Corpus, doluisse, se facilius, quàm par fuisset,  
 visionibus ac revelationibus adhibuisse fidem, &  
 dimisso suorum rationabili consilio , ea præstitisse ,  
 quæ illum & Ecclesiam in discrimen Schismatis  
 imminentis infelicitèr traxerant . Iis autem ver-  
 bis suasiones S. *Brigittæ*, & S. *Catharinæ Senensis* de  
 Urbe repetenda Summum hunc Pontificem indi-  
 care voluisse nonnulli post *Gersonium* Scriptores  
 existimant . Sed id loco fabulæ jure merito haberi  
 debet . Primò , quia de hac protestatione *Grego-  
 rii XI.* propediè m morituri ne minimum quidem  
 verbum facit Author coævus , qui hujus Pontifi-  
 cis Vitam ac Gesta descripsit . *Gersonii* autem hac  
 in re fides sublesta omninò esse debet , quippè qui  
 longè post obitum *Gregorii XI.* scripserit . Secun-  
 dò , *Gregorius XI.* sanctitatem *Catharinæ Senensis*  
 probè



robè compertam habebat, ejus Legatione, etiam post suum in Italiam reditum, pro componendo Florentinorum dissidio, usus fuerat; quin & ejus spiritum probaverat, eamque Prophetiæ dono esse illustratam cognoverat, cum *Illi votum suum de pendenda urbe in occulto factum, & sibi soli ac Deo notum, sese divinitus cognovisse monstravit*, ut *Pius II.* Pontifex Maximus in Bulla Canonizationis ipsius testatur. Quî igitur credibile est, hunc Summum Pontificem *Gregorium XI.* de sanctitate, & cœlestibus Catharinæ Senensis donis optimè instructum, voluisse, paulò ante mortem coram omnibus protestari, se suasionibus & visionibus ejusdem Sanctæ Virginis plus æquo credidisse, maximè cum ipse sciret, se non tam hisce suasionibus, quàm gravissimis adductum rationibus Romam profectum fuisse, videlicet ut Sedem suam, sicut tenebatur, repeteret, & Civitatibus Ecclesiæ Romanæ perduellibus ad obedientiam redactis, pacem universæ Italiæ redderet. Si plura scire aveas de Summis Pontificibus, qui Avenione Sedem suam habuerunt, scilicet de *Clemente V.* *Joanne XXI.* seu *XXII.* *Benedicto XI.* seu *XII.* *Clemente VI.* *Innocentio VI.* *Urbanò V.* & *Gregorio XI.* Leges *Franciscum Bosquetum*, qui Historiam, Gestaque horumce Pontificum, qui è Gallia oriundi Avenione confederunt, ex cœvis Scriptoribus accuratè descripsit, ac perdoctis Annotationibus illustravit.

D. Funesto Schismate, post *Gregorii XI.* obitum, Ecclesiam fuisse exagitata, ac in summum discrimen adductam sæpiùs audiavi à viris eruditis, qui etiam asseriebant, hoc Schisma omnium, quæ unquam in Occidente fuerunt, sine controversia cala-

calamitosissimum, teterrimum & perniciosissimum fuisse, illudque quinquaginta ferme annis inexplicabili Ecclesiæ, & Christianæ Religionis damno perdurasse. Hujus itaque exitialis Schismatis, quod diu divexavit Ecclesiam, originem aperire, & mala, quæ inde orta sunt, breviter referre juvat.

M. Post obitum *Gregorii XI.* Pontificis Maximi cum Cardinales, ut moris est, Conclave ingressi, de novo sufficiendo Pontifice deliberarent, Populus Romanus metuens, ne, creato ab iisdem Pontifice Gallo, Sedes Pontificia Româ in Gallias denuò transferretur, effractis Conclavis foribus, in illud tumultuans ac furens irrupit, & Cardinalibus præsentaneam mortem comminatus est, nisi, abjectâ omni cunctatione, in Romani, vel saltem Itali Pontificis electionem consentirent. Eâ vi adacti Cardinales, ut periclitanti vitæ suæ consulerent, Populi Romani votis morem gesserunt, elegeruntque Pontificem *Bartholomæum Prignanum*, patriâ Neapolitanum & Archiepiscopum Barensem, qui postea, sedato populi tumultu, presentibus & consentientibus Cardinalibus, coronatus est, dictusque *Urbanus VI.* Hoc pacto tumultus in electione *Urbani VI.* excitati in optatam tranquillitatem conversi videbantur, cum ecce subito atrocior cœpit sævire tempestas. *Urbanus* quippè Pontifex paulò post suam coronationem, Cardinalium mores duris ac intempestivis increpationibus redarguendo, sibi illos ita infensos reddidit, ut ipsi, conjuratione adversus eum factâ, Anagniam, sub specioso obtentu caloris æstivi vitandi causâ, secesserint numero tredecim, natione Galli, excepto *Petro de Luna*, Aragonio, ubi coram *Petro de Croso*,  
Ar-

Archiepiscopo Arelatenſi , Sanctæ Romanæ Eccleſiæ Camerario, ac Judice Ordinario, proteſtati ſunt de vi ſibi illata, & de electione *Urbani VI.* metu extortâ . Dein, *Urbano VI.* diem dixerunt , in eum ſententiam tulerunt , ac litteras ad univerſos Fideles ſcripſerunt , quibus declarabant *Bartholomæum Barenſem* eſſe intruſum . Promulgatâ ſententiâ, Fundos , Regni Neapolitani Urbem , ſeſe receperunt , & tribus Cardinalibus Italis tractis in partes , ſolo Cardinali Sancti Petri cum *Urbano VI.* remanente , *Robertum Gebennenſem* , Tituli Sanctorum duodecim Apoſtolorum, annos dumtaxat xxxvi. natum , Pontificem elegerunt die xxi. Septembris anni mcccclxxviii. qui *Clemens VII.* appellatus eſt . Sic, proh dolor ! conflatum eſt Schiſma, quod diù luctuoſam reddidit Eccleſiæ faciem, cùm duo Summi Pontifices , quorum unus Romæ , alter Avenione ſedebat , Petri Sedem eodem ſibi tempore vendicarent . Suos uterque habebat auctores, patronosque maximos ac ſanctiſſimos; hinc inde Provinciæ, Regna, Reges, Doctores, Jurisconſulti, Præſules , Concilia , jura ſtabant ; verbo dicam, adeò difficile erat judicare , quam in partem veritas & juſtitia vergerent , ut Eminentiffimus Cardinalis *Baronius* Annalium Eccleſiaſticorum, parens, non dubitaverit ſcribere ad amicum ſuum *Sirmondum* Societatis Jeſu , ſe nihil æquè reformidare, quàm pervenire ad huiusce Schiſmatis tempus, de quo quid ſtatuendum, non eſſet liberè pronuntiaturus : *Fuiſſe tamen videtur* , inquit *Spondanus* in continuatione *Baronii* ad ann. mcccclxxviii. Eccleſiæ Catholicæ ſenſus, *Urbanum*, ejusque Succeſſores Italianam colentes, extitiſſe veros ac legitimos Pontifices.

Quod



Quod verò magis parti Clementis incommodavit, fuit, quòd tam ipse Clemens, quàm ceteri Cardinales ejus fautores suis litteris & gestis per aliquot mensium spatium universo Orbi persuasum voluissent Urbanum ritè electum esse, & ex eorum sententia omnes ubique populi sic opinati fuissent. Hinc est, quòd in pervulgatis Tabulis Chronologicis Romanorum Pontificum locum obtineant Urbanus VI. ejusque successores, nulla verò in iis mentio fiat Clementis VII. & Benedicti XII. seu XIII. qui Avenione nomen Summi Pontificis sibi arrogarunt. Gravissima mala, quibus tempore Schismatis afflicta est Ecclesia eleganter Spondanus, loco mox à me laudato, describit his verbis: Pontifices autem, quorum unus Romæ, alter Avenione sedebat, sibi invicem insidiantes, & mutuis dirarum & anathematum fulminibus tam inter sese, quàm sequaces ferientes; necnon & armis ferreis, etiamque cum prædicatione Crucis, velut in Infideles, persequabantur. Quòd unus ligabat, alter solvebat: quod unus concedebat, alter rescindebat. Fiebant ex utraque parte processus, privationes, execrationes, sequebantur lites, rapinæ, cædes cum ingenti scandalo, ruina, & subsannatione; præter aliorum morum corruptiones, depressiones bonorum, exaltationes reproborum, rerum sacrarum turpia commercia, contemptum legum, Disciplinae abolitionem, hæresum atque errorum succretionem, & omnis denique fidei, pietatis, ac religionis extinctionem, de quibus sunt frequentissima Auctorum illius, & subsequentium temporum atque gravissima querimonia, & lugubres lamentationes. Post mortem Urbani VI. quæ accidit Romæ Idibus Octobris anni MCCCCLXXXIX. cum sedisset annos XII. non extinctum est Schisma, summo siquidem consensu

sensu Cardinales *Urbani VI.* obedientiæ in ejus locum elegerunt *Petrum Thomacellum* Cardinalem, Neapolitanum annos natum dumtaxat quadraginta quinque, dictum *Bonifacium IX.* quem morum integritate ac gravitate conspicuum fuisse testatur *Theodoricus Niemus*, Scriptor coævus. Obiit *Bonifacius IX.* Romæ Kalendis Octobris anni MCCCIV. postquam sedisset annos quindecim ex morbo calculi, quem jacturâ castitatis pravo Medicorum, consilio sanare vel levare noluit, & mori quàm fœdari maluit, sicut refert S. *Antoninus* 3. part. Chronici Tit. 22. cap. 3. Interim Cardinales obedientiæ *Clementis VII.* qui Avenione nomen Summi Pontificis retinebat, in fovendo Schismate perseverarunt. Mortuo siquidem Avenione ex Apoplexia, *Clemente VII.* die XVI. Octobris anni MCCCXIV. contemptis precibus Galliarum Regis, qui eos rogaverat, ut non eligerent Pontificem, sed vias potiùs extinguendi Schismatis sollicitè quærerent, mox delegerunt *Petrum de Luna*, Cardinalem Aragonium, *Benedictum XII.* seu XIII. nuncupatum, addito juramento de abolendo Schismate, sed fictè & verbo tenus dumtaxat, cum ejusmodi juramentum, quamdiù vixit, nunquàm implere voluerit, sæpè licèt sacris Ecclesiæ fulminibus ictus, sicut opportuniùs ostendemus in nostris Colloquiis in Historiam XV. Ecclesiæ Sæculi. Hic obiter observasse sufficiat, in abolendo diro illo Schismate, præ cæteris aliis, Academiæ Parisiensis prudentiam singularem, eximiamque fidem tum temporis maximè enituisse. Ea quippè celeberrima Academia, extinguendi Schismatis tres proposuit vias, cessionis, compromissionis, & Concilii Generalis. At

*Petrus de Luna*, dictus *Benedictus XII.* seu *XIII.* cogi posse negabat, ac se Francorum, & Aragonum opibus sustentans, bellum atrox & intestinum fovebat. Ruebant interim in his tenebris homines ambitione, odio, invidiâ, partium studio concitati, quasi offusa sempiterna Christianæ Reipublicæ nox esset. Instabat in rem Ecclesiæ Imperator *Sigismundus*, Galliam, Hispaniam, Angliam, Italiam circumcursabat, ut dissidentes & convulsas Orbis partes componeret: nihil promovebat. Antistites, qui Pisas convenerant, nihil profecerant aliud, nisi ut ad duos Pontifices Maximos tertius adderetur. Tandem pacem & concordiam frustrâ quæsitam à Regibus, Imperatoribus, Jurisconsultis ac Doctoribus, Orbi Christiano jactato, & extrema omnia, metuenti dedit *Carolus VI.* Galliarum Rex, qui celeberrimæ Academiæ Parisiensis secutus consilium, ab obedientia *Petri de Luna*, quem *Benedictum XIII.* appellant, recessit. Quò factum est, ut destitutus à Gallia *Benedictus* conciderit, ac subrogato brevi postea in Concilio Generali Constantiensi *Martino V.* vetus illud ac fatale Schisma post annos ferè quinquaginta sublatum sit. Sed hæc, quæ spectant progressum ac finem istius Schismatis à nobis hic breviter perstricta, latius expendemus in nostris Colloquiis in Historiam XV. Ecclesiæ Sæculi.

D. Desieruntne Græci, post captam à Francis cum Venetis fœderatis urbem Constantinopolim, anno, ut in superiori Colloquio observasti, MCCIV. suos habere Patriarchas Constantinopolitanos?

M. Etsi Franci cum Venetis fœderati, post captam urbem Constantinopolim, Latinum elegerint



int Patriarcham Constantinopolitanum *Thomam Maurocenum*, natione Venetum, secundum Pacta ante urbis expugnationem conventa, ut scilicet ex la gente, quæ Imperatorem Constantinopolitanum non haberet, Patriarcha designaretur; suos amen Græci Schismatici semper habuerunt Patriarchas Constantinopolitanos, quorum seriem exhibent *Joannes Leunclavius* lib. 4. Juris Græco-Romani, *Panvinus Onuphrius* in Chronico Ecclesiastico, & *Philippus Cyprius* in Chronico Ecclesiæ Græcæ, quod *Nicolaus Blancardus* è manuscripto Byzantino primus vulgavit, & Latine reddidit. Sed quia isti Scriptores variant in annis Græcorum Patriarcharum Constantinopolitanorum, sequar use horumce Patriarcharum Chronotaxin, quam suo Chronico Ecclesiastico texuit *Panvinus Onuphrius*, quæque mihi longè accuratior videtur. Fortuo anno millesimo ducentesimo *Georgio Xiphino* Patriarcha Græco Constantinopolitano, sicut diximus in Colloquio secundo in Historiam duodecimi Sæculi, successit in Sede Constantinopolitana *Joannes Camaterus*, qui obiit in Didymothico, civitate Thraciæ, anno mccv. Extat lib. 4. Juris Græco-Romani Synodale Decretum istius *Joannis Camateri* Patriarchæ Græci Constantinopolitani, quo prohibetur, ne Vir unus Sobrinas duas uxores ducat. Post obitum *Joannis Camateri* vacavit Sedes Constantinopolitana apud Græcos per annum unum & menses decem, unde anno mccvii. *Michaël IV. Autorianus* fuit designatus Patriarcha Constantinopolitanus à *Theodoro Iscari* Græcorum Imperatore, suamque Sedem tenuit Nicææ, & vita functus est anno mccxiii. post

postquam sedisset annos quinque & menses sex. In *Michaëlis* defuncti locum successit Patriarcha Constantinopolitanus *Theodorus* hujus nominis III. qui, postquam sedisset duobus annis, è vivis excessit anno MCCXV. eique successit *Maximus* hujus nominis II. Monachus, qui tantum septem mensibus sedit. In *Maximi* locum substitutus est *Manuel Charitopulus* Monachus, qui obiit anno MCCXXI. cum sedisset annos IV. & menses septem. Post *Manuelem Charitopulum* electus est Patriarcha Constantinopolitanus *Germanus* hujus nominis II. qui sedit annos XVII. & menses sex, suamque Sede fuit expulsus anno MCCXXXIX. Hic Patriarcha Græcus Constantinopolitanus unionem Ecclesiæ Græcæ cum Latina promovere pro viribus studuit, sed eam ad optatum exitum perducere haud potuit, sic jam observavimus in superiori Colloquio. Dejectus sua Sede *Germano* subrogatus est *Methodius* hujus nominis II. qui sedit tantum menses tres, eoque mortuo Thronum Constantinopolitanum consecravit *Manuel* hujus nominis II. qui sedit annos quatuordecim, & obiit anno MCCLIV. Post illius mortem *Germanus* II. qui, ut mox diximus, è Sede Constantinopolitana deturbatus fuerat, in eam restitutus est, ac per annum integrum tenuit, hoc est usque ad annum MCCLV. Post mortem *Germani* I. Patriarchæ Constantinopolitani, de electione successoris, à quo coronaretur novus Græcorum Imperator, filius *Joannis Ducæ*, dictus ab avo matris *Theodorus Lascaris*, deliberatum est. Omnium suffragia, & ipsius in primis Imperatoris, propendebat in *Nicephorum Blemmydam*, Virum id ætatis magnâ pietate, & sacræ prophanæque eruditione

famâ percelebrem , qui & Orationes duas de Pro-  
 cessione Spiritus Sancti à Patre & Filio contra Græ-  
 cos Schismaticos conscripfit . Sed hanc dignitatem  
 pertinaci modestiâ recusavit . Hic est ille *Nicepho-  
 rus Blemmyda* Abbas Monasterii , quod suis extru-  
 xerat sumptibus, cuius ad templum cùm se aliquan-  
 do *Marcesina*, pellex *Joannis Ducæ* Græcorum Impe-  
 ratoris , & ab eo effictim adamata , magno cum  
 fastu ac satellitio contulisset , intrepidâ constantiâ  
 ei fores occludi jussit , ob publicam ejus impudici-  
 tiam, quam crebris sermonibus & calamo fortiter  
 insectabatur . Id ægrè admodum tulit superba mu-  
 lier, & Imperatorem, qui eam deperibat, ad ultio-  
 nem omnibus adhibitis artibus , atque juvante as-  
 sentatorum turba , incitare conata est . At *Joannes  
 Ducas*, Imperator licèt Schismaticus, dolens quòd  
 hætenùs impuris *Marcesinæ* amoribus illaqueatus  
 fuisset, obortis lachrymis & voce suspiriis interrup-  
 ptâ, sic *Marcesinam* pellicem suam , & Aulicos, qui  
 ejus animum in *Nicephorum Blemmydam* commove-  
 re satagebant, affatus est : *Quid me ad Virum justum  
 puniendum impellit ? nam si ego sine probro & igno-  
 minia vivere voluisssem, Imperii Majestatem inviola-  
 tam conservasssem . Nunc cùm ipse meæ , atque adeò  
 ipsius Imperii contumeliæ causam præbuerim , meritis  
 meis gratia refertur, ut malæ sementis malam messem  
 percipiam . Ita refert Nicephorus Gregoras lib. 2.  
 Historiæ . Idem etiam constat ex ipsiusmet Abba-  
 tis Nicephori Blemmydæ Epistolâ ad multos eâ de  
 re scriptâ , quam apud *Leonem Allatium* lib. 2. de  
 perpetuo consensu cap. 14. & apud *Odoricum Ray-  
 naldum* ad annum MCCLV. Num. LXXV. legere est .  
 Huic igitur Abbati *Nicephoro Blemmydæ* præcla-  
 Tom.V. K ris*



ris virtutibus exornato, Patriarchatum Constantinopolitanum obtulit *Theodorus Lascares* Græcorum Imperator, filius *Joannis Duca*, eum tamen sublimem illam dignitatem modestè suscipere detrectantem impensius urgere noluit, quia licèt eum ob religionem & sapientiam plurimi faceret, ob morum tamen integritatem ac severitatem haud parum metuebat. Eam ob rem *Theodorus Lascares* Græcorum Imperator, Patriarcham Constantinopolitanum designavit *Arsenium*, Monachum simplicem, illiteratum, Sacris Ordinibus necdùm initiatum, quem ab Episcopis consecrari jussit. Hi verò Imperatoris mandatis actutum mores gerentes, infra eandem hebdomadam *Arsenium* Diaconum, Presbyterum, & Patriarcham inaugurarunt. Hic est ille *Arsenius* Patriarcha Constantinopolitanus, qui, ut in superiori Colloquio dicebamus, *Theodorum Lascares* Græcorum Imperatorem solemniter coronavit, sed post mortem illius Imperatoris Sede sua deturbatus est à *Michaële Palæologo* Græcorum Imperatore, & in ejus locum successus est *Nicephorus II.* Metropolita Ephesinus. Anno tamen MCCLXI. quo *Michaël Palæologus* Constantinopolim urbem Græcorum subjecit Imperio, & Latinos fugavit, in suam Sedem Constantinopolitanam à *Michaële Palæologo* restitutus est *Arsenius*, è qua rursus dejectus, & in exilium missus est ab eodem *Michaële Palæologo* Græcorum Imperatore, quem excommunicaverat *Arsenius*, eo potissimum nomine quòd *Michaël Palæologus*, ut Imperium sibi suisque per fas & nefas confirmare posset, *Joannem* filium *Theodori Lascares*, Imperii hæredem legitimum, qui tunc annum ætatis decimum agebat

igni

igniti crepitaculi objectu excæcasset. In locum itaque *Arsenii* Patriarchæ Constantinopolitani in exilium ultra Proconnesum ablegati *Michaël Palæologus* Græcorum Imperator electione Cleri substitui curavit *Germanum* hujus nominis III. qui erat Metropolita Hadrianopolitanus. At *Germanus* in Sedem Constantinopolitanam intrusus, cum injuriis ac contumeliis à vulgo proscinderetur, quòd *Arsenii* adhuc viventis Sedem occuparet, sese eâ dignitate abdicare coactus est, inque ejus locum ordinatus est Patriarcha Cōstantinopolitanus *Josephus* Monachus, qui sedit annos XIII. & anno MCCLXXIV. à *Michaële Palæologo* è folio Patriarchali dejectus, atque in ordinem redactus est, eò quòd concordix Græcos inter & Latinos initæ in Concilio Generali Lugdunensi secundo celebrato eodem anno MCCLXXIV. consensum pertinaciter denegaret. Deposito *Josepho* anno MCCLXXIV. consecratus est Patriarcha Constantinopolitanus *Joannes* hujus nominis X. dictus *Beccus*, seu *Veccus*, eximiæ vir integritatis, & eruditionis, qui, coactâ frequenti Episcoporum Græcorum Synodo, ea, quæ in Concilio Generali Lugdunensi II. pro unionē Ecclesiæ Græcæ cum Latina, gesta fuerant, confirmavit, Epistolamque Synodicam misit ad *Joannem* XX. Papam, in qua Latinorum dogmata pereruditè & eleganter enuntiabantur. Hujus Patriarchæ Græci Constantinopolitani egregias laudes *Nicephorus Gregoras* his verbis contexit: *His temporibus Magnæ Ecclesiæ Chartophylax erat Joannes Beccus, vir excellentis ingenii, & doctrinarum studiis ab ineunte ætate institutus; præterea, tantis naturæ donis ornatus erat, quantis*

quisquam alter illius ævi . Nam & proceritate corporis , & majestate vultus , & facundia atque acumine ingenii ad omnes res idonei , aliisque dotibus præstabat , qui cùm Imperatoris decreto ( de pace cum Latinis ineunda ) acritèr adversaretur , Imperator nihil non tentavit , tam per se , quàm per alios eruditione conspicuos , ut legitimis rationibus eum adduceret ad assentiendum . . . . Ea spe frustratus Imperator , eum , omneque fermè genus in teterrimos carceres conjecit . Tum Nicephori Blemmydæ Scripta ad Beccum misit ; quibus ille perlectis , Sanctorum libros , è quibus Blemmydas sua collegerat , ultrò postulavit . Itaque brevi tempore testimoniorum acervum collegit , quæ integra volumina implere possent , & qui dudum Latinis adversatus erat , mutata sententia , victoriam aliò transtulit . Quamobrem Patriarchica Sede conscensa , Imperatoris unus fuit omnia , & lingua , & manus , & velocis Scribæ calamus , docendo , scribendo , & dogmata finiendo , &c. Concordiam Ecclesiæ Græcæ cum Latina semper fovit ac defendit Joannes Beccus , seu Veccus , Patriarcha Constantinopolitanus . At , mortuo Imperatore Michaële Palæologo , Sede suâ an. MCCLXXXIV. pulsus est ab Andronico Græcorum Imperatore , & Michaëlis Palæologi filio , qui , ut jam observavimus , à Latinis adeò alienum gerebat animum , ut patrem suum Michaëlem Palæologum , in odium concordia cum Ecclesia Romana , quam , dum in vivis esset , totis viribus promoverat , ne plebejâ quidem sepulturâ , teste Nicephoro Gregora , Græco Schismatico , dignari voluerit . Quod etiam ipsemet Andronicus Imperator apud Pachymerem , Scriptorem iridem Græcum Schismaticum , lib. 12. Historiæ testatur his verbis : Etenim sententia illa ( de unione Ec-



Ecclesiæ Græcæ cum Latina) heri aut nudiustertius nondum benè radicata, avulsa est nostra sollicitudine. Et qui illa egerat, licèt pater esset, licèt de nobis optimè meritus, licèt amicissimus, & quidquid aliud dixeris, sive consanguinitatis, sive beneficii nomen, nullis, quod ad nos fuit, nec iis etiam, quæ quilibet Christianus consecutus fuisset, justis persolutis, inglorius jacet, Vir & Imperator hostibus formidandus, & singulariter mihi omni amore dignus. Nihilominus id visum & actum est. Hic itaque Andronicus Græcorum Imperator, cum in Latinos pessimè esset affectus, Joannem Beccum, seu Veccum, de Ecclesiarum Græcæ & Latinæ unione assiduè sollicitum, Sede Constantinopolitanâ an. MCLXXXIV. dejecit, & in eam intrusit Gregorium, seu Georgium Cyprium, Schismaticum, qui, ut observat doctissimus Pater Michaël Lequien in Dissertatione I. Damascenica De professione Spiritus Sancti, Palamitarum hæresim, de qua in sequenti Colloquio sermonem habituri sumus, præformavit, multaque scripsit contra Latinos, sed præcipuè contra Beccum, seu Veccum, quem cum Latinis consentientem Andronicus Senior, Græcorum Imperator, Sede Constantinopolitanâ, ut nox diximus, exturbavit. At Veccus graviore rationum pondere, utpotè pro veritate pugnans, Georgium Cyprium confutavit, & quamvis Patriarchatu esset ejectus, nec exiliis, nec carceribus, nec aliis ruciatibus ac pœnis deterreri potuit, quin ad extremum usque spiritum invictâ constantiâ Ecclesiæ Latinæ dogmata propugnaret, eaque à Græcorum Schismaticorum calumniis strenuè vindicaret. Georgius Cyprius Sedem Constantinopolitanam tenuit sex annis, hoc est usque ad annum MCCXC. quo

Patriarchatu cessit. Eodem anno Sedem Constantinopolitanam occupavit *Athanasius*, seu *Anastasius*, qui postquam sedisset annos quatuor, dejectus est, ejusque loco subrogatus est *Joannes XI.* dictus *Sozopolites*, Monachus, anno MCCXCIV. qui Patriarchatu potitus est annos sex, & obiit anno MCCC. Post illius mortem *Athanasius* seu *Anastasius* in Thronum Constantinopolitanum restitutus est anno MCCCi. & postquam sedisset annos octo, sese abdicavit, vacavitque Sedes Constantinopolitana annos duos. *Nipho*, Metropolita Cyzicenus, electus est Patriarcha Constantinopolitanus anno MCCCx. sedit annos tres, menses decem. Patriarchali dignitate se exuit, ac post ejus cessionem vacavit Sedes Constantinopolitana annum unum. Post breve illud Interpontificium, Sedem Constantinopolitanam obtinuit *Joannes XII.* dictus *Glycis* Logotheta anno MCCCxvi. seditque annos quatuor, & obiit anno MCCCxx. Ei successit *Gerasinus* Monachus Monasterii Montis Manganii, qui sedit annum unum & menses aliquot. Post obitum *Gerasini* in Throno Constantinopolitano collocatus est *Esaias* Monachus anno MCCCxxii. seditque annos xviii. & menses aliquot, idest, usque ad annum MCCCxli quo anno vitam functus est, ac successorem habuit *Joannem XIII.* Aprinum, qui sedit annos xix. Ei in Patriarchatu Constantinopolitano successit *Callistus* Monachus, qui, postquam sedisset annis quatuor migravit e vita anno MCCCxlv. Post *Callistum*, Ecclesiam Constantinopolitanam *Philothheus*, seu *Philetus* rexit annos tredecim, menses sex & dies aliquot, ad annum usque MCCCxxvi. eique successit *Nilus*, qui sedit annis xx. & diem ultimum clausit.

anno mcccxcviii. Denique, in ferie Patriarcharum Græcorum, qui Sæculis XIII. & XIV. Ecclesiam Constantinopolitanam gubernarunt, ultimus recensetur *Antonius* Monachus, qui sedit annis v. hoc est, ab anno mcccxcviii. usque ad an. mcccciii. Habes nunc Chronotaxin Græcorum Patriarcharum Ecclesiæ Constantinopolitanæ ad initium usque Sæculi decimi quinti, quam obscuram per se licet, ac multis tenebris obsitam, accuratiori calculo hic digerere, & in meliorem ordinem disponere pro modulo nostro tentavimus.

D. Ostendisti, ut benè memini, in Colloquio II. in Historiam duodecimi Sæculi, Latinos Crucesignatos sub finem undecimi Sæculi in Palæstinam venientes, devictis Saracenis, & captâ Hierosolymâ, Latinos Patriarchas Ecclesiæ Hierosolymitanæ præfecisse, quorum Catalogum ibidem texuisti usque ad Patriarcham dictum *Monachum*, qui in Diœcesi Florentina natus præfuit Ecclesiæ Hierosolymitanæ ab anno mxciv. usque ad annum mccix. Nunc igitur scire velim, an post illum Patriarcham Latinum, dictum *Monachum*, alii fuerint Patriarchæ Latini, qui Sæculis XIII. & XIV. Ecclesiam Hierosolymitanam gubernarint?

M. Seriem Patriarcharum Latinorum, qui sub finem XI. sæculi, post captam à Crucesignato Latinorum Exercitu Hierosolymorum urbem, Ecclesiam Hierosolymitanam rexerunt, vel ejusdem Ecclesiæ Patriarchæ Titulares fuerunt, postquam sub finem XII. Sæculi, hoc est, anno mclxxxviii. Turcæ urbem Hierosolymitanam armis depugnarunt, & in suam potestatem redegerunt; fusè descripsit *Papebrochius* in Historia Chronologica Pa-



triarcharum Hierosolymitanorum, quam tom. 3. de Actis Sanctorum mensis Maji præfixit, ex quo hæc pauca, quæ in præsentia dicturus sum, deflorare haud pigebit. Anno MCCIV. quo Hierosolymitanus Patriarcha Latinus, dictus *Monachus* obiit, *Albertus*, ex Regulari Canonico Vercellensis Episcopus, postulatus est Patriarcha Hierosolymitanus, qui tamen in Orientem dumtaxat pervenit anno MCCVI. & Patriarchatum tenuit usque ad annum MCCXIV. quo in solemni supplicatione à Saracenis occisus est. Hic est ille *Albertus* hujus nominis II. Patriarcha Hierosolymitanus, qui Montis Carmeli Eremitis Regulam dedit brevissimam, præscribentem divini Officii & Orationis quotidianæ pensum, constructionemque Oratorii in medio Cellularum, ubi manè per singulos dies ad audienda Missarum solemnia convenirent; perpetuam ab esu carniū abstinētiā, Jejunium à Festo Sanctæ Crucis ad Pascha, solitudinem, silentium, fugam otii, Prioris electionem, &c. de hac Regula ab *Alberto* Patriarcha Hierosolymitano edita, & ab *Honorio III.* Pōtifice Maximo approbatā an. MCCXVI. latè disserit *Papebrochius* loco mox à me laudato, ubi tamen antiquitatem Carmelitani Ordinis liberiori calamo impugnando, & *Eliam*, aliosque Veteris Testamenti Prophetas ex clarissimæ illius familiæ albo expungendo, sibi odium ac invidiam multorum conflavit, atque in se ipso expertus est, quàm periculosum sit, sese huic immiscere certamini. *Alberto*, hujus nominis II. Patriarchæ Latino Hierosolymitano, successit anno MCCXIV. *Rodulfus*, Rodolfo *Lotharius*, Lothario *Gerondus*, & *Geron-do Jacobus de Vitriaco*, qui postea à *Gregorio IX.*

Pon-

Pontifice Maximo Cardinalis Episcopus Tusculanus creatus est, egregia vir doctrinae & pietatis, ejus opera recensebimus in Colloquio quinto. Obiit Romae *Jacobus de Vitriaco* anno MCCXLIV. & in ejus locum successus est *Robertus*, qui Patriarcham Hierosolymitanum tenuit usque ad an. MCCLV. quo anno *Alexander IV.* Pontifex Maximus creavit Patriarcham Hierosolymitanum *Jacobum Pantaeonem*, natione Gallum, patriam trecentensem, qui subito post creationem suam anno cum Viterbium accessisset ad Curiam pro Ecclesiae suae negotiis promovendis, & Cardinales de successore *Alexandri IV.* eligendo dissensionibus contenderent, communis eorum suffragiis ad apicem Apostolicae dignitatis erectus est ann. MCCLXI. dictusque *Urbanus IV.* Vacante itaque Ecclesia Hierosolymitana, per ipsum ad Pontificatum assumptionem, ei praefecit Summus Pontifex Patriarcham *Guillelmum*, qui erat Episcopus Agennensis in Aquitania, ipsique etiam commisit curam Ecclesiae Acconensis, tunc pariter pastore carentis per translationem *Florentii* in Sedem Arelatensem, cum facultate exigendi fructus illius Ecclesiae, donec redditus Hierosolymitanae Ecclesiae recuperarentur. Obiit *Guillelmus* Patriarcha Hierosolymitanus anno MCCLXIII. ac successorem habuit *Thomam*, qui à Messanenensis Ecclesiae administratione ad Patriarchatum Hierosolymitanum promotus est, obiitque an. MCCLXXII. quo ei successit *Fr. Thomas de Lentino* Ord. Praedicatorum, Archiepiscopus Consentinus, qui, teste *Leandro Alberto* lib. 3. de *Viris Illustribus* Ord. Praedicatorum, vir fuit per omnia egregius, & laudabilis, polluit vitae integritate, morum honestate, doctrina

nâ & eloquentiâ, excessitque è vivis an. MCCLXXVI. Ecclesiâ itaque Hierosolymitanâ per mortem *Thomæ de Lentino* viduata Pastore, *Nicolaus III.* Pontifex Maximus anno MCCLXXVII. ad Patriarchatum Hierosolymitanum nominavit *Joannem* Vercellensem ( non, ut quidam habent Viterbensem ) Ordinis Prædicatorum, sextum à Sancto Dominico Ordinis Fundatore Magistrum Generalem. Quarè errant hi, qui *Fr. Hieronymum Asculanum*, Ministrum Generalem Ordinis Minorum, à *Nicolao III.* electum fuisse scribunt Patriarcham Hierosolymitanum, cum is non Patriarcha, sed Cardinalis Presbyter tituli *S. Pudenticianæ* eodem anno MCCLXXVII. factus fuerit, ut optimè observat *Spondanus* in continuatione Annalium Ecclesiasticorum *Baronii* ad hunc annum. Oblatum sibi à *Nicolao III.* Patriarchatum Hierosolymitanum recusavit *Joannes* Vercellensis, & instantibus precibus apud Pontificem quæsit, ut uni soli curæ sui Ordinis vacaret, quem proinde Pontifex ad constantiam, ferendasque pro Christo labores litteris excitavit, quas ad annum MCCLXXVIII. refert *Odoricus Raynaldus*. In sententia tamen perstitit *Joannes* Vercellensis, & tanto oneri humeros supponere detrectavit. Quò factum est, ut Patriarchatus Hierosolymitanus delatus fuerit *Elia*, qui illum tenuit usque ad an. MCCLXXXVII. Demortuo *Elia*, ad Patriarchatum Hierosolymitanum *Nicolaus IV.* Pontifex Maximus, promovit *Nicolaum de Anapiis* anno MCCLXXXVIII. ut liquet ex Diplomate Pontificio ad Clerum & Suffraganeos Ecclesiæ Hierosolymitanæ Episcopos, ut debitâ reverentiâ Patriarcham prosequerentur, scripto, & relato ab *Odorico Raynaldo* ad eundem annum.



um . Hunc autem Nicolaum de *Anapiis* ex Ordine Prædicatorum Provinciæ Franciæ , Remensis iocæsis fuisse, scribit *Leander Albertus* lib.3. de *illis Illustribus Ordinis Prædicatorum* , ubi modum , quo electus est Patriarcha Hierosolymitanus , narrat his verbis : *Cùm esset in Romana Curia* ( Nicolaus de *Anapiis* ) *Pœnitentiarius* , & ab omnibus , ob ejus vitæ integritatem , modestiam & sanctimoniam dilectus . *Nicolao IV. Pontifice Maximo* singulis Cardinalibus imponente , quòd postridiè ejus diei tres viros pro dignitate prædicta idoneos quilibet proferret , non sine divino nutu is venerandus Pater à singulis Prælatus est , sicque per eundem Pontificem ad Præsidentiam Sanctæ civitatis Hierosolymæ evectus est . Obiit Nicolaus de *Anapiis* non an. MCCLXXXVIII. ut perperam visum est *Leandro Alberto* , sed anno MCCXCI. in excidio Urbis Acconensis . Patriarcham siquidem , qui Accone erat quandò ea civitas à Turcis capta est anno MCCXCI. fuisse nomine Nicolaum , constat ex Epistola Nicolai Papæ IV. ad eum paulò ante scriptâ pro Inquisitionis Officio in Syria , & Palæstina contra Hæreticos & Judæos illic grassantes ; eundemque ex Ordine Prædicatorum extitisse legimus apud *Walsinghamum* in Eduardum I. ad an. MCCXCII.

Captâ à Turcis anno MCCXCI. Vrbe Acconensi, seu Ptolomaide, Phœniciæ civitate nobilissimâ , totius Orientis opulentissima , omnium Orbis regionum commercio apprimè opportuna, ac portu capacissimo tutissimoque munitâ, omnes Latini, apud quos , ut observat *Spondanus* , ad hunc annum , facinora & scelera , cædes & furta , rapinæ & expilationes , sacrilegia & impudicitia impunè grassabantur , à tota terra sancta exterminati sunt, pœnas vide-

videlicet tot criminum, quæ à Latinis in scelerata illa civitate perpetrabantur, supremo exigente numine. Hanc gravissimam jacturam ut quadante-  
nùs refarciret *Cælestinus* hujus nominis V. qui fuit Summus Pontifex electus anno mccciv. Patriarcham Hierosolymitanum, qui novas Christianorum copias illuc mittendas comitaretur, ordinandum curavit. At, sicut *Cælestinus* V. brevi sex mensium Pontificatu perfunctus, eo se munere abdicavit, ut jam in hocce Colloquio observavimus, ita novo Patriarchæ Hierosolymitano à Summo illo Pontifice instituto sua nihil omninò profuit Ordinatio, quia, sicut scribit *Guillelmus de Nangis*, Romam veniens *Rodolphus de Grandivilla* Ordinis Prædicatorum, qui jussu *Cælestini* V. Papæ apud Parisios Patriarcha Hierosolymitanus fuerat consecratus, Patriarchali illa dignitate à *Bonifacio VIII.* successore *Cælestini* V. exutus est. Bonifacio VIII. Benedictus XI. & Benedicto XI. successit Clemens V. qui anno mcccv. *Antonium* Dunelmensem Episcopum creavit Patriarcham Hierosolymitanum. Sed *Antonio* Patriarcha mortuo anno mcccxiv. idem Summus Pontifex *Clemens* V. Patriarchatum Hierosolymitanum contulit *Petro* Ruthensi Episcopo, eique, ob Hierosolymorum Ecclesiam ab Infidelibus oppressam, Ruthenenfis Ecclesiæ vectigalibus potiri, ejusque administrationem gerere permisit. Erepto quoque è vivis *Petro* Patriarcha Hierosolymitano, *Joannes XXI.* seu ut vulgò dicitur *XXII.* successor *Clementis* V. Patriarchali Hierosolymitanæ Ecclesiæ titulo *Raymundum* Ordinis Prædicatorum exornavit anno mcccxxiv. eique etiam contulit Ecclesiæ Nimesiensis administrationem, cum

Hie-

Hierosolymis ob Infidelium tyrannidem sedere non posset. Post mortem *Raymundi*, Patriarchæ Hierosolymitani, Fr. *Petrus de Palude*, vir magnæ doctrinæ & famæ, Avenione ordinatus est à *Joanne XXII.* Patriarcha Hierosolymitanus an. mcccxxxix. scribit continuator *Guillelmi de Nangis*, & circa incipium mensis Julii ejusdem anni, unâ cum *Franciis* Regis Cyprii, qui venerant ad ducendam Cyprum filiam *Ludovici* Comitis Claromontani, sponsam primogeniti filii prædicti Regis, jussu *Philippi* Francorum Regis navigavit in Syriam, non ad visitandum Sepulchrum Dominicum, tum agendum cum Soldano de Christianorum Orientium pace & recuperatione Terræ Sanctæ. Bientôt post, hoc est, anno mcccxxxi. è sua Syriaca peregrinatione in Gallias reversus est *Petrus à Pale* Patriarcha Hierosolymitanus. Obiit Parisiis anno mcccxlII. & in Majori Conventu Fratrum prædicatorum sepultus est, ubi Epitaphium, quod ibi positum est, eos refellit, qui illum in Cypro è *vis* excessisse inconsideratè scripserunt. Multa opera scripsit *Petrus à Palude*, quæ suo loco, seu in tanto Colloquio, quod erit de *Viris Illustribus* culi XIII. & XIV. commodiùs referemus. De mortuo *Petro à Palude*, Patriarchæ Hierosolymitani, non defuisse successorem, ex eo vel maximè pro: *Papebrochius* sub finem Historiæ Chronologicæ patriarcharum Hierosolymitanorum, quod *Sixtus* mensis in Chronico ad annum mcccxxx. nominet s consequentes Archiepiscopos Tyrenses, omnes ex Ordine Prædicatorum, videlicet *Nicolaum*, *Macursium*, & *Petrum de Conflictu*. Undè infert *Papebrochius*, quod si hujus Ecclesiæ Tyrensis titulus nō est



est permissus vacare, multò minus permissus sit vacare Titulus Patriarchalis Ecclesiæ Hierosolymitanæ. Verùm, cùm isti successores, quos in Patriarchatu Hierosolymitano habuit *Petrus à Palude*, viri eruditis omninò ignoti sint, non est operæ pretium illorum studiosius perquirere nomina, quibus nudus tantum Patriarchæ Hierosolymitani titulus, absque ulla recuperandæ possessionis spe, datus est in Ecclesia Romana. A tempore siquidem amissi à Latinis Orientis, Apostolica Sedes jus, quod semel assumpserat, providendi Ecclesiis tam Patriarchalibus, quàm Archiepiscopalibus in Oriente constitutis, retinuit, soletque etiamnùm Legati Apostolicis, & nonnullis aliis Ordinatis Episcopi conferre titulum alicujus Ecclesiæ, quæ est in partibus Infidelium. Sed satis hætenus dictum est de Ecclesiæ Hierosolymitanæ Patriarchis, quorum seriem, quæ in *Chronico Panvini Onuphrii*, & *Genebrardi* minùs accuratè textitur, in meliorem ordinem, post doctissimos Viros *Odoricum Raynaldum* & *Papebrochium* redigere necessarium esse duximus. Id fortassè non perfecimus, conati quidem sumus.

D. Numquid Ecclesiæ Antiochena & Alexandrina Sæculis XIII. & XIV. suos habuerunt Patriarchas?

M. Antiochiâ anno millesimo nonagesimo octavo Latinorum armis occupatâ, cœpit Ecclesia Antiochena habere Patriarchas Latinos, quorum seriem in Colloquio secundo in Historiam Sæculi duodecimi texuimus usque ad *Eliam Robertum* Regiensem, antea Episcopum Brixianum, qui Patriarchatum Antiochenum obtinuit anno MCCX

obiit anno MCCXLVII. At quinam, post illum, *iam Robertum*, ex Latinis Patriarcha Antiochenus erit? incompertum planè esse ex *Panvino Onuphrio*, ex *Genebrardo* in Chronico ibidem observavimus. Abuerunt etiam Græci Schismatici post captam Latinis Antiochiam, suos Patriarchas Græcos Antiochenos, qui tamen omnes penè ignoti sunt, ac inde eorum series describi haud potest. Quod etat Patriarchas, qui Sæculis XIII. & XIV. Ecclesiam Alexandrinam rexerunt, necesse non est, ut eorum contexenda serie diutiùs hìc immoremur. Stendimus quippè in Colloquio secundo in Historiam Sæculorum septimi & octavi, nos seriem Patriarcharum Alexandrinorum dumtaxat habere, scriptam à *Severo*, *Elmacino*, *Abulfarago*, & ab his Scriptoribus Arabibus Sectæ Jacobitarum additis, qui datâ operâ in contexenda serie Patriarcharum Alexandrinorum, post *Dioscorum*, Hæreticum Eutychianum, qui in quinto Sæculo, seu anno CCCXLIV. Sancto *Cyrillo* successit in Patriarchatu Alexandrino, meminerunt dumtaxat Patriarcharum Eutychianorum & Jacobitarum, qui Ecclesiam Alexandrinam occuparunt, prætermisissis tam Orodoxis, quàm Hæreticis, qui, licèt fuerint Patriarchæ Alexandrini, *Jacobiticam* tamen, seu Eutychianam Sectam, non sunt professi. In hac igitur ferenda serie Patriarcharum Alexandrinorum, Jacobitarum tempus & operam hìc malè locare non debemus, si tamen eam habere desideres, legis jam citatum Colloquium nostrum secundum Historiam Sæculorum septimi, & octavi, ubi post arissimum *Eusebium Renaudotium* in sua *Historia Patriarcharum Alexandrinorum*, & doctissimos Ope-

ris Bollandiani Continuatores in *Dissertatione Chronologica de Patriarchis Alexandrinis*, quam ad Tomum 5. mensis Junii præmiserunt, seriem Patriarcharum Alexandrinorum à laudatis Scriptoribus Arabicis & Jacobitarum Sectæ additis descriptam inseruimus, ac integram dedimus, à tempore videlicet *S. Marci* Evangelistæ, qui fuit primus Patriarcha Alexandrinus, usque ad *Joannem XV.* qui fuit centesimus tertius Patriarcha Alexandrinus, quique, ut referunt Bollandiani Operis Continuatores ex Epistolis à *P. Bernarto* Societatis Jesu scriptis, Chrisma, quod ducentis ab hinc annis factum non fuerat, magno apparatu consecravit anno millesimo septingentesimo tertio. Sed tempus est, ut vasa colligamus, ac familiarem nostrum laudem redeamus. Cave tamen, ne otio indulgendo

& porrectis pedibus in utramvis aurem dormiendo, imparatus accedas ad proximum nostrum Colloquium, quod

postridiè de Hæresibus &

Controversiis,

quæ

Sæculis XIII. & XIV.

in Ecclesia exortæ sunt, habituri sumus.





## COLLOQUIUM III.

*De Hæresibus & Controversiis, quæ  
Sæculis XIII. & XIV. enatæ  
sunt in Ecclesia.*

DISCI-  
PULUS.

**S**ÆPIÙS experientiâ comprobavi, ad  
veram studio & lectione sapien-  
tiam comparandam, nullam diei  
partem utiliore esse, quàm diluculum, dùm Sol  
novus exoriens vigorem & alacritatem affert rebus  
omnibus, hominemque ad vitæ munia revocat;  
illum habile est ad omne ministerium corpus, &  
organa tranquilla sunt ac serena. Quapropter,  
summo mane hodiè expergefactus, huc rectâ om-  
ni festinatione venire properavi, ut te de Hæresi-  
bus & Controversiis, quæ Sæculis XIII. & XIV.  
in Ecclesia obortæ sunt, differentem pronis auribus  
auscultarem.

MAGISTER. Tibi ex animo gratulor, quòd illos  
non imiteris juvenes, qui horas matutinas, opti-  
nam vitæ partem, intempestivo somno perdere  
solent, quique à somno excitati tam ægrè è lecto  
divelluntur, ut, dum oscitant, caput scalpunt,  
uosque nervos distendunt, tota præterfluat hora.  
Si Faber ærarius ob vile lucellum surgit ante lu-  
cem, quanto magis juvenes expergefaceri debet  
amor cœlestis sapientiæ, quæ apud Salomonem cla-  
nitat: *Qui mane vigilaverint ad me, invenient me.*  
Non mediocris profectus est, si quis suo quæque  
tempore gerat, & matutinas horas studiis impen-  
dat;

dat; cùm certum sit, in studiis plus effici unâ horâ matutinâ, quàm tribus pomeridianis, idque nullo corporis detrimento. Ne igitur tam pretiosi temporis jacturam faciamus, nostrum, si placet, Colloquium incipiamus ab Hæresibus, & Controversiis, quibus Sæculo decimo tertio vexata est Ecclesiâ. Dein, alias expendemus Hæreses, & Controversias, quæ Sæculo Ecclesiæ decimo quarto originem habuerunt.

D. Albigenſium hæreseos exordia, errorum portenta, flagitiorumque monstra sat superque, in tertio Colloquio in Historiam Sæculi duodecimi exhibuisti. At, cùm execrabilis illa Secta, sicut ibidem observasti, Sæculo decimo tertio ita invaluerit, ut ad eam exterminandam necesse fuerit Sacram militiam indicere, præstat nunc, ut breviter describas felicem faustumque exitum illius Sacræ militiæ, quâ feralis illa Hydra lethali vulnere petita tandem aliquandò obtrita ac profligata est.

M. Quòd Hæreticis à Deo, à conscientia, & à bona mente relictis usu venire solet, ut videlicet, in illo barathro, in quod se temerè conjecerunt, pertinaciùs hære ac perire, quàm ex eo emergere & resipiscere malint; Id Hæreticis Albigenſibus, quos penitus occæcaverat impietas cum singulari superbia coniuncta, contigisse compertum est. At enim nefariæ istius Sectæ Principes, qui sub finem duodecimi Sæculi, sat habuerant in privatis, & in publicis congressibus, in tenebris & in luce, verbo, scriptoque spargere, disseminare, propagare virus impietatis suæ, & eâ virtutis probitatisque specie, quàm graviter mentiebantur, populum suis erroribus inique cor-

rum-

mpere; tandem ineunte Sæculo XIII. insolentior facti, & *Raymundi* Comitis Tolosani fulti præfidi, in Ecclesias immanitèr grassari cœperunt, Templum spoliarunt, incenderunt domos, violarunt Sanctas Virgines, innoxios trucidarunt, Sacerdotes exquisitissimis suppliciis & acerbissimâ morte affecerunt, atque plures florentissimi Galliarum Regni Provincias ferro flammâque devastarunt. Fecit ad pompam error civium sanguine satiatus, cui parentes liberis, opibus divitiis, imi è plebe capite suo litabant. Tantâ mole ferri laborabant, ut fallerentur, ut perirent. Hominem se furoribus ac stragibus opposuit *Innocentius III.* qui tum temporis universæ Ecclesiæ clavum citèr regebat, & ut commune illud incendium extingueret, consiliis improborum resisteret, auriâ debilitaret, machinationes frangeret, eremumque è Galliarum Regno deturbaret, sacramentum adversus hæreticos Albigeneses, quos ad meliores partes reduci, & depositis erroribus, ad veritatis sanitatem seriò converti posse nulla ampliùs sperat, indixit. Collectus itaque est Crucifigitorum exercitus, cui, præter multos Duces ac milites, inscribi voluerunt innumeri Episcopi & Ecclesiastici viri. Eiusdem Sacri Belli Dux electus *Simon Comes Monfortius*, cujus præclaras dotes describit *Petrus de Valle Cernaii* cap. 18. *Historiæ Albigensum*. Totus igitur in Catholicorum castris incumbens *Simon Monfortius*, Heros invictissimus, uno armorum impetu & continenti serie triumphorum Hæreticos Albigeneses debellavit, & iuxta *Judæ Machabæi*, Cælo pro ipso pugnante, cum humanis viribus superior visus est. *Biterras*



primùm copias duxit. Capta Urbs, ac Civium  
 cædes promiscuè facta est ipsâ die Sanctæ Mariæ  
 Magdalenæ sacrâ, quam Christi concubinam, per  
 summam blasphemiam scelerati illi Hæretici ap-  
 pellare non verebantur. Mox Carcassona, & cæ-  
 teræ Urbes, Castraque perduellium munitissima,  
 sese victori *Simoni Monfortio* dediderunt. Comit-  
 is Fuxensis copiæ, qui *Raymundo* Comiti Tolosano  
 fœderatus erat, ad Castrum Sancti Martini fusæ,  
 dissipatæ ac profligatæ sunt. Denique ad *Murellum*,  
 seu *Muretum*, in agro Tolosano Oppidulum, *Simon*  
*Monfortius* de Albigen- sibus insignem reportavit vi-  
 ctoriam. Habebant Albigen- ses in suo exercitu cen-  
 tum millia armatorum, quorum agmen ducebat  
*Petrus* hujus nominis II. Aragonum Rex, qui sup-  
 petias tulerat affini suo Comiti Tolosano, utpote  
 cui sororem suam *Leonoram* collocaverat. Ex ad-  
 verso *Simon Monfortius*, qui non plures octingentis  
 equitibus, & mille peditibus in exercitu suo nu-  
 merabat, divino præsidio confisus prælium conse-  
 ruit, & præeunte Sancto *Dominico* Ordinis Prædi-  
 catorum Fundatore, qui, velut alter *Moyfès*, inter  
 graviora discrimina intentissimis ad Deum preci-  
 bus vacabat, & Crucifixi effigiem, quam manu ge-  
 rebat, militibus ostentabat, ingentem hostium  
 multitudinem cæcidit, atque interne- cione delevit  
 quos inter *Petrus* Aragonum Rex pugnans occu-  
 buit. Plus viginti millia desiderata, cæteri armi-  
 exuti, sicut referunt *Paulus Æmilius*, *Petrus de*  
*Valle Cernaii* cap. LXXI. & LXXII. Historiæ Albige-  
 sium, & *Rigordus* in lib. de Gestis *Philippi Augus-*  
 ad annum MCCXI. At, proh dolor! strenuus in-  
 litæ Dux *Simon Monfortius*, qui tot pericula ev-  
 feri.

at, totiès è medio igni ac ferro salvus & incomis redierat, dùm Tolosam obsidet, vibrato per machinam saxo lèsus interiit anno MCCXVI I. & Comitatum Tolosanum, quo, ob egregia sua in Ecclesiam promerita, & propter Apostasiam Raymundi Comitis Tolosani, donatus fuerat, reliquit filio Amalrico. Paulò post, Raymundus, qui, ut diximus, ob suam Apostasiam Comitatu Tolosano abdicatus fuit, subitâ morte extinctus est, saque sepulturâ privatus, quòd impænitens obiit, & Ecclesiam, dum viveret, suâ, in fovenda ac propaganda Albigenſium hæresi, pervicaciâ, dilaceret. Hic Raymundus superstitem reliquit eiusdem cognominis filium, dictum Raymundum Juniores, qui, Comitatum Tolosanum, quo suus pater utus fuerat, armis repetere volens, Bellum movit contra Amalricum, qui in possessionem ejusdem Comitatus patri suo Simoni Monfortio successerat. Amalricus hujus Belli molem viribus imparem expertus, Jura sua transfudit in Ludovicum VIII. Galliarum Regem, qui numerosum exercitum, pace insignitum duxit in Albigenſes, oppida, traque plurima, & Avenionem post trium menses obsidionem recepit anno MCCXXVI I. sicut Geographi ejusdem Regis, & Guillelmus de Podio Laurentii testantur. Demùm, sacro contra Albigenſes Bello cepto, S. Ludovicus Galliarum Rex hujus nominis adhortante Gregorio IX. suis Litteris Apostolicis, quas Annalibus Ecclesiasticis inseruit Odoricus Balduinus ad annum MCCXXVII I. finem imposuit, iussitque Raymundum Juniores ut consentiret in pacis conditiones, quas inter, hæ præcipuæ sunt, ut Raymundus Comitatum Tolosanum ab

Hæreticis Albigenſibus purgaret, eoſque viis omnibus exterminaret: Damna, illata Eccleſiis ac Monafteriis, reſarciret, earumque Jura & libertates defenderet: *Joannam*, filiam ſuam unicam, uni e Regis Galliarum fratribus daret uxorem, quo ex matrimonio, ſi nulli procrearentur liberi, nihilo minus Tolofanus Comitatus, poſt eorum ac *Raymundi* Comitis obitum, ad Galliarum Regem, ejuſque ſucceſſores tranſiret. Has & alias hujusmodi conditiones pacis contentas in Tractatu, quem reſerunt *Duchefnius* Tomo 5. *Hiſtoriæ Francorum Scriptorum*, & *Catellus* *Hiſtoriæ Comitum Tolofanorum* lib. 2. poſtquàm juraſſet *Raymundus* Comes in die Sancto Paraſceves, præſente S. *Ludovico* Galliarum Rege, & innumerâ Prælatorum, Procerumque multitudine, abſolutionem à ſententia excommunicationis, quâ percuſus fuerat, accepit à Legato Apoſtolico, qui ei in penitentiam iniunxit ut Crucem contra Saracenos ſumeret, & ſacram Militiam in Palæſtina per quinquennium gereret. Hunc in modum finitum eſt Bellum ſacrum, & extincta planè in Galliis Albigenſium Hæreſis, ſua etiam hanc in rem curas conferente ipſomet *Raymundo* *Juniore* Comite Tolofano, qui ad exaltationem Fidei Chriſtianæ, ad radicibus extirpandam Hæreticam pravitatem, ad conſervationem pacis & ad bonum totius Comitatus Tolofani ſtatum conſervandum & in melius reformandum Sanctiſſimas Leges tulit anno MCCXXXIII.

D. Pernicioſiſſimis Hæreticorum conatibus ne Religioni noceant, & Catholicæ Eccleſiæ pacem perturbent, armis temporalibus reſiſtendum eſſe, nemo certè negare poteſt, Si enim ille, qui  
ho



hostem, ferrum ac flammam minitantem, atque  
 regulum patriæ petentem quieto, tranquilloque  
 consideret animo, vel ei perfunctoriè aut leviter se op-  
 poneret, impius, reusque perduellionis haberetur,  
 nisi contenderet acerrimè, vimque vi defende-  
 ret, defuisse Reipublicæ meritò censeretur; quan-  
 to magis exardescere debent avitæ Religionis pro-  
 pugnatores, & armis etiam temporalibus, si ne-  
 cesse sit, comprimere furorem hæreticorum, qui  
 ad suos stabiliendos errores conjurantes, in Reli-  
 gionem, quâ nihil secundum Deum antiquius ha-  
 bere debemus, hostiliter grassantur. Optimè ita-  
 que se gessit *Innocentius III.* Pontifex Maximus, dum  
 in eam Militiam ad frangendos Hæreticorum Al-  
 bigensium impetus, indixit, secutus hac in re lau-  
 datissimum illum morem, quem, ut nuperrimè  
 audivi à viro erudito, à tempore *Constantini Magni*  
 Imperatoris omnia comprobarunt Ecclesiæ Sæcula.  
 Sed dicas nunc, quæso, quid sibi velit istud Sanctæ  
 quisitionis Officium, quod ad excindendas Al-  
 bigensium Hæreseos reliquias Fratribus Prædica-  
 toribus à Sede Apostolica demandatum esse di-  
 citur?

M. Ad Hæreseos Albigenſium expugnatio-  
 nem & Hæreticorum conversionem miserat *Inno-*  
*centius III.* Pontifex Maximus Legatos Apostolicos  
*Arnaldum* Cisterciensem Abbatem, *Petrum de Ca-*  
*ronovo*, & *Rodolphum* ejusdem Ordinis Professores,  
 qui, adjunctis sibi Cisterciensis itidem Ordini  
 duodecim Abbatibus, Hæreticos ad gremium  
 ecclesiæ quâ fervidis concionibus, quâ disputatio-  
 nibus, reducere pro viribus tentarunt. Accessit  
 sanctæ Dux Prædicationis *Didacus*, Oxomensis in-

Hispania Episcopus, cum *Dominico*, suo itineris & laborum indivulso socio, quem inter Canonicos Regulares suæ Ecclesiæ Oxomensis anno mxciv. susceperat. Animadvertens autem *Didacus*, quod Cistercienses Albigensum Hæreticorum conversionem huc usque parùm promovissent, illis author fuit, ut dimissis equis, quibus vehebantur, & abjectis auro, argento, famulitio, ac superfluo comitatu, Apostolicam prædicandi rationem sequerentur, & unicuique termini proprii assignarentur, per quos discurrendo, prædicationi insisterent, & disputationibus insudarent, sicut testatur *Petrus de Valle Cernaii* Cisterciensis Monachus cap. 5. *Historiæ Albigensum*. Eo in munere cum biennium, Apostolico fervore *Didacus* Oxomensis Præsul & *Dominicus* insumpserunt cum Apostolicis Legatis, & aliis Cisterciensis Ordinis Abbatibus; *Didacus* in Ecclesiam suam reversus est, *Dominico* Duce prædicationis adversus Albigenes paucis cum sociis (nam & Cistercienses Abbates discesserant) relicto. Novem annos Vir Dei *Dominicus* in Hæresis confutationem, in prædicationem ac defensionem fidei strenuè & intrepidè incubuit, verbo, precibus, miraculis Catholicam Religionem propugnavit; Sacræ Inquisitionis Officium adversus hæreticam pravitatem in Provincia Narbonensi, & maximè Tolosæ & Carcassonæ autoritate Romanorum Pontificum *Innocentii III.* & *Honorii III.* magno cum animarum fructu exercuit, utque Ecclesiæ ad expugnandos, vel convertendos Hæreticos perpetuum haberet fidei fulcimentum, instituit clarissimum Ordinem Fratrum Prædicatorum, quibus pro tutanda fide Catholica jugiter excubantibus Sanctæ

æ Inquisitionis Officium commiserunt Romani pontifices, seu eis ad hoc officium delectis auctoritatem dederunt inquirendi in Hæreticos, & in eos debitis pænis animadvertendi, si resipiscere, & osque errores ejurare nolint. Non me fugit quantum Hæreticis displiceat illud Sanctæ Inquisitionis Officium, quod unus ex illis, videlicet *Guilhelmus Cave* in conspectu *Sæculi Scholastici*, ut vocat, seu decimi tertii, suæ *Historiæ Litteralis*, infrunito re appellat *Gravissimum & ab Orco petitum Christianæ Religionis dedecus simul & flagellum, conscientiarum carnificinam, summæque tyrannidis, & crudelitatis officinam, qua Sæculi non invenere tyranni maius tormentum*. Verum, ad confutandam hanc Hæreticorum calumniam, quam surdâ aure præterire aud possum, sufficiat hic breviter observare, trius potissimum de causis Sanctæ Inquisitionis Officii fuisse in Ecclesia sapientissimè institutum. Primum, ut sanari possint Hæretici, qui suam miseri sortem nolunt. Est enim id Novatorum omnium ingenium, ut in quemcumque incurrerint ut impeerint errorem, ad eum omni animi invectione ac voluntate adhærescant, nec ad saniorē mentem, nisi adhibitâ aliquâ severitate, redire valeant. Quid autem medico crudelius eo, qui in ægrotum indulgentior, ferrum in vulnus & cicatricem altius adigere reformidet? Hæc nimia humanitas pro crudelitate, sævitia contrâ, rigidiorque severitas pro humanitate summa haberi debet. Quod ergo aliquam erga contumaces Hæreticos severitatem adhibeat Sanctæ Inquisitionis Officium, non inde culpari, sed potius maximè commendari debet, cum eâ severitate sæpius corrigantur

tur



tur Hæretici, suumque perversum mentis habitum emendantes, amissam animæ salutem adipiscantur: *Clamet, vociferetur æger impatiens per dolorem, inquit S. Cyprianus in lib. de Lapsis, gratias aget, postquam senserit sanitatem.* Secundò, institutum est Sanctæ Inquisitionis Officium, ut populi profligatissimas hæreticorum doctrinas fugiant, horreant & execrentur. Si enim Hæretici, impunè & nullo suppliciorum metu coerciti, suas possent disseminare doctrinas, facilè excitarent incendium, quod auris omnibus & flabellis accensum serperet, glisceret, grassaretur, ac, nullo sese opponente cursui flammarum, incautos populos involueret: At, dùm Sanctæ fidei Quæsitores, ad primam novitatis auram, errorem acriter oppugnant, & Hæreticos, Hæreseosque fautores confestim in ordinem redigunt, tam prompto, tamque salutari adhibito remedio efficiunt, ut novitas variis multiplicibusque lenociniis hominum animos non permulceat. Deniquè, Sanctæ Inquisitionis Officium institutum est ad fovendam Regnorum tranquillitatem, quæ diù profectò stare non potest, dum Religionis divortia vigent, & populi erroribus ab Hæreticis sparsis afflati de summa re dissident, ac magno animorum æstu inter se digladiantur. Ex his quippe dissensionibus oriuntur factiones, ex factionibus crescit audacia, ex audacia contemptus legum & legitimæ dominationis odium. Hinc rebellio, Bellumque prorupit eò sævius, quòd Religionis & Sacrorum causâ utrinque movetur; ex Bello verò strages, ruinæque innumeræ prodeunt, quæ longo temporis progressu vix ac ne vix quidem resarciri possunt. Tot gravissimis malis omnem aditum præclu-

cludunt, vel saltem præsentissimum remedium afferunt fidei Inquisitores, quippè qui Hæreses in suis cunis præfocant, Hæreticis larvam detrahunt, eorumque malis detectis artibus, omnem facultatem aliis nocendi, suosque instillandi errores penitus adimunt. Istud itaque Sanctæ Inquisitionis Officium sibi à Summis Pontificibus concreditum magno fervore contra Hæreticos Albigeneses obierunt Fratres Prædicatores, quorum tamen zelus, & severa in Hæreticos eorumque fautores justitia tam gravem adversus ipsos persecutionem excitavit, ut in odium Inquisitionis ex urbe Tolosa secedere compulsi, sacro instructo agmine, sicut refert *Spondanus* ad annum MCCXXXIV. bini & bini exierint, animis ad martyrium comparatis, Symbolum Fidei, & Antiphonam *Salve Regina* concinentes. Qua in re egregii illi Fidei Athletæ contra Hæreticos intrepidis animis decertantes, secuti sunt exempla Sanctorum Patrum *Athanasii, Augustini, Hieronymi* & aliorum, qui Hæreticorum conatibus sese acerrimè opposuerunt, eos severiore stylo confixerunt, nec timuerunt unquam, ne à procacibus illis hominibus appeterentur vicissim acerbioribus iniuriis, sed potius quidquid plagarum ab illis accipiebant, in decorum & beneficiorum loco reponabant. Sed de zelo Fratrum Prædicatorum in expugnandis & convertendis Hæreticis plura in sexto Colloquio dicemus.

D. Debellatâ hac pestiferâ Albigenium hæresi, quæ tot ac tantas in Galliis excitavit tragædias, emerferuntne sæculo decimo tertio aliæ hæreses, quæ florentissimum Galliarum Regnum virulento suo anhelitu infestarent?

M. Libri *Aristotelis* Sæculo Ecclesiæ decimo tertio Constantinopoli recens in Gallias asportati, è Græco idiomate in Latinum translati, & ab erroribus, quos continebant, necdum purgati, occasionem præbuerunt quibusdam subtilioribus Theologis in Galliis nova procudendi commenta, & relicta verâ ac puriori veterum Patrum doctrinâ, ex turbidis Arabum lacunis fœculentos proferendi errores. *Homines* siquidem (ut rectè observat *Lactantius* lib.3. *Divinarum Institutionum* cap.11.) ideo falluntur, quod aut religionem suscipiunt, omisso *Sapientia*, aut *Sapientiæ* soli student, omisso religione: cum alterum sine altero non possit esse verum. Cadunt ergo ad multiplices religiones, sed ideo falsas, quia *Sapientiam* reliquerunt, quæ illos docere poterat &c. Hi Theologi rerum novarum cupidi, *Aristotelis* Philosophiam in subsidium errorum, quos spargebant, advocantes; in causa fuerunt, cur libri illius Philosophi, qui novorum semina errorum continere videbantur, damnati & combusti fuerint in Concilio Parisiensi anno MCCIX. celebrato, & sub pœna excommunicationis cautum, ne quis de cætero eos scribere, legere præsumeret, vel quoquo modo habere, sicut testatur *Rigordus* in vita *Philippi Augusti* Galliarum Regis ad annum MCCIX. Hanc damnationis sententiam in libros *Aristotelis* à Synodo Parisiensi latam confirmavit *Gregorius IX.* Pontifex Maximus anno MCCXXXII. in Bulla ad Magistros & Scholares Parisienses, quæ extat in Magno Pastoralis Ecclesiæ Parisiensis, eamque refert *Joannes Lannojus* Doctor Parisiensis in libro, quem edidit, *De varia Aristotelis in Academia Parisiensi fortuna.* Dum *Aristotelis* Philosophia tot ignominie notis inulta

Pa-



Parisiis exularet, & qui vel levitèr eam attigissent, hæresis suspicione aspergerentur, commodum ad-  
 iuit S. *Thomas*, Doctor Angelicus, qui Aristotelis  
 Philosophiam præclaris suis Commentariis sic il-  
 lustravit, & ab erroribus repurgavit, ut eam fidei  
 obsequio mancipatam Christiani deindè Philoso-  
 phi, probante Apostolicâ Sede, & toto plaudente  
 Orbe Catholico, obviis ulnis exceperint, atque pro  
 ejus defensione eas in Scholis pugnâs moverint,  
 quas vix boni Cives pro aris, ac focis susce-  
 pissent.

D. Fortunæ *Aristotelis* certè non invideo,  
 sed eorum me miseret, qui Sæculo Ecclesiæ decimo  
 tertio ex lectione & studio librorum hujusce Phi-  
 losophi in varios abducti sunt errores, qui, & qua-  
 les fuerint, quosve Authores habuerint? paucis  
 hic exponere debes.

M. Ineunte Sæculo decimo tertio *Almaricus*  
 professione Clericus, è territorio Carnotensi, Villa,  
 quæ *Bena* dicitur, oriundus; Parisiis dum studeret,  
 & argutiis Aristotelicæ Dialecticæ plus æquo dedi-  
 tus esset, Hæresim promulgavit, teste *Rigordo* in  
*Vita Philippi Augusti* Galliarum Regis ad annum  
 MCCIX. ubi hæc habet; *Qui* (seu *Almaricus*) *cùm in*  
*arte Logica peritus esset, & Scholas de arte illa, &*  
*aliis artibus liberalibus diu rexisset, transtulit se ad*  
*sacram paginam excolendam. Semper tamen suum per*  
*se modum docendi & discendi habuit, & opinionem*  
*privatam, & judicium quasi sectum, & ab aliis sepa-*  
*ratum. Unde & in ipsa Theologia ausus est constanter*  
*asseverare, quòd quilibet Christianus teneatur credere*  
*se esse membrum Christi, nec aliquem posse salvari, qui*  
*hoc non crederet, non minus quàm si non crederet Chri-*  
*stum*

*stum esse natum & passum , vel alios Fidei articulos .*  
 Hunc *Almarici* , ejusque Sectatorum errorem damnavit Academia Parisiensis anno MCCIV. cujus doctrinali judicio stare nolens *Almaricus* ad Summum Pontificem *Innocentium III.* provocavit, Romamque profectus est . At, eo audito , lectis quoque litteris Academiae Parisiensis , & utrius partis æquâ lance ponderatis rationibus , Pontifex sententiam adversus eum latam confirmavit , præcepitque ut suum publicè & coram Academia Parisiensi ejuraret errorem, quod quidem anno MCCVII. Parisios reversus *Almaricus*, fictè præstitit , ore palinodiam cecinit, & corde hæresim retinuit . Paulò post, in morbum lapsus , obiit & juxta Cœnobium *S. Martini de Campis* sepultus est . Discipulos reliquit, qui novos errores impietati Magistri addiderunt , dictitantes primò, potestatem Patris durasse, quamdiù vixit Lex Mosaica : Legem novam à Christo conditam ad sua usque tempora vim habuisse, sed eam deinceps cum omnibus suis Sacramentis antiquatam locum dedisse Spiritus Sancti Regno , in quo Baptismus, Confessio, Eucharistia & alia Sacramenta, & salutis adminicula jam non essent necessaria, sed solâ gratiâ interiori Spiritus Sancti, citrà ullum bonorum operum exercitium, unumquemque salvari posse docebant . Prætereà , Charitatis virtutem sic extollebant *Almarici* Discipuli , ut flagitia ipsa , stupra & adulteria , aliasque id genus gravissima peccata per ipsam licita reddi asserere non dubitarent, mulierculis, quibuscum carnali commercio commiscebantur, & rudibus, quos decipiebant, impunitatem peccati hoc pacto promittentes, sicut refert *Rigordus*, Author cœvus , ad annum MCCIX.

orum errorum Discipulos *Almarici* insinuat  
*Varinus Heisterbacensis* lib. 5. Dialog. cap. 22. ubi  
 is accusat, quòd dicerent primò, non aliter esse  
 corpus Christi in pane Altaris, quàm, in alio pane,  
 in qualibet re. Secundò, quòd assererent, Deum  
 utum fuisse in *Ovidio*, sicut in *Augustino*. Tertiò,  
 quòd negarent resurrectionem corporum, affirman-  
 nihil esse Paradisum, neque Infernum. Quartò,  
 quòd Altaria in memoriam Sanctorum erigere, &  
 is coram sacris Imaginibus adolere, Idololatriæ  
 men esse pertenderent. Quintò, quòd eos, qui  
 a Martyrum deosculabantur, sugillarent. Postre-  
 quòd docerent, eum, in quo est Spiritus San-  
 s, peccare deinceps non posse, & fornicationem  
 ipso perpetrata peccatum esse negarent. Ex  
 cœnoso istorum hæreticorum gurgite *Calvi-*  
*n* pestilentem suam hæresim de *Inamissibili Justi-*  
 quocumque admissio flagitio, excepto solo Apo-  
 giæ à fide peccato, in suam sectam derivasse, haud  
 rē mihi persuaserim. Hujus Sectæ *Almarici* di-  
 pulorum Coriphæus erat quidam *Willelmus Au-*  
 tber qui, ut auram popularem aucuparetur, quasi  
 Deo missus esset, & Prophetiæ dono illustratus,  
 atur plagas infra quinquennium eventuras va-  
 inabatur, famem scilicet super populum, gladium  
 per Principes, terræ hiatum ad Cives absorben-  
 s, ignem super Ecclesiæ Prælatos, quos Antichri-  
 membra impudorato ore appellabat, Romanum  
 Pontificem Antichristum, & Romam Babylo-  
 n vocabat. Sic omnes Ecclesiæ Ministros canino  
 te rodebat *Arcadius* ille *Opilio*, qui tamen, ut  
*Philippi Augusti* Galliarum Regis ubi favorem  
 aciliaret, dicere solebat, omnia Mundi Regna,  
 sub



sub Lege Spiritus Sancti, huic Galliarum Regi  
ejusque filio, fore propediem subjicienda. Contra  
illos Sectarios, *Almarici* discipulos, *Petrus*, Parisien-  
sis Episcopus, Synodum Parisiensem indixit an-  
no MCCIX. in qua eos sitti jussos & convictos damnavit  
& ne ulterius insanirent, præcepit Rex Christianis-  
simus, ut alii ultricibus flammis addicerentur, alii  
perpetuo carcere plecterentur, solis mulieribus ve-  
niâ concessâ. *Almarico*, qui hanc pestem intulerat  
Anathema in hoc Concilio Parisiensi dictum est  
ejusque ossa exhumata & in sterquilinum dispersa  
Proscripti etiam fuere & exusti libri *Davidis Di-*  
*nantii*, seu *de Dinando* *Almarici* discipuli, qui asse-  
bat, Deum esse Materiam primam, contra quem  
errorem doctissime disputavit *S. Thomas*, Docto-  
r Angelicus, lib. 1. contra Gentes cap. 17. & prim-  
parte suæ Summæ quæst. 3. art. 8. Postremò, *Alm-*  
*arici* Hæresis confixa est anno MCCXV. in Concilio  
Generali Lateranensi IV. cap. 2. his verbis: *repre-*  
*bamus etiam & damnamus perversissimum dogma im-*  
*pii Almarici, cujus mentem sic pater mendacii exca-*  
*cavit, ut doctrina non tam hæretica censenda sit, quàm*  
*insana.*

Eodem Sæculo Ecclesiæ decimo tertio fue-  
runt alii in Galliis Theologi, seu potius Theologi-  
stri, qui neglecto prorsus Scripturæ, & Sanctorum  
Patrum doctrinæ studio, ad frivolas Aristotelicæ  
Philosophiæ regulas nostram erga Deum fidem  
exigere voluerunt, & in rebus divinis nihil præte-  
quàm philosophantes, vanissima, supra quàm cri-  
dibile sit, opinionum commenta procuderunt, &  
fingentes, detrahentes, circumscribentes, divide-  
tes, promiscuè, & indiscriminatim invertentes a-  
dacti

lacter, temerè, arbitrato suo . Hanc effrænem & à  
 aculis inauditam de rebus divinis differendi licen-  
 tiam ægrè tulit *Guillelmus* hujus nominis III. Epi-  
 copus Parisiensis, & in Concilio, quod an. mcccxl.  
 convocavit, decem damnavit errores ex Scriptis  
 anonymis excerptos, qui erant his verbis concepti:  
 . *Divina essentia in se, nec ab Angelo, nec ab homi-  
 ne videtur, nec videbitur.* II. *Licet Divina Essentia  
 in Patre, Filio, & Spiritu Sancto, tamen ut  
 ac est essentia, & in ratione formæ, una est in Patre  
 & Filio, non in Spiritu Sancto.* III. *Spiritus San-  
 ctus, prout est amor & nexus, non procedit à Filio,  
 sed tantum à Patre.* IV. *Multæ veritates fuerunt ab  
 eterno, quæ non sunt ipse Deus.* V. *Primum nunc,  
 vel principium, & creatio passio, non sunt Creator vel  
 creatura.* VI. *Angelus malus in primo instanti sue  
 creationis fuit malus, & nunquam fuit non malus,*  
 VII. *Nec Animæ glorificatæ, nec corpora gloriosa,  
 vel glorificata, erunt in Cælo Empyreo cum Angelis;  
 immò nec Beata Virgo, sed in Cælo aqueo, vel crystal-  
 lino.* VIII. *Angelus in eodem instanti potest esse in  
 diversis locis, & est ubique si vult.* IX. *Cujus melio-  
 ra fuerint naturalia, necessariò major erit gratia, &  
 gloria.* X. *Diabolus nunquam habuit unde posset sta-  
 re. Nec etiam Adam in statu innocentie.* His de-  
 cem erroribus jam laudatus *Guillelmus* Archiepi-  
 copus Parisiensis, & Magistri Facultatis Parisien-  
 sis, qui huic Concilio aderant, totidem Articulos  
 opposuerunt hoc tenore: I. *Firmiter credendum est,  
 & nullatenus dubitandum, quod Deus in sua substan-  
 tia, essentia, vel natura, videbitur ab Angelis Sanctis,  
 & animabus glorificatis.* II. *Una est essentia substan-  
 tialis vel natura in Patre & Filio, & Spiritu Sancto.*

*Et eadem essentia in ratione formæ in tribus Personis : III. Spiritus Sanctus , prout nexus est & amor , procedit ab utroque , scilicet à Patre & Filio . IV. Una sola veritas fuit ab æterno, quæ est Deus . Et nulla veritas fuit ab æterno, quæ non sit illa veritas . V. Primum nunc & creatio passio , est creatura . VI. Malus Angelus aliquando fuit bonus, & post peccando est malus . VII. Idem est corporeus locus, scilicet Empyreum Cælum, Sanctorum Angelorum , & Beatarum Animarum : & idem erit corporum humanorum glorificatorium . Et similiter idem est locus spiritualis Sanctorum Angelorum , & hominum bonorum . VIII. Angelus est in loco per distinctiones : ita quod si est hic , non est ibi in eodem instanti . Impossibile est enim eum in eodem instanti esse ubique , cum hoc sit proprium Dei . IX. Secundum quod præordinatum est & prædestinatum à Deo, dabitur gratia & gloria . X. Malus Angelus & Adam habuerunt unde possent stare , etsi non unde possent proficere . His Articulis provisum quidem est sanæ doctrinæ , sed non repressa ea , quæ apud Theologos in Galliis inoleverat, de rebus divinis philosophandi prurigo . Eodem siquidem anno MCCXL. F. Guillelmus Ordinis Fratrum Minorum Professor , in Sermone de S. Joanne Baptista , quem in Fratrum suorum Ecclesia habuerat ad populum, duas propositiones erroneas asseruit , de quibus à supra laudato Episcopo Parisiensi , & Sacræ Facultatis Parisiensis Doctoribus publicè reprehensus , eas coram frequentissimo cœtu damnare compulsus est . Prima propositio hæc erat : *Liberum arbitrium habet potentiam naturalem ad recipiendam gratiam, non effectivam, aliquo modo , idest , gratiæ receptioni cooperantem .* Secunda: *Qui damnatus est, nunquam**



quam fuit in gratia, sed semper Ismaël aut Judas fuit, & nunquam Joannes. Senescente Sæculo decimo tertio, hoc est, anno MCCLXX. Stephanus Templier Episcopus Parisiensis, tredecim proscripsit propositiones erroneas, quibus nonnulli Theologi Parisienses Aristotelicæ Philosophiæ subtilitatibus delusi sanam Theologiam corrumpebant. Hæ autem propositiones his verbis erant conceptæ: I. Intellectus omnium hominum est unus idem numero. II. Illa propositio est falsa, vel impropria: Homo intelligit. III. Voluntas hominis ex necessitate vult, vel eligit. IV. Omnia, quæ in inferioribus aguntur, subsunt necessitati corporum cælestium. V. Mundus est æternus. VI. Nunquam fuit primus homo. VII. Anima, quæ est forma hominis, secundum quod homo est, corrumpitur corrupto corpore. VIII. Anima separata non patitur ab igne corporeo. IX. Liberum arbitrium est potentia passiva, non activa, quæ necessariò movetur ad appetibile. X. Deus non cognoscit singularia. XI. Deus non cognoscit aliud à se. XII. Actus humani à divina providentia non reguntur. XIII. Corruptibili rei Deus immortalitatem, vel incorruptionem dare non potest. Alios errores, quos in Theologiam invexerat Aristotelica philosophia, & quorum palmaris hic erat: Quædam sunt vera secundum Philosophiam, sed non secundum fidem Catholicam, damnavit idem Stephanus Templier Episcopus Parisiensis anno MCCLXXVII. ad quem eâ de re Joannes XX. vulgò dictus XXI. Pontifex Maximus scripsit his verbis; Relatio nimis implacida nostrum turbavit auditum, amaricavit & animum, quod Parisiis, ubi fons vivus sapientiæ salutaris abundanter huc usque scatuit, suos rivos limpidissimos, Fidem patefacientes Ca-

tholicam, usque ad terminos Orbis diffundens, quidam errores in præjudicium ejusdem Fidei pullulasse noscuntur. Volumus itaque, tibi que auctoritate præsentium districtè præcipiendo mandamus, quatenus diligenter facias inspicere, vel inquire, à quibus personis, & in quibus locis errores hujusmodi dicti sunt, sive scripti, & quæ didiceris, sive inveneris conscripta, fideliter nobis per tuum Nuncium transmittere non omittas. Verùm, cum nullis Censuris Ecclesiasticis cohiberi posset hæc ingeniorum lascivia, multique indies exurgerent Theologi, qui securis antiquæ Theologiæ relictis callibus, novos, ac nullius adhuc tentatos vestigiis, quærebant, & doctrinas flagitiosâ suâ novitate infames obtrudebant, causam tandem suam, vindicavit ipse Deus, & unum ex istis errorum Architectis terribili morte punivit, quam noster Thomas Cantipratanus, Auctor coævus, lib. 2. de Apibus cap. 48. num. 5. his verbis describit: Magister Simon de Tornaco Parisiis in Theologia regebat, & erat excellens ille suo tempore; sed contra decentiam talis officii supra modum incontinens, & superbus. Hic cum super omnes Doctores Civitatis auditores haberet, & in Schola coram omnibus de humilitate altissimæ doctrinæ Christi quæstionem, disputatione præhabita, terminaret, in fine tandem datus in reprobum sensum in execranda contra Christum blasphemiae verba prorupit. Tres sunt, inquit, qui Mundum sectis suis & dogmatibus subjugarunt; Moyses, Jesus, & Mahometes. Moyses primo Judaicum populum infatuavit. Secundo Jesus Christus à suo nomine Christianos. Tertiò, Gentilem populum Mahometes. Nec mora, everfis oculi pro humana voce mugitum emisit, & epilepsia statim elijus in terram die tertio ejusdem morbi vindictam acci-

accepit . Plaga ergo insanabili eum percussit Omnipotens, & omni scientia usque ad prima literarum elementa privavit, & graviori quidem in anima cum hac plaga percussus est, cum usque in diem mortis suæ quasi mutus comparatus est jumentis insipientibus, & in luxuriæ fœditate permansit . Et vide supremæ admirationis miraculum : Aleydem fornicariam , concubinam suam, nominare poterat & sciebat , Boetium verò de Trinitate , qui juxta eum ad spectaculum ponebatur , quem olim corde tenus scierat, post inditam plagam nec nominare noverat, nec valebat . Eo stupendo prodigio didicerunt illius temporis Theologi , qui arcanas æterni Numinis divitias curiosius perscrutari audebant, de Deo silere, quàm loqui , longè cautius, melius, ac convenientius esse .

D. Multùm vereor , ne isthæc Theologorum Parisiensium de rebus divinis disserendi prurigo intulerit Academiæ Parisiensi Sæculo Ecclesiæ decimo tertio gravissima damna ?

M. Ita est : Magistri Academiæ Parisiensis , à *Guillelmo de Sancto Amore*, viro jurgioso, & in sua procacia obstinato, potissimum instigati, contra Fratres Prædicatores ejusdem Academiæ alumnos tumultus concitarunt, qui celeberrimam illam Universitatem in summum discrimen Sæculo decimo tertio adduxerunt . Hæc invidiosa lis, & funesta controversia, cujus memoriam refricare cogunt me Historiæ leges, initium habuit anno MCCXXX. Regnabat tum temporis in Galliis S. *Ludovicus* hujus nominis IX. sub tutela matris suæ *Blanchæ* adhuc constitutus, apud quem Universitas Parisiensis de vi Scholaribus suis per cives & incolas Suburbii San-Marcellini Parisiis illatâ, & de non-



nullorum morte indè secutâ cùm fuisset conquesta; non modò repulsam passa est, sed ad eam comprimendam dispositæ sunt Prætorianorum militum Cohortes in armis. Eâ re offensa Universitas Parisiensis à Lectionibus abstinuit, & Magistri Parisiis secedentes, alii Remos, alii Andegavum, alii aliò abierunt, libertati & securitati suæ locum tutiorem quærentes. Dissipatis ergo hac illac Magistris, Fratres Prædicatores, nè omninò conticescerent Musæ Parisienses, Cathedram unam Magistrale[m] in Theologia, consentientibus *Guillelmo* Episcopo Parisiensi, & Cancellario Academiae Parisiensis, tenuerunt. Quadriennio post, Parisios reversis Magistris, & restituto in integrum Studio Parisiensi, alteram Cathedram Theologicam erexerunt Fratres Prædicatores. Quæ res magnorum inter Magistros Parisienses, & Fratres Prædicatores dissidiorum causa fuit ac Seminarium. Ægrè siquidem ferentes Magistri Parisienses, quòd Fratres Prædicatores duas Cathedras Theologicas haberent, & veriti, ne alii Religiosorum Ordines id facere contenderent, sicque suis ipsimet sedibus pellerentur; hoc Decretum communibus votis sanxerunt & edixerunt, *ut nullus Regularium Conventus duas simul Cathedras solemnes & Theologicas in posterum obtineret*. Huicce Decreto Fratres Prædicatores seminè obtemperaturos palàm professi sunt, eò quòd duas Cathedras jam per aliquot annos pacificè occupant, & summâ cum laude, atque Discipulorum applausu rexerant. Utcùmque tamen inter eos & Academicos pax coaluit usque ad annum MCCLII. quo tempore, ut inquit *Wadinghus* in Annalibus Minorum ad hunc annum: *Orta est magna dissensio*

*sensio inter Academicos Parisienses, & Mendicantes, præcipuè Fratres Prædicatores. Controversia exordium habuit à quibusdam Statutis editis à Magistris Universitatis & suspensione lecturæ propter irrogatas aliquas injurias Scholaribus (quorum aliqui perculsi, alii in carcerem trusi, vel trucidati fuerunt.) Constitutionibus injustis dum noluerunt subscribere, duo Ordinis Prædicatorum, Bonus-homo, & Helias dicti, facti sunt extra Scholas. Conquerentes apud S. Sedem exaudiuntur ab Innocentio IV. & jubentur in pristinum statum restitui. Nec solùm ab Innocentio IV. sed etiam ab ejus successore Alexandro IV. Fratres Prædicatores pro sua in Academiam Parisiensem restitutione in integrum quadraginta obtinuerunt Diplomata, quæ in Parisiensis Ecclesiæ Tabulario asservantur, quibus Parisiensis Academia aliquandiu reluctata, tandem aliquando cessit, & Fratres Prædicatores in societatem Magistrorum Parisiensium admisit. Hanc tamen concordiam Guillelmus de Sancto Amore totis suis viribus impedire molitus est. Is quippè, Magistris Odone de Duaco, Nicolao Decano de Barro super Albam, & Christiano Canonico Bellovacensi, aliisque tractis in partes, ad infamandos Religiosos Mendicantes, & ex Academia gremio expellendos nihil intentatum reliquit, totumque virus in ipsos effudit in libello malè confarcinato, cui titulum indidit: *De periculis Novissimorum temporum*, quem Alexander IV. Pontifex Maximus post maturum ac diuturnum examen, proscripsit tanquam perniciosum & detestabilem, ut opportuniùs ostendemus in quinto Colloquio. Hunc exitum habuit luctuosum illud dissidium, quod, proh dolor! Sæculo decimo tertio exarsit*

inter Magistros Parisienses, & Fratres Prædicatores, quodque, ut obiter dicam, non satis candidè ac sincerè describitur ab *Egassio Bulo* tomo 3. *Historiæ Universitatis Parisiensis*, ubi, partium studio abreptus, *Guillelmo à Sancto Amore*, viro ab Ecclesia damnato, & infensissimo Ordinum Mendicantium hosti, plus æquò favet, Causam Fratrum Prædicatorum, quantum potest, deprimit, eos velut totius dissidii Auctores ac concitatores atro carbone depingit, perstringit, infectatur, & omnia, quæ ipsis patrocinari possunt, consultò aut elevat, aut dissimulat, aut sinistram in partem interpretatur. At, velit nolit *Buleus*, Causæ Fratrum Prædicatorum æquitatem apertè probant non solum innumera Summorum Pontificum *Innocentii IV.* & *Alexandri IV.* in gratiam Fratrum Prædicatorum data Diplomata, sed etiam eam manifestam reddit ipsa vis veritatis, quam *S. Thomas* Doctor Angelicus, Ordinis Prædicatorum, Academia Parisiensis, & universæ Ecclesiæ columen & ornamentum, invictissimè tum temporis defendit, erroresque Magistri *Guillelmi de Sancto Amore*, acerbi illius dissidii stimulatoris, præclaris solidisque Scriptis confutavit. Plura in hanc rem dicerem, nisi mihi silentium indiceret Dominicana Familia, quæ antiquæ injuriæ immemor, Academiam Parisiensem pluribus sibi devinctam beneficiis maximo semper honore prosequuta est.

D. Asserebat mihi nuperrimè vir eruditus, sed Monachis haud parùm infensus, huic controversiæ, quam Fratres Prædicatores cum Magistris Parisiensibus Sæculo decimo tertio habuerunt, occasionem dedisse novum quemdam librum inscriptum



*rum Evangelium Æternum*, ab *Alexandro IV.* Pontifice Maximo damnatum, quem Ordini FF. Prædicatorum attribuit *Matthæus Parisius*, & in quo blasphemata continentur dogmata, quorum hæc præcipua adhuc memoriâ teneo: videlicet *Evangelium Æternum*, seu *Evangelium Spiritus Sancti perfectius*, & melius, & dignius fore *Evangelio Christi*. II. *Evangelium Christi non esse Evangelium Regni*, ac per hoc nec *Ecclesiæ ædificatorium*. III. *Novum Testamentum*, sicut & *Vetus*, esse evacuandum, nec in virtute sua ad annum *MCCLX.* duraturum, & deinceps omnes in statu perfectorum fore. IV. *Ad instruendos homines* de spiritualibus & æternis solos idoneos esse, qui nudis pedibus incedunt: *Christum*, Sanctosque *Apostolos* viæ contemplativæ perfectionem non fuisse consecutos: contemplativam verò vitam ab ipso *Joachimo Abbate* fructificare cepisse, & à modò in perfectis successoribus ipsius perfectius mansuram, fructusque laturam uberiores. V. *Quendam Monachorum Ordinem futurum*, qui dignitate & gloria reliquis antecellet, in quo implebitur *Prophetia Psalmistæ* dicentis: *Funes ceciderunt mihi in præclaris*, etenim hæreditas mea præclara est mihi. Et qui tunc maximè florebit & convalescet, cum *Clericorum Ordo* peribit. VI. Sicut in primo statu Mundi commissum fuit à Patre totius *Ecclesiæ regimen* aliquibus ex Ordine *Conjugatorum*, sic in tertio Mundi statu committendum à *Spiritu Sancto* aliquibus ex Ordine *Monachorum*. Hæc, & alia id genus blasphemata dogmata continentur in hocce libro, qui inscribitur: *Evangelium Æternum*, cujus Authores cum fuerint FF. Prædicatores, mirum non est, si illis litem moverint *Magistri Parisienses*, & in eos tam in Scholis, quàm in publicis suggestibus declamaverint.

M. Si reverà Fratres Prædicatores edidissent hunc librum, qui inscribitur: *Evangelium Æternum*, quique hæc, quæ mox protulisti, & alia benè multa complectitur blasphemia dogmata; eorum damnationi incunctantèr subscriberem, nedùm Apologiam in eorum gratiam adornare vellem. At hunc librum erroribus à capite ad calcem scatentem à Fratribus Prædicatoribus fuisse lucubratum immanissima calumnia est, huic Sacro Ordini de Ecclesia benè merito perperam à *Matthæo Parisio* impacta, quæ, ut inquit *Odoricus Raynaldus* in *Continuatione Baronii* ad annum MCLVI. Num. xx. vel ex eo detergitur, quod *Matthæus Parisius* null certo *Authori* hunc librum adscribat, sed tanquam nefandum partum ab omnibus Fratribus Prædicatoribus editum insinuet. Quid enim magis à verisimilitudine abhorrens, quàm eos, seu Fratres Prædicatores libri hæresi infanda contaminatissimi authores fingere quos ea manet gloria, exscindendis hæresibus, ac tum maximè cùm is Ordo primævo Sanctitatis flore a splendore emicaret, strenuam operam collocasse? Huju libri *Evangelii Æterni* Authorem *Joannem de Parma* Italum, Ordinis Minorum septimum Generalem Ministrum, vulgò existimatum fuisse, testatu noster *Eymericus* parte 2. *Directorii Inquisitorum* quæst. 9. ubi agit de erroribus in hoc detestabili libro contentis. Sed *Wadinghus* in *Annalibus Minorum*, & *Papebrochius* in *Actis Sanctorum* a diem XIX. mensis Martii, ubi inseruit *Vitam Joannis Parmensis*, negant hunc *Joannem Parmensem* fuisse Authorem illius malè nati libri *Evangelii Æterni*, quibus licèt ipse ultrò assensum præbeat non possum attramen quin fatear, hunc *Joanne*

*Parmensem* apud *Alexandrum IV.* Pontificem Maximum à suis fratribus, quorum odia, ob zelum quo flagrabat regularis restaurandæ disciplinæ, incurrerat, accusatum, Præfecturæ Generali, quam in Ordine gerebat, cessisse, & in ejus locum suffectum fuisse *S. Bonaventuram*, tunc in Academia Parisiensi Doctorem Regentem apud Minoritas, qui inquisivit in *Joannem Parmensem*, ejusque Socios, quorum duos, *Gerardum*, & *Leonardum* conjecit in vincula. *Gerardus* annos 18. in carcere detentus est, *Leonardus* in vinculis obiit. Denique, *Joannes Parmensis* diem extremum clausit Camerini **xiii.** Kalendas Aprilis anni **mccclxxxix.** cujus sanctitatem miraculis post mortem fuisse comprobatam, asserunt *Wadinghus* in Annalibus Minorum, ubi Vitam ejus descripsit, & alii ejusdem Ordinis Franciscani Scriptores, qui etiam *Joannem Parmensem* appellatione *Beati*, non prohibente Sede Apostolicâ, exornant. Cum igitur planè ignoretur Author istius execrabilis libri, qui inscribitur: *Evangelium Æternum*, iniquum omninò esset illum Fratribus Prædicatoribus, quasi Authoribus tribuere propter testimonium, seu potius propter unicum & incertum verbum *Matthæi Parisii*, sic scribentis. Dicebatur, Prædicatores esse illius libri Authores: Præterquamquòd, testimonium *Matthæi Parisii* contra Fratres Prædicatores nullius ponderis haberi debet, non solùm quia hic Scriptor, ut norunt omnes, pessimæ fidei est, petulantis linguæ, homo Schismaticus & qui hæreticis prolusit, sed quia, etiam *Innocentii IV.* Pontificis Maximi, ac subinde Fratrum Prædicatorum, qui hujus Summi Pontificis partes strenuè propugnarunt, hostis apertissimus



mus fuit . Addo etiam , hunc pestiferum librum , inscriptum : *Evangelium Æternum* , publico Ecclesiæ judicio damnatum , flammisque addictum fuisse anno MCCVIII. septennio ante institutum Fratrum Prædicatorum Ordinem . Quî igitur fieri potest , ut ille liber sit partus alicujus Dominicani , cùm ipso Fratrum Prædicatorum Ordine sit antiquior ?

D. Adductis hæcenus & dilucidè explanatis erroribus & Controversiis , quæ Sæculo decimo tertio Ecclesiam Gallicanam , & Academiam Parisiensem haud parùm perturbarunt ; expedit nunc ut in eas Hæreses , quæ eodem Sæculo in aliis Orbis Christiani Nationibus in perniciem animarum eruperunt , breviter inquiramus , & in primis scire velim , nùm aliquæ Hæreses Sæculo decimo tertio in Italia prodierint ?

M. Sæculo decimo tertio , hoc est circa annum MCCLX. *Flagellantium* Secta in Italia ortum habuit , ejusque originem Monachus Sanctæ Justina Paduensis in suo Chronico , quod *Christianus Orsini* Basileensis anno MDLXXXV. publici juris fecit his verbis describit : *Cùm tota Italia multis esse flagitiis & sceleribus inquinata , quædam subitanea superstitio , & à Sæculo inaudita invasit primitus Perusinos , Romanos postmodum , deindè ferè Itali. populos universos . In tantum itaque timor Christi irruit super eos , quod nobiles pariter & ignobiles , senes & juvenes , infantes etiam quinque annorum nudi plateas civitatum , opertis tantum pudendis , deposita verecundia , bini processionaliter incedebant , singuli flagellum in manibus de corrigiis continentes , & cum gemitu & ploratu se acriter super scapulis usque ad effusionem sanguinis verberantes . . . . Non solum itaque*

in die, verum etiam in nocte cum cereis accensis, in hyeme asperrima, centum, milleni, decem millia quoque per Civitates & Ecclesias currebant, & se ante altaria humiliter prosternebant, præcedentibus eos Sacerdotibus cum Crucibus & vexillis . . . . siluerunt tum temporis omnia musica instrumenta, & amatoriae cantilenæ: sola cantio Pœnitentiæ lugubris audiebatur ubique tam in Civitatibus, quàm in Villis, ad cujus flebilem modulationem corda saxea movebantur, & obstinatorum oculi se à lachrymis non poterant continere. Mulieres quoque tanta devotionis fuerunt minimè expertes, sed in cubiculis suis non tantum populares, sed etiam Matronæ nobiles, & Virgines delicatæ, cum omni honestate hæc eadem faciebant. Tunc ferè omnes discordes ad concordiam redierunt, usurarii, & raptores malè ablata restituere festinabant, cæterique diversi criminibus involuti, peccata sua humiliter confitentes, se à suis vanitatibus corrigebant &c. Hæc publicæ Pœnitentiæ devotio in Germaniam, sicut testatur Henricus Stero in Chronico, penetravit, sed quia illius origo, ut ait idem Scriptor, nec à Sede Romana, nec ab aliqua persona auctorabili fulciebatur, a quibusdam Episcopis, & à Domino Henrico Duce Baviariæ cæpit haberi contemptui, unde in brevi tepestere cæpit, sicut res immoderatè concepta. Tandem in superstitionem, immò in hæresim degeneravit malè cocta, & tumultuosa illa devotio. Neminem quippe à peccatis absolvi pertendebant isti Flagellantes, qui eorum Sectæ nomen non dedisset. Mutuò sese, auditâ confessione, à peccatis absolvebant, etsi Laici essent, sicut testantur Siffridus Presbyter in Epitome lib. 2. & Longinus, qui ipsos in Polonia ab Episcopis, & Principibus repressos fuisse affirmat

lib. 7.

lib.7. *Historia Poloniae*. Eadem Flagellantium Secta in Ungaria, & Germania renovata est an. MCCCXLIX. de cujus superstitioso ritu *Albertus de Argentina*, qui, imperante *Carolo IV.* & filio ejus *Wenceslao* vixit, in suo *Chronico*, quod incipit ab anno MCLXX. & desinit in annum MCCCLXXVIII. amplissimè tractat, ex quo *Spondanus* ad annum MCCCXLIX. refert, huic grassanti Flagellantium Sectæ sese sociasse perditissimos quosque fugitivos, decoctores, adulteros, seditiosos, homicidas, latrones, omnium denique criminum reos, illosque eò impudentiæ prorupisse, ut Sacra quæque, & Evangelium, ipsumque divinissimum Corporis Christi Sacramentum posthabentes, assererent, Sanguinem suum sic per flagellationem tractum misceri cum sanguine Christi, & si quis eam flagellationem per dies triginta tres continuasset, omne crimen esse purgatum, omnem illi culpam & pœnam esse penitus remissam. Alios impiæ illius Flagellantium Sectæ errores ex *Gobelino Persona* in suo *Cosmódromio*, seu *Chronico*, recenset idem *Spondanus* ad annum MCCCXLV. Num. XIV. Allegebant siquidem, Deum, ad ipsorum adventum, Pontificem Romanum, cæterosque Prælatos, ne deinceps Christianis præessent, sustulisse, & omni auctoritate ligandi, atque solvendi, & quidquam consecrandi privasse, ac, propter Sacerdotum nequitiam, in adventu Fratrum Crucis, seu Flagellantium, Sacerdotium Evangelicum amovisse, solum Baptismum omnibus Sacramentis substituisse; & illum non in aqua, sed mutatum in proprii sanguinis effusionem per flagellationem, sicut Christus in Cana Galilææ mutavit aquam in vinum rubrum, nec posse, aut potuisse ab institutionis eorum tem-

pore



ore quemquam salvare, nisi per ejusmodi Baptis-  
 mum sanguinis, qui cuncta, quantumcunque  
 enormia peccata, potens est delere. Affirmabant  
 insuper, nullum post mortem esse Purgatorium;  
 nullum Festum celebrandum, nisi diei Dominicæ,  
 & Nativitatis Christi, & Assumptionis B. Mariæ  
 Virginis, nullumque observandum jejunium, nisi  
 feriâ sextâ, & vigiliis Nativitatis Christi, & Assum-  
 tionis B. Virginis. Mitto alios errores, in quos  
 prolapsi sunt malè feriatî isti Hæretici Flagellantes,  
 quorum Secta latè diffusa aditum tamen in Gallias  
 invenire haud potuit, prohibente *Philipo Valesio*  
 Rege Christianissimo, quo etiam rogante, & hor-  
 antibus Sacræ Facultatis Parisiensis Doctoribus,  
*Clemens VI.* Pontifex Maximus hanc Sectam da-  
 mnavit, ut refert *Guillelmi Nangii* continuator ad  
 annum MCCCXLIX. Nec solùm hanc Flagellantium  
 Sectam damnavit *Clemens VI.* sed etiam plures Epi-  
 stolas ad Præsules Germaniæ, Poloniæ, Sveciæ,  
 Angliæ, Galliæ, & ad Principes dedit, quibus ip-  
 sos vehementer adhortatus est, ut illud supersti-  
 tiosum hypocritarum hominum genus coercerent,  
 conventicula dissolverent, eorumque Magistros  
 arceri manciparent. Extant hæ *Clementis VI.* Epi-  
 stolæ in ejus Regesto anni 8. ex quo eam, quæ ad  
 Magdeburgensem Archiepiscopum, ejusque suf-  
 fraganeos data est, refert *Odoricus Raynaldus* ad an-  
 num MCCCXLIX. num. xx. Contra Sectam Flagellan-  
 tum scripsit *Joannes Gersonius*, Sacræ Facultatis  
 Parisiensis Cancellarius, brevem tractatum, in  
 quo etiam si reprobet perversum usum flagellatio-  
 num, seu disciplinam ubi propriâ manu intelligunt,  
 non videlicet usum, qui fit cum ostentatione, cum

scandalo , & sine iudicio Superioris five pii ac prudentis conscientiae moderatoris, vel qui pravis circumstantiis , & erroribus , praesertim contemptu Sacramenti Confessionis, & Pœnitentiae Sacramentalis, contaminatus erat in Secta Flagellantium; non tamen improbat , sed potius approbat flagellationes , seu disciplinas , quæ propriâ manu infliguntur , dummodò id fiat moderatè, animo pœnitente , semotis ostentatione & scandalo ; hæc enim sunt celebris illius Doctoris verba : *Lex Christi , videatur flagella indulgere , juxta illud : Ecce ego in flagella paratus sum, nihilominus circumstantiæ debent apponi , quibus rationabile fiat obsequium nostrum, unquod huiusmodi flagellatio fiat iudicio Superioris imponentis talem pœnitentiam , & quod ab altero fiat & moderatè , & sine scandalo & ostentatione , ac sine sanguine , juxta traditionem Guillelmi Parisiensis quemadmodum fit huiusmodi flagellatio in Religionibus approbatis , & ab aliquibus devotis personis .* Quapropter, *Jacobus Boyleau* Doctor Sorbonicus in eam quam edidit , *Historia Flagellantium* , perperam *Gersonium* sibi patronum adsciscit , à cujus tamen mente toto cœlo aberrat , dum capite decimo prædictæ historiæ impugnans omnem usum flagellationum, seu disciplinarum propriâ manu infligendarum asserit , se ipsum flagellare super nates obscenum , & turpissimum esse tam viris , quam mulieribus : Flagellare super humeros periculosa propter libidinem , quæ incitatur & accenditur , usumque flagellandi deorsum se ipsum , ferè semper esse non solum opus insolens , nulum & supervacaneum, verum etiam perversum, probrosum & turpissimum . Quæ omnia ut probet laudatus Author , nonnullas obscenas, adducit historie

riolas, quæ fabulas olent, & à quibus referendis, propter pudorem, in integrum abstinere debuisset, maximè cùm ignorare non posset, *S. Petrum Damianum* scripsisse epistolam, quæ est 27. libri sexti, ad *Petrum Monachum*, dictum *Cerebrosus*, in qua eum reprehendit, quòd non omninò approbaret flagellationum, seu disciplinarum sibi propriâ manu inflictarum usum, quem ibidem ex multis Scripturæ sacræ locis laudabilè esse evincit; eundemq; Sanctum Doctorem illius usus haud modicam utilitatem in Opusculo XLIII. ad Cassinenses Monachos cap. VI. commendasse his verbis: *O quàm jucundum, & quàm insigne spectaculum! cùm supernus Judex de Cælo prospectat, & homo semetipsum in inferioribus pro suis delictis mactat! ubi reus ipse in pectoris sui penetrabilibus præsidens trifarium tenet officium: in corde se constituit Judicem, reum in corpore, manibus se gaudet exhibere tortorem; ac si Deo Sanctus Pœnitens dicat: non opus est, Domine, ut officio tuo me punire præcipias: non expedit ut ipse de me justî examinis ultione percellas; ipse mihi manus injicio, ipse de me vindictam capio, vicemque meis peccatis reddo.*

Non solùm hac Flagellantium hæreticorum sectâ Sæculo Ecclesiæ decimotertio infestata fuit Italia, sed etiam ipsum quoque puritatis Catholice domicilium, Romam videlicet, contaminare aggressi sunt hæretici Albigeneses, & Waldenses, dicti *Pauvres de Lugduno*, *Cathari*, *Patareni*, & aliis id genus nominibus appellati, sicut refert *Odoricus Raynaldus* ad annum MCCXXXI. Num. XIII. Ad illos hæreticos Româ, ac totâ Italiâ expellendos omnem curam & sollicitudinem adhibuit *Gregorius IX.* Pontifex Maximus, & Bullam datam Viterbii VI. Idus



Novembris anni noni Pontificatus sui contra eos publicavit hoc tenore : *Excommunicamus , & anathematizamus universos hæreticos , Catharos , Patarenos , Pauperes de Lugduno , Passaginos , Josephinos , Arnaldistas , Speronitas , & alios quibuscumque nominibus censeantur , facies quidem habentes diversas , sed caudas ad invicem colligatas , quia de vanitate conveniunt in idipsum . Damnati verò per Ecclesiam sæculari judicio relinquuntur ; animadversione debita puniendi . Clericis prius à suis Ordinibus degradatis . Si qui autem de prædictis , postquam fuerint deprehensi , redire voluerint ad agendam condignam penitentiam in perpetuo carcere detrudantur . Credentes autem eorum erroribus , hæreticos similiter judicamus . Item receptores , defensores , & fautores hæreticorum excommunicationis sententiæ decernimus subjacere &c.* Hanc Gregorii IX. Constitutionem, contra hujusmodi hæreticos per Italiam sparsos latam, renovarunt , novisque additis pœnis confirmarunt Summi Pontifices *Innocentius IV. Alexander IV. & Nicolaus III.* in suis Diplomatis , quæ incipiunt : *Noverit Universitas .* Quin & *Fridericus II.* Imperator, licet Sedi Apostolicæ haud parum infensus , Constitutionem Imperialem Cathaniæ anno Dominicæ Incarnationis MCCXXIV. emisit, quâ jussit Magdeburgensi Archiepiscopo, Comiti Romaniolæ, & totius Lombardiæ Legato suo, ut quicumque per Civitatis Antistitem, vel Diæcesanum, in qua degit, post condignam examinationem fuerit de hæresi manifestè convictus : & hæreticus judicatus per potestatem, consilium, & Catholicos viros Civitatis & Diæcesis earundem, ac requisitionem Antistitis illicò capiatur, ignis judicii concremandus, ut vel ultricibus flammis pereat, aut s

*miserabili vitæ ad coercionem aliorum elegerint re-*  
*servandum, eum linguæ plectro deprivent, quo non est*  
*veritus contra fidem Ecclesiasticam invehi, & nomen*  
*Domini blasphemare &c.* Hæc Imperialis *Friderici II.*  
 Constitutio extat in *Registro Gregorii IX.* lib. 4.  
 epist. 103.

D. Prosequere, si placet, Historiam aliarum  
 Hæresum, quæ Sæculo decimo tertio Orbem Chri-  
 tianum pervaserunt.

M. Sæculo decimo tertio, hoc est circa an-  
 num MCCXXX. *Stadinghorum* diabolica hæresis Ger-  
 maniam infecit, cujus impietatem describit ac de-  
 plorat *Gregorius IX.* in suis ad Archiepiscopum  
*Moguntinum*, Episcopum *Hildesheimensem*, &  
*Fr. Conradum à Marburg* egregium Prædicatorem,  
 datis anno MCCXXXIII. epistolis, quæ extant in lib. 7.  
 epistolarum hujus Pontificis ordine 178. 179. 180.  
 186. Nefandi illi Hæretici utebantur Magistro Dæ-  
 mone, qui sub diversis formis in secretis eorum  
 conventibus conspicuum se præbebat, eosque sui  
 cultui adstrictos, sic ad turpissima, & ipso auditu  
 horrenda flagitia informabat, ut illi morem ei ge-  
 rentes, extinctis lucernis, promiscuam libidinem  
 exercerent. In Luciferum, quem injustè, violenter,  
 & fraudulenter à Domino ad Inferos detrusum fuissè  
 blasphemabant, miseri illi hæretici credebant,  
 umque ad suam gloriam, præcipitato Domino,  
 editurum asseriebant, nec ante ipsum se beatitudi-  
 nem æternam sperabant habituros. Sacrum Cor-  
 pus Domini Nostri Jesu Christi singulis annis in-  
 paschate de manu Sacerdotis recipiebant, illudque  
 e industria in ore servantes, proh scelus! in la-  
 tinam expuebant. In Clericos & Religiosos viros

N 2

graf-

grassabantur, eosque omni tormentorum genere cruciabant. Ad illos itaque exterminandos hæreticos, qui in confinibus Frisiæ & Saxoniz ac Brementensi tractu degebant, quique paludibus, & fluminibus circumcincti ac muniti, omnes Episcoporum & Prædicatorum pro eorum conversione labores inanes, irritosque reddebant, sacram expeditionem indixit *Gregorius IX.* ut, cum à suis erroribus nullo pacto resilire vellent, igne ferroque delerentur. Præcipui Crucesignati exercitus Duces fuerunt *Henricus Brabantiz Dux*, & *Florentius Hollandiz Comes*, qui, ut scribit, *Albertus Stadenfis Abbas* in *Chronico* ad annum MCCXXXIII. Primo congressu pestilentes illos super agrum Oldenesche, ubi convenerant, viriliter invaserunt; sed ipsi summo conamine se defenderunt. Statim Comes de Clivo cum suis à latere irruens super illos, ipsorum acies dissipavit..... Nec mora illi insipientes, & maligni evanuerunt incogitationibus suis, quia ab exercitu Domini opprimuntur, hostes perfossi, gladiis percussi, equorum pedibus conculcati, & ita manus Domini invaluit super eos, ut in brevi spatio eorum sex millia interierint. Plurimi ex eis fugæ præsidium postulantes, in proximâ fovea, & in visera se submerserunt; si qui evaserunt sub Cæli ventis quatuor sunt dispersi. Sic pertinaciorum facta est coram ipsis in laqueum, & in retributionem & scandalum.

Denique, Sæculo decimo tertio erupit in Germania Secta quorundam Hæreticorum, qui *Fridrico II.* Imperatori adversus Ecclesiam perduelli & *Conrado* ejus filio faventes, prava dogmata, in antiquis Hæreticis Donatistis ab Ecclesia jam confixa, recoxerunt, & in Suevia propalarunt, quæ re  
fer



ert *Albertus Stadenſis* Abbas in Chronico ad annum MCCXLVIII. Aſſerebant primò, Romanum Pontificem eſſe Hæreticum, omneſque Episcopos & Prælatos, hæreſi itidem & ſimoniâ infectos, nec ligandi, & ſolvendi, neque conficiendi Corpus Chriſti poteſtatem habere, quòd mortalibus peccatis irretiti eſſent. Secundò, affirmabant, quòd nullus vivens, nec Papa, nec Episcopos, neque aliqui alii poſſint interdicere divina Officia, & qui prohibeant, eſſent hæretici & ſeductores. Tertiò, quòd Fratres Prædicatores, & Fratres Minores, Cisterienſes quoque & alii Viri Religioſi falſis prædicationibus Eccleſiam corrumpere, pravamq; vitam & injuſtam ducerent. Quartò, dictitabant, ſe dumtaxat, ſuosque ſocios, veritatis eſſe præcones & juſtiæ ſectatores. Quintò, in fine prophanarum, & iniquarum concionum agebant, Indulgentiam ſe impartiri non à Papa confectam, non à Prælatiſ compoſitam, ſed à ſolo Deo omnipotenti conceſſam. Poſtremò prædicabant, nullam Romani Pontificis orationibus, ſed dumtaxat *Friderici* Imperatoris, & *Conradi* ejus filii memoriam eſſe faciendam. Hos Hæreticos *Fridericus* Imperator, ejusque filius *Conradus* ſuo patrociniò ſoverunt, exiſtimantes ſe inde cauſam ſuam adverſus Eccleſiam faciliùs promovere poſſe. Sed eos ſefellit eventus, nam Proceres Germaniæ Catholici hæc prava dogmata inſectantes, *Fridericum*, & *Conradum*, ejus filium, Hæreticorum fautores deſeruerunt, ipſiſque omnem ad Imperium aditum præcluſerunt. Hæc de hæreſibus, quæ Sæculo Eccleſiæ decimo tertio variis in locis pullularunt, dixiſſe ſufficiat.

D. Hiſtoriam Hæreſum, quæ Sæculo decimo

quarto Ecclesiam exagitarunt, nunc recto ordine describere debes, & in eas primum inquirere, quæ in Oriente prodierunt.

M. Sæculo decimo quarto, Imperatore in Oriente *Andronico Juniore*, Palamitica lues invasit quæ Græcorum Schismati novum addidit robur. Hujus Hæreseos olim parens fuerat Simeon S. *Mamantis* Monasterii *Xyloxei* Abbas, à suis *Junio Theologus* appellatus, in libro, quem edidit, de *Sobrietate & Attentione*, de quo plura habet nostre *Combesius* in Notis ad *Manuelis Calecæ* librum de *Essentia & Operatione* adversus palamitas. Hanc Hæresim in Oriente professi sunt plerique Monachi qui dicti sunt *Hesychistæ*, *Euchitæ*, & *Massaliani*, e quod inter orandum imitarentur infames hæreticos *Massalianos*, caput ad umbilicum deprimentes & in ea Orationis quiete mirabilem se lucem intueri, & inexhausta voluptate affici delirarent, cum que ab illis quæreretur, quid lumen illud esset, quæ se ad certum illum, quem diximus, corporis habitum conformatos perfundi gloriabantur? respondebant, esse gloriam Deitatis increatam, humanam tamen visui perviam. Quem errorem altero confirmabant, dicentes, lumen, quod in transfiguratione Christi refulsit in Monte Thabor, increaturum fuisse, & nihilominus oculis corporeis ab Apostolis visum affirmabant. In mores, Instituta, & dogmata horum Monachorum *Hesychistarum* inquirere coepit *Barlaamus*, gente Calaber, Ordini S. Basilii Monachus, qui ex Italia Constantinopolim venerat ad *Andronicum Juniolem* Imperatorem, & Sermones de Processione Spiritus Sancti, & de Primatu Romani Pontificis contra Latinos evulgave

gaverat , ut gratiam à Græcis , & potissimum ab Imperatore iniret. Hanc Monachorum superstitionem & insanos errores cum detexisset *Barlaamus* , illos apud *Joannem* hujus nominis XIII. Patriarcham Constantinopolitanum hæreseos accusavit . Hesycharum Monachorum patrocinium strenuè suscepit *Gregorius Palamas* , Monachus Græcus , ac Thessalonicensis postea Episcopus , qui nomen suum huic Sectæ dedit . Scriptis itaque & argumentis utrimque concurritur . *Palamas* lumen in Monte Thabor Christo circumfusus , increatum ac æternum Dei lumen fuisse pertendebat , illud tamen non esse substantiam Dei , sed tantum ejus operationem , quam , cæteraque Attributa divina ab essentia , seu substantia Dei realiter distingui , & esse eâ minora , licet ipsi coæterna , probabat exemplo splendoris à Sole emissi , qui non est substantia Solis , etsi coævus ei sit . Addebat insuper , naturam , seu essentiam Dei à nullo intellectu creato , etiam Beatifico , videri posse , qualis in se est , sed tantum luce increatâ , à substantia tamen Dei realiter distinctâ , & oculis aspectabili sanctos perfrui in cœlo , & in eadumtaxat luce totam sitam esse æternæ beatorum felicitatis summam . *Barlaamus* ex adverso in hos errores calamum acuit , & gravissimam cum *Gregorio Palama* habuit contentionem , ad quam dirimendam coacta est Constantinopoli anno MCCCXLI. Synodus à *Joanne* XIII. Patriarcha Constantinopolitano , cui *Lazarus* , Hierosolymitanus Patriarcha , cum Alexandrini , & Antiocheni Legatis , adfuisse dicitur , quæque idcirco nona generalis Synodus apud Græcos audit . In hac Synodo damnatus est *Barlaamus* , & omnes Episcopi Græci deliria *Gregori*



gori *Palama* approbarunt. Nec solum *Joannes XIII.* Patriarcha Constantinopolitanus reprobravit unâ cum aliis Episcopis Græcis in hac Synodo doctrinam *Barlaami*, & perversa *Gregorii Palama* dogmata firmavit, sed etiam *Callistus*, in Patriarchatu Constantinopolitano *Joannis* successor, & *Philoteus*, seu *Philetus*, qui in locum *Callisti* subrogatus est, eandem *Barlaami* doctrinam in Synodis Constantinopoli habitis proscripserunt, & ad statuminandos *Gregorii Palama* errores concurrerunt, maximè cum id temporis Palamitarum hæresi apertè faveret *Joannes Cantacuzenus* Græcorum Imperator, qui proindè in ea, quam descripsit, sui temporis Historiâ audiri non debet, præsertim dum scribit lib. 2. capite quadragesimo, *Barlaamum* in Synodo, quam convocavit *Joannes XIII.* Patriarcha Constantinopolitanus, veniam ob stultè dicta petiisse, factumque fuisse, lumen, quod Apostolis in monte Thabor circumfulsit, gloriam Dei principii expertem, & æternum lumen fuisse, atquè illum rediisse in gratiam cum Palamitis. Quæ tota *Joannis Cantacuzeni* narratio à vero procul abhorret, cum certum sit, *Barlaamum* in laudata Synodo damnatum, ut declinaret invidiam Græcorum, quos proditâ etiam Catholici Dogmatis veritate, promereri frustrâ studuerat, Italiam repetiisse, & ad Latinorum Instituta, quibus erat imbutus, rediisse.

Circâ hanc Palamitarum hæresim duo velim hic obiter observes. Primum est, *Gregorium Palamam*, ejusq; Sectarios fuisse Latinorû infensissimos hostes, ita ut hoc præsertim nomine *Gregorius Palamas* in Græcorum Schismaticorû Sinaxario etiamnum celebretur, & inter Sanctos collocetur, sicut eis exprobrat

rat Gennadius Græcus Patriarcha in Concilio Floré-  
ino his verbis : *Vos , inquit , Græcos quamvis flagi-  
osissimos , si solum adversus Latinos dicant , omnium San-  
ctissimos arbitramini , inter alios quidem multos , quem-  
dam , qui vocatur Palamas , & Ephesi Marcum , homi-  
nem nec satis mentis compotem , sed tumidum sapientiæ  
stentatorem , nulla virtute vel sanctitate subnixos ,  
quia loquuntur & scribunt solum contra Latinos , extol-  
itis & celebratis , eorumque imagines exornatis , fe-  
tumque agentes colitis , & veluti Sanctos adoratis .*

Secundò advertere debes , Leonem Allatium ,  
virum alioqui doctissimum , lib. 2. *De Perpetua Con-  
sensione* cap. 17. impegisse in errorem , qui ab om-  
nibus Theologis exploditur. Ibi quippè , postquam  
asseruit Barlaamum , non minùs quàm Palamam  
circa lumen Thaborium lapsum esse , conceptis ver-  
bis docet , illud lumen Thaborium , quod in die  
Transfigurationis Christi apparuit , & Apostolo-  
rum oculos circumfulsit , fuisse ipsam Christi Dei-  
tatem , nec repugnare ut oculis corporeis divinio-  
re vi corroboratis Deitas ipsa videatur . Sic enim  
loquitur : *Verum enim est , oculis corporeis increa-  
tum conspici non posse , & dùm oculi in statu & condi-  
tione naturæ manent , sed si diviniore vi corroborati ad  
altiora eleventur , nil impedit , corporeis hisce oculis in  
eminentiorem statum sublevatis , deitatem ipsam , &  
gloriam deitatis , quæ una cum Deo est , videri . . . . .*  
damnatus itaque est Barlaamus , quòd lumen , in mon-  
te Thabor refulgens , neque ex Divina essentia , neque  
divinam essentiam esse affirmabat , & præterea corpo-  
reos oculos per nullam diviniorem potentiam adeò ele-  
vari posse , ut deitatem conspiciant &c. Hactenus  
Leo Allatius , qui non vidit , se per latus Barlaami  
feri-

ferire omnes Theologos , quorum omnium concors est doctrina , Lumen Thaborium non fuisse Deitatem Christi , & oculos corporeos divinâ virtute ad visionem essentiaë Dei evehi haud posse , communior eorum sententia est .

D. Meministi in superiori Colloquio cujusdam non minus importunæ,quàm molestæ controversiæ,quæ Sæculo decimo quarto diù multumque exercuit Romanum Pontificem *Joannem XXI.* vulgò dictum *XXII.* de sensu & observatione Regulæ Sancti Francisci , quoad Evangelicam paupertatem . Huic controversiæ,ut ibidem observasti,occasionem & initium dederunt nonnulli Minoritæ de paupertate sua ambitiosius,quàm religiosius disceptantes . At quinquam fuerit progressus atque exitus gravissimæ istius Controversiæ , necdum exposuisti . Ab ovo itaque hanc incipe Controversiam , & omnia , quæ illam spectant , compendiosâ narratione describe .

M. Jam sub Romanis Pontificibus , *Bonifacio VIII.* & *Clemente V.* Ordo Fratrum Minorum, duas in partes scissus erat , aliis *Spiritualium* , sive *Fratrum strictioris Observantiæ* , aliis *Conventualium* , seu *Fratrum Communitatis* nomine insignitis . Hæc funesta Ordinis divisio magnam peperit litem , & animorum contentionem, quæ sub Romano Pontifice *Joanne XXI.* seu,ut vulgò dicitur *XXII.* acrius recrudit,& toto illius Pontificatu fuit summo utrinque partium studio agitata . Præcipua discordiæ ratio sita erat in discrimine habitus , & in frumenti , vinique in granariis , & cellariis congregatione . At enim, qui *Spiritualium* , & *Fratrum strictioris observantiæ* nomen ambiebāt, *habitus curtos , strictos , inusitados , & squallidos* , ut ait *Wadinghamus*



ghus in Annalibus Minorum ad annum mcccxvii. assumebant, nec eos iussi à Superioribus deponere volebant, immò *Fratrum Conventualium* habitum, *superfluum* ac *irregularem* esse querebantur, & illicitum esse putabant frumentum & vinum in granariis & cellariis congregare quamvis eleemosynis quæsitum. Hanc discordiam ut componeret *Joannes XXII.* Constitutionem edidit, quæ incipit his verbis: *Quorundam* *exigit*, quâ Ministrorum, Custodum, Guardianorumque iudicio & arbitrio commisit, determinare atque præcipere, *cujus longitudinis & latitudinis, grossitiei & subtilitatis, formæ sive figuræ atque similium accidentium* esse debeant *habitus, caputia*, Fratrum Minorum, & similiter, *ubi & quando, & quotiès granum, panem, & vinum pro vitæ Fratrum necessariis, Fratres ipsi* quærere debeant, *conservare sive reponere etiam in granariis & cellariis*. Eâ Summi Pontificis Constitutione exasperati Fratres Minores dicti *Spirituales* seu *strictioris observantiæ*, in Siciliam secesserunt, ubi quemdam Ordinis Apostatam *Henricum de Ceva* sibi Ministrum Generalem præficere, ac Provinciales, Guardianos, cæterosque Ministros instituere ausi sunt, quodq; gravius est, spretâ autoritate Romani Pontificis, qui eos ad meliorem frugem reducere satagebat, in varios proruperunt errores, quos in Annalibus Ecclesiasticis referunt *Bzovius*, *Spondanus*, & *Odoricus Raynaldus* ad annum mcccxviii. Duas quippè finxerunt Ecclesias, alteram diffluentem opibus & delitiis, obsitamque sordibus, cui præset Romanus Pontifex; alteram humanarum rerum inopiâ divitem, ac virtutum omnium genere exornatam, quâ ipsi soli continerentur. Præterea,

reâ, negabant, Præsules ullâ vel ad jus exercendum, vel divina conficienda authoritate pollere, & virtutem Sacramentorum à Sacerdotis sanctitate pendere, & Christi Evangelium extinctum olim in ipsis revixisse & florere effutiebant, multaque alia id genus garriebant contra sacramentum Matrimonii, & de cursu temporum, ac fine sæculi & adventu Antichristi. Contra hujusmodi segrege Minoritas agens *Joannes Pontifex*, Constitutionem edidit, quæ incipit: *Gloriosam Ecclesiam*, quâ ipsorum errores damnavit, & illos Minoritas, velut Apostatas, excommunicatos, Schismaticos, & perversorum dogmatum assertores, ubique perquiri, capi, & puniri præcepit. Ex quibus quatuor fuere anno mcccxviii. Massiliæ combusti, damnati prius de hæresi ab Inquisitore Fidei Ordinis Fratrum Minorum. Non multò post captus est Avinionen-  
 nione anno mcccxix. *F. Bernardus Delitiosi*, Minor Monspeliensis, eòquod in suspicionem venisset sacrilegi veneficii *Benedicto XI.* propinati, sicut constat ex diplomate *Joannis XXII.* eodem anno ad Archiepiscopum Tolosanum, & ad Appamiensem, & Sancti Papuli Episcopos dato, quòd antehac ineditum, ex Inquisitionis Carcassonensis Archivo à doctissimo nostro *Thoma Souege* erutum, publicâ luce integrum donavit, & in sua Historia Ecclesiastica inseruit *Natalis Alexander* Tomo vii. dissertatione ix. art. vi. pag. 485. & 486. Ab his laudatis Episcopis, qui à Sede Apostolica Judices erant deputati, *Bernardus Delitiosi* perpetuo carcere damnatus est, pane laboris, & aquâ angustiae sustentandus. I.egi potest *Stephanus Baluzius* Tom.I. *Miscellaneorum*, ubi, pag. 195. refert ex veteri codice MS.

Bibliothecæ Colbertinæ litteras *Joannis XXII.* Papæ , quibus fratri *Michaëli* Ordinis Minorum , committit causam quorundam Fratrum Minorum non benè de Fide sentientium , & pag. 198. recitat sententiam Inquisitionis ex veteri codice MS. Inquisitionis Carcassonenfis erutam contra quatuor Fratres Minores combustos Massiliæ .

D. Sic igitur tandem conticuerunt Minoritæ , & finita est famosa illa controversia , quam cum illis Sæculo decimo quarto habuit *Joannes XXII* ?

M. Nequaquam finita est illa controversia , sed , ut videre est apud *Spondanum* ad ann. *MCCCXXI.* Num. xv. longè major *Joanni* Romano Pontifici cum Fratribus Minoribus fuit conflictatio , ob excitatam ab eis de paupertate Christi quæstionem , quæ maximas in Minorum Ordine , & Ecclesia turbas concitavit . Hæc quæstio in hoc potissimum sistebat , quòd assererent Fratres Minores , Christum & Apostolos , viam perfectionis sequentes , nihil habuisse jure proprietatis & dominii in speciali , nec etiam in communi . Hanc doctrinam , *Fr. Berengarius Taloni* , Minor Theologus , acriter propugnare cœpit anno *MCCCXXII.* cùmque à Narbonensi Archiepiscopo , & à *Joanne Belva* Ordinis Fratrum Prædicatorum ei palinodia indicta fuisset , is ad Sedem Apostolicam provocans (verba sunt *Spondani* ad annum *MCCCXXII.*) *Avenionem* petiit , & rem totam Pontifici exposuit , qui , ne temerè , quidquam in re maximi momenti statueret , omnibus Academiis , & doctissimis viris ubiq; terrarum proposuit : Utrum per tinaciter asserere , Christum , & Apostolos non habuisse aliquid in speciali neque in communi , foret hæreticum censendum ? Censorium Judicium , quod super hac

con-



controversia vir eruditus *Ubertinus de Casalìs*, qui  
 è Minorum Ordine ad Benedictinum Pontificiâ  
 dispensatione migraverat, composuit; illudque  
 in solemnì Consistorio lectum omnibus placuit,  
 extat apud *Wadinghum* in Annalibus Minorum ad  
 annum MCCCXXI. & apud *Clarissimum Baluzium* lib. 1.  
*Miscellaneorum* pag. 307. Dùm sic in discussione Se-  
 dis Apostolicæ adhuc penderet hæc de Christi, &  
 Apostolorum paupertate controversia, Fratres Mi-  
 nores suum, ut vocant, Capitulum Generale Pe-  
 rusii anno MCCCXXII. sub Ministro generali *Michaë-  
 le de Cesena* celebrarunt, in quo communibus suffra-  
 giis decretum est, Christum, & Apostolos nihil  
 omninò jure proprietatis ac domini, neque in-  
 speciali, neque in communi habuisse. Duplices eâ  
 de re Capituli Perusini litteras datas pridie Nonas  
 Junii, & Idibus Junii ejusdem anni MCCCXXII. de-  
 scribit *Wadinghus* Tomo 3. Annalium Minorum ad  
 hunc annum, additque, hujusce doctrinæ in Curia  
 Pontificia defendendæ provinciam demandatam,  
 fuisse totius Ordinis nomine Fratri *Bonagratiâ*. Da-  
 mnanda sanè fuit hæc Fratrum Minorum audacia,  
 & puniendâ præsumptio atque temeritas, tum quia  
 desciscentes à B. *Francisci* Institutis, quibus reve-  
 rentiam in Christi Vicarium imperabat, ausi sunt  
 decretorium judicium Summi Pontificis, sub quo  
 lis illa adhuc pendeat, antevertere, contra Eccle-  
 siam insurgere, Schismati viam aperire, materiam  
 ministrare, & Sedis Apostolicæ hostibus haud mo-  
 dicas ei insultandi occasiones suppeditare; tum  
 quia etiam Fratres Minores Scripta divulgaverunt, in  
 in quibus asseriebant, Religiosos, qui aliquod in-  
 communi bonum possident, non solum à perfectio-

Regulæ Franciscanorum deficere, sed etiam ab exemplo Christi, & à lege Evangelii. Ex quo necessariâ consecutione deducebatur, aliorum Ordinum Religiosos, qui bona in communi possident, excludendos esse omnes a Mendicantium, & Evangelicæ pauperum professorum catalogo, ac proinde privandos mercede à Christo Domino promissâ, qui sui causâ omnia reliquerunt, & ipsum secuti. Hanc tumultantium Fratrum Minorum temeritatem *Gerardus Odonis*, qui, post *Michaëlis Cefenatis* exauctorationem, Minister Generalis anno MCCCXXIX. Parisiis electus est, retudit, ac pro merito castigavit in Tractatu, quem ex MS. Bibliothecæ Vaticanæ laudat, ejusque fragmentum, describit *Odoricus Raynaldus* ad annum MCCCXXII. um. LV. Ad illos etiam FF. Minores refractarios segregatos in ordinem redigendos *Joannes XXII.* post quæstionem de Christi, & Apostolorum paupertate, multis Cardinalium, Episcoporum, Doctorumque, Parisiensis in primis Academiæ, accuratissimo examine, concertationibus, & tractatibus discussam & eliquatam, definitivam ann. MCCCXXIII. protulit sententiam, quâ pronunciavit, hanc propositionem: *Christus & Apostoli in speciali non habuerunt aliqua, nec in communi*, ejusque assertionem pertinacem, erroneam ac hæreticam esse. Hac Decretoriâ Summi Pontificis sententiâ offensi segres & obstinati Minoritæ, præsertim *Michaël Cefenatis*, *Okamus*, & *Bonagratia*, effractis omnibus reverentiæ claustris, in Summum Pontificem insolentiâ pertinaci inturrexerunt, contra illius Constitutiones allatarunt, & ad *Ludovicum Bavarum*, implacabilem Sedis Apostolicæ hollem, defecerunt, &

Scilicet

Schismati ab eo conflato adhæserunt. Quâ de causâ à Pontifice exauctoratus est *Michaël Cefenas* & anathemate confixus, à quâ tamen Pontifici sententia ad *Ecclesiam Catholicam* provocavit *Michaël Cefenas*, è suggestu *Joannem XXII.* Hæreticum perfrictâ fronte proclamavit, & contra ipsius Constitutiones petulantissimos libellos scripsit, adversus quos novam Constitutionem edidit Pontifex quæ incipit his verbis : *Quia vir reprobus Michaël* quam suis Annalibus inseruit *Odoricus Raynaldus* ad annum MCCXXIX. Num. XXII. De his procacissimi *Michaëlis Cefenatis* libellis, & de aliis, quos *Okamu Minorita* ad scindendam Ecclesiæ unitatem, & personam *Joannis XXII.* Pontificis Maximi lacerandam scripturavit, opportuniùs agemus in quinto Colloquio, quod erit de viris Illustribus, qui aliquâ scientiæ laude Sæculis XIII. & XIV. claruerunt. Hic dumtaxat obiter observabo, præter *Michaëlen Cefenatem*, *Okamum*, & *Bonagratiam*, alios tum temporis fuisse quosdam falsos fratres Ordinis Minorum ad Schisma usque pertinaces, de quibus *Guillelmi Nangii* Continuator ad annum MCCXXIX hæc scribit : *Adductus est Avenioni quidam Fratrum Minorum de Provincia Oriundus, nomine Veranus, qui apud Montem Pessulanum, & in aliis eorundem loci solemnibus dicebatur fuisse lector, ob hoc quia contra Papam dicitur publicè prædicasse, qui ad ejus adductu præsentiam, nulla sibi facta reverentia, dixit sibi i facie, quod erat verus Hæreticus & non Papa, & quod pro ista veritate desiderabat mori. Requisitus de causâ dixit. Quia tu destruis, vel destruere niteris pauper tatem Evangelicam, quam Christus verbo docuit & exemplo. Propter quod dictum detentus est in carcer*



*cum quindecim aliis ejusdem Ordinis Fratribus , qui de diversis Mundi partibus adducti, propter dicta sua hæretica in diversis carceribus miseri detinentur .*

D. Facile mihi persuadeo, Sacrum Ordinem Fratrum Minorum de Ecclesia tam benè meritum degeneres & segreges illos Fratres, eorumque dogmata & facta impia damnassee , atque in obedientia Joannis XXII. Pontificis Maximi constanter perseverasse .

M. Omnia, quæ hætenus dixi de quibusdam Fratribus Minoritis , qui Sæculo decimo quarto Ecclesiam perturbarunt , & Joannis XXII. acerrimi insectatores fuerunt , nullam Sanctissimo Fratrum Minorum Ordini infamiæ labem inurere debent , quia Sacer ille Ordo perduelles istos fratres diris devovit , & quæcumque ab illis hac in causa hæreticè dicta , vel impiè gesta sunt , reprobavit in Capitulo generali anno mcccxxix. Parisiis habito , in quo Gerardus Odonis, electus Minister Generalis , de consilio & consensu unanimi Provincialium Ministrorum , & cæterorum Definitorum Capituli , tam Michaëlem Cesenatem , olim Ordinis Ministrum Generalem , quàm Petrum de Corbaria , Bonagratiam Bergomensem , Guillelmum Okamum , & Franciscum de Esculo ejusdem Ordinis , & alios eorum , affeclas in excommunicationis, privationisque pœnas, tanquàm manifestos & notorios Apostatas, incurrisse publicâ sententiâ pronunciavit , ut videre est apud Spondanum in Annalibus Eccles. ad annum mcccxxix. Num. vi. Testatur etiam ad eundem annum Guillelmi Nangii Chronici Continuator , quòd Fr. Henricus de Semous, Doctor in Theologia, & Provincialis Ordinis Minorum , in præsentia omnium

Tom.V. Q sur-

*furrexit , & ex parte Generalis eorum Capituli , quod pro tunc Parisius tenebatur , ne in aliquo viderentur falsis fratribus se favorabiles exhibere, facta, processus , & excommunicationes contra Fratres prædictos Ordinis eorum per Dominum Papam factas palam , & publicè approbavit , depositionemque Fr. Michaelis quondam Generalis eorum Ministri per Dominum Papam factam , ex parte Generalis eorum Consilii , & etiam Capituli , & Ordinis, justam & laudabilem protestatus fuit ; factaque Antipapæ ( Petri videlicet de Corbaria ) & prædicti Fr. Michaelis , Fratris etiam Bonagratia, & Fr. etiam Francisci de Ordine Fratrum Minorum , & eorum , si qui essent , consortes vel complices , tanquam falsa & hæretica , & eorum Ordini inimica & contraria reprobavit , & de eorum factis vel maleficiis Fratres & Ordinem multipliciter excusavit . Hoc pacto , reductis ad concordiam Decretalibus Summorum Pontificum Nicolai III. & Joannis XXII. quæ primâ fronte secum pugnare videbantur , pax tandem reddita est huic Sanctissimo Ordini , qui in ea fluctuum agitatione verè illud Poëtæ usurpare poterat :*

*Quærebam filios, exceptis scilicet illis ,  
Quos suus optaret non genuisse pater .*

D. Redieruntne tandem segreges illi Fratres Minores ad Ecclesiæ unitatem, & ad Romani Pontificis obedientiam ?

M. Segreges isti Fratres Minores suo periculo comprobarunt, hunc esse casum virorum spiritualium ordinem, ut primò quidem infelix animus per superbiam intumescat , & inde in contentionem , de contentione in Schisma , de Schismate in hæresim , & de hæresi in blasphemias , infelici gradatione ,

ne, immò præcipiti ruina descendat, sicut ait Joannes XXII. in Extravag. *Gloriosam Ecclesiam*. At enim, unus inter illos Fratres segrege Minoritas, dictus Fr. *Petrus Joannes Olivi*, ex oppido *Sirignano*, Diœcesis *Biterrensis*, qui inter suos primùm eruditionis & regularis observantię famâ insignis fuerat, tùm postea hæreseos laboravit infamiâ, eumque *Fratricelli*, *Beguardi*, & *Beguina*, ut suum Patriarcham venerati sunt. Inter multos errores, quos iste *Petrus Joannes Olivi* effudit in sua *Postilla*, seu *Commentario* in *Apocalypsim*, hi præcipui sunt. Primò, sextum, quem designat, *Ecclesiæ* statum, & proprium esse *Spiritus Sancti* asserit, incipientem à tempore *Sancti Francisci*, & plenius à tempore condemnationis *Babylonis Meretricis* magnæ (quo nomine *Romanam Ecclesiam* ubique intelligit) quique durabit usque ad tempus *Antichristi*, quinque prioribus *Ecclesiæ* statibus maximè præeminere docet. Secundò, pertendit, quòd sicut in primo *Christi* adventu nova *Ecclesia*, rejectâ *Synagogâ* veteri, formata est, sic initio sexti status nova formabitur *Ecclesia*, *Christi* lex, Vita & Crux erunt renovandæ per *S. Franciscum*, qui eâ de causâ in exordio illius sexti status *Sacris Stigmatibus* consignatus apparuit. Tertiò, affirmat, Regulam *S. Francisci* impugnandam & condemnandam esse ab *Ecclesia* carnalium & superborum, non secus ac *Christus* condemnatus fuit à *Synagoga* reprobâ *Judæorum*. Quartò, per *Bestiam* ascendentem de terra, vult intelligi *Pseudo-Papam* cum suis *Pseudo-Prophetis*, & *Ecclesiam*, quam Catholicam nuncupamus, ait esse *Ecclesiam* carnalem, *Babylonem*, & *Meretricem* magnam, quæ



publicè à Christo sponso suo adulteratur, & se, omnesque gentes sibi subjectas, fœdis carnalitatibus, Simoniacis cupiditatibus, atque terrenâ hujus mundi gloriâ corrumpit. Missos facio alios errores, quibus scatet hæc *Petri Joannis Olivi* in *Apocalypsim Apostilla*, quam, ejusque Auctorem, *Joannes XXII.* post maturum & deliberatum examen, damnavit, ejusque ossa exhumari jussit atque concremari, sicut refert *Franciscus Pegna* ex tribus probatæ fidei MSS. Codicibus in *Commentario LI. in II. Partem Directorii Inquisitorum*. Legendus est etiam *CL. Baluzius* Tomo I. *Miscellaneorû* pag. 313. ubi ex Archivo Archiepiscopi Narbonensis edidit censuram, sive sententiam à Magistris in Theologia à *Joanne XXII.* deputatis latam contra omnes *Petri Joannis Olivi* errores, quos maximam partem *Hæreticos, Blasphemos, plerosque ridiculis & fatuis divinationibus scatentes, & temerarios doctissimi illi in Theologia Magistri summo consensu pronuntiarunt. Dermitius Thadaeus* in sua *Nitela Franciscana*, & *Wadingbus* in *Annalibus Minorum* ad annum MCCXCVIII. *Petrum Joannem Olivi*, & alios nonnullos Pseudo-Minoritas purgare, & ab omni hæreseos suspitione liberare pro viribus conantur, asserentes hujusmodi Franciscanos à suis Sodalibus falsò fuisse accusatos, eò quòd *obsolescentem* (inquit *Dermitius Thadaeus*) *Sancti Francisci disciplinam suo splendori restitui cuperent, & maxime Petrus Joannes Olivi, qui sub Nicolao IV. incurrit aliquorum, quibus vita laxior placuit, indignationem ex studio veræ disciplinæ. Testem etiam Angelum Clarenium, qui Petri Joannis Olivi familiaris fuit, appellat loco mox à me laudato Wadingbus, ejusque auctoritate*

pro-

probat, prædictum *Petrum Joannē Olivi* etiam post mortem miraculis fuisse. Verum, ut candidè fatear, in purgandis *Petro Joanne Olivi*, aliisque Pseudo-Minoritis, laterem lavant, & oleum operamque perdunt *Dermittius*, & *Wadingbus*. De *Dermittio* hoc judicium in *Annalibus Ecclesiasticis* profert *Odoricus Raynaldus*: crediderim, inquit, *Authorem hunc ignorasse Petrū Joannem Olivi insignem hypocritam, plurimum hæreseon inventorem, judiciaria sententia damnatum; neque advertisse, quàm longè abest à Sedis Apostolicæ condendis Decretis maturitate, dignitateque, ob leves obtrectatorum susurros, ita Christianum Orbem commovere*. Postea, ut nullum pro *Petro Joanne Olivi*, aliisque ei adhærentibus Pseudo-Minoritis, cudendæ Apologiæ superesse, cum ostendat idem *Odoricus Raynaldus*, refert Pseudo-Minorum Apostatarum Sectam contaminatam hæresibus, *Cælestino V.* Pontifice germinasse, in eam *Bonifacium VIII.* *Enedictum XII.* *Clementem VI.* leges distrinxisse, nonnullis, ob hæresim, dogos paratos fuisse, & *Massiliæ* quatuor Pseudo-minoritas, qui errores à *Petro Joanne Olivi*, in sua Postilla super *Apocalypsim* assertos pertinaciter propugnabant, ultricibus flammis fuisse adductos, ut habet manuscriptum Vaticanum. Hæc, & alia id genus momenta contra *Petrum Joannem Olivi*, & alios Pseudo-Minoritas, qui ab ejus partibus abant, adducit egregius & sincerissimus Scriptor *Odoricus Raynaldus* Congregationis Oratorii, idest, *Baronii* familiæ alumnus, qui nihil deterritus *Bzovii*, & *Spondani* labore in prosequendis & absolvendis *Baronii* Ecclesiasticis *Annalibus*, ultimus omnium idem opus aggressus est, quod putaret, *An-*

nales *Baronii*, quasi jure familiæ, sibi absolvendos esse. Denique, quòd spectat citatum à *Wadingho* testimonium *Angeli Clareni* asserentis, *Petrum Joannem Olivi* miracula etiam post mortem patrasse, nihil certi ex eo extundi, aut statui potest, tum quia constat, *Angelum Clarenum* fuisse Hæreticorum Fratricellorum signiferum, qui profugit in Græciam, ut justæ Quæditorum, & Censorum Fidei severitati se subduceret, sicut *Jordanus Historicus* testatur; tum quia etiam, nunquam *Joannes XXII.* Pontifex Maximus ossa *Petri Joannis Olivi* exhumari, & publicè cremari edixisset, si reverà fuisset homo sanctus, & miraculis post obitum conspicuus. Ea itaque ab *Angelo Clareno* jactata *Petri Joannis Olivi* miracula, vel simplicium fuere ludibria, vel pura putaque Hæreticorum mendacia. Obiit *Petrus Joannes Olivi* anno MCCXCVII.

D. Quinam erant isti *Fratricelli*, qui, ut mox dicebas, *Petrum Joannem Olivi*, tanquam suum Patriarcham venerabantur?

M. Fratricellorum Sectæ initium dedere sub finem Sæculi XIII. *Petrus de Macerata*, & *Petrus de Forosempronio*, Ordinis Minorum Apostatæ, qui, strictioris observantiæ specie, secessionem ab Ordine facientes, à *Cælestino V.* Pontifice Maximo facultatem obtinuerunt Eremitarum cultu vivendi, & Regulam Sancti *Francisci* ad literam observandi. Hanc facultatem postquam impetrassent, in parvam quamdam Græciæ Insulam perrexerunt, ut à vexatione Generalis Ministri, qui hoc Schisma Ordini funestum pati nolebat, tuti esse possent. Hanc invalescentem Eremitarum Congregationem, ac plurimos errores publicantem abrogavit ac damnavit



navit *Bonifacius VIII.* eisque jussit, ut, relicto illo Anachoretarum vivendi cultu, ad Ministri Generalis Ordinis Fratrum Minorum obedientiam redirent. Litteras ejusdem Pontificis ad *Matthæum de Theate*, Ordinis Fratrum Minorum, Inquisitorem hæreticæ pravitatis, datas exhibet *Odoricus Raynaldus* ad an. MCCXCVII. quibus *Bonifacius VIII.* Inquisitoribus Fidei præcipit, ut in eos Fratricellos, si mandato Pontificio morem gerere, & à suis erroribus resipiscere nolint, tanquàm in Hæreticos agant, & pœnis canonicis animadvertant. At isti Fratricelli, damnationis Pontificiæ nullâ habitâ ratione, palàm asserere cœperunt, se à nullo mortaliū cogi posse ad deponendos habitus, quos cum parvis caputiis gestabant, curtos, strictos, squalidos, & nimîâ brevitæ difformes ac ridiculos. Alios Fratres Minores, qui his inusitatis caputiis, & habitibus non utebantur, vel qui ad præceptum Romani Pontificis victui necessaria congregabant, & in crastinum servabant, diversis conviciis lacerare, procaci imprudentique versutiâ præsumperunt, ut videre est in *Tractatu contra Beguinos & Fratres Minores, qui dicuntur Spirituales*, edito à Clarissimo *Baluzio* ex Archivo Ecclesiæ Narbonensis, Tomo I. *Miscellaneorum*, pag. 276. Quin, quod gravius est, isti Fratricelli, spretis mandatis ac censuris *Clementis V.* Pontificis Maximi, qui per suam *Clementinam*, exivi de *Paradiso*, Tit. De *Verborum significatione*, in qua nonnulla dilucidat dubia, quæ circâ sensum & observantiam Regulæ *S. Francisci* emergere poterant, eos ad meliorem frugem, & obedientiam Ministri Generalis Ordinis Fratrum Minorum revocare satagebat; perfrictâ fron-

te approbarunt , ac publicè propugnarunt doctrinam insanam , superius à nobis expositam , *Petri Joannis Olivi* , esse à Spiritu Sancto revelatam , & nullam hæresim , vel errorem continere . Damnatos etiam & combustos Massiliæ quatuor segreges Minoritas, propter supra recensitos errores *Petri Joannis Olivi* , injustè damnatos esse pro veritate Evangelicæ Regulæ Sancti *Francisci* defendenda, temere effutiebant, & ipsos ut Martyres colebant , ac prædicabant , sicut constat ex Opusculo *Joannis de Belna* Inquisitoris Carcassonensis , contra eosdem edito , quod extat Tomo I. *Miscellaneorum Baluzii* , pag. 285. Inter illos Fratricellorum errores, quorum præcipuos superiùs indicavimus, quosque à *Joanne XXII.* proscriptos noster *Eymericus* , vir , teste *Odorico Raynaldo*, maximæ fidei & auctoritatis , utpote qui eo tempore , quo adhuc vigebat Secta Fratricellorum , Summorum Pontificum jussu , in eos in ditione Regis Aragonum animadvertit , accuratissimè refert Parte 2. *Directorii Inquisitorum* , quæstione decima quinta , inter illos , inquam , Fratricellorum errores , unus erat , quo isti hypocritæ paupertatis Evangelicæ speciem sibi arrogantes , seque Orationi & contemplationi addictissimos mentientes, perpetuo otio indulgebant, & à labore omnino abstinebant, quò factum est, ut brevi ignavorum hominum colluvies, porcarii, armentarii, pecorarii, cementarii, carbonarii, fabri, alique id genus è sellulariorum fæce ad eorum Sectam certatim confluerint , eo potissimum fine ut panem otiosi comederent , & mendicitate (ut ipsis quidem videbatur) non indecorâ, vitam sustentarent , sicut testatur *Alvarus Pelagius* , Sil-

ensis Episcopus , ex Ordine Fratrum Minorum sumptus , qui sub Joanne XXII. Pontifice Maximo orebat , in Libro II. *De Planctu Ecclesiæ* Cap. XI. variis nominibus isti Fratricelli erant insigniti. Appellabantur quippè *Bizochi: Fratres de paupere vita: fratres Spirituales* , sed postquam à Fidei Quæstionibus exagitati è Sicilia in Germaniam secesserant , dicti sunt *Beguardi* , & *Beguini* , eò quòd sese adjunxerint ad *Beguardorum*, & *Beguinarum* Sectam, quæ in Germania sub auspiciis *Ludovici Bavari* Imperatoris, Sedis Apostolicæ infensissimi hostis, impunè grassabatur. Hæc varia Fratricellorum nomina exprimit *Joannes XXII.* in Extravagante, quæ incipit his verbis. *Sancta Romana &c.* in qua de his legitur: *Nonnulli prophanæ multitudinis viri sunt, qui vulgariter Fratricelli, seu Fratres de paupere vita, bizochi, sive Beguardi, vel aliis nominibus nuncupantur, in partibus Italiæ, necnon in Insula Siciliensi; qui contra Canones habitum novæ religionis sumpserunt, sub quo habitu, quasi sub ovina pelle lupi, varios disseminabant errores.*

D. Expone, quæso, clariùs, quænam esset hæc *Beguardorum*, & *Beguinarum* Secta? Quinam præcipui errores, quos istiusmodi profitebantur Hæretici?

M. Cur isti Hæretici fuerint appellati *Beguardi*, incertum omninò est, & altum apud Scriptores Ecclesiasticos silentium. *Beguinae* verò erant quædam Mulieres, quæ ita nuncupabantur ab eorum Institutore, seu à pio quodam, sanctoque Presbytero *Lamberto*, qui Gallicè cognominabatur *le Begue*, quia balbus erat, indèque puellæ, quæ ab eo societatem ad castè vivendum sub finem duodecimi



cimi Sæculi fuerant congregatæ, dictæ sunt Gallicè *Beguines*, sicut ostendimus in Colloquio sexto in Historiam Sæculi XII. Complures hujusce Beguinarum Instituti Puellas ineunte Sæculo decimo quarto in errorem induxit fanatica quædam mulier de Hannonia, nomine *Margareta Porrete*, quæ anno mcccx. cum in Galliis pestiferam doctrinam disseminare conaretur, igne damnata est, teste *Guillelmi Nangii* Continuatore ad hunc annum, ubi hæc habet: *Circa Festum Pentecostes accidit Parisius, quòd quædam pseudo-mulier de Hannonia nomine Margareta, dicta Porrete, quemdam librum ediderat, in quo omnium Theologorum judicio, qui ipsum diligenter examinaverunt, multi continebantur errores & hæreses, & inter cæteras, quòd Anima adnihilata in amor Conditoris sine reprehensione conscientiæ vel remorsi potest & debet naturæ quidquid appetit & desiderat concedere, quòd manifestè sonat in hæresim. Dum libellum hunc, aut in eo contentos errores abjurare nollet, quinimò latam in se excommunicationis sententiam ab Inquisitore hæreticæ pravitatis contemneret, qui coram Episcopo sufficienter monita comparere volebat & per annum & amplius pertinaci sustinuisset animam in sua malitia finaliter indurata, tandem in communiplatea Graviæ coram Clero ac populo ad hoc specialiter evocatis de peritorum consilio exposita est & tradita Curie seculari; quam Parisiensis Præpositus in sua potestate statim accipiens ibidem in crastino incendio fecit extingui. His pravis Dogmatibus Margareta Porrete complures infectæ Beguinæ societatem inierunt cum hæreticis Beguardis, qui per Germaniam multos spargebant errores, quorum primus erat quòd homo in ista mortali vita usque adeò subl*  
men

nem perfectionis gradum assequi potest, ut nec  
 amplius peccare, nec ulterius in gratia progredi  
 queat. Secundus; quòd neque jejunare, neque  
 aliam exercere corporis aut animi macerationem &  
 asperitatem debeat ille, qui versatur in eo perfe-  
 ctionis apice. Tertius; quòd ille, qui est in prædi-  
 cto perfectionis gradu, & spiritu libertatis consti-  
 tutus, non adstringatur humanorum præceptorum,  
 aut Ecclesiasticarum legum Sæculariumve observa-  
 tione, quia supremum libertatis filiorum Dei cul-  
 men attigit. Quartus; quòd homo in præsentì vita  
 possit eâ potiri felicitate, quâ major in Cælo futu-  
 ra sit nulla. Quintus; quòd perfecta consumma-  
 taque Beatitudo ex natura & hominis arbitrio ita  
 pendeat, ut nullo sit opus lumine gloriæ infuso.  
 Sextus; quòd virtutum exercitatio est adhuc ho-  
 minis imperfecti, quam proindè longè à se abdicare  
 debet quisquis jam est perfectus. Septimus;  
 quòd libidinum actus, ad quos natura inclinatur, nul-  
 lã involvantur culpã, subindèque mulieris oscula  
 esse peccata mortalia, quia ad illa non pellicit na-  
 tura, sed coitum cum muliere esse inculpabilem as-  
 ferebant, quoniam ad illum naturæ libido propen-  
 sione suâ fertur. Octavus; quòd dum elevatur, aut  
 fidelium cultui exponitur Sacrum Christi in Eucha-  
 ristia Corpus, non debeat ille, qui sublimem perfe-  
 ctionis gradum assecutus est, vel assurgere, vel ge-  
 nibus provolvi, quia sic agens de illo sublimi con-  
 templationis fastigio se dimitteret, si vel de Christi  
 Sacramento, vel de Vita ejusdem aut passione di-  
 gnaretur tantisper cogitare. Hos ut damnaret Be-  
 guardorum & Beguinarum errores, & impurissimas  
 evelleret nequitiarum propagines *Clemens V. Pon-*  
tifex

tifex Maximus Synodum Oecumenicam Viennæ in Gallia convocavit anno supra millesimum trecentesimo undecimo, regnante in Galliis *Philippo Pulchro*, in quo unanimi Patrum suffragio contrita sunt virulenta Beguardorum & Beguinarum dogmata, sicut latius exponemus in sequenti Colloquio.

D. Hi Sectarii Beguardi, & Beguinæ conformes mihi esse videntur veteribus *Massalianis*, qui *Euchitæ*, ac *Enthusiastæ* dicebantur, & quorum meministi sub finem secundi Colloquii nostri in Historiam quarti Ecclesiæ Sæculi. Hi quippè nullam ferè vim Sacramentis Ecclesiæ, virtutumque exercitationibus, maximam verò suis fanaticis orationibus tribuebant, & scdeditati promiscuorum concubituum indulgere soliti erant. Certè, nihil pestilentius, meâ quidem sententiâ, & ad aperiendam viam ad omnia flagitiorum genera commodius fingi excogitari vè potest istis Beguardorum, & Beguinarum erroribus, ad quos detegendos & aspernandos sufficit communis sensus, sufficiunt communissimæ pietatis notiones, Christianâ institutione omnibus impressæ. Hinc non mirum, quòd non ita pridem *Innocentius XI.* beatæ mem. Romanus Pontifex, ejusmodi Beguardorum errores, quos in perniciem animarum *Michaël Molinosus* Cæsaraugustanæ Diœcesis in Aragonia Presbyter, Quietistarum, seu Spuriorum Mysticorum, Antesignanus, suscitare ac propagare moliebatur, confestim damnaverit Constitutione datâ Romæ die xx. mensis Novembris anni millesimi sexcentissimi octogesimali septimi, ac totus ubique populus Christianus, auditis nefandis illis sententiis, cohorruerit, publicisque illas execrationibus fuerit persecutus.



M. Rectè dicis, nec minus, ut opinor, horbis duas alias infames Sectas, quas impurissimi homines *Hermannus Pongilupus*, patriâ Ferrariensis, *Erardus Segarelli*, Parmensis, & *Dulcinus*, Novatenis, *Segarelli* discipulus, Sæculo decimo quarto vexerunt, latèque diffuderunt. Secta ab *Hermannus Pongilupo* conflata, veterum Gnosticorum, quomem meminimus in quarto Colloquio in Historiam ium priorum Ecclesiæ Sæculorum, nocturna conticula, & promiscuam in iis libidinem renovat. Fœtus furtivis illis coitibus conceptus, tantum per manus in orbem stantium jactabatur, donec spiritum efflaret, & in cujus manibus expiraret, is Pontifex Maximus horumce Sectariorum creabatur. Cremabant etiam unum ex istis infans ita procreatis, cineribusque in cadum conjecis, ac vino super infuso, indè Novitios spurcissimis is mysteriis initiabant. Sub specioso summæ, am affectabant, paupertatis, asseriebant, Christianorum nemini licere quidquam habere proprii, nec republicas administrare, vel Magistratus gerere. Romanum Pontificem, & omnes Ecclesiæ Catholicæ alatos canino dente proscindebant, eisque obimperandum non esse pertendebant. Denique, imas Sanctorum non frui Dei visione ante generis Judicii diem propugnabant. Hujus propudiosi Sectæ parens *Hermannus Pongilupus*, cui in Ecclesia fuerat sepultura concessa, eò quòd, dum viveret, errores suos verbis tenus ejurasset, plurisque ementitâ pietate fucum fecisset; jussu *Bonifacii VIII.* Pontificis Maximi exhumatus est, ejusque a flammis tradita anno post ejus obitum trigesimo primo, sicut testatur *Bernardus Guido* in *Chroni-*

co Romanorum Pontificum. Plura de his nefandissimis Sectariis legesis apud *Prateolum*, & *Bernardum Lutzemburgum* in *Catalogo Hæreticorum*. Alteram Sectam fœdis dogmatibus & libidinibus impuram condidit Sæculo Ecclesiæ decimo quarto *Gerardus Segarelli*, vir plebejus & illiteratus, qui, venditâ domunculâ suâ, ejusque pretio non in pauperes, sed in nebulones, qui taxillis ludebant, distributo Christum, & Apostolos imitari se velle professus, viles homunciones in societatem traxit, qui Apostolorum nomen sibi arrogantes, hæc illâc mendicando vagabantur, dicentes, omnia esse communia, etiam uxores. Ajebant insuper, Deum Patrem rexisse Mundum in severitate & justitia ab ejus creatione usque ad Incarnationem Filii, tum à Filio gubernari cœpisse in gratia & sapientia; jamquâ à Spiritu Sancto in amore & charitate regi. A hoc tertium Spiritus Sancti Regnum prædicandum se venisse dicebant, eoque amoris, seu Spiritus Sancti, vigente Regno, illicitum esse denegare quidquid ex charitate postularetur, subindèque promissuum virorum fœminarumque carnale commercium, cum ex charitate fieret, peccatum non esse, sed actum charitatis. Hanc sceleratam, & abominandis flagitiis contaminatam Sectam latè propagavit *Dulcinus* Novariensis, *Segarelli* discipulus, quo isti Sectarii dicti sunt *Dulcinistæ*, asserentes auctoritatem omnem à Christo traditam Ecclesiæ Romanæ penitus cessasse propter malitiam Prælatorum: se solos esse veram Ecclesiam: se nulli obire debere: omnes Pontifices Romanos à tempore S. *Silvestri* prævaricatores fuisse, excepto *Petro de Murrone*, seu *Cælestino V. Papa*. Viros absque uxore

m, uxores absque maritorum consensu, posse matrimonii statum deferere, & ad Sectam suam transire, docebant. Omnes Ordines Hierarchicos & Religiosos, tanquam Ecclesiæ perniciosos reprobant. Laicos à solvendis alicui Romanæ Ecclesiæ Sacerdoti decimis liberos esse ogganniebant. Perfectius esse vivere sine voto, quàm voti religionis obstrictum, propugnabant. Perinde esse in stallis, ac in Ecclesiâ Deo consecratâ orare, impiè credebant. Demùm, ut eorum alios mittam errores, qui legi possunt apud S. *Antoninum* parte 3. *chronici* titul. 21. cap. 1. parag. 1. & apud *Eymericum* lib. 2. *Directorii Inquisitorum*, quæst. 20. licitum esse credebant *Dulcinistæ*, Fidem ore negare, ut hoc pacto inquisitorum fidei industriam fallere, eorumq; potestatem evadere possent. Sed nec fraus, nec dolus *parello* hujus Sectæ Authori, & *Dulcino*, illius propagatori, patrocinari potuerunt. Captus siquidem *parellus* à *Manfredo* Inquisitore Ordinis Fratrum Predicatorum, damnatus, & sæculari Magistratui traditus, flammis addictus est die xviii. mensis Julii anni mccc. sub Pontificatu *Bonifacii VIII.* In *Dulcinum* verò, & in sex hominum millia ab eo secta & in Alpibus habitantia, *Clemens V.* Pontifex proximè primùm Fidei Quæsitores, deinde Crucignatos Milites direxit. Captus tandem *Dulcinus* cum Scorto, cui *Margarita* nomen, & pluribus suis nequissimæ factionis sociis, qui Vercellas ducebant, Sæcularis Magistratus sententiâ membratim, & visceribus concisi sunt, postea exusti & in cineres redacti, ut S. *Antoninus* loco mox laudato, & *Bernardus Corius* in Historia Mediolanensi part. 2. ad annum mcccvii. testantur. Sic tandem extincta est ne-



nefaria illa Pseudo-Apostolorum Secta, quam ant  
hac Summi Pontifices *Honorius IV.* sub finem dec  
mi tertii Sæculi, seu anno MCCLXXV. & *Nicolaus I.*  
anno MCCXC. proscripserant. His duabus turpi  
mis Sectis, tertiam, seu *Turlupinorum*, Sectam, qu  
Sæculo decimo quarto grassata est, addere non p  
gebit. Erant porrò isti *Turlupini* solo nomine  
Christiani, & veri Epicurei, qui, præter turpes  
impias, in quibus volutabantur, Beguardorum h  
reses, docebant, *nihil pudere quemquam debere*  
*rum, quæ à natura accepimus.* Unde, turpi Cynic  
rum Philosophorum more, absque verecundia  
cedebant, & quod est dictu horrendum, & cogita  
pudendum, in publico, canum instar, & jument  
rum more coibant; asserentes insuper, non est  
orandum vocalitèr, sed mentalitèr. Verùm, h  
flagitiosa turpium hominum Secta eodem Sæc  
decimo quarto erasa ac penitus deleta est, ign  
combustis in Gallia perditissimis illis hominib  
qui pecudum vitam degebant, sicut testatur *Rob  
tus Gaguinus* Ordinis Sanctissimæ Trinitatis Mon  
chus libro 9. de *Gestis Francorum*, ubi hæc habet  
Superstitionis quoddam genus eodem tempore à Tur  
pinis (hoc enim erat hæreticis nomen, qui se de soci  
te pauperum vocitari gaudebant) ortum, finem fec  
crematis eorum vestibus, & libris in foro Suillo ex  
Sancti Honorati portam. *Joanna* autem *Dabento*,  
& cum ea alter, cujus nomen Historici non tradu  
ejus Sectæ in primis professores comburuntur. Hic  
tem, quem sine nomine ponimus, cum ante damnatio  
ejus sententiam in carcere mortem obiisset, dies q  
decim in aggere calcis, ne putresceret ejus cadaver  
servatus est, & die ad supplicium præscripto crema

D. Parit licentiam vivendi effrænis sentien-  
 di opinandique libertas , sæpèque conciliatricibus  
 mulierum gratiis & popularibus illecebris homi-  
 nes illeæti, ac falsâ Religione delusi ad omnia flagi-  
 tiorum genera perpetranda impelluntur. *Tantum*  
*Religio potuit suadere malorum.* Sed hos ex hara Epi-  
 curi porcos, sese in cœno libidinum volutantes re-  
 linquamus, ac paululùm, si placet, hîc inhæreamus  
 in discutiendo dubio , quod mihi non nihil negotiî  
 faceffit circa doctrinam *Raymundi Lulli* , quem Sæ-  
 culo decimo quarto floruisse , & tertio Ordini Fra-  
 trum Minorum nomen dedisse asserunt Minoritæ.  
 Audieram quippè nuperrimè à viro erudito , hunc  
*Raymundum Lullum* multa scripsisse Opéra , sed in  
 varios errores imegisse , ejusque doctrinam à Ro-  
 manis Pontificibus fuisse damnatam; & tamen adi-  
 vi hodie doctissimum Minoritam , qui mihi sanctis-  
 simè juravit , doctrinam *Raymundi Lulli* ab omni  
 prorsus errore esse immunem , nec ab ullo unquam  
 Pont. Rom. proscriptâ. Cùm igitur circâ doctrinam  
 istius Authoris adhuc pendulus hæream , tuum de  
 ejus Operibus judicium lubentissimè auscultabo .

M. De *Raymundo Lullo* non una est omnium  
 Scriptorum sententia . Alii eum inter Hæreticos  
 recensent . Alii illum suspectum de fide, multisque  
 implicatum erroribus pronunciant , immò ut hi-  
 strionem , perditæque memoriæ virum infamant .  
 Alii denique non tantùm ejus absolutioni subscri-  
 bunt, sed etiam ut *Martyrem* , *Doctoremque Illumina-*  
*tum* deprædicant . Tot inter discrepantes virorum  
 eruditorum sententias , consultiùs esse duco meum  
 non interponere judicium , sed historicè dumtaxat  
 hinc indè adducere momenta , quibus vel ad accu-

sandum, vel ad absolvendum *Raymundum Lullum*,  
 moventur viri eruditi. In primis, hi, qui *Raymun-*  
*do Lullo* patrocinantur, multa in medium proferunt  
 encomia, quibus *Raymundus Lullus* à viris clarissi-  
 mis celebratur. Eum quippè *P. Caussin* Soc. Jesu  
 tomo 4. *Curia sanctæ*, tract. 1. sect. 13. *Thesaurum*  
*absconditum* appellat, & à solis invidis & æmulis  
 exagitatum ait. *P. Sanjurius* ejusdem Societatis  
 lib. 4. de *Christi cognitione & amore* ipsam inter fer-  
 ventiores Christi amatores refert. Alii eum nun-  
 cupant *Doctorem Illuminatissimum*, *Tubam Spiritus*  
*Sancti*, *Organum Dei*, *Fontem veritatis*, *Ecclesiæ re-*  
*stauratorem*, *ineffabilem præceptorem &c.* Prætereà,  
 injustam *Raymundi Lulli* accusationem refundunt  
 illius Apologistæ in solum *Eymericum Inquisitorem*  
*Dominicanum*, qui in suo *Directorio Inquisitorum*  
 refert Diploma *Gregorii XI.* Pontificis Maximi, qui  
 multas opiniones *Raymundi Lulli* ut erroneas & ma-  
 ximam partem hæreticas damnavit, omnesq; ipsius  
 libros prohibuit VII. Kalendas Februarii ann.  
 MCCCCLXXVI. Porro, hoc *Gregorii XI.* Diploma ab  
*Eymerico* in odium *Raymundi Lulli* contractum ac  
 proculsum fuisse ex eo potissimum probant isti Apo-  
 logistæ, quòd hujusmodi Diploma licet in *Grego-*  
*rii XI.* Regesto fuerit diligentèr quæritum, nun-  
 quam tamen inveniri potuerit. Postremò, ajunt  
*Raymundi Lulli* Apologistæ, eum apud Majoricen-  
 ses pro Sancto & Martyre coli, quod sanè haud  
 permetteret Ecclesia, si reverà *Raymundi Lulli* do-  
 ctrina fuisset ceu hæretica à Romanis Pontificibus  
 confixa. Hæ sunt in summa rationes, quas pro  
*Raymundi Lulli* vindictis vulgò proferunt ejus Apo-  
 logistæ. At, hi, quibus ex adverso non probatur



*Raymundi Lulli* doctrina, adductas illas ab ejus Apogistis rationes elevare, & inutiles planè reddere pro viribus moliuntur. Ad primam quippè rationem respondent, nihil ex istis egregiis Epithetis, quæ non satis attentâ consideratione viri docti *Raymundo Lullo* tribuunt, colligi posse, cùm ab his abstinendum esse ultrò profiteatur *Wadinghus*, qui Minorum Annales condidit, & *Raymundum Lullum* laudat quantum potest: *Abstinendum itaque* (inquit *Wadinghus*) *ab ineptis quorundam Epithetis, & paræticis, quæ insulsè affinguntur, elogiis: temerè enim suis* (*Raymundus Lullus*) *appellatur Sectariis, Doctor Illuminatissimus, Tuba Spiritus Sancti, Organum Dei, Fons veritatis, Ecclesiæ restaurator.* Ad alteram rationem, quam de confictio ab *Eymerico* Inquisitore Dominicano *Gregorii XI.* contra errores *Raymundi Lulli* Diplomate afferunt ejus Apologistæ, respondent *Antillulistæ*, credibile non esse *Eymericum*, virum clarissimum, qui Inquisitoris officio in Regno Aragoniæ sub quinque Summis Pontificibus *Innocentio VI. Urbano V. Gregorio XI. Urbano VI. & Bonifacio IX.* maxima cum laude perfunctus est, soluisse adulterinum & supposititium *Gregorii XI.* contra *Raymundi Lulli* doctrinam obtrudere Diploma, illudque toti Orbi pro vero ac genuino vendicare: *Hæc Lullistæ*, inquit *Odoricus Raynaldus* ad annum *MCCCLXXII. Num. xxxv. conficta ab Eymerico, vel subreptitium esse diploma contendunt. At virum gravem egregiè de Religione Catholica meritum, nullius utilitatis illecebra pellectum, id facinus perfrecta fronte ausum vix credi potest, cùm facillimè coargui menacii potuisset.* Addunt etiam *Antilullistæ*, *Petrum Aragoniæ Regem* in Epistola datâ ann. *MCCCLXXVII.*

ad *Gregorium XI.* istud de *Raymundi Lulli* damnatione Diploma ut legitimum agnovisse, & in suo Regno promulgatum; quod certè improbasset *Gregorius XI.* ipsumque Regem de suppositione Diplomatis admonuisset, si supposititium fuisset, & *Eymericum* hujus criminis convictum non impunitum reliquisset, sed illum Inquisitionis officio abdicasset, quo tam insigniter fuisset abusus. Nihil tamen horum fecit *Gregorii XI.* Quin, *Franciscus Pegna* Directorium Inquisitorum *Eymerici* nuncupavit *Gregorio XIII.* Pontifici Maximo, Notis doctissimis illustravit, & litteris Apostolicis locupletavit, quas inter extat laudatum *Gregorii XI.* contra *Raymundum Lullum* Diploma, quod tamen *Franciscus Pegna* omni procul dubio expunxisset, si illud pro spurio & supposititio habitum fuisset. Fatentur quidem *Antilullistæ*, hoc *Gregorii XI.* contra *Raymundum Lullum* Diploma datum anno illius Pontificatus sexto, seu anno MCCCLXXVI. non amplius extare in Regesto illius Pontificis. Sed id accidisse ajunt, quòd Regestum anni sexti Pontificatus *Gregorii XI.* perierit, incertum an casu, an dolo, vel, quod verosimilius est, mutatione Sedis Apostolicæ, tunc Avinionem Romam translata. Sed etiamsi extaret adhuc Regestum anni sexti Pontificatus *Gregorii XI.* & in eo deesset Diploma, quod eodem anno edidit contra *Raymundi Lulli* doctrinam, non inde tamen consequeretur, illud ab *Eymerico* fuisse confictum nam præterquàm quòd plures ab Authoribus Bull Pontificiæ citantur authenticæ, quarum apud aliquos authographum habetur, quæ tamen è Regestis, nescio quo casu, exciderunt, constat etiam apud omnes, *Raymundum Lullum* apud *Gregorium XI.*

sæpi

sæpius hæreseos fuisse accusatum, & eundem Pontificem uno Diplomate dato anno MCCCCLXXII. præcepisse *Eymerico*, ut in *Raymundi Lulli* errores inquireret, & ejus libros igni addiceret, si qui in illis errores deprehenderentur. Idem altero Diplomate dato anno MCCCCLXXIV. *Francisco Vitali* præcepit Summus ille Pontifex. Unde nec *Wadinghus* ipse, acerrimus licet *Lulli* defensor, sibi temperare potuit, quin cogente veritate fateretur, *suspicionem* ingerere duas præfatas *Extravagantes*, Summum Pontificem (Gregorium XI.) circa *Lulli doctrinæ damnationem* aliquid effecisse. Ad postremam *Lullistarum* rationem petitam ex sanctitate, Martyrio, & cultu, qui *Raymundo Lullo* apud Majoricenses deferretur, respondent *Antilullistæ*, nihil inde ad purgandam *Raymundi Lulli doctrinam* extundi posse, quia propter errores, & propositiones nonnullas hæreticas, hæreticum nemo dixerit *Raymundum Lullum*, cum omnia Opera sua Ecclesiæ Romanæ censuræ ac judicio subjecerit, sicut multis probat *Wadinghus*, totumque illud errorum virus Martyrio pro fide Catholica tolerato, seu passionis falce purgaverit; quod tamen certò affirmari haud potest, quia Ecclesia Romana, omnium Ecclesiarum Mater & Magistra, ejus Martyrium necdum vindicavit. Hæc momenta circa doctrinam *Raymundi Lulli* hinc inde historicè produximus, plura de ejus patria, vita & Operibus dicturi in quinto Colloquio, ubi agemus de Viris illustribus, qui Sæculis XIII. & XIV. floruerunt. Hic tantum velim sedulò observes, hunc *Raymundum Lullum* confundi non debere cum altero *Raymundo* cognomento *De Terraga*, qui etiam *Raymundus Neophytus* nuncupatus



est. Is quippè ex Hebræorum Rabbino factus Christianus, execrandos errores Scriptis tradidit, quos accuratè recenset noster *Nicolaus Eymericus* 2. parte *Directorii Inquisitorum*, quæst. 10. Inter illos errores, hi præcipui & graviores sunt. Primò, docet hic *Raymundus de Terraga*, dictus etiam *Neophytus*, prava dogmata *Almarici*, *Arii*, *Sabellii*, & quorumvis Hæreticorum, per se hæretica non esse, sed tantùm respectu illorum, qui ipsa animo pertinaci eligunt. Secundò, fas esse Dæmones adorare, & Sacrificantem Dæmonibus æquè & meliùs ab Idololatriâ excusari, quàm Christianum adorantem imaginem Christi & Sanctorum. Tertiò, Laicum non teneri ad aliquem fidei articulum explicitè credendum, ideòque si teneat, vel credat oppositum alicujus articuli ex ignorantia & tentatione Diaboli, non peccare. Quartò, omnem peccatorem, dum peccat, voluntatem suam divinæ conformare, & æquè placere Deo bona & mala, æquè *Jude* desperationem, ac *Petri* contritionem. Quintò, hominem sine charitate infusâ posse Deum super omnia diligere & vitam æternam promereri. Sextò, Sectam *Mahometi* esse perindè Catholicam ac fidem Jesu Christi. Septimò, perfectius esse Schismaticum esse, quàm Catholicum, & Christum, Apostolos, Angelos, Cœlites omnes esse Schismaticos. Octavò, solum Deum Patrem esse optimum Dei Filium esse bonum in primo gradu, Spiritum Sanctum in secundo gradu, creaturam omnem in tertio. Hos, & complures alios *Raymundi Neophyti* errores, qui legi possunt apud *Eymericum*, & apud *Franciscum Pegna* Commentario 52. in *Directorium Inquisitorum* ejusdè *Eymerici*, confixit *Gregorius XI.*

Pontifex Maximus Diplomate, quod incipit: *Aliquid mali propter vicinum malum*. Hæc obiter observanda esse duxi, ut facilius cavere posses ab errore, in quem lapsi sunt *Prateolus*, *Bernardus Lutemburgus*, & noster *Abrahamus Bzovius*, qui similitudine nominis decepti, *Raymundi Neophyti* absurdissimos errores, & perniciosos libros, *Raymundo Lullo*, tanquam notiori, perperam affluerunt.

D. Ulque adeone Sæculis XIII. & XIV. fortunata fuit Dominicana Familia, ut nullum degenerem, nullum à Fide Catholica extorrem filium habuerit?

M. Etsi Familia Dominicana semper de Ecclesia optimè merita fuerit, eamque non minùs doctrinâ, quàm pietate illustraverit, non ideò tamen ejus filii dilatant phylacteria sua, non omnia sua laudant, non omnia sua extollunt, nec suos omnes, Sanctos dicunt, Doctores, Martyres, Athletas, & Heroes; sed potiùs modestè, ut par est, profitentur, & sincerè agnoscunt, nonnullos è suis extitisse, qui ingenio suo plus æquo indulgentes, & ab illibata Sancti *Thomæ Aquinatis* doctrina desciscences, erraverunt, & malè sanæ doctrinæ adhæserunt, quos inter Sæculo decimo quarto reponunt *Joannem de Montefono* Hispanum, & *Ekarum* Teutonicum, quorum errores pro eâ, quam profiteor, sinceritate, hìc suppressere nec possum, nec debeo. *Joannes de Montefono* Ordinis Fratrum Prædicatorum Professor, & Sacræ Facultatis Parisiensis Theologus, graves ac diuturnas contentiones habuit cum eadem Facultate Parisiensi, quæ quatuordecim propositiones erroneas à *Joanne Montefono* assertas censurâ confixit anno MCCCLXXXVII. Easdem etiam pro-

positiones à quovis publicari, prædicari, & doceri latâ sententiâ prohibuit *Petrus de Ordeomonte* Episcopus Parisiensis, ad quem *Montesonus*, qui obstrictam de palinodia cantanda fidem contumaciter fregerat, fuerat delatus. Has inter quatuordecim *Joannis Montesoni* propositiones, sunt novem, quas licet ad quæstiones purè Scholasticas pertinere, & sensum Catholicum nonnullas earum habuisse asserant aliqui Familiæ Dominicanæ Scriptores, censeo tamen ipse illas jure ac merito fuisse proscriptas à Sacra Facultate Parisiensi, quæ, ne doctrinam Sancti *Thomæ Aquinatis*, quem sibi *Montesonus* Patronum injustè adsciscebat, suâ censurâ afficere voluisset videretur, illius honori, & integritati, teste *Petro de Alliaco* Theologo Parisiensi, consultum esse voluit his verbis: *Salva in omnibus reverentia S. Thomæ*, & in litteris, quas eadem Academia Parisiensis scripsit contra *Joannem Montesonum*, relatis ab *Egassio Buleo* tomo 4. *Historiæ Universitatis Parisiensis*, disertè testatur, se in hac contra *Montesonum* censurâ doctrinam S. Thomæ non attigisse: Nos, inquit celeberrima illa Academia, *millesies diximus, & ut videmus, non sufficit, qualiter S. Thomæ doctrinam in dicta nostra condemnatione nequaquam reprobamus, sed hunc, seu Montesonum, ejusque fautores, doctrinam ejus, seu S. Thomæ, ad distortum, fideique absonum sensum adaptantes, aut ultrâ quam fieri debet, contra ejusdem Doctoris documentum dilatantes, condemnandos audacter asserimus*. Idem judicium ferendum esse censeo de quinque aliis propositionibus, in quibus temerè assererat *Montesonus*, quòd dicere, *Beatam Mariam Virginem & Dei genitricem non contraxisse peccatum originale, est expresse contra fidem*.



*idem* . Quæ præsumptuosa assertio , ut ait *Petrus de Alliaco* in Tractatu , quem contra *Montesonum* edit, quique adhuc extat manuscriptus Parisiis in Bibliotheca Navarrici Collegii, non solum Sanctis & Doctoribus tenentibus *B. Virginem sine macula originali conceptam*, injuriosa est, sed etiam eis , qui tenent oppositum adversativè . Nam licet *B. Bernardus* in Epistola ad Lugdunenses tenuerit, ipsam in peccato fuisse conceptam, propter quod ibidem scribit , Conceptionem ipsius celebrandam non esse ; tamen in fine dictæ Epistolæ sic concludit : Quæ autem dixi, absque præjudicio dicta sint sanius sapientis , Romanæ præsertim Ecclesiæ auctoritati, atque examini totum hoc, sicut & cætera, quæ hujusmodi sunt, universa reservo, ipsius, si quid aliter sapio, paratus judicio emendare . Unde patet , quod illud solum probabiliter & opinativè tenuit, nec oppositum tenentes insanè sapere asserere præsumpsit, quod tamen dicere potuisset , si illud expressè contra fidem credidisset . Hactenus *Petrus de Alliaco* Theologus insignis , qui ad Cameracensem Episcopatum , & postea ad Cardinalitias Infulas, ob eximiam , quâ pollebat , eruditionem promotus est . Sacræ Facultatis Parisiensis condemnationi prævio examine & maturo judicio factæ , atque ab Episcopo Parisiensi confirmatæ non acquievit *Joannes de Montefono*, cumque ab Facultate Parisiensi resecationem & ab Episcopo Parisiensi fulmina ob contumaciam defugere se non posse intelligeret, *Clementem VII.* qui, persistente Schismate, Avenione sedebat, eique Gallia adhærebat , appellavit . Constantè in sua tuenda Censurâ perstitit . Facultas Parisiensis, & , ut omnem à se aut inimicitia, aut præoccupati judicii suspicionem amoliretur,

tur, de ordine, quem in *Joannis de Montefono* condemnatione tenuerat, omnes certiores fecit, datis Circularibus, ut vocant, litteris, quas descripsit *Egassius Bulaus* tomo 4. *Historiæ Universitatis Parisiensis* pag. 621. Misit etiam Facultas Parisiensis Avenionem suos Legatos Magistros *Petrum de Alliaco*, *Ægidium de Campis*, *Joannem de Nova Villa*, & *Petrum de Alainvilla*, qui, postquam coram *Clemente VII.* & in frequenti Cardinalium confessu sæpiùs perorassent, obtinuerunt tandem an. MCCCLXXXVIII. Censuræ Facultatis Parisiensis confirmationem, & *Joannis Montefoni* damnationem, cui jussum est ut Parisios rediret, & Universitatis correctioni sese submitteret. Quod cum ille facturum se promississet, nocte sequenti Avenione clandestinâ fugâ se proripuit, & in Aragoniam, unde oriundus erat, secessit. Utinam hinc tandem funesta illa, infaustisque auspiciis suscepta à *Joanne Montefono* controversia finem habuisset! At, proh dolor, Dominicani Parisienses Collegii S. Jacobi, quod ab ipso ordinis exordio fuit semper illustre virorum eruditorum Seminarium, falsò arbitrati, hac Sacræ Facultatis Parisiensis in *Joannem de Montefono* latâ Censurâ doctrinam Sancti *Thomæ* petitam esse, imprudentèr *Joannis de Montefono* patrocinium susceperunt, & Censuræ subscribere detrectarunt. Quam ob causam Dominicani è Facultatis Parisiensis gremio abscissi sunt, & docendi, concionandique munere, nec non gradibus Theologicis omnino privati. Hinc magna in Galliis Dominicanis contriata invidia, ac plurima illata incommoda, quæ *Vitæ Clementis VII.* scriptor pluribus enarrat. Hanc luctuosam scissuram, quâ per annos viginti quinque integros Do-

minicani ab Sacra Facultate Parisiensi fuerunt exclusi, agrè tulerunt *Carolus VI.* Galliarum Rex, ejusque Patruus, Duces Burgundus, & Borbonius, qui pro sua pietate, & auctoritate has discordias sustulerunt, pacemque sanciverunt. His tamen dissensionibus nullus magis indoluit, aut illis tollendis elicius incubuit *Joanne Gersonio*, Sacrae Facultatis Parisiensis Cancellario, ut videre est in Epistola, quam in hanc rem ad Collegium Navarræ scripsit, in quo hæc habet: Cogor, inquit, illam deflere scissuram miserabilem, & mutilationem luctuosam partis non modicæ Universitatis Parisiensis. Fratres Prædicatores loquor, viderint ipsi quid egerunt . . . . . Attenderent ò utinam omnes, & benigna recogitatione eum tractarent, quanta, qualisve jactura spiritualis sit & fuit, tot hæctenus sermones, tot lectiones, tot salubres Instructiones in Universitate & alibi exinde effasse. Et cum probè nosset doctissimus ille Cancellarius, hoc pacis studium non omnibus placitum, subjungit: Oblatrabunt, scio, si ad quosdam hæc scripta delata fuerint, ferentes indignè, immò pro scelere vel mutabilitate deputantes, quòd pacem Jacobitarum, seu Dominicanorum, videar optasse, aut pro ea verbum scriptumve fecisse. Sed libera voce fatebor, nec illud unquam pudori deputabo, me nunc & prius olim semper dum modestè volui, vel optavi, reconciliationem ipsorum in mediis etiam litibus optavisse. Perseant qui de matris, aut mystici corporis fæda mutilatione gloriantur, qui non sanationi student, sed medellam quærentibus crudeliter irascuntur, & qui ad divisionem magis, quàm pulcherrimam unionem demoniaca impietate pelluntur, quorum persecutio, si pergunt in pacificos veritatis amatores furere, spernenda est, &  
gene-



*generosæ virtutis pede calcanda, hoc proviso, ne damnosius inde nascatur in Universitate vel Republica scandalum. Sed de Joanne Montefono, & de gravissima Controversia, quæ ejus occasione Parisiis excitata est inter Academiæ Parisiensis Doctores, & Dominicanos, plura legis apud nostrum P. Mallet Doctorem Parisiensem, in libro, quem Gallico idiomate scripsit de Viris Illustribus Domus & Collegii Sancti Jacobi.*

Alter Dominicanus, qui Sæculo decimo quarto non secundum mensuram fidei, prout in Sanctissimo Ordine fuerat institutus, scripsit & docuit, fuit *Ekardus*, natione Teutonicus, qui licet à *Joanne Taulero* in Opusculo *De Convivio*, & ab *Bzovio* ad annum MCCCXXXVII. velut insignis pietate & doctrinâ Theologus celebretur, perniciosos tamen, errores suis concionibus, Scriptisque vulgavit, ut compertum habemus tum ex quæstione in ipsum habitâ primùm ab *Henrico* Archiepiscopo Coloniensi, tum etiam ex definitione *Joannis XXII.* Pontificis Maximi, in cujus litteris, ab *Odorico Raynaldo* ad annum MCCCXXIX. Num. LXX. ex Regesto ejusdem Pontificis descriptis, viginti octo errores recensentur, ex quibus alios ut hæreseos labe inspersos, alios à temeritatis & hæresis nota non alienos declaravit *Joannes XXII.* Testatur nihilominus idem Pontifex, quòd *Ekardus* in fine vitæ suæ fidem Catholicam professus, prædictos viginti sex Articulos, quos se prædicasse confessus extitit, nec non quæcumque alia per eum scripta & docta sive in scholis, sive in prædicationibus, quæ possent generare in mentibus Fidelium sensum hæreticum vel erroneum, ac veræ fidei inimicum; quantum ad illum sensum revocavit, ac etiam

eprobavit, & haberi voluit pro simpliciter & totaliter revocatis, ac si illos & illa sigillatim & singulariter revocasset; determinationi Apostolicæ Sedis & nostræ tam se, quàm scripta sua & dicta omnia subjiciens. Undè liquidò patet, Ekardum non obfirmato animo errores suos defendisse, sed potius quæcumque docuerat fidei Catholicæ minus consona ejussisse, seque Ecclesiæ judicio, ut par erat, prompto & humili obsequio subjecisse.

His duobus Familiæ Dominicanæ Theologis, qui se Duces secuti, à recta sanæ doctrinæ semita aberrarunt, tertium adiiciam ejusdem Familiæ Theologum, qui floruit sub finem decimi tertii Sæculi, & obiit decimo quarto Sæculo, seu anno MCCCVII. Is est Joannes, sive ortu, sive educatione dictus *Parisiensis*, qui librū edidit hunc præferentem titulum: *Determinatio Fr. Joannis de Parisiis Prædicatoris de modo existendi Corporis Christi in Sacramento Altaris alio, quam sit ille, quem tenet Ecclesia*. In hoc libro Joannes de Parisiis explicandum suscipit, non solum per conversionem substantiæ panis in Corpus Christi, sed etiam per assumptionem ejusdem substantiæ à Verbo Divino, modum, quo Corpus Christi existit in Eucharistiæ Sacramento. Hunc librum Joannis de Parisiis ex MS. Codice S. Victoris Parisiensis eruit, & præmissâ Dissertatione Historica de Dogmate Transubstantiationis anno MDCLXXXVI. Londini edidit Pseudo-Minister Petrus Allix, eumque Scriptorem in suas, seu Hæreticorum partes traxit. Sed non animadvertit Pseudo ille Minister, se ex eo Joannis de Parisiis libro nihil præsidii ad suum contra augustissimū Eucharistiæ Sacramentum errorem suffulciendum accersere posse, tum quia cer-

certissimè constat, *Joannem de Parisiis* realem Corporis Christi in Eucharistia præsentiam, quam *Petrus Allixius*, alique ejusdem farinae Hæretici explodunt, nunquam negasse; tum quia etiam, *Joannes de Parisiis* novam & peregrinam opinionem suam, quâ par est reverentiâ, Ecclesiæ judicio subjecit; tum quia denique, *Joannes de Parisiis*, à *Guilhelmo Parisiensi*, *Ægidio Bituricensi*, *Guilhelmo Ambianensi* Episcopis, & à Magistris Facultatis Parisiensis diligentius examinatâ ejus doctrinâ, damnatus est, & prohibitus prælegere, docere, prædicare & disputare Parisiis. Ineptè ergo *Petrus Alixius* in sua laudata Dissertatione, & *Joannes Clericus* Tomo III. *Bibliothecæ Universalis*, existimarunt, eâ *Joannis de Parisiis* opinione evinci posse, Dogma Transubstantiationis, seu Conversionis substantiæ panis & vini in substantiam Corporis & Sanguinis Christi Domini in Eucharistia sub finem decimi tertii, & initium decimi quarti Ecclesiæ Sæculi necdùm apud Catholicos fuisse communiter receptum. Hæc siquidem frigida ac inanis utriusque Hæretici conjectura nullo negotio falsi convincitur ex perpetua SS. Patrum tam Græcorum, quàm Latinorum traditione, & ex consensione omnium ætatum, Nationum, & Ecclesiarum, quæ ab ipsis Apostolorum temporibus ad hanc usque ætatem Dogma de Reali præsentia Corporis Christi in Eucharistia, & de Transubstantiatione cōstanter propugnarunt, & illos, à quibus universalis Ecclesiæ fides oppugnata fuit, aut diris devoverunt, aut ad canendam palinodiam adegerunt, sicut in suo aureo Opere de Perpetuitate fidei pluribus probat doctissimus *Antonius Arnaldus* Doctor Sorbonicus.



icus . Sed hæc de *Joanne Parisiensi* Ord. Prædicatorum, de quo in quinto Colloquio iterum redibit sermo , obiter dicta sint .

D. Narrasti in Colloquio superiori Schisma, quod *Ludovicus Bavarus* Imperator Sæculo decimo quarto contra *Joannem* vulgò dictum vigesimum secundum , conflavit : nunc autem scire velim , an illi , qui à partibus *Ludovici Bavari* steterunt , in aliquos errores impegerint , & an fidem aliquam mereantur in his quæ adversus *Joannem XXII.* Pontificem Maximum scripserunt .

M. Postquam *Joannes XXII.* sententiam excommunicationis anno mcccxxiv. tulisset in *Ludovicum Bavarum*, Imperatorem in sua malitia obstinatum , in rabiem actus perduellis ille Imperator , conductitiâ nonnullorum Theologorum doctrinâ & calamo fretus Epistolam vulgavit, quâ *Joannem XXII.* injustum innocentum persecutorem , clavium Ecclesiæ subversorem , Canonum violatorem , Sacramentorum prophanatorem , Terræ Sanctæ desertorem , Ecclesiæ temeratorem , denique incorrigibilem , & hæreticum notorium declarare , seu potius infamare ausus est . Inter illos Scriptores , qui *Ludovico Bavaro*, Schismatico Imperatori , adversus *Joannem XXII.* Pontificem Maximum, & Ecclesiasticam auctoritatem venales calamos commodarunt , recensentur *Marsilius de Menandrino* Patavinus , & *Joannes Jandunus* , Perusinus , Viri Politici magis quàm Christiani . Hi quippè impii ac nalè feriatii homines pestiferum librum de jurisdictione Imperiali & Pontificia consarcinarunt , quem inscripserunt , *Defensorem Pacis* , eumque *Ludovico Bavaro* nuncuparunt . Hunc malè natum librum

librum gravissimis resperferunt erroribus, & primò in eo docent, Christum Dominum, quandò solvit tributum Cæsari, id ex necessitate, non ex arbitrio vel ex pietate fecisse; ex quo inferunt bona temporalia Ecclesiæ ita Imperatoris dominio subiecta esse, ut velut sua pro nutu & libito repetere illa possit. II. Afferunt, Christum in Cœlos ascendentem nullum in Ecclesia visibile caput constituisse, nullum Vicarium reliquisse; nec *S. Petrum* plus auctoritatis quàm Apostolos reliquos accepisse. III. Pertendunt, ad Imperatorem spectare Pontifices instituere, deturbare ac punire; de capacitate promovendorum ad Sacros Ordines judicare, Ecclesiarum, sacrorumque Ministrorum numerum decernere, Beneficia Ecclesiastica conferre, Religiosos Ordines approbare, Concilia congregare, jejunia, & feriacionem à mechanicis operibus indicere &c. IV. Negant, totam Ecclesiam simul junctam posse ullum hominem punitio-  
ne coactivâ coercere, & Episcopum, aut Sacerdotem excommunicationis vel Interdicti in quemquam ferre posse sententiam absque autoritate Imperatoris. V. Sacerdotes omnes sive Pontifices sive simplices Presbyteros, ex institutione Christi esse æqualis auctoritatis ac jurisdictionis affirmant & non minus Episcopos communiter aut divisim excommunicare posse Romanum Pontificem, quàn illos Pontifex Ecclesiasticâ communione privare possit. VI. Statuunt, Ecclesiam bona temporali possidere haud posse. VII. Ajunt, Imperatorem succedere Romano Pontifici, & Ecclesiam, Sede vacante, regere posse. VIII. Imperatori adjudicant potestatem dispensandi in contrahendis matrimo-

niis, quæ humanâ, non divinâ lege prohibita sunt, & auctoritatem filios non ex legitimo thoro procreatos declarandi, ac faciendi legitimos, non solum quantum ad civiles effectus, sed etiam quantum ad Officia & Beneficia Ecclesiastica. Hos pestilentes errores, quibus potestas Ecclesiastica ab imis fundamentis convellitur, eruditè confutavit ac damnavit *Joannes XXII.* in ea, quam adversus *Marsilium*, & *Jandunum*, eorumque libros tulit, sententiâ, quæ legitur apud *Odoricum Raynaldum* ad annum *MCCCXXVII.* Num. 27. Scripserunt etiam adversus eosdem errores *Alvarus Pelagius* Episcopus Silvensis, *Alexander de S. Elpidio*, qui ex Priore Generali Augustinianorum factus est Archiepiscopus Ravennas, in libro *De jurisdictione Imperii & Auctoritate Summi Pontificis*, & *Petrus de Palude*, Ordinis Prædicatorum insignis Theologus, in libro *De causa immediata Ecclesiasticæ potestatis*. His duobus pestilentissimis Scriptoribus *Marsilio*, & *Janduno* in *Joannem XXII.* debacchantibus, adjunxerunt se quoque *Michaël Casenas*, *Guillelmus Okamus*, & *Bonnagratia Minoritæ*, quos famam *Joannis XXII.* calumniis proscindere, eumque hæreseos infimulare non pudit, asserentes, Summum illum Pontificem apertè docuisse, prædicasse ac propugnasse, Sanctorum Animas, quibus nihil luendum superest, statim atque corporibus solutæ sunt, Deum non videre, nec eo frui, sed earum Beatitudinem procrastinari usque ad supremum Generalis Judicii diem. Quod putidum commentum refellemus in Colloquio sexto, ubi agendo de Doctrina, quæ sæculis XIII. & XIV. in Ecclesia obtinuit, ostendemus, *Joannem XXII.* ejusmodi errorem nun-



quàm ex animo propugnasse, nec illum ex Cathedra, ut ajunt, definiisse, quidquid contra obstrepant hæretici nostri temporis, quamvis negari haud possit *Joannem XXII.* tanquàm privatum Doctorem, vehementer propendisse in sententiam quorundam veterum Patrum, circa dilationem Visionis Dei, quæ sententia tum temporis necdum eliquata erat, & decretorio Ecclesiæ judicio proscripta, licet quodam modo contraria videatur Fidei Formulæ, quam *Clemens IV.* & *Joannes XXI.* Græcis ad Ecclesiæ Latine communionem redeuntibus præscripserant, in qua disertis verbis asserebatur, Animas, quæ fuerunt purgatæ, mox in Cælum recipi, ut videre est apud *Odoricum Raynaldum* ad annum *MCCLXVII.* Porro nullam fidem merentur *Michael Casenas*, *Okamus*, *Bonagrata*, & alii fautores *Ludovici Bavari* Schismatici Imperatoris, apud quem sese receperant, ut liberiùs adversus *Joannem XXII.* cujus acerrimi insectatores fuerunt, scriberent, eique hæreseos notam impudentiùs inurere possent. Ferenda etiam non est horrenda calumnia, quã *Joanni XXII.* importare ausus est *Calvinus*, procacissimus post homines natos Hæresiarcha, qui libro *IV.* Instit. Cap. 7. Sect. 28. perfrictâ fronte asserit, hunc Summum Pontificem docuisse, Animas esse mortales, easque unâ cum corporibus usque ad Resurrectionem interire, & Cardinalium neminem tantæ infaniæ se opposuisse. Sic enim scribit: *Expungant numero Pontificum oportet Joannem XXII. qui palàm asseruit, animas esse mortales, unâque cum corporibus interire usque ad diem Resurrectionis. Atque ut videas totam Sedem cum præcipuis suis fulturis tum prorsus concidisse, nemo Cardinalium huic se tantæ in*

sanie

nia opposuit . Sed Schola Parisiensis Regem Galliae  
impulit , ut ad palinodiam hominem cogeret . Rex ejus  
communicationem suis interdixit , nisi mox resipisceret ;  
Idque de more publicavit per Praeconem . Hac neces-  
sitate adactus ille , errorem abjuravit . Haecenus ,  
Hæresiarum ille Hæresiarcha , qui , ut optimè observat  
Bellarminus libro quarto de Romano Pontifice capite  
decimo quarto , tam horrendum mendacium exco-  
gitavit , quia sententiam de dilatione beatitudinis  
usque ad extremum judicii diem , in quam nondum  
ab Ecclesia proscriptam propendebat Joannes vi-  
tesimus secundus , ut Doctor particularis , tan-  
quam verissimam propugnavit Calvinus , etsi probè  
sciret , eam ceu hæreticam post Joannis XXII. tem-  
pora in Concilio Florentino fuisse confixam . Sic  
nim mentem suam Calvinus lib. 3. Instit. cap. 25.  
inseritè aperit his verbis : *Valdè se torquent multi di-*  
*putando , quem locum occupent , & an Cœlesti gloria*  
*am fruantur (Sancti) nec ne ? Atqui stultum & teme-*  
*arium est de rebus incognitis altius inquirere , quàm*  
*Deus nobis scire permittat . . . . Quod sinus Abrahæ*  
*icitur beata Sanctorum Spiritum collectio , nobis*  
*libundè est ex hac peregrinatione excipi à communi fi-*  
*lium Patre , ut nobiscum fidei suæ fructum communi-*  
*et . Interea : cùm Scriptura ubique jubeat pendere*  
*ubi expectatione adventus Christi , & gloriæ coronam*  
*usque differat , contenti simus his finibus divinitus*  
*nobis præscriptis , animas piorum militiæ labore per-*  
*funditas in beatam quietem concedere , ubi cum letitia ,*  
*fruitionem promissæ gloriæ expectant , atque ità om-*  
*nia teneri suspensa , donec Christus appareat Redem-*  
*ptor . Potuitne , amabo , Calvinus hanc sententiam ,*  
*de procrastinatione beatitudinis usque ad extre-*

mum iudicii diem , quam tamen certissimè norat fuisse tanquàm hæreticam ab universali Ecclesia damnatam , clarioribus verbis adstruere ? *Quoniam igitur videbat Calvinus* , verba sunt Bellarmini loco mox à me laudato , id , quod alii reprehendebant in Joanne Papa , non posse à se reprehendi , & tamen nolebat ullam occasionem Pontificis accusandi prætermittere , confugit ad Magistrum suum Patrem mendaciorum , & ab eo insignem illam calumniam mutuatus est , ut infamaret Joannem XXII. Pontificem Maximum . Sed ad confutandam atrocem illam calumniam plura addere opus non est , cùm certum sit apud omnes , qui rectè sentiunt , quatuor *Institutionum* libros , quos Calvinus edidit , nihil aliud esse à capite ad calcem , quàm totius impietatis quasi Encyclopediam , & Satyram calumniarum , conviciorum & mendaciorum contra Ecclesiam Romanam , ejusque Pontifices , feracissimam .

D. Agnosco callidam audaciam istius Sycophantæ , qui in proferendis mendaciis , & affingendis calumniis callum obduxit , sibique omnem omninò fidem abrogavit . Eo itaque in malam pestem , malumque cruciatum abire jussu , alios , si placet , percurramus errores , quos Sæculo XIV. Novatores disseminare tentarunt .

M. Nonnulli extiterunt Sæculo decimo quarto Novatores , qui erroneas propositiones ventilantes à Sacra Facultate Parisiensi fuerunt damnati . Primus inter illos Novatores à Sacra Facultate Parisiensi damnatus fuit Joannes de Mercuria Cisterciensis Ordinis Professor , qui anno MCCCXLVII Parisiis multos erroneos proposuit articulos , quorum præcipuos hic subjicere non pigebit . In pri  
mi



nis assererebat, possibile esse, Christum voluntate humana aliquid voluisse nunquam eventurum, & fieri eundem potuisse, ut Christus diceret falsum. Secundò, locebat, Deum efficacitè velle quidquid vult. Terziò, blasphemabat, facere Deum quòd aliquis peccet, & velle voluntate beneplaciti ut ille sit peccator. Quarto, pertendebat, quòd aliquis habens usum liberi arbitrii, tam gravi tentatione extimuletur, ut illi resistere haud possit, & moveatur ad illecebram, cum aliena uxore, adulterium non committit rem habendo cum illa, idemque de aliis peccatis ferendum esse iudicium effutiebatur. Quintò, dicebat, non esse pejorem in genere moris illum, qui vitioso habitu cum actu fœdatus est, altero homine, qui consimili habitu vitioso sine actu est inquinatus. Sextò, exultimabat, probabile esse, si una ratio, seclusa fide, consulatur, nulla esse Accidentia, sed res omnes extantes esse substantias. Ab hoc errore in Joanne de Mercuria damnato, quo pacto recentiores Philosophi, qui vulgò Cartesiani audiunt, doctrinam suam vindicare possint, judicent viri eruditi. Hos, & alios hujusmodi errores vel ineptè, vel impiè, vel perridiculè à Joanne de Mercuria prolatos tacitus mecum ipse dùm cogito, indignerne, an rideam, an utrumque? si quæris, vix satis scio. Hoc unum certissimè scio, nonnullos ex his Joannis de Mercuria errores renovatos non ita pridem fuisse ab hæreticis Quietistis, Discipulis Michaelis de Molinos, qui sceleritates & abominationes suas Deo non modò permittenti, sed volenti tribuere non verebantur, atque veterum Gnosticorum & Beguardorum spurcissima dogmata secuti, non solum obscænas carnis illecebras, & libidinum monstra negabant esse pecca-

ra, sed, quod horrendum est, animum iis purgari, & ad maiorem perfectionem provehi impiè asserabant. Alterum Novatorem, seu Nicolaum de Ultricuria, sacra facultas Parisiensis an. MCCCXLVIII. compulit ad publicam articulorum plurimorum de rebus Philosophicis & Theologicis à se propositorum revocationem; qui quidem à Sede Apostolica primùm damnati fuerant omnes ut falsi, plerique ut hæretici. Horumce articulorum dicti Magistri Nicolai de Ultricuria, qui in Bibliothecis Patrum referuntur, aliquos tantùm hìc indicabo, quorum duo maximam cum moderna Cartesiano- rum Philosophia affinitatem habere videntur. Primus articulus hic est: *in rebus naturalibus unus est motus localis congregationis, & disgregationis, ita ut cum tali motu colliguntur atomi, & naturâ unius suppositi sortiuntur, fit corruptio, cum verò atomorum accessio ad motum suppositi, vel ad naturalem ipsius operationem nihil confert, alteratio est.* Alter Articulus his verbis conceptus est: *Lumen nihil aliud est quàm corpuscula quædam, quæ nata sunt sequi motum Solis vel alterius corporis luminosi, fitque huiusmodi corpusculorum ad corporis luminosi præsentiam confluxu. Et si obiiciatur, motu locali non fieri, cum mento fiat illuminatio: Respondetur fieri in tempore: sicut sonum, etsi non percipiamus.* Inter alios articulos Magistri Nicolai de Ultricuria, qui ad Theologiam spectantes, tanquàm hæretici proscripti sunt, hi tres præcipui recensentur. Primus hic est: *Si adolescens ingenuus aliquem inveniat, qui brevedocere ipsum valeat scientiam omnem, quæ de rebus creatis haberi potest, centum librarum pretio constituto, quas adolescens furto dumtaxat comparare pote-*

o casu furtum licitum est. Secundus Articulus: Deus rationali creaturæ præcipere potest, ut ipsum odio habeat, cui mandato obediens, mereretur magis, quam ipsum ex præcepto diligeret; quoniam id faceret maiori conatu & contra propriam propensionem. Tertius Articulus: Si quis voluntatem suam divinæ conformare voluerit, alterutrum necesse est, vel quod Deus omnia necessaria ad salutem ipsum edoceat, ita ut errare non possit; vel si errare ipsum permittat, vitio non vertatur error, immò actus consequens magis vel æque sit meritorius.

Tertius Novator, quem anno MCCCLI. confodit, & ad palinodiam adegit Sacra Parisiensis Facultas, fuit *Magister Simon*, qui septem illas propugnauerat erroneas & hæreticas propositiones. Dixerat primò, Nomen *Jesus* de Deo dicitur accidentariò. Secundò, *Jesus* potest esse, & non esse Deus. Tertiò, nulla res est, aut esse potest, quæ modò non sit Deus, & aliquandò possit esse Deus. Quartò, Deus potest aliququaliter se habere, qualiter se non habet, & aliqualis etiam esse, qualis non est. Quintò, quamvis *Jesus* fuerit ab *Æterno Patri* coequalis, tamen aliquandò fuit Deus, quandò non fuit *Jesus*. Sextò, *Filius Dei* incæpit esse. Septimo, *Nunquam hic homo*, qui *Christus* est, factus est *Christus*. Has erroneas propositiones à se in *Actu*, ut vocant, *Vespertiarum*, propugnatos, iubente Facultate Parisienû, revocavit *Magister Simon*, cujus retractationis Instrumentum editum est in Bibliotheca Patrum. Eamdem sortem anno MCCCLIII. nactus est *Frater Guido*, Ordinis Eremitarum Sancti Augustini, & sacre Facultatis Parisiensis Baccalaureus Theologus, qui nonnullos errores, in quos impegerat, ex

Q 4

ejus-



ejusdem Facultatis Decreto palàm revocare compulsum est. Hi sunt præcipui errores, in quos lapsus est iste Guido. Primò, assererat, quòd *Charitas*, quæ semel amittitur, nunquàm fuit vera *Charitas*. Secundò, quòd *Præscitus*, existens in charitate, actum vitæ æternæ meritorium elicere non potest. Tertiò, quòd homo vitam æternam ità de condigno mereatur, ut hanc ipsi Deus absque injuria negare non possit. Quartò, quòd si nullum esset liberum arbitrium, adhuc esset peccatum. Quintò, quòd bonum meritum ita est à Deo, ut nihil sit à voluntate, & quòd Deus homini viatori necessitatem quandòque imponit præveniendi voluntatem ad bonum actum, ita ut potestas ad oppositum non remaneat. Hos, & alios id genus errores, quos postea Wicleffus, Lutherus, & Calvinus recoxerunt, cùm propugnasset Frater Guido, illos mandato Sacræ Facultatis Parisiensis coactus est ejurare ac retractare, cujus retractationis Instrumentum extat in Bibliotheca Patrum. Non multò post, seu anno MCCCLXII. Magister quidam Ludovicus, jussu Sacræ Facultatis, aliquot propositiorum, quas docuerat vel propugnaverat, publicam edidit retractationem. Erat ille Magister argutias Dialecticæ apprimè edoctus, & ita pastus chymæris, ut Deum ad libidinem minutim discerperet, incisim distraheret, particulatim divideret, esse reale Dei distingueret ab esse formali, & attributa Dei ab ejus essentia nescio quibus præstigiis secerneret. Hinc dicebat primò, quòd licet perfectæ voluntatis, seu divinæ essentiæ quodlibet intrinsecum sit absolutè necessarium secundum suum esse reale, tamen est aliquid intrinsecus contingens, & non est necessarium secundum suum esse formale. Secundò, assererat, quòd

quod aliquid est Deus secundum suum esse reale, quod  
amen non est Deus secundum suum esse formale. Quam  
propositionem damnavit Sacra Facultas Parisien-  
sis tanquam fidei dissonam. Tertiò, docebat, voli-  
tionem, qua Deus vult A. esse, non minùs distingui à  
volitione qua vult B. esse, quàm Deus distinguitur à  
materia prima realiter. Quartò, affirmabat, in  
Deo esse contradictoria, quæ immensè formalitèr re-  
pugnant. Præter illos errores, quos è Dialectices  
scholæ in Theologiam invexerat subtilis ille Parisien-  
sis doctor, alios proposuerat, quorum duos ab-  
urdissimos hîc proferam. Primus est: quod divina  
voluntas non potest immediate nolle peccatum esse, &  
peccatum non est immediatè odibile à perfectâ, seu di-  
vina, voluntate. Alter error est, quod divina vo-  
luntas non diligit intentiùs prædestinatum, quàm præ-  
cinitum, nec plus Deus diligit se ipsum, quàm Diabo-  
lum secundum naturam. Hos, & similes errores Ma-  
gister Ludovicus revocare jussus est à Sacra Facul-  
tate Parisiensi, ejusque Instrumentum retractatio-  
nis insertum est in Bibliotheca Patrum. Missas fa-  
cio quasdam propositiones malè sonantes, quas  
Magister Joannes de Calore in actu Vesperiarum  
anno MCCCLXXXIII. propugnauerat, quasque ex De-  
creto Facultatis Parisiensis ejuravit ac revocavit  
solemni retractatione, quæ edita est in Bibliotheca  
Patrum. At hîc prætermittere haud possum dam-  
nationis sententiam, quam Facultas Parisiensis tulit  
in Fratrem Dionysium Soulechat, Ordinis Mino-  
rum, in Sacra Facultate Parisiensi Baccalaureum,  
Theologum, qui damnatos à Joanne XXII. Pon-  
tice Maximo errores de paupertate Evangelica apud  
suos docere ausus fuerat. Hunc temerarium Pon-  
tifi-

tificiæ definitionis transgressorem Sacra Facultas Parisiensis, ad quam delatus fuerat, proscripsit, erroneas ejus propositiones cētorio stigmatē confixit, eique docendi munere interdixit. Hanc Facultatis Parisiensis sententiam *Urbanus V.* qui Avēnionē sedebat, auctoritate Apostolicā confirmavit, jussitque *Dionysio Soulechat*, ut Parisiis errores revocaret, sicut videre est in litteris, quas Summus ille Pontifex ad *Joannem* Cardinalem Episcopum Bellovacensem eā de re scripsit anno MCCCLXVII. quasque *Odoricus Raynaldus* ad eundem annum Num. XVI. refert. Tandem Frater *Dionysius Soulechat* damnatos errores Parisiis in Ecclesia Fratrum Prædicatorum ejuravit, cujus retractationis publicum documentum extat in Bibliothecis Patrum.

D. Nihil hætenus dixisti de Wicleffiana Hæresi, quam tamen Sæculo decimo quarto prodierit, ac multas in Ecclesia excitasse tragedias, me antea præmonuisti.

M. Quavis Wicleffiana hæresis Sæculo XIV. seu anno MCCCLXXV. sub *Eduardo Seniore* Angliæ Rege ex inferis eruperit, Authore *Joanne Wicleffo*, natione Anglo, in Lincolnienſi Diœcesi Parocho & acris ac superbi ingenii Theologo, illius tamen pestilentis hæreseos ortum, progressum atque interitum commodius referam in nostris Colloquiis in Historiam decimi quinti sæculi, maximè, cum plena impietatis dogmata, quæ evomuit ille Hæresiarcha, Hussitarum, Lutheranorum, & Calvinistarum Patriarcha, fuerint damnata in Concilio Generali Constantiensi convocato anno MCCCXIV. cujus etiam Concilii jussu, *Wicleffus*, post hab

tun



um prævium, diligens, & accuratum super ejus im-  
pœnitentia finali ac pertinacia, examen, hæreticus  
fuit declaratus, ejusque (jam licet multis abhinc  
annis vitâ functi, & sepulti) ossa effossa sunt, exhuma-  
ta, exusta, & cineres in profluentem abjecti.  
De Wicleffiana itaque Hæresi, nihil in præsentia di-  
cemus, sed integram ejus seriem in Colloquiis in  
Historiam Sæculi XV. exhibere, & singula, quæ  
ad illam spectant, describere satagemus. Ante-  
quàm tamen huicce colloquio nostro finem impo-  
namus; non abs re erit quosdam hîc in medium  
proferre Sectarios, qui Sæculo decimo quarto er-  
roribus *Wicleffi* proluserunt. Inter illos Sectarios  
jure optimo numerari debent *Lollardi*, ita dicti à  
*Lollardo* quodam *Waltero*, eorum Antesignano,  
qui fœdissimis per Germaniam, Austriam, & Bo-  
hemiam sparsis erroribus, peculiarem conflavit  
Sectam, cujus errores *Trithemius* refert in Chro-  
nico Hirsaugiensi ad annum mcccxv. Videlicet di-  
cebant isti *Lollardi*, Missam, Baptismum, & Ex-  
tremam Unctionem, nihil prodesse; Luciferum  
cum aliquibus Dæmonibus iniuste Cœlo pulsos fu-  
isse, & fore aliquandò restituendos; *Michaelem*  
autem, cæterosque Angelos æternis cruciatibus  
deputandos: Beatissimam Virginem post partum  
non mansisse Virginem: Dominicum Corpus in Sa-  
cramento esse Deum fictitium: Matrimonium esse  
juratum meretricium: Deum nescire, aut certè  
non punire mala, quæ sub terra fierent, unde &  
coibant promiscuè in speluncis & locis subterra-  
neis: Pœnitentiæ Sacramenti administrationem  
Laicis committebant, acceptâ (ut ridiculè agebant)  
potestate ligandi atque solvendi ab *Elia* & *Enoch*:  
Eccle-

Ecclesiæ Prælatos & Statuta contemnebant: Romanam Ecclesiam non Christi, sed infidelium esse dicebant: carnes quovis tempore edebant, & dies festos non observabant: merita & intercessionem Sanctorum irridebant: periurium non esse peccatum, assererebant, & alia impia profitebantur dogmata isti hæretici *Lollardi*, qui in Austria, Bohemia, finitimisque Provinciis adeò propagati sunt, ut, teste citato Abbate *Trithemio*, plusquam octoginta millia hominum in eam Sectam jurati & professi numerarentur, quorum multi in diversis Austriæ locis combusti, in suis erroribus usque ad mortem pertinacissimè, & magna cum alacritate permanserunt. *Lollardus Walterus*, eorum Coriphæus ac Princeps, Colonia exustus est anno mcccxxii. ut refert idem *Trithemius* in Chronico Hirsaugiensi. Hos Hæreticos, omni execratione dignos, se tanquam Patres ac Magistros habere gloriantur, quantum voluerint, *Wicleffistæ*, *Hussitæ*, *Lutherani*, & *Calvinistæ*, qui, dum vacillantibus suis Sectis aliquam antiquitatem conciliare nituntur, suam turpitudinem apertè produnt, seque in malitia & obstinatione Majoribus suis simillimos exhibent, juxta veterem Paræmiam: *Mali Corvi malum Ovum*.

Circa annos mcccclxxii. & mcccclxxiv. duo alii Novatores *Wicleffo* præiverunt, videlicet *Albertus* Alberstadenensis in Germania Episcopus, & *Milleczius* Presbiter & Canonicus Pragensis. Prior, scilicet *Albertus* Episcopus Alberstadenensis, anno mcccclxxii. inter cætera dogmata pravitatis hæreticæ nefandissimâ labe aspersa, assererebat contra Catholicam fidem, & Sanctorum Patrum de-

initiones, omnia in hoc modo ex necessitate evenire, & Fata cuilibet homini vitæ ac mortis necessitatem imponere, subindeque non esse habendum consilium, nec deliberandum de aliquo, cum omnes actus hominum, etiam à libero arbitrio procedentes, noscantur ex necessitate cœlestis influentiæ provenire. Hinc negabat necessitatem bonorum operum, liberum arbitrium, merita & demerita hominum, nec non invocationem divini auxilii & Sanctorum. Alter, *Milleczius*, Canonicus Pragensis anno MCCCLXXIV. sub specie sanctitatis multos errores vulgavit, eoque dementiæ prorupit, ut diceret, jam Antichristum venisse, Ecclesiam omninò defecisse, nullam in Papa, Cardinalibus, Episcopis, cæterisque Clericis esse veritatem, sed se solum cum suis Sectatoribus viam salutis docere, ut videre est apud *Odoricum Raynaldum* ad annum MCCCLXXIV. Num. XIII. Hunc *Milleczium*, insignem blateronem, ejusque contumaces Sectatores, tanquam hæreticos puniri jussit *Gregorius XI.* Pontifex Maximus in Litteris, quas ad Archiepiscopum Pragensem, ejusque suffraganeos scripsit. Perniciosum etiam librum, qui tum temporis in Germania per manus hominum volitabat, inscriptum: *Speculum Saxonum*, hæresibus ac deliriis scaentem flammis addixit idem Pontifex, & Germaniæ Archiepiscopos ejus damnationem promulgare; & *Carolus IV.* Imperatorem opem ferre monuit litteris Idibus Octobris anni MCCCLXXIV. datis, sicut refert *Spondanus* ad annum MCCCLXXIV. Postrenò, suos habuit *Wicleffus* in Anglia præcursores & emissarios, ut constat ex erroribus xxx. quos in Provincia Cantuariensi ab incertis auctoribus



ribus profeminatos *Simon Langham* Cantuariensis Archiepiscopus, Angliæ primas, congregato Virorum Theologorum & Jurisperitorum cœtu, confixit sententiâ, quam tulit Lambethæ quinto Idus Novembris anni MCCCLXVIII. Complures ex his triginta erroribus ad hoc principium relabuntur, scilicet omnes homines, etiam Saracenos, Judæos, & Paganos, nec non pueros in utero materno extinctos habere claram Dei visionem ante mortem suam, eâque visione manente, habere omnes electionem liberam convertendi se ad Deum, vel recedendi ab eo, ita ut si quis tunc elegerit converti ad Deum, salutem æternam sit adepturus, si verò nolit, perpetuæ damnationi sit addicendus. Ex hoc semel jacto principio inferebant Novatores, Sacramentum Baptismi non esse necessarium ad salutem consequendam, neminem damnari posse pro solo peccato originali, immò nec pro peccato actuali, nisi ille, à quo committitur, recusaverit se convertere ad Deum stante clara Dei Visione. Tunc enim peccatum ità irremissibile & irremediabile esse docebant, ut pro illo Passio Christi satisfacere non posset. Non minus absurda & impia cæteræ propositiones continebant, præsertim istæ *Pater in divinis est finitus, filius in divinis est finitus & solus Spiritus Sanctus est infinitus. Christus, Beata Maria, & omnes homines beati, adhuc veraciter sunt mortales. Beata Virgo, omnes Beati, tam Angeli quàm homines, excepto Christo, sunt peccabiles & damnabiles. Omnes homines damnati in Inferno, & omnes Dæmones sunt & semper erunt reparabiles a beatitudinem consequendam. Sed detestabiles illo errores retulisse sufficiat.*

D. Hi sunt igitur omnes Hæretici , qui sæculo decimo quarto virulenta dogmata sparserunt ?

M. Præter illos Hæreticos , quos hætenùs medium produxi , septem alii non magni ponderis recensentur , quos tamen prætermittere habere debemus , ut integram habere possis Historiam annuum Hæresum , quæ Sæculo XIV. Ecclesiam , fœstârunt . Primus inter illos ordine reponendus est *Arnaldus de Villanova* , natione Catalanus , Professione insignis Medicus , qui eruditionem , quâ pollebat , pravis de religione opinionibus turpius fœdavit . Ex nefariis siquidem libris ab ipso collectis multos errores excerptis *Joannes Longerus* , dei Inquisitor , Ordinis Prædicatorum , quorum undecim Capita recenset *Eymericus* ejusdem Ordinis in *Directorio Inquisitorum* Part. 2. quæst. 11. inter cætera absurdissima , quæ effutiit , dogmata , usus est asserere , omnes Christianos in Infernum trudi : omnes Monachos adulterare doctrinam Christi , eos Charitate destitutos esse , & æternum damnari : Opera misericordiæ esse Deo gratiora Sacrificio Altaris : Foundationis Capellarum , aut Præbendarum , & etiam Missarum pro Defunctis non esse opera Charitatis , sed res ad vitam æternam promerendam prorsus inutiles . Denique , Missis aliis ejus erroribus , violabatur , Mundum anno mcccxxxv. desitutum . Omnes *Arnaldi de Villanova* errores damnati fuerunt à *Joanne Longerio* Inquisitore , & ab Ecclesiæ araconensis Præposito Vicarioque Generali , Sede vacante , anno mcccxvii. justo autem Dei iudicio naufragio miserrimè periit *Arnaldus de Villanova* , de quo legesis *Bernardum Lutzemburgum* in Cata-

Catalogo Hæreticorum , & Præteolum Lib. I. *Historia Eccles. Cap. LXIX.*

Alter Hæreticus fuit *Ceccus Asculanus*, Caroli Ducis Calabriæ Astrologus, qui in Tractatu, quæ Bononiæ edidit, in Sphæram, Stellarum influxibus necessitatem absolutam tribuens, affirmabat omnino in Mundo necessariò evenire, quodque magis impium est, stultè dicebat, ex positura Syderum accidisse, quòd Christus fuerit necessariò incarnatus pauper natus, & turpem mortem obierit; cùm contra Antichristus, ex positura syderum in ejus nativitate futurâ, necessariò dives ac splendidus futurus. Alia hujusmodi vana & blasphema (testatur *Joanne Villani lib. 10. cap. 41. & 42.*) cùm garrisset iste Astrologus, tandem Florentiæ captus est, & Inquisitore Fidei de Hæresi, & pravo Astrologi judicariæ usu damnatus, igni addictus est anno MCCCXXVII.

Tertii Hæretici, qui fuit *Bertholdus de Rorbrach* natione Germanus, meminit *Naclerus* tom. 1. Generatione 46. his verbis: *Post hæc tempora judicabatur Spiræ Beghardus Bertholdus de Rorbrach. Antea in Herbipoli quosdam articulos reclamaverat, videlicet quòd Christus in passione sua sic fuerat à Patre derelictus, quòd præ nimio dolore dubitaverit, ut Marine anima sua deberet. Secundus articulus, quòd Christus in Cruce propter nimiam passionem, & dolorem maledixerit B. Mariæ Virgini. Tertius, quòd maledixerit terræ, quæ suscepit ejus sanguinem ex Cruce. Propter præmissa fugiens (Bertholdus de Rorbrach) ad Diocesim Spirensensem venit, ubi articulos hos veros asseruit. Addidit etiam, quòd homo in hac vita in tantum proficere possit, quòd nec orare, nec*

*jungere*



*junare oporteret, item quòd Laicus illuminatus possit plus proficere in docendo, & plus sit sibi credendum, quàm Evangelio, aut Doctõribus Sacræ Scripturæ. Item quòd homo devotus in perceptione cibi communis possit percipere tantam gratiam, ac si acciperet Eucharistiæ Sacramentum. Et quia relapsus, tradebatur Curiæ Sæculari, & est incineratus, anno MCCCCLIX.*

Circà idem tempus prodiit quartus Hæreticus, seu *Martinus Gonsalvus*, Conchenfis, qui multa perridicula, fatua, hæretica & impia cùm propalaret in Hispania, ab Archiepiscopo Toletano damnatus est, & à Sæculari Magistratu igni, ut merebatur, traditus. Docebat homo ille lymphatus, se germanum esse *Archangeli Michaëlis*, & locum ex quo cecidit *Lucifer*, sibi à Deo servari. Secundò, se *primam veritatem* & *Scalam Cæli* appellabat, singulisque diebus Cælum se ascendere, & illud osculari dicebat. Tertiò, se advenientem *Antichristum* ad singulare certamen provocaturum, & *Cruce Christi* diademate spineo ornata prostraturum. Hos insulsos errores huic dementissimo homini tribuit noster *Franciscus Diago* in *Historia Provinciæ Aragoniæ* lib. 1. cap. 24.

Eâdem tempestate quintus ejusdem farinae, parisque dementiæ prorupit Hæreticus *Nicolaus Calaber*, qui istos *Martini Gonsalvi* errores *Barcino* publicavit, addiditque, præfatum *Gonsalvum* esse *Dei Filium in Cælis ab aeterno genitum*, quamvis in terris patrem & matrem habuisse videretur: illum nunquam moriturum: ad ejus *Prædicationem Mundum universum conversum iri*, & in extremo *Judicii* die omnes ad inferorum supplicia damnatos precibus ejusdem *Gonsalvi* salutem consecuturos. Sic *afinus*

afinum fricat, & similes inveniunt labra lactucas. Hos, & alios errores proscripserunt noster *Eymericus* Inquisitor, & Vicarius Generalis Barcinonensis Episcopi. Ipse verò *Nicolaus Calaber* Curia Sæculari traditus est, flammis absumendus, ut refert idem *Eymericus* parte 2. *Directorii Inquisitorum* quæstione 11.

Sub *Urbano V.* Pontifice Maximo sextus surrexit Hæreticus, dictus *Bartholomæus Janovezius*, Majoricanus, qui libellum edidit hæresibus scatentem. Asserebat quippè inter multos alios errores, Antichristum die Pentecostes anni MCCCCLX. venturum, & omnia Ecclesiæ Sacramenta, atque Incruentum Sacrificium tempore Antichristi desitura. Suos tamen errores à nostro *Eymerico* Inquisitori damnatos, pœnitentiam publicè professus, solemniter ejuravit ille hæreticus, sicut ipsemet *Eymericus* refert loco mox à me laudato, & post ipsum *Præteolus*.

Denique, anno MCCCCLIII. sub *Innocentio V.* Pontifice Maximo *Berengarius de Montefalcone*, Cisterciensis Ordinis, docuit: omnia, quæ facimus bona, puro Dei amore, non ob aliam rationem, nec si mercedis æternæ esse facienda. Hunc errorem, qui novissimè suscitavit spirituales Quietistæ, solemniter judicio damnavit *Nicolaus Roselli* Inquisitor Ordinis Prædicatorum, & *Sancius Tarraconensis* Archiepiscopus ex Ordine Fratrum Minorum assumptus.

Prætermitto, brevitatis ergo, Fratres *Joa-*  
*nem de Latone*, & *Petrum de Bonageta* Ordinis Minorum Professores, qui anno MCCCCLXXI. hos errores è sacro suggestu in Provinciis Tarraconensi

Cæsaraugustana publicarunt. Primò, quòd si hostia consecrata cadat, seu projiciatur in cloacam, aut in sordidum, seu turpem quemvis locum, speciebus remanentibus, sub eis esse definit Corpus Christi. Secundò, quòd si Hostia consecrata à mure corrodat, seu à bruto quovis sumatur, simile ferendum est ad judicium. Tertiò, quotiès Eucharistia sumitur, et non ab homine justo, sive à peccatore, dum species in cibum convertuntur, Christus ad Cælum rapitur, nec in hominis stomachum trajicitur. Quas propositiones ne quis deinceps prædicare præsumeret, directè prohibuit *Gregorius XI.* Pontifex Maximus, litteris datis ad Tarraconensem & Cæsaraugustanum Episcopos, quas refert *Odoricus Raynaldus* ad annum MCCCLXXII. Num. XI. Prætermitto etiam fratrem *Arnaldum Montanerii*, è Catalonia oriundum, & Ordinis Minorum Professore, quem à nostro *Eymerico* Inquisitore, & *Berengario Urgelitano* Episcopo tanquam Hæreticum damnatum *Gregorius XI.* capi jussit, & vinctum ad Sedem Apostolicam transmitti. Errores, propter quos *Arnaldus Montanerii* damnatus fuit, refert idem *Eymericus* in arte 2. *Directorii Inquisitorum*, quæstione 11. Debebat scilicet, Christum & Apostolos nihil habuisse proprium vel commune: Nullum posse damnari, qui deferat habitum Sancti Francisci: Ad Purgatorium singulis annis descendere Sanctum Franciscum, & inde in paradysum extrahere quotquot Ordinem suum professi sunt, denique, Ordinem S. Francisci in perpetuum duraturum. Has propositiones *Arnaldi Montanerii* jure merito proscriptas *Dermitius Thaddæus* Ordinis Minorum magno quidem, sed inani labore vindicare adnititur in sua *Nitela Franciscanæ Religionis*,



in qua cùm benè multa non tam studio veritatis, quàm suâ ergà Sacrum Ordinem, quem profitebatur, pietate motus scripserit, mirum videri non debet, quòd sæpiùs in Annalibus Ecclesiasticis ab *Odorico Raynaldo* pro meritis suis castigetur, quamvis *Lucas Wadinghus* Franciscanus in libro de *Scriptoribus Ordinis Minorum*, suo affectui plus æquo itidem indulgens, eum maximo commendet elogio. Sed hæc de Hæresibus, & Controversiis, quæ Sæculis XIII. & XIV. in Ecclesia obortæ sunt, dicta sufficiant.

D. Verè dixit Spiritus Sanctus per os & calamus Apostoli Pauli 1. epist. ad Corinth. cap. 11 v. 19. *Oportet hæreses esse, ut & qui probati sunt, manifesti fiant in vobis*, dum videlicet fideles indivulsi adhærent Ecclesiæ Romanæ, quæ est sola vera Sponsa Christi, & cujus veritatis hoc probatissimum signum est, quòd cùm omnes hæreses & Schismata adversùs eam vexillum erexerint, ipsa tamen semper inconcussa ac victrix perstiterit, juxta Christ Domini Oraculum Matthæi cap. 16. *Portæ Inferi ne prævalebunt adversùs eam*. Sed Ecclesiæ triumpho accuratiùs expendemus in Colloquio, quod crastine luce habituri sumus de Conciliis tam Oecumenicis, quàm Nationalibus, in quibus serpentes confossæ sunt Hæreses, & restituta fuit Ecclesiæ Disciplina.

## COLLOQUIUM IV.

*De Conciliis tam Oecumenicis, quàm Nationalibus, in quibus gliscentes Sæculis XIII.*

*& XIV. Hæreses fuerunt damnatæ, & restituta est Ecclesiæ Disciplina.*

MAGI-  
STER.

**Q**uanti sint operæ pretii ac momenti Conciliorum definitiones, Statuta, & Canones, documento sunt ipsi Ecclesiæ hostes, Hæretici hodierni, qui, postquam Sanctorum Patrum & Theologorum doctrinam, quasi perversa hominum inventa conati sunt dissipare, non ibi quieverunt, neque his finibus suas coercuerunt imititates; sed ulterius profilientes, Romani Pontificis, & Conciliorum, quæ ab ipso convocantur, auctoritatem ab ipso Christo Domino profectam impugnare ausi sunt, & apertâ aggressionem, ubicumque prævalent, Romani Pontificis Primatum evertebant, Pastorum Romano Pontifici subditorum auctoritatem subalternam à se prorsus abdicarunt, jugum suis cervicibus à Christo impositum, quasi iugum & indomiti tauri excusserunt, & sacrilegis assertionibus, atque impiis dogmatibus avitâ Ecclesiæ Catholicæ fidem corruperunt. Cum igitur Conciliorum potissimum definitionibus configantur Hæreticorum errores, & sacris, qui in eis conduntur, Canonibus sancitur Ecclesiæ Disciplina, permagna tua interest, ut scias omnia Concilia, quæ Sæc. XIII. & XIV. tam ad profligandas Hæreses, quàm ad sancendam Ecclesiæ Disciplinam variis in locis fuerunt convocata.

D. Cùm Oecumenica Concilia longè majori in Ecclesia polleant auctoritate , quàm Concilia Nationalia, seu Provincialia , nostrum , si placet incipiamus Colloquium à Conciliis Generalibus, quæ Sæculo XIII. fuerunt celebrata , quorum con-  
vocationis causam, tempus, locum , Præsidem , numerum Patrum, & singula, quæ tum ad proscribendas hæreses , tum ad sanciendam Ecclesiæ disciplinam in his gesta & statuta sunt , à te in præsentia discere percipio .

M. Tria Concilia Generalia Sæculo Ecclesiæ decimo tertio indicta fuerunt, videlicet Lateranense IV. Lugdunense I. & Lugdunense II. quorum historiam hic describam, & Canonum , rerumq; præcipuarum in his gestarum notitiam tibi compendiosâ narratione tradam . In primis , Concilium Generale Lateranense IV. quod est inter Concilia Oecumenica duodecesimum , convocatum est ab *Innocentio III.* Pontifice Maximo anno MCCXIII. u-  
constat ex Diplomate illius convectionis , quod datum est ab eodem Summo Pontifice, XIII. Kaler-  
das Maji ejusdem anni , & cujus exemplaria ad Patriarchas, Archiepiscopos, Episcopos , Abbates, & Priores transmissa sunt . Causas convectionis illius Concilii indicat Summus hic Pontifex in eodem Diplomate, ubi asserit, se istud Generale Concilium , juxtà priscam Sanctorum Patrum consuetudinem, convocasse ad recuperationem Terræ Sanctæ , ad extirpanda vitia , & plantandas virtutes corrigendos excessus , & reformandos mores , eliminandas hæreses, ad roborandam fidem, sopiendas discordias, & stabiliendam pacem, comprimendas oppressiones , & libertatem fovendam . Po-  
bie



biennium ab illa convocatione habitum est Romæ  
 anno MCCXV. Concilium Generale Lateranense IV.  
 ita dictum, quod in Lateranensi Basilica fuerit ce-  
 lebratum. Ei præfuit *Innocentius III.* Pontifex Ma-  
 ximus, interfueruntque duodecim supra quadrin-  
 gentos Episcopi, Patriarchæ duo, Constantinopo-  
 litanus, & Hierosolymitanus; Primate, & Metro-  
 politani septuaginta septem, Abbates & Priores  
 ultra octingentos, absentium Prælatorum, & Capi-  
 tulorum Procuratores innumeri; adfuerunt etiam  
 (ut testantur Abbas Urspergensis, hujus temporis  
 Scriptor, & *Matthæus Parisius*) Imperatoris Con-  
 stantinopolitani, qui Latinus erat, & Imperatoris  
 Occidentis, Regumque Franciæ, Angliæ, Hunga-  
 riæ, Aragoniæ, Siciliæ, Cypri, aliorumque Princi-  
 pum, Magnatum & Civitatum Legati. Patriarcha  
 verò Antiochenus gravi infirmitate detentus veni-  
 re non potuit, sed Episcopum Antheradensem misit,  
 qui ejus locum supplevit. Alexandrinus etiam Pa-  
 triarcha, qui sub Saracenorum tyrannide gemebar,  
*Germanum* Diaconum, qui suas in Concilio vices  
 ageret, deputavit. *Laurentius Surius* in Præfatiun-  
 cula ac Concilium Lateranense IV. ait istud Conci-  
 lium fuisse Oecumenicum, quia in eo de negotiis Re-  
 ligionis, de Græcæ & Latine Ecclesiæ concordia tracta-  
 tum est, cui interfuere Patriarchæ Constantinopoli-  
 tanus & Hierosolymitanus, Archiepiscopi tum Latini,  
 tum Græci, septuaginta, Episcopi quadringenti unde-  
 cim . . . . . nec defuere Legati Græci & Romani Im-  
 peratoris, Regum Hierusalem &c. At, undè isthæc  
 hauserit Carthusianus ille Scriptor eruditissimus?  
 planè me ignorare profiteor. Adfuisse Concilio  
 Lateranensi IV. Latinorum Orientalium Patriar-

chas, Constantinopolitanum & Hierosolymitanum, quin etiam, ut mox dixi, Patriarcham Antiochenum, nonnisi propter valetudinem, & Patriarcham Alexandrinum propter Saracenorum, quâ premebatur, tyrannidem ad Concilium Lateranense IV. accedere haud potuisse, *Laurentio Surio*, aliisque, lubens concessero. Tunc enim illæ civitates Latinis Principibus parebant, sicut ostendimus in Colloquiis primo & secundo. Nec etiam inficias ibo, Episcopos Græcos diversarum regionum, quas Latini itidem subegerant, illuc convenisse. Sed Græcos Antistites, quorum Imperator *Theodorus Lascaris*, captâ à Latinis Constantinopoli anno millesimo ducentesimo quarto, Nicæam concesserat, ad Concilium Lateranense IV. accessisse, nè verisimile quidem puto, maximè cum Patres istius Concilii Canonem quartum condiderint contra Græcos, qui tunc temporis vehementiùs in Ecclesiam Romanam frendebant, & Latinos tanto odio prosequabantur, ut in Altaribus, in quibus Latini Sacrificium obtulerant, ipsi offerre nollent, nisi prius ea velut per hoc inquinata lavissent, & pueros à Latinis baptizatos denuò baptizarent. Quapropter, nullatenus existimo, Episcopos Græcos, qui erant sub dominio *Theodori Lascaris*, Græcorum Imperatoris, ad Concilium Generale Lateranense IV. venisse, ac subindè in eo de Græcæ & Latinæ Ecclesiæ concordia tractatum fuisse.

D. Jam probè teneo causas convocationis Concilii Lateranensis IV. tempus illius celebrationis, locum, Præsidem, & numerum Patrum, qui huic interfuerunt. Expendamus modò, si placet, singula, quæ in eo Concilio tam ad configendas hæreses, quam

quàm ad restaurandam Ecclesiæ Disciplinam fuerunt statuta.

M. Congregatis simul omnibus Episcopis in Basilica Lateranensi, *Innocentius III.* Pontifex Maximus die xi. mensis Novembris S. Martino sacrâ anni MCCXV. Concilium aperuit eleganti, pio, atque erudito sermone, sumptis pro themate his Christi Domini verbis apud *Lucam* cap. 22. *Desiderio desideravi hoc Pascha manducare vobiscum, antequam patiar.* Postea, contra varios Hæreticorum errores explicata est Catholicæ Ecclesiæ fides, Albigensum damnata Hæresis, decretumque, ut Ditio *Raynundi* Comitis Tolosani, Albigensum Hæreticorum acerrimi fautoris, esset in posterum in plena potestate ac possessione *Simonis* Comitis *Montisfortis*, viri strenui & Catholici, qui plus cæteris in debellandis Albigenfibus laboraverat, ac plures terras ejusdem *Raymundi* Comitis Tolosani armis occupaverat. Sententiæ hujus concessionis factæ *Simoni* Comiti *Monfortio* à Concilio Lateranensi IV. meminit *Petrus de Valle Cernaii* in sua *Historia Albigenfium* cap. LXXXIII. Extat etiam eadem Concilii sententia tomo 7. *Spicilegii*, ubi eam *Lucas Dacherius*, doctissimus Congregationis S. Mauri Benedictinus, edidit, & inde in postrema Conciliorum Collectione transcripta est. Insanam *Almarici* Hæresim, & librum Abbatis *Joachimi* damnarunt itidem Patres Concilii Lateranensis IV. Quæ omnia, cum in superioribus Colloquiis fuerint jam à nobis observata, levi brachio hîc attingimus.

Confixis in hoc Concilio Hæreticorum erroribus, *Innocentius III.* cui ad recuperandam Terram Sanctam acres stimulos admoverat memorabilis  
illa



illa, cujus in primo Colloquio mentionem fecimus, victoria, quâ Latini sacro bello fœderati Græcos expugnarunt, Constantinopolim subegerunt, & Imperatorem Constantinopolitanum creaverunt *Baldunum* Flandriæ Comitem, hoc, inquam, fausto Latinorum successu excitatus *Innocentius III.* Expeditionem in Terram Sanctam unanimi Patrum consensu decrevit, varia privilegia & indulgentias ad eam properantibus concessit, triginta millia librarum, ad hoc opus donavit, non solum omnes omnino Clericos tam subditos, quàm Prælatos, sed se ipsum quoque cum Cardinalibus ad decimæ collationem in subsidium Terræ Sanctæ obstrinxit, Crucesignatos ab oneribus publicis immunes esse iussit, Piratas & eorum fautores; item, Christianos, qui Saracenis arma, naves, aut machinas bellicas suppeditarent, excommunicatione perculit, postremo, præcepit omnibus Principibus Christianis, ut pacem inirent, eamque per quadriennium conservarent, & necessaria ad bellum sacrum peragendum subsidia compararent.

D. Condiditne Concilium Generale Lateranense IV. aliquos Canones?

M. Sunt nonnulli Scriptores, qui levissimis adducti conjecturis asserunt, nihil à Concilio Lateranensi IV. sancitum esse, sed Canones nomine huiusce Concilii inscriptos, unius *Innocentii III.* Pontificis Maximi opus esse arbitrantur. Inter illos Scriptores recensentur *Antonius de Dominis* Spalatensis Archiepiscopus, & *Joannes Barclajus* in vindictâ adversus librum Cardinalis *Bellarmini* de potestate Pontificis in rebus temporalibus. Ficulneas utriusque Scriptoris conjecturas recoxit novissimus Scrip-

tor *Ellias Dupinus*, Sacræ Facultatis Parisiensis Doctor, in libro, quem edidit *De antiqua Ecclesiæ Disciplina* Dissertatione 7. parag. 4. pag. 572. ubi ad probandum istos Canones, qui sub nomine Concilii Generalis Lateranensis IV. circumferuntur, non à toto Concilio, sed ab *Innocentio III.* conditos fuisse, has duas profert conjecturas, quarum prima petitur ex testimonio *Matthæi Parisii*, qui in *Historia Angliæ* ad annum MCCXX. hæc scribit: *Facto prius ab ipso Papa exhortationis Sermone, recitata sunt in pleno Concilio Capitula sexaginta, quæ aliis placabilia, aliis videbantur onerosa.* Ex quo infert *Dupinus*, hæc Capitula non à Concilio, sed ab *Innocentio III.* confecta fuisse, ejusque jussu in Concilio lecta. Altera conjectura desumitur ex ipsismet Canonibus, qui tribuuntur Concilio Lateranensi IV. In his quippè citatur Concilium Generale, quasi jam fuisset celebratum, ut videre est in Canone XI. qui sic habet: *in Lateranensi Concilio pia fuit institutione provisum.* In Canone etiam XV. *in Lateranensi Concilio noscitur fuisse prohibitum*, & in Canone XXXIX. *De multa providentia fuit in Lateran. Concilio prohibitum &c.* idem legitur in pluribus aliis Canonibus, qui adjudicantur huic Concilio Lateranensi IV. Ex quo loquendi modo infert *Dupinus*, hos Canones non fuisse editos in hoc Concilio Lateranensi IV. quia si istud Concilium de se ipso loqueretur, diceret potius: *Hæc Sancta & Oecumenica Synodus Lateranensis statuit &c.* Hæ sunt duæ *Dupini* conjecturæ, quæ, cum jejunæ & sublestæ admodum sint, levi flatu exsufflari possunt. Et primò quidem, quid ex testimonio *Matthæi Parisii* in suæ sententiæ prælidium extundere possit *Dupinus*, certè non video.

Ait *Matthæus Parisius*, Canones fuisse lectos & promulgatos in Concilio Lateranensi IV. Hoc nemo negat. Sed inde colligi debet, hos Canones editos fuisse à Concilio Lateranensi IV. quoniam Capitula, seu Canones in Conciliis legere & promulgare, nisi qui Sacro approbante Concilio sanciti fuissent, in more & Disciplina Ecclesiæ positum nusquam fuit. Ait insuper *Matthæus Parisius*, horum Canonum, seu Capitulorum, quæ lecta sunt in Concilio Lateranensi IV. nonnulla aliis placabilia, aliis visa fuisse onerosa. Id profectò *Dupino* non suffragatur. Esto enim nonnulli ex his Canonibus lectis in Concilio Lateranensi IV. ad disciplinam ac judiciorum ordinem spectantibus, omnibus non arriserint, potiori tamen parti Patrum placuerunt, quorum suffragiis accedente Innocentii Pontificis auctoritate, sanciti, approbati, atque promulgati fuerunt. Sed demus etiam *Dupino*, reverà *Matthæum Parisium* scripsisse, nullos à Concilio Lateranensi IV. editos fuisse Canones, non tamen illius Scriptoris testimonio suam sententiam fulcire posset *Dupinus*, tum quia *Matthæus Parisius* in ea narratione statim in apertum labitur errorem, asserens sexaginta Capitula, seu Canones lectos fuisse in Concilio Lateranensi IV. cum tamen apud omnes in confesso sit, septuaginta Canones lectos & promulgatos fuisse in hoc Concilio Lateranensi IV. Tum quia etiam testimonium *Matthæi Parisii* præponi haud debet testimoniis probatissimæ fidei omnium Authorum, qui à Concilii Lateranensis IV. temporibus scripserunt, quique septuaginta illos Canones Concilio Oecumenico Lateranensi IV. constanter tribuerunt, eosque velut totius Orbis Christiani consensu editos



os semper laudarunt . Quod adeò verum est , ut  
psimet Centuriatores Magdeburgenses , quibus ,  
ob doctrinam Transubstantiationis , & Confessionis  
sacramentalis , exosa sine dubio fuit Generalis ista  
Synodus Lateranensis IV. hos tamen septuaginta  
Canones ab eadem Synodo conditos & approbatos  
uisse nunquam negare , aut in dubium revocare ,  
iussi sunt , sicut videre est in *Centuria XIII. cap. 9. De  
Synodis* . Demùm , *Matthæus Parisius* in his , quæ  
narrat de Romanis Pontificibus , & de doctrina  
Ecclesiæ Romanæ , nullam meretur fidem , quia pro-  
fuit hæreticis nostri temporis , & in Romanos Pon-  
tifices petulantis linguæ fuit , sicut facilè colligitur  
ex his , quæ de *Innocentio III.* qui præfuit Concilio  
Lateranensi IV. scripsit *Matthæus Parisius* in Histo-  
ria minori , ut refertur in Antiquitatibus Britan-  
nicis in Vita Stephani Langthoni : *Concilium istud  
Generale* ( seu Lateranense IV. ) inquit *Matthæus  
Parisius* , quod more Papali grandia prima fronte præ-  
se tulit , in risum & scomma , quo Archiepiscopos , Epi-  
scopos , Abbates , omnesque ad Concilium accedentes  
ludificatus est ( seu Innocentius III. ) desit . Illi enim ,  
cùm jam nihil geri in tanto negotio cernerent , redeundi  
ad sua cupidi , veniam sigillatim petierunt , quibus Pa-  
pa non concessit , antequam sibi grandem pecuniam pro-  
miserent , Mercatoribus Romanis prius accipere mutuo  
Papæque solvere coacti sunt , antequàm discedere Roma  
potuissent . Papa , jam accepta pecunia , quæstuosum  
hoc Concilium dissolvit gratis , totusque Clerus abiit  
tristis . Quæ omnia à veritate historię penitus alie-  
na , & contra *Innocentium III.* & Patres Concilii La-  
teranensis IV. à *Matthæo Parisio* de industria fuisse ,  
conficta certissimè constat . Nec minùs facilè re-  
fel

fellitur altera conjectura , quam post *Antonium de Dominis*, & *Joannem Barclajum* adducit *Ellias Dupinus* . Hallucinantur quippè illi Scriptores, dum ea, quæ in hisce Lateranensis Concilii IV. Canonibus laudantur, velut in Concilio Lateranensi IV. constituta fuisse putant , cùm potius referenda sint ad Concilium Lateranense III. sub *Alexandro III.* Pontifice Maximo celebratum, cujus plurimas sanctiones Concilium Lateranense IV. sub *Innocentio III.* in Christianæ rei commodum innovandas duxit ac confirmandas . Non igitur *Innocentius III.* post Concilium Lateranense IV. hos septuaginta Canones edidit , ut falsò sibi persuaferunt mox laudati Scriptores , sed Concilium Lateranense IV. nonnullis Decretis , quæ à præcedenti Concilio Oecumenico Lateranensi III. sub *Alexandro III.* in eadem Lateranensi Basilica celebrato condita fuerunt , novum robur per Canones à se confectos addidit, eorumq; executionem imperavit . Unde hæc verba : *In Lateranensi Concilio noscitur fuisse prohibitum, vel in Lateranensi Concilio fuit pia institutione provisum ;* hæc, inquam, & alia similia verba , quæ leguntur in aliquibus Canonibus , seu Capitulis , quæ à Concilio Lateranensi IV. condita sunt , innuunt dumtaxat , Concilium IV. Lateranense in suis Canonibus approbasse, & executioni mandari voluisse , quædam Decreta, quæ Conc. Gener. Lateran. III. in Canonibus Concilii Lateranensis IV. citatum jam antehac promulgaverat, sicut clariùs constabit ex his , quæ mox dicturi sumus explicando Canones Concilii Generalis Lateranensis IV.

D. Cùm nimis longum esset septuaginta illos Canones à Concilio Generali Lateranensi IV.

con-

conditos hîc attingere, & singillatim explanare, undè sufficiet præcipuorum Canonum Synopsim abjicere, eosque, si quam difficultatem patiantur, revitèr dilucidare.

M. Canon primus Concilii Generalis Lateranensis IV. continet fidem de Sanctissima Trinitate, de rerum omnium creatione, de Verbi divini incarnatione, & de reali præsentia Corporis Christi in Eucharistiæ Sacramento. Hæc autem Fidei expositio necessaria fuit propter Hæreticos Albigenes, qui prædamnatos iis de articulis errores innovarunt. Canon secundus damnat libellum Abbatis *Joachimi* contra *Petrum Lombardum*, & inanam atque hæreticam *Almarici* doctrinam. Tertius Canon Excommunicationem & pœnas etiam temporales in Hæreticos decernit, quos Sæcularis Magistratibus post damnationem tradi jubet, eorumque bona confiscari. Pœnas etiam statuit in Dominos temporales, qui terras suas ab Albigenis hæreseos fœditate purgare neglexerint, eorum Vassallos à fidelitatis Sacramento absolvit, & terras eorum Catholicis occupandas exponit. Circa hunc tertium Concilii Lateranensis IV. Canonem præcipuè potissimum moventur difficultates, quarum prima est, utrùm Concilium Lateranense IV. pœnas temporales in Hæreticos Albigenes rectè decreverit? Altera difficultas est, utrùm justum fuerit bellum adversus Albigenes à *Simone Montisfortis* Comite, & à Principibus Christianis confectum? Ad primam difficultatem respondeo: Patres Concilii Lateranensis IV. jure optimo Albigenes Hæreticos tradidisse, seu reliquisse Sæculari potestati, pœnis temporalibus puniendos. In eo siquidem con-



contra Hæreticos Albigenſes ſanciendo Canone Patres Concilii Lateranenſis IV. non ſolùm ſecuti ſunt doctrinam Sancti *Auguſtini*, qui lib. I. contra duas Epistoſas *Gaudentii*, hæretici Donatiſtæ, & lib. I. contra Epistolam *Parmeniani* itidem Donatiſtæ, & Epistolâ XCIII. aliàs XLVIII. ad *Vincentium* Donatiſtam, pluribusque aliis in locis, conſtanter docet; Hæreticos Donatiſtas à *Constantino Magno* Imperatore capitali ſententiâ juſtè damnatos eſſe, & legum pœnaliũ, quæ adverſus contumaces Hæreticos à Sæculari poteſtate feruntur, multiplicem fructum exponit; verũ etiam, Patres Concilii Lateranenſis IV. dum Hæreticos Albigenſes Sæculari poteſtati pœnis temporalibus puniendos tradiderunt, ſecuti ſunt perpetuum Eccleſiæ uſum, quo Imperatores, & Principes Chriſtiani obſtinatos Hæreticos, quos in ordinem Eccleſiâ redigere minimè poterat, ultimo ſupplicio afficiebant; ſicut conſtat ex benè multis exemplis, quæ paſſim in noſtris Colloquiis in Hiſtoriam Eccleſiaſticam adduximus, & quæ hìc ſimul collecta referre non abs erit. *Theodoſius* & *Valentinianus* Imperatores Manichæos è civitatibus pelli, & ultimo ſupplicio tradi ſanxerunt. *Marcianus*, & *Valentinianus* Imperatores ultimo itidem ſupplicio Eutychanos, & Apollinaristas coërceri debere ſtatuerunt. *Theodoſius* & *Honorius* Imperatores pœnam capitis decreverunt in Donatiſtas. *Juſtinianus* Imperator Manichæos capite plectendos eſſe edixit. *Alexius Comnenus*, Orientis Imperator, *Baſilium*, Hæreticorum Bogomilorum Principem, flammis addici juſſi. *Robertus* Galliarum Rex igne damnavit *Stephanum* & *Liſoium*, aliosque in urbe Aurelianenſi detectos hæ-

*Hæreticos. Petrus de Bruis* Hæresiarcha in Villa Sancti Ægidii vivus combustus est, & *Arnaldus de Brixia*, alter Hæresiarcha, jussu *Friderici* Imperatoris captus, ad rogam Romæ damnatus est. Ex his vniculentiſſimis exemplis colligere debes primò, Patres Concilii Lateranensis IV. juxta antiquam Ecclesiæ praxim, Albigenſes pervicaces Hæreticos sæculari potestati pœnis temporalibus puniendos jure tradidisse, nè eorum mortale venenum latius perperet. Secundò, colligere debes, Hæresiarcham *calvinum* esse malè feriatum nebulonem, quippè qui non solum Fidei Inquisitores, qui in Hæreticos ebitis pœnis animadvertunt, *Incendarios* & *Papæ arnifices* insolentèr ac impiè vocat, sed etiam suppliciorum, quibus affecti sunt Calvinistæ, alique Hæretici, eorum Antecessores, Relationem, *Historem Martyrum* inscribere ausus est; cum tamen ille impudentissimus Hæresiarcha, calidum & frigidum simul ex eodem ore perflans, *Michaëlem Servetum*, Hæreticum, Personarum in Deo distinctionem negantem, & insanabilem, Sæculari magistratui anno MDLV. tradiderit, cujus sententiâ medio sublatus est. Errorum etiam *Michaëlis serveti* refutationem edidit *Calvinus*, in qua multis adversus ipsum rationibus probat, Hæreticos ire gladii coërceri posse, capitisque pœnâ plecti hæresum Authores ac pertinaces defensores. Sic nefandus ille Hæresiarcha nunquam sibi constabat, sed utroque genu claudicans, modò in hanc, modò illam, prout sibi conducebat, abripiebatur sententiam.

Ad alteram difficultatem, utrùm videlicet justum fuerit bellum adversus Hæreticos Albigenſes

à *Simone Montisfortis* Comite , & à Principibus Christianis susceptum ? Respondeo , bellum adversus Albigenſes confectum fuiſſe juſtiſſimum , tum , quia Albigenſes publicam Deo injuriam irrogabant , Eccleſiæ inſultabant , in ſacratiora Catholica Religionis Myſteria , & in Sacerdotes crudelitatem inauditam exercebant , multasque in Galliarum Regno turbas excitabant , ut videre eſt in Albigenſium Hiſtoria cœvis ab Authoribus conſcripta : tum quia etiam Principes Chriſtiani , præcipuè *Philippus Auguſtus* , Galliarum Rex , ac *Simon Monfortius* Comes , quos ad illud bellum gerendum meritò adhortatus eſt *Innocentius III.* Pontifex vigilantiffimus , non alium finem ſibi in eo bello conſciendo præfixerunt , quàm Hæreticorum emendationem , perduellium punitionem , Religionis , Eccleſiæque deſenſionem . Quò factum eſt , ut piam illorum intentionem , bellicque æquitatem Deus pro Catholicis pugnans frequentibus miraculis , quæ ab Authoribus Albigenſis Hiſtoriæ referuntur comprobaverit . Suis etiam Ditionibus juſtè extus eſt *Raymundus* Comes Tolofanus , quia Hæreticis Albigenſibus apertè favebat , & *Petrus de Caſtronovo* , Virum Sanctiſſimum & Sedis Apoſtolicæ Legatum , ſicariis immiſſis , occidi juſſit . *Simon* v. r. *Monfortius* Comes , Cruceſignati Dux exercitus Ditiones *Raymundi* Comitis Tolofani , quas armis occupaverat , jure belli obtinuit , easque electione Episcoporum , necnon Baronum Occitaniæ & Provinciæ in Synodo Monſpelienſi , Concilii Oecumenici Lateranenſis judicio , & Galliarum Regis , & Comitatus Tolofani principalis Dominus erat , ceſſione & Inveſtiturâ ſibi juſtiſſimè vendicavi



pilutis duabus hisce difficultatibus , alios ejusdem  
 concilii Lateranensis IV. Canones percurramus .  
 Canon quartus damnat, ut superius observavimus,  
 hæreticos , qui non prius sacrificare volebant in Al-  
 tribus , in quibus Latini sacrificassent , quàm ea-  
 visissent, quique baptizatos à Latinis iterum bapti-  
 abant . Quintus Canon de Sedium Patriarchalium  
 ordine agit , jubetque ut post Romanam Sedem ,  
 constantinopolitana primum locum obtineat; Ale-  
 xandrina secundum ; Antiochena tertium ; & Hie-  
 rosolymitana quartum . Canon sextus præcipit, ut  
 singulis annis Provincialia celebrentur Concilia à  
 metropolitanis . Canon undecimus , Concilii Ge-  
 neralis Lateranensis tertii Canonem de Magistris  
 qualibet Ecclesia Cathedrali instituendis , qui  
 pauperes gratis doceant , jubet observari , sicut in  
 Lateranensi Concilio pia fuit institutione provisum ,  
 est in Concilio Generali Lateranensi III. cujus  
 nulla Decreta Concilium Generale Lateranen-  
 se V. in suis Canonibus confirmavit , eorumque  
 executionem imperavit , sicut jam observavimus  
 intra Dupinum, & alios, qui in hac re decepti sunt,  
 non animadvertentes, ea , quæ sub nomine Concilii  
 Lateranensis laudantur in Canonibus conditis à  
 Concilio Generali Lateranensi IV. non esse refe-  
 renda ad istud Concilium Generale Lateranense IV.  
 sed referri debere ad Concilium Generale Latera-  
 nense III. ab *Alexandro III.* Pontifice Maximo con-  
 vocatum, cujus plurima Decreta Concilium Oecu-  
 menicum Lateranense IV. sub *Innocentio III.* habi-  
 tum in suis Canonibus approbavit , eaque in rem  
 Ecclesiæ executioni mandari præcepit. Canon XIV.  
 hæreticos incontinentes puniri jubet . Canon XV.

Clericos à crapula & ebrietate abstinere jubet, eis-  
 que venationem, aucupiumque & canes, vel aves  
 ad eum finem alere prohibet. Canon XVI. De Cle-  
 ricorum indumentis decernit, ut in forma & colo-  
 re modesta sint; ut Ecclesiastici Viri Officia vel  
 commercia sæcularia non exercent; Mimis, jocu-  
 latoribus, & histrionibus non intendant, tabernas  
 prorsus evitent, nisi fortè in causa necessitatis in-  
 itinere constituti; ad aleas vel taxillos non ludant,  
 nec hujusmodi ludis intersint, sed in Officiis Divi-  
 nis, ut par est, & in aliis bonis studiis sese diligen-  
 ter exercent. Canon XVII. Prælatorum comessa-  
 tiones, confabulationes illicitas, negligentiam in  
 Divinis Officiis & celebratione Missarum sub pœ-  
 suspensionis prohibet, eisque districtè præcipit, ut  
 Divinum Officium diurnum pariter & nocturnum  
 quantum eis Deus dederit, studiosè celebrent &  
 devotè. Canon XXI. qui incipit: *Omnis utriusque*  
*sexus fidelis*, jubet primò, ut quisque fidelis, pos-  
 quam ad annos discretionis pervenerit, omnia si-  
 solus peccata confiteatur, saltem semel in anno  
*proprio Sacerdoti*, & injunctam sibi pœnitentiam  
 itudeat pro viribus adimplere. Jubet secundò,  
 quilibet fidelis Sacramentum Eucharistiæ ad min-  
 in Paschate reverentèr suscipiat. Tertiò, sub pœ-  
 depositionis prohibet Sacerdoti, ne signo, vel ve-  
 bo, vel alio quovis modo, peccata, quæ quis ei co-  
 fessus fuerit, prodat. Quis autem nomine *prop-*  
*Sacerdotis*, cui, juxta tenorem hujusce Canonis X.  
 Concilii Lateranensis IV. annua Confessio fieri  
 bet, intelligendus sit? operosa quæstio est, de  
 diù multùmque disputatum est, & etiamnùm di-  
 ptatur. Alii quippè nomine *proprii Sacerdotis*

in Parochum intelligendum volunt, quorum sententiam *Joannes Launojus* Doctor Sorbonicus in libro qui inscribitur: *Explicata Ecclesiæ Traditio circa Penitentiam*: Omnis utriusque sexus, mordicè tenet, & prolixè probat. Alii nomine *proprii Sacerdotis* summum Pontificem, Diocesenum Episcopum, & Parochum designari contendunt. Alii denique nomine *proprii Sacerdotis* intelligendos esse putant omnes promiscuè Presbyteros tam Sæculares, quàm Regulares à Romano Pontifice & Episcopo Diocesano ad audiendas Confessiones sine restrictione approbatos. Hanc gravissimam quæstionem magis animarum æstu hinc inde ventilatam, quæ me magis abduceret, hinc discutiendam non aggredior, sed solum inhærendo vestigiis *Sancti Thomæ*, Doctoris Angelici, quo Magistro gloriator ac triumpho, quod mihi hac in re veritati magis consonum videtur, breviter aperire non gravabor. Censeo itaque cum Doctore nostro Angelico, nomine *proprii Sacerdotis* intelligendum esse Parochum, saltem Summi Pontificis in toto Orbe Christiano, Episcoporum in suis Diocesibus auctoritate, ita ut qui peccata sua semel in anno ipsis vel Presbyteris, sive Sæcularibus, sive Regularibus, quos ad munus absque ulla restrictione delegarunt, confessi fuerint, Canon *Omnis utriusque sexus* passus ac fecisse satis censendi sint. Et primò quidem, quòd nomine *proprii Sacerdotis* intelligendus Parochus, id disertè docet *S. Thomas* in Supplemento 3. partis suæ Summæ quæst. 8. art. 4. ubi inquirat, *utrùm sit necessarium, quòd homo confiteatur proprio Sacerdoti?* Respondet *S. Thomas* affirmative, idque in Argumento secundo *Sed contra* probat



bat hac ratione: *Sicut Episcopus se habet ad Diocesim suam, ita Sacerdos ad suam Parochiam, sed non licet uni Episcopo in Diœcesi alterius Episcopale officium exercere secundum statuta canonum, ergo non licet uni Sacerdoti Parochianum alterius audire.* Ex quibus verbis liquet, S. Thomam nomine proprii Sacerdotis intellexisse Parochum, sicut post Sanctum Thomam benè multæ Synodi Nationales, quæ variis in locis fuerunt convocatæ, & quas longum esset hîc recensere, eodem planè sensu nomen proprii Sacerdotis acceperunt, pro Parochiali scilicet Presbytero. Secundò, S. Thomas Artic. 5. jam laudatæ quæstionis principalem movet difficultatem, *Utrum aliqui possit alteri, quàm proprio Sacerdoti, confiteri ex privilegio vel mandato Superioris?* Et postquam partem affirmantem probavit, respondens ad objectionem sibi quarto loco propositam, hæc habet: *Nullus tenetur confiteri peccata, quæ non habet, & ideò si aliquis Pœnitentiario Episcopi, vel alteri ab Episcopo commissionem habenti confessus fuerit, cum sint sibi dimissa peccata, & quoad Deum, & quoad Ecclesiam non tenetur ea confiteri proprio Sacerdoti, quantumcumque petat.* Et infrà: *Bonum est, quòd ille, qui auctoritate Episcopi confessionem audit, inducat confitentem ad hoc quòd confiteatur proprio Sacerdoti: quòd noluerit, nihilominus eum absolvere debet.* Denique S. Thomas in Opusculo contra impugnantes Regionem, postquam ostendit, Sacerdotes Regularium ex commissione Episcoporum, & Superiorum Prelatorum esse idoneos ad Prædicationis & Confessionis exercenda officia, inter diluendas sibi propositas objectiones, ad eam, quæ ex Canone X. Concilii Lateranensis IV. *Omnis utriusque sexus,*

ita est, sic respondet: *Sacerdos proprius non est solum parochialis, sed etiam Episcopus, vel Papa, ad quos tiam magis pertinet cura ejus, quam ad Sacerdotem, et multipliciter ostensum est. Proprium enim hic non accipitur, secundum quod dividitur contra commune, sed secundum quod dividitur contra alienum. Unde ui confessus est Episcopo suo, vel alicui habenti vicem ejus, confessus est proprio Sacerdoti. Quo loco innuit. Thomas, proprii Sacerdotis nomine in Lateranensi Canone ita designari Parochum, ut tamen summus Pontifex, Episcopi, eorum Pœnitentarii, et quivis Sacerdotes, cum Sæculares, tum Regulares absque restrictione ad excipiendas Fidelium Confessiones approbati, nequaquam excludantur, nec incurrant pœnas Canonis, qui apud ipsos peccata semel in anno deposuerint, immò præcepto Ecclesiæ omnino satisfaciant. Hanc genuinam sancti Thomæ interpretationem circa sensum Canonis Lateranensis, *Omnis utriusque sexus*, approbaverunt Romani Pontifices, quotquot fuerunt à tempore Gregorii IX. ad nostra usque tempora, ut liquet ex eorum Constitutionibus, in quibus concedunt Religiosis Mendicantibus licentiam absque ulla limitatione audiendi Confessiones Fidelium, jubentque Episcopis, ut eos ad id muneris obeundum benignè suscipiant. Inter illos Romanos Pontifices, Joannes, dictus vigesimus secundus, damnavit in Extravaganti *Vas electionis*, anno MCCCXXI. Joannem de Poliaco Theologum Parisiensem, quòd iuseret, Cōfessiones Sacerdotibus Religiosis faciendas terandas esse Parocho, neq; Pontificem Sacerdotibus Regularibus dare posse facultatem, ut Fideles tempore Paschali alteri, quàm Ecclesiæ suæ Parocho,*

confiterentur . Eosdem *Joannis de Poliac* errores , quos nonnulli anno millesimo quadringentesimo nono vindicare , ac mordicùs defendere temerario ausu præsumebant , *Alexander V.* confixit Diplomate , quod incipit : *Regnans in excelsis &c.* Sed hæc ad veram allequendam intelligentiam hujus Canonis Lateranensis , *Omnis utriusque sexus* , breviter dicta sufficiant . Consule , si plura desideres , *Natalem Alexandrum* Dissertatione IV. in *Historiam Ecclesiasticam* Sæcul. XIII. & XIV. *De sensu Canonis , Omnis utriusque sexus* .

Alii Canones , qui conditi sunt in Concilio Generali Lateranensi IV. pertinent vel ad inhibendam simoniam , quæ tùm in dispensandis Sacramentis , tùm in conferendis Beneficiis , tùm in Monialibus ad Monasterium admittendis committi solebat ; vel ad judiciorum Ecclesiasticorum formam spectant ; quorum omnium explicationem , ut brevitati studeam , hic non trado . Hoc unum dumtaxat te monitum velim , nempe in Jure Canonico , quotiès sine addito Concilium Generale laudatur , intelligi Concilium Lateranense IV.

D. Quandònam , à quo , & quibus de causis indictum est Concilium Generale Lugdunense primum ?

M. Concilium Lugdunense I. quod est inter Oecumenica decimum tertium , anno MCCXLV. die Lunæ proximâ post Festum Nativitatis S. *Joannis Baptiste* cæptum est Lugduni in Galliis apud Aedes Monachorum S. *Iusti* . Ei præfuit *Innocentius IV.* Pontifex Maximus , à quo fuit convocatum . Adfuere etiam , præter Cardinales , qui , jam purpurati , novum in hoc Concilio ex rubri pilei Insigni honorem



orem susceperunt, tres Patriarchæ Latini, Constantinopolitanus, Antiochenus, & Aquilejensis, centum & quadraginta Episcopi, *Baldwinus* hujus nominis II. Constantinopolitanus Imperator Latinus, & Regum Galliæ, Angliæ, aliorumque Principum Oratores. Ad illud Concilium citatus *Fridericus II.* Imperator, ut in eo causam diceret, venire renuit malè sibi conscius, Legatos suos tamen misit, quorum præcipuus fuit *Thadæus de Sueffa* Imperialis Camerae Judex, Vir Belli, Jurisque peritissimus, & eloquentiæ vehementis. Peractis solemnibus cærimoniis, quæ in his sacris cætibus actitasolent, *Innocentius IV.* peroravit in hæc verba: *Vos omnes, qui transitis per viam, attendite, & videte, si est dolor sicut dolor meus,* & in ea Oratione quinque protulit causas, quibus permotus fuerat ad illud celebrandum Concilium. Potissima causa, quæ huic convocando Concilio occasionem dedit, fuit dura illa persecutio, quâ *Fridericus II.* Imperator jam à multis annis Ecclesiam miserum in modum divexabat. Ille siquidem ingratus ac impius Princeps, quem à tenera ætate parente suo *Henrico* inter Imperatores hujus nominis V. orbam, & multis civilibus Bellis lacessitum in suam tutelam susceperat *Innocentius III.* Pontifex Maximus, ei Apuliæ Siciliæque Regnum conservaverat, ditumque ad Imperium munierat, depulso in jus gratiam *Othone*, qui quartus hujus nominis fuerat inauguratus Imperator; ille, inquam, ingratus ac impius Princeps non modò tot beneficiis, quibus Sedi Apostolicæ erat devinctus, gratiam nullam rependit, sed etiam, ut in Colloquiis primo & secundo observavimus, arma, quæ ex voto con-

con-

contra Saracenos ad Sacra Palæstinæ loca recuperanda conferre tenebatur, in Romanos Pontifices convertit. Graves cum *Innocentii III.* successoribus *Honorio III.* & *Gregorio IX.* similitates aluit, & immanes concepit iras, præsertim adversus *Gregorium IX.* qui eum anathemate perculerat, quod Exercitum Christianum in Syriam ducens, turpem cum Sultano pactionem iniisset, indeque reversus in Occidentem, complures Ecclesiæ Romanæ terras, quâ proditionibus, quâ Marte aperto invasisset, totamque Italiam armis depopulatus esset, excitatâ in hoc ipsum Factione Gibellinorum, qui ei adhærebant, contra Guelphos, qui Romani Pontificis defensionem susceperant; ex qua Gibellinorum, & Guelphorum factione, in acerrima odia, mutuò exardescente, innumeræ clades, direptiones, captivitates, incendia, omnesque hostiles & barbaricæ immanitates totâ Italiâ impunè grassatæ sunt. Quin, eò usque processit *Friderici* Imperatoris in *Gregorium IX.* furor, ut non solum litteras adversus Sanctissimum illum Pontificem calumniis, probris, ac minis refertas scripserit, sed etiam, teste *Matthæo Parisio* in Historia Anglicana hos versiculos sparserit, & in cubiculum Pontificis immitti curaverit:

*Fata docent, stellæque monent, aviumque volatus*

*Totius Mundi melleus unus erit.*

*Roma diu titubans, variis erroribus acta,*

*Totius Mundi desinet esse caput.*

His Imperatoris versiculis Pontificem hocce Disticho respondisse scribit idem *Matthæus Parisius*:

*Fama refert, scriptura docet, peccata loquuntur*

*Quòd tua vita brevis, pœna perennis erit.*

Tot diris ac luctuosis malis , quibus id temporis premebatur Ecclesia , ut occurreret atque præsentissimum afferret remedium *Gregorius IX.* & nefarios furentis Imperatoris saltem ex parte reprimeret ausus , Generale Concilium anno MCCXL. Romæ indixit , quod tamen celebrare non potuit , quia Episcopi , qui ex Gallia , & Hispania cum aliquibus Cardinalibus Genuensium triremibus vecti ad illud accedebant , à *Friderici* Imperatoris classe Ditionis Pontificiæ terras infestante capti sunt , & ad Imperatorem perducti , cujus iussu fuerunt carceribus mancipati , ut constat ex litteris Præsulum , qui è clade evaserunt , ad *Gregorium IX.* & ex Epistolis consolatoriis ejusdem *Gregorii* Pontificis ad ipsos , quas in Annalibus Ecclesiasticis describit *Odoricus Raynaldus* . Eo , de tam gravi & infausito Episcoporum , Cardinaliumque casu , accepto nuncio , *Gregorius IX.* paulò post præ animi dolore excessit è vita , eique successit *Cælestinus IV.* qui post septemdecim dies ab electione sua è vivis itidem ereptus est . Tandem *Innocentius IV.* successor *Cælestini IV.* statim ac ad supremum evectus est Pontificatus culmen , de concordia Sacerdotium inter & Imperium ineunda seriò cogitavit , missis ad Imperatorem Legatis , qui postularent , ut Præsules , qui pugnâ navali capti , iniuste ab ipso detinebantur , libertati restituerentur , aliasque æquissimas ei proponerent pacis conditiones . *Fridericus* Imperator oblatas sibi à Legatis Summi Pontificis conditiones pacis se observaturum promisit per suos Oratores , quos ad Sedem Apostolicam de pace tractaturos misit . At superbum , infidum , versipellem , sibi non constantem Principem , promisso-



missorum, paſtorumque brevi pœnituit . Cùm igitur *Fridericus* , deſiſtã pœnitentiæ larvã , inſolentiùs ſe gereret , ac nulla ſupereſſet ſpes conciliandæ pacis , *Innocentius IV.* proſiſtitum & mentem *Gregorii IX.* ſecutus , Concilium Generale ad reprimendam *Friderici* temeritatem convocare decrevit . Sed quia difficile admodum erat illud Romæ celebrare , cùm tota Italia bellorum ac ſeditionum , motibus tum temporis jaſtaretur , Summus Pontifex ſtructas à *Friderico* inſidias fugiens , annuente Sanctiſſimo Rege *Ludovico IX.* in Gallias , tutiſſimum Romanorum Pontificum azylum , ſeſe recepit , ubi ad celebrandum Concilium , Lugdunum , urbem clariſſimam , delegit . Hæc igitur perſecutio , quã *Fridericus II.* Imperator diù vexavit Eccleſiam , potiſſima cauſa fuit convocandi iſtud Concilium Lugdunenſe primum .

D. Hæc mota in Eccleſiam à *Friderico II.* Imperatore perſecutio , fuitne ſola cauſa convocandi Concilium Generale Lugdunenſe primum ?

M. Præter hanc perſecutionem , quã *Fridericus* Imperator exagitavit Eccleſiam , quæque celebrando Concilio Generali Lugdunenſi primo occaſionem dedit , alias quatuor hujus Concilii convocandi cauſas recitat *Innocentius IV.* in Oratione , quam in ipſo Concilio habuit , & in litteris , quibus Episcopos ad illud Concilium evocavit . Una ex his cauſis fuit neceſſitas ferendi ſubſidium Orientalibus Chriſtianis adverſus Saracenos , qui captã Hieroſolymorum urbem , præſentem ruinam toti populo ſideli minabantur , nec non extremam Imperio Conſtantinopolitano cladem , cujus tunc Latini vix reliquias tuebantur ; conſpirantibus ad

versus ipsos Græcis, finitimisque barbaris, subla-  
 ta omni spe obtinendi subsidium, propter conti-  
 nua bella, quibus *Fridericus* Imperator Occiden-  
 tem distinebat, & omnia in Ecclesia suis deque,  
 miscebat. Alteram causam celebrandi Concilium  
 Generale Lugdunense I. præbuit funesta illa Tarta-  
 rorum irruptio, quæ iis temporibus Christianæ  
 Reipublicæ incubuit. Gens quippè Tartarorum,  
 armis furens, devastatâ primum, instar torrentis  
 rapidissimi, utrâque Armeniâ, deindè direptis  
 quæ inter Maria Caspium & Euxinum interjacent  
 Provinciis, Georgianorum, & Mengrelinorum, Mo-  
 coviam, Poloniam, Transylvaniam, & Hungariam  
 ædibus & incendiis populata est. Tertia causa  
 convocationis istius Concilii Generalis Lugdunen-  
 sis primi fuit Schisma Græcorum, quod in dies au-  
 gebatur. Quarta tandem causa fuit excessus Præ-  
 datorum ac Clericorum, qui mores non exigebant  
 ad Sacrorum Canonum regulas. Diutina siquidem  
 bella, & pullulantes ubique factiones in causa fue-  
 rant, cur collapsa esset Ecclesiastica Disciplina,  
 moresque Clericorum in graviora quotidie vitia  
 dilaberentur. Ad hanc igitur tollendam morum  
 perversitatem, & ut Ecclesia pristinum, qui jam  
 penè obsoleverat, dignitatis splendorem recupe-  
 raret, hoc Concilium Oecumenicum Lugdunense  
 primum convocavit *Innocentius IV.* Pontifex Ma-  
 ximus.

Fuitne diù prorogatum Concilium Generale  
 Lugdunense primum?

M. Brevi temporis spatio, & Actionibus,  
 seu Sessionibus tribus absolutum est hoc Concilium  
 Generale Lugdunense primum. Prima Actio, seu  
 Sessio

Sessio habita est quarto Kalendas Julii anni MCCXLV. Altera post elapsos dies octo, & tertia, eaque postrema, paulò post, hoc est, XVI. Kalend. Augusti celebrata fuit. His tribus Sessionibus finis impositus est Concilio Generali Lugdunenti primo.

D. Expone, quæso, uberius ea quæ acta sunt in tribus illis Sessionibus Concilii Generalis Lugdunensis primi.

M. In priore Sessione conquestus est *Innocentius IV.* de Prælatorum excessibus. Infelicem Christianorum tum in Oriente, tum in Septentrione, statum exposuit, multaque dixit de sæviante *Friderici* Imperatoris in Ecclesiam persecutione, quamvis *Thadæus* procurator *Friderici*, ut Summi Pontificis, & Ecclesiæ gratiam magnificis promissis Domino suo conciliaret, multa statim in ipso Concilii limine spopondisset, videlicet *Fridericum* ereptas Ecclesiæ Romanæ ditiones redditurum, & pro illatis damnis, irrogatisque injuriis, facturum satis, Græcorum Imperium ad obedientiam Ecclesiæ reduciurum, Tartaros, & Saracenos propriis sumptibus impugnaturum, & profligatas Terræ Sanctæ res pristino splendori restitutum. At, cum montes aureos *Fridericus* Imperator per suum Procuratorem *Thadaum* polliceretur, ut Ecclesiæ illuderet, ejusque judicium declinaret, tam splendidis promissis Imperatoris, qui totiès sefellerat, stare minimè voluit *Innocentius IV.*

In Actione secunda Summus Pontifex *Friderici* Imperatoris sacrilegia, tyrannidem, censurarum Ecclesiæ contemptum, initum cum Saracenis fœdus, & impudici cum Saracenis mulieribus amoris commercia, perjuria, aliaque scelera oculis



s Patrum subjecit, quæ omnia *Thadæus*, Procurator *Friderici*, utcumque diluere conatus est, sed cum objecta crimina infirma defensione repelleret, inducias petiit, ut Dominum suum de his, quæ in Concilio gerebantur, certiorem faceret. Regis christianissimi, & Regis Anglorum Oratoribus preces *Thadæi* commendatione suâ sustentantibus, concessæ ei sunt duarum Hebdomadarum induciæ. Sed monitus *Fridericus* Imperator, & in furorem, & Pontificem & Patres Concilii diris devovit, dicesque recusavit. Quo responso ad Concilium perlato, multi, qui à *Friderico* stabant, ab ejus artibus recesserunt, & Patres Concilii, præsertim Hispaniæ Episcopi, contenderunt in *Fridericum*, operatorem animadvertendum esse secundum formam juris.

In tertia & ultima Sessione *Innocentius IV.* sententiam in *Fridericum* Imperatorem, sacro præsentem Concilio, tulit, quâ illum damnavit, è Fidelium communione dejecit, & Imperii dignitate atque ciliæ Regno privavit. In ea autem *Innocentii IV.* adversus *Fridericum* sententia singillatim recensentur scelera & sacrilegia, quorum impius ille Imperator fuit infirmatus; nempe declaratur reus violationis pacis inter Ecclesiam & Imperium initæ; Sacrilegii in captione & violenta detentione Cardinalium, & aliorum Antistitum, qui ad Concilium *Gregorio IX.* Romæ indictum proficiscebantur; Pontificiæ Authoritatis famosis in *Gregorium IX.* hostilibus læsæ; invasionis patrimonii Sancti Petri; contemptus censurarum, quibus à *Gregorio IX.* fuerat innodatus; Ecclesiæ in sacris præsertim electionibus oppressæ; tyrannidis in Clericos, quos duel-

la

la subire coegerat; denique frustratæ Ecclesiæ Romanæ censu debito pro Regno Siciliæ, quod ab Ecclesia Romana Beneficiario jure tenebat. Has ob causas *Innocentius IV.* Pontifex Maximus, sententiam in *Fridericum* Imperatorem tulit.

D. Quo animi sensu hanc in se latam sententiam excepit *Fridericus* Imperator?

M. Furibundo animo hanc in se latam sententiam excepit *Fridericus* Imperator, quippè qui statim ac de ea certior factus est, coronam capiti imposuit, & Pontifici insultans: *Non adhuc, inquit, coronam meam perdidisti, vel Papali impugnatione, vel Synodali Concilio, nec sine cruento perdam certamine.* His dictis, arma corripuit, gravissima damna Pontifici & Ecclesiæ intulit, Principes contra Romanum Pontificem commovere conatus est, datis ac eos Encyclicis litteris, & quamvis Germaniæ Principes, post ejus exauctorationem, novum Imperatorem *Henricum Lantgravium* de mandato Romani Pontificis elegerint, sese tamen, quamdiù vixit Imperatorem gessit, hincque factum est, ut Principes ac populi in diversas factiones abierint, e quibus innumeræ clades & calamitates in Rempublicam Christianam redundarint usque ad mortem perduellis illius Imperatoris, qui tandem à *Lorgobardis*, qui in ipsum rebellarant, prælio victus profugus in Siciliam secessit, & anno mccc. in Arcu quadam Apuliæ obiit, morte ipsi illatâ à *Manfredo* proprio suo, sed illegitimo filio, quem, pulvina ori ægrotantis *Friderici* imposito, suis manibus ipsum suffocasse, asserunt *Ptolomeus Lucensis*, *Martinus Polonus*, *Villanius*, *S. Antoninus*, & *Cussianus*.

D. Ec

**D.** Ediditne Concilium Generale Lugdunense primum aliquot Canones ad sanciendam Ecclesiæ disciplinam?

**M.** Septemdecim Canones, seu Decreta, condidit Concilium Generale Lugdunense I. quorum duodecim priora consulunt formæ Judiciorum Ecclesiasticorum. In aliis verò sequentibus agitur de cohibenda usura, de subsidio ferendo periclitanti Latinorum Imperio Constantinopolitano, de impediendis Tartarorum excursionibus, de Cruciatibus, hoc est, de iis, qui acceptâ cruce profecticiem in Palæstinam voverant, quos censuris Ecclesiasticis, ipsâ etiam excommunicatione, cogi debere statuit sancta Synodus, ut votum suum in Terræ Sanctæ subsidium fidelitèr exequantur. Multa Decreta ex his septemdecim, quæ à Concilio Lugdunensi primo condita sunt, *Bonifacius* Papa VIII. inseruit in libro sexto Decretalium, eaque iuxta Ordinem, quem eadem in libro sexto Decretalium sub diversis titulis habent, refert *Joannes Tabassutius* Cong. Oratorii Presbyter in *Notitia Ecclesiastica*, ad Sæculum Ecclesiæ decimum tertium, pag. 451. & seqq. ubi etiam nonnullas omissiones supplet, quæ *Binii*, Conciliorum Collectores, diligentiam effugerunt. Testatur *Matthæus Parisius*, quòd cum hæc Decreta, seu *Statuta* ad notitiam audientium pervenissent, in conspectu omnium sapientium placuerunt, & in hoc tam favorem, quam gratiam Dominus Papa promeruit universorum. Vemuntamen quædam eorum ante Concilium, quædam durante Concilio, quædam verò post Concilium sunt statuta. Denique, in Concilio Generali Lugdunensi primo Octava Nativitati Beatæ Mariæ Vir-



ginis decreta est, ad implendum votum à Cardinalibus emissum eo tempore, quo, post *Cælestini IV.* Romani Pontificis obitum, vacabat Sedes, & plus nimio retardabatur futuri successoris electio, eò quòd aliquot Cardinales à *Friderico II.* Imperatore capti, in carcere Amalphitano iniuste detinerentur, sicut observavimus in Colloquio secundo.

D. Duo Concilia Oecumenica Lugduni in Galliis Sæculo Ecclesiæ decimo tertio celebrata memorasti, & de primo, quod habitum est anno MCCXLV. satis hætenus disseruisti; nunc itaque continenti ordine Concilii Generalis Lugdunensis secundi convocationis Epocham, causam, Præsidem, numerum Patrum, Acta, & Canones breviter perferere debes.

M. Concilium Generale Lugdunense II. quod est inter Oecumenica XIV. convocatum fuit à *Gregorio X.* Pontifice Maximo anno MCCLXXII. quod tamen post biennium, hoc est, anno MCCLXXIV. celebratum est Lugduni in Galliis in Basilica Principe S. *Joannis* die VII. mensis Maii ejusdem anni. Ei præfuit *Gregorius X.* Quod enim duo Summi Pontifices *Sixtus IV.* & *Sixtus V.* ajunt, S. *Bonaventuram* Episcopum & Cardinalem, huic Concilio Generali Lugdunensi secundo præsedisse, sic intelligi debet, ut in vita S. *Bonaventuræ* observat *Galesinus*, quòd ei Summus Pontifex curam dirigend *Concilii* commiserit, providendi nimirum quæ in eo essent proponenda. Nemo quippè dicet unquam, *Bonaventuram*, præsentem Romano Pontifici, loco, & ordine primas in Concilio tenere potuisse. Præter Patriarchas Orientis Latinos Constantinopolitanum, & Antiochenum, adfuere hui

Concilio quingenti Episcopi, septuaginta Abbates, Prælati inferiores mille, sicut testatur noster *Ptolomæus Lucensis* Scriptor Coævus lib. xxiii. *Historiæ Ecclesiasticæ* Cap. iii. Ad illud etiam accesserunt Oratores Regum Galliæ, Germaniæ, Angliæ, Siciliæ, & Tartariæ. Ineunti Concilio interfuit *Jacobus* Rex Aragoniæ, sed post secundam Sessionem discessit. Falluntur autem nonnulli Scriptores, quos inter censentur *Blondus*, *Trithemius*, *Platina*, *Vossius*, & alii, qui asserunt, *Michaëlem Palæologum*, Græcorum Imperatorem, ad Concilium Lugdunense II. venisse. Certissimè siquidem constat, *Michaëlem Palæologum* misisse dumtaxat ad Concilium Lugdunense II. suos Oratores, qui totum conciliationis Ecclesiæ Græcæ cum Latina negotium, peragerent, & initam pacem ejus nomine jurarent. Quod, ut clariùs intelligas, observare debes, quòd *Michaël Palæologus*, postquam, devictis in Oriente Latinis, Urbem Constantinopolitanā an. mccc. lxi. recepisset, & Imperium Constantinopolitanum, ad Græcos revocasset, ingruentem sibi cum exercitu *Carolus*, Siciliæ Regem, valdè pertimescens, Romanum Pontificem in suas partes trahere studuit, adeoque utriusque Ecclesiæ Græcæ & Latinæ unionis negotium sæpius propositum sine mora promovere decrevit. Quocircà, cùm *Gregorius* X. Generale Concilium *Lugdunense* II. convocaret, Oratores suos illuc destinavit, quorum præcipui erant *Germanus* quondam Patriarcha, *Theobanes* Nicænus, *Joannes*, frater Imperatoris *Michaëlis Palæologi* & *Georgius Acropolita*, quibus utriusque Ecclesiæ Græcæ & Latinæ fœdus sancienti curam commisit, sicut testatur *Nicephorus Gre-*

goras lib. v. *Historiæ* his verbis: Proinde, inquit, tot difficultatibus circumventus Imperator (Michael Palæologus) penè ad desperationem compulsus, Legatos ad Papam mittit de ineunda Veteris & Novæ Romæ Ecclesiarum concordia, modò Caroli expeditionem averteret. Ea legatio à Pontifice benignè audita est. Ea se facile, quæ Imperator petivisset, confecturum esse pollicetur &c. Porro, si huic Concilio Lugdunensi II. adfuisset Michael Palæologus Græcorum Imperator, quorsùm igitur ille Imperator Legatos ad hoc Concilium misisset, qui ejus nomine pacem Ecclesiæ Græcæ cum Latina jurarent? quorsùm etiam Litteræ ejusdem Imperatoris, à suis Legati delatæ, lectæ fuissent in hoc Concilio? Quorsùm denique Gregorius XI. post istud Concilium Lugdunense ad Michaëlem Palæologum litteras scripsisset quò eum certiore faceret de his omnibus, quæ in sacro illo cætu gesta fuerant, & potissimum celsæ illa & incredibili lætitia, quæ omnes Prælati hujusce Concilii, ob initam Ecclesiæ Græcæ cum Latina concordiam, perfusi sunt. Hæc, ni mea fallat mens, apertè probant, Michaëlem Palæologum Græcorum Imperatorem non adfuisse Concilio Generali Lugdunensi II. Præter Patriarcha Episcopos, & Abbates, vocavit ad istud Concilium Gregorius X. Viros duos doctrinâ & sanctitate celeberrimos, omnique exceptione majore Thomam Aquinatem, & Bonaventuram, quorum Prior, scilicet S. Thomas, Doctor Angelicus, cùm Concilium pergeret, in Monasterio Fossæ Novæ thali ægritudine correptus, ad vitam migravit immortalem, magnumque sui reliquit desiderium. Sanctus vero Bonaventura, Doctor Seraphicus,



pso Lugdunensi Concilio Cardinalis , & Episcopus Albanensis creatus est , cujus mors , quæ ante finem Concilii contigit , omnes Patres gravi mœrore affecit .

Præcipua causa convocandi istud Concilium Lugdunense II. fuit Ecclesiæ Græcæ cum Latina conjunctio, & Catholicorum Dogmatum adversus Græcorum Schismaticorum errores confirmatio . Ad istud siquidem maximi momenti conficiendum negotium suos legatos *Michaël Palæologus* , Græcorum Imperator , miserat ad Concilium , in quo tamen nullæ de Processione Spiritus Sancti, aut de aliis Græcos inter & Latinos controversis capitibus disputationes habitæ sunt, eò quòd de jis jamatis superque tractatum esset Constantinopoli à quatuor Fratribus Minoribus , quos *Gregorius X.* ante Concilium miserat ad *Michaëlem Palæologum* , cum Formula Fidei, quam ipse cum suo Patriarcha Constantinopolitano , & Episcopis , Cleroque Ecclesiæ Græcæ profiteri deberet . Post Legatorum *Michaëlis Palæologi* Græcorum Imperatoris adventum , Summus Pontifex Missam solemnem celebravit , in qua Symbolum Græcè & Latinè decantatum est , illaque verba : *Qui à Patre Filioque processit* , ter à Græcis repetita sunt . Imperatoris *Michaëlis Palæologi* litteræ , quæ lectæ sunt in quarta sessione hujus Concilii, amplam Fidei professionem, juxta Formulam Fidei ab Apostolica Sede ipsi præscriptam , atque inter alia , Processionem Spiritus Sancti ex Patre Filioque , Purgatorii pœnas , & Romani Pontificis Primumatum continebant , in fine autem postulabat *Michaël Palæologus* Imperator , ut Symbolum à Græcis , adjectâ voce , *Filioque* , in-

mutari non juberetur: *Ut Ecclesia nostra dicat Sym-  
bolum*, inquit, *prout dicebat ante Schisma*, usque in  
hodiernum diem. Huic exoptatissimæ concordix  
Græcos inter & Latinos in Concilio Generali Lug-  
dunensi II. initæ *Josephus* Patriarcha Constantino-  
polititanus, qui Latinis erat infensus, & eâ de causa  
ab Imperatore *Michaële Palæologo* Constantinopoli  
detentus & ad Concilium venire prohibitus fuerat,  
assensum præbere pertinaciter detrectavit, unde  
in ordinem redactus est ab eodem Imperatore, &  
in ejus locum *Joannes Beccus*, seu *Veccus*, vir sum-  
mâ pollens integritate & eruditione subrogatus  
est, qui, ut jam diximus in Colloquio II. agende  
de Patriarchis Constantinopolitanis, coegit fre-  
quentem Episcoporum Synodum, in qua confirma-  
vit omnia, quæ gesta ac definita fuerant in Conci-  
lio Generali Lugdunensi II. Complures verò Græ-  
corum reconciliationem cum Latinis obstinatiù  
detestati, carceribus, plagis & exiliis, ac tandem  
in Synodo altera communionis privatione multati  
sunt. Irridendi itaque potiùs, quàm confutandi  
sunt Græculi quidam, quos fingere non puduit  
Concilium Lugdunense sub *Michaële Palæologo* Im-  
peratore celebratum in partes Græcorum abiisse  
& dogmata Latinorum condemnasse. Quam f-  
bulam ab ipsis malè confarcinatam refert, eâden  
que operâ refellit *Joannes Plusiadenus*, Dialogo  
*Synodo Florentina*, apud *Leonem Allatium* libro I  
cundo de perpetuo consensu utriusque Ecclesiæ cap. x

Præter hanc coniunctionem Ecclesiæ Græcæ  
cum Latina, duæ aliæ fuerunt convocandi Conc-  
ilium Generale Lugdunense II. causæ, videlicet su-  
sidium Terræ Sanctæ, & Ecclesiasticæ Disciplina-

morumque tum Cleri, tum plebis Christianæ reformatio. Infra tres menses Concilium istud sex Sessionibus absolutum est. Pontifex, Cardinales, & Episcopi polliciti sunt, se daturos decimas omnium proventuum Ecclesiasticorum pro belli Hierosolymitani subsidio, & ad Disciplinæ Ecclesiasticæ, morumque reformationem Canones, seu Constitutiones xxxi. ediderunt, quas deinde *Bonifacius* Papa *VIII.* in libro sexto Decretalium collegit. Inter illas xxxi. Constitutiones, quæ à *Gregorio X.* sacro approbante Concilio Generali Lugdunensi II. conditæ sunt, tres, quas hic breviter expendemus, sunt magni momenti. In prima Constitutione definitur, Spiritum Sanctum à Patre & Filio procedere, tanquam ex uno, non autem tanquam ex duobus Principiis. Quæ de re legesis doctissimam Dissertationem Critico-Historicam *De Processione Spiritus Sancti*, quæ prima est inter Dissertationes Damascenicæ, quas eruditus noster *Michaël Lequien* præfixit castigatissimæ, quam nuper adornavit, Editioni Operum *S. Damasceni*. In secunda Constitutione, seu Canone secundo præscribitur modus, quo Cardinales, defuncto Summo Pontifice, sese in Conclavi gerere, & Pontificis electionem accelerare debent, ita ut si infra tres dies Pontifex electus non fuerit, unum dumtaxat ferculum tam in prandio, quàm in cæna, quinque diebus sequentibus illis ministretur. Quibus elapsis, nihil ipsis obsonii, præter panem, vinum & aquam porrigatur, donec electio consummetur. Adhæc, Cardinales vehementer obsecrat & obtestatur *Gregorius X.* ut omni privato affectu, partiumque studiis depositis, & cujuslibet factionis,



conventionis, & obligationis vinculo soluti, publicam dumtaxat Ecclesiæ utilitatem in Summi Pontificis electione præ oculis habeant, & pro viri procurare studeant. Ea de Electione Romani Pontificis Constitutio revocata quidem fuit à Summis Pontificibus *Hadriano V.* & *Joanne dicto XXI.* sed postea renovata est à *Cælestino V.* & à *Bonifacio VIII.* relata in sextum Decretalium librum titulo *De electione & electi potestate* cap. *Ubi*. In duodecima Constitutione, seu Canone XII. damnantur excommunicatione ipso facto incurrendâ hi, qui *Regalia* de novo usurpare conantur, & omnes, qui hæc fieri procurant. Nomine autem *Regalium* intelligitur quoddam Jus, quod aliqui Reges sibi vendicant fruendi redditibus Ecclesiæ vacantis, & conferendi Beneficia curam animarum non habentia, quæ ab Episcopo conferri solent, donec novus Episcopus Juramentum fidelitatis Regi præstiterit, Invenituram bonorum Ecclesiasticorum ab eo acceperit, ac Regias litteras, Sacramenti sui testes, impetraverit, quibus manum Regiam temporalibus bonis injectam auferri jubeat. Cum autem hæc *Regalia* cederent in damnum Ecclesiarum, novamque illis imponerent servitutem, Concilium Lugdunense II. sub pœna excommunicationis ipso facto incurrendæ prohibuit, ne quis deinceps *Regalia* usurpare conaretur, ut legitur in isto Canone XII. his verbis concepto: *Generali Constitutione sancimus, universos & singulos, qui Regalia, custodiam, sive guardiam advocacy, vel defensionis titulum in Ecclesiis & Monasteriis, sive quibuslibet aliis piis locis de novo usurpare conantes, bona Ecclesiarum, Monasteriorum, aut locorum ipsorum vacan-*

um occupare præsumunt , quantacumque dignitatis onore præfulgeant, Clericos etiam Ecclesiarum, Monachos Monasteriorum, & personas cæteras locorum eorundem , qui hæc fieri procurant, eo ipso excommunicationis sententiæ subdicere . Clericos , qui Regalia de novo usurpantibus sese non opposuerint, privatim Canon proventibus earum Ecclesiarum aut locorum , in quibus Regalia de novo usurpantur : hos verò Clericos , qui se , ut debent , talia facientibus non opponunt de proventibus Ecclesiarum, seu locorum ipsorum, pro tēpore, quo præmissa sine debita contradictione permiserint , aliquid percipere districtius prohibemus . Jubet tandem idem Canon, ut hi, qui in ipsarum Ecclesiarum , cæterorumque locorum functione , vel ex antiqua consuetudine, jura sibi hujusmodi vindicant , ab illorum abusu sic prudenter abstineant , & suos Ministros in eis sollicitè faciant abstinere , quòd ea , quæ non pertinent ad fructus sive redditus provenientes vacationis tempore , non usurpent , nec bona cætera , quorum se asserunt habere custodiam, alibi permittant , sed in bono statu conservent. Ex hoc Canone colligitur, quòd licèt Concilium Lugdunense II. Regaliam, quam vocant, non damnaverit , quoad illa loca, in quibus constabat, eam non fuisse contra jus usurpatam, sed antiquo usu firmam & receptam esse; reprobavit tamen nonnullos abusos , qui in eam irreperant, & districtè prohibuit , ne quis deinceps Regaliam de novo usurpare præsumeret , aut eam extenderet ad Ecclesias, Monasteria , & in loca , in quibus ante istius Decretum Synodi hæc consuetudo non erat recepta .

D. Mittamus, si placet, istud Regaliæ negotium , & post eam , quam jam prælibavimus , notitiam

titiam Conciliorum Generalium , quæ sæculo Ecclesiæ decimo tertio fuerunt celebrata , veniamus ad Concilia Nationalia , & ab his incipiamus , quæ eodem sæculo ad exterminandam Albigenſium hæreſim habita eſſe , memini te obſervare in ſuperiori ſæculo , ſeu Eccleſiæ duodecimo , ubi Hiftoriam Hæreſis Albigenſium deſcripſiſti .

M. Cùm peſtilentiſſima Albigenſium hereſis naſta ſæculo Eccleſiæ decimo tertio *Raymundi* Comit<sup>is</sup> Tolofani patrocini<sup>um</sup> , impunè graſſaretur & innumeras Eccleſiæ clades inferret, ad eam proſtigandam indictum eſt Sacrum Bellum , de quo in præcedenti Colloquio ſat egimus, & complura habita ſunt Concilia , quæ hic breviter indicabo . I primis , anno MCCVIII. injuſtè & per ſummam immanitatem occiſo ad Rhodanum in Galliis uno e tribus Legatis à Sede Apoſtolica miſſis, *Petro* videlicet de *Caſtro novo* , juſſu *Raymundi* Comit<sup>is</sup> Tolofani , eo ſolo nomine , quòd Sanctiſſimus ille v conſtanti & impavido animo ei improperaret protectionem , quâ Hæreticos Albigenſes , quorum fautor ac deſenſor erat , dignabatur , ſicut ſcribit *Petrus de Valle Cernaii* cap. ix. *Hiſtoriæ Albigenſium* ad hanc dijudicandam *Raymundi* Comit<sup>is</sup> Tolofani cauſam indictum eſt à *Milone* , Sedis Apoſtolice Legato , Concilium *Montenſe* anno MCCIX. in quo *Milo* ſecutus conſilia Epiſcoporum , *Raymundi* Comiti Tolofano , qui ſimulatâ pœnitentiâ , Oratores ad *Innocentium III.* miſerat , ut ipſius nomiſummam in omnibus Pontifici promitterent obedientiam , diem dixit , & ut apud Valentiam eam Partibus ſeſe liſteret , juſſit . Comparuit ſt die *Raymundus* Comes Tolofanus , cùmque ingreſſus



em sacri belli formidaret apparatus, promisit se in omnibus voluntati *Milonis* Sedis Apostolicæ Legati obtemperaturum. Quin, in pignus obstrictæ ideî septem Provinciæ Castra tradidit, consensitque, ut nisi promissa juramento firmata executio- ni mandaret, septem Castra in commissum Eccle- siæ Romanæ caderent; Megloriensis Comitatus ad eandem itidem reverteretur: ipse verò Excom- municationi, totaque ejus Ditio Ecclesiastico In- terdicto subjaceret. Istud Juramentum, quo *Ray- mundus* Comes Tolosanus omnes imperatas sibi à *Milone* Summi Pontificis Legato condiciones adim- pleturum se spondit, extat Manuscriptum in Archivis Urbis Carcassonæ in Galliis, & integrum refertur à Domino *de Catel* cap. vi. libri secundi *Historiæ Comitum Tolosanorum* pag. 245. Facto illo juramento, *Raymundus* Comes Tolosanus venit cum *Milone* Legato ad Villam S. *Ægidii*, quæ est in Diœ- cesi Nemausensi, ubi nudus ante fores Ecclesiæ ste- tit, moxque Legatus Summi Pontificis, stolâ in- ejus collum injectâ, ipsum verberibus castigatum à censuris absolvit, & in Ecclesiam introduxit, ut videre est apud *Petrum de Valle Cernaii* cap. xi. & xii. *Historiæ Albigensum*, & apud clarissimum *Catellum* libro secundo *Historiæ Comitum Tolosanorum*. Ecclesiæ reconciliatus *Raymundus*, Comes Tolosanus, promif- sis non stetit, & eam ob rem in Concilio quod Ave- nione à *Milone* Sedis Apostolicæ Lagato an. mccc. convocatum est, comminatoria excommunicatio adversus eum lata est, si abjurata pedagia usurpa- ret, Tolosanis etiam civibus omni Sacrorum usu interdictum, quòd promissa Legatis & Crucesi- gnatis de Hæreticorum è Tolosa expulsionem nec- dum

dum adimplere curassent, sicut refert *Petrus de Valle Cernaii* cap. xxxi. *Historiæ Albigensum*. Tentavit tamen *Raymundus* sese purgare de crimine hæreseos, & de nece sancto viro *Petro de Castro novo*, Sedis Apostolicæ Legato, illata. At Episcopi in Concilio eâ de re in Villa Sancti *Ægidii* eodem anno, seu mccc. congregati decreverunt, purgationem *Raymundi* Comitis Tolosani non esse admit- tendam, quod juramenta de mandatis Sedis Apo- stolicæ implendis solemni ritu præstita palàm vio- lasset, undè in eum, omnesque illius fautores & adjuutores promulgata est excommunicationis sen- tentia. Interim, Comes *Simon Monfortius*, Cruce- signati Dux exercitus, multas urbes Castraque *Ray- mundo* Tolosano Comiti armis eripuit, nec non Fuxensi Comiti, aliisque ad hæreticorum defen- sionem conjuratis. Ut autem tota illa Ditio, quam armis subegerat *Simon Monfortius*, bonis moribus ac legibus temperari, & penitus Hæresis extermi- nari posset, necessarium esse judicarunt Episcopi celebrare Concilium in Castro Appamiarum, in quo sapientissimas leges condiderunt, quæ ipsorum, & Comitis *Simonis Monfortii* sigillo munitæ sunt, earumque observantiam viri nobiles, & omnes milites juraverunt. Ægrè amodum tulit *Raymun- dus* Comes Tolosanus, quod suis Ditionibus à *Si- mone Monfortio* Comite exueretur, & de iniuria sibi illata conquestus est cum *Petro* Aragonum Re- ge, qui ejus sortem dolens rogavit Episcopos, quos *Arnaldus*, Archiepiscopus Narbonensis & Sedi- Apostolicæ Legatus, in Concilio anno mccciii. in Castro *Vauri* pro negotio Albigensum adunave- rat, ut *Raymundo* Tolosano Comiti satisfactionem offe-

fferenti , & obedientiam Ecclesiæ spondenti , aut  
 altem ejus filio , Terras à *Simone Monfortio* Comi-  
 e ereptas restitui imperarent , eamdemque gra-  
 iam concederent Comitibus Convenarum , & Fu-  
 enti , & Gastoni Bearnensi , sub conditione satis-  
 factionis ab eis ad Ecclesiæ arbitrium exhibendæ .  
 Regis Aragonum preces repulit Synodus , quòd  
*Raymundus* Tolosanus Comes, nec non Fuxensis, &  
 Convenarum Comites , & *Gasto* Bearnensis essent  
 Hæreticis confæderati , ipsorum fautores manife-  
 sti , & ob hoc , aliaque crimina excommunicatione  
 percussi . Hoc Episcoporum Responso ad iram con-  
 citatus *Petrus* Aragonum Rex, suppetias tulit *Ray-*  
*nundo* Comiti Tolosano , & aliis Comitibus Hæ-  
 reticorum insanis fautoribus , ductoque centum,  
 millium armatorum exercitu *Murellum* seu *Mure-*  
*um* obsedit . At Comes *Simon Monfortius* prælium  
 intrepidus commisit , & Cælo pro Crucesignato-  
 rum exercitu pugnante , insignem , de qua in su-  
 periori Colloquio diximus , victoriam reportavit ,  
 in cujus victoriæ præmium *Petrus Beneventanus* ,  
 sedis Apostolicæ Legatus , Archiepiscopi , Episco-  
 pi , Abbates , alique viri Ecclesiastici in Concilio  
 Montispefulano anno MCCXIV. celebrato *Simonem*  
*Comitem Monfortium*, Hæreticorum debellatorem,  
 & Fidei Catholicæ invictum propugnatorem , con-  
 sentientibus consiliis & suffragiis elegerunt Prin-  
 cipem Tolosæ , & omnium terrarum quas iusto  
 bello Crucesignatorum exercitus *Raymundo* Comi-  
 ti Tolosano eripuerat . Hanc electionem approba-  
 vit *Innocentius III.* & Concilium Generale Latera-  
 nense IV. sub eodem Pontifice anno MCCXV. habi-  
 tum , decrevit ut Ditiq *Raymundi* Comitris Tolo-  
 sani



fani, quæ Crucesignatorum armis parta fuerat, & quam *Innocentius III.* Comiti *Simoni Monfortio* custodiendam commendaverat, in plena ejusdem Comitis *Simonis Monfortii* potestate ac possessione in posterum permaneret. Voluit tamen *Innocentius III.* ut Terræ, quas *Raymundus* Comes in Provincia habuerat, custodirentur, donec de illis provisio fieret vel in parte, vel in toto, filio dicti Comitis, *Raymundo juniore*, si tamen patris non imitaretur exemplum, sed certæ fidelitatis, & bonæ conversationis indiciis se misericordia dignum proderet. Denique, ad extirpandas Albigenensium hæresis reliquias, *Romanus*, S. Angeli Diaconus Cardinalis & Sedis Apostolicæ Legatus, Concilium Tolosæ anno MCCXXIX. indixit, in quo pro hæresi profliganda & pace firmius stabilienda Canones XLV. editi sunt, cum *Raymundus* junior Comes Tolosanum anno præcedente Ecclesiæ fuisset reconciliatus, & acceptis pacis conditionibus, quas ipsi Sanctus *Ludovicus* Galliarum Rex obtulit, jurejurando pollicitus esset, se pro suis viribus in hæreticos quoscunque inquisitum, pœnisque statutis animaverfurum, filiam verò suam *Alphonso* Pictorum Comiti, & S. Ludovici Galliarum Regis fratri, cur Tolosani Comitatus dote in matrimonium collocasset, sicut jam observavimus in superiori Colloquio.

D. Ut omnia Concilia Nationalia, quæ sæculi Ecclesiæ decimo tertio ad sancendam Ecclesiæ Disciplinam variis in locis habita fuerunt, perspicue & ad meam juvandam memoriam perquam apposito ordine perconsere possis, ea juxta seriem Chronologicam disponere debes, incipiendo ab h

Conciliis Nationalibus, quæ Ecclesia Gallicana celebravit.

M. Benè multa Concilia Nationalia ad reaurandam collapsam Ecclesiæ Disciplinam Sæculodecimo tertio habita sunt in Galliis, quæ hîc juxta Ordinem Chronologicum disposita breviter dicabo. Primum Concilium Nationale ad sanandam Disciplinam Avenione anno MCCIX. *Hugo* Aegienſis Episcopus, & *Theodisius*, Sedis Apostolicæ Legati, indixerunt, in quo pro Clericorum, & Sæcularium correctione morum, qui, ob grassantem illis partibus Albigenſium hæreſim, corrupti erant, conditi sunt Canones XXI. qui extant Part. I. Tom. XI. Concil. pag. 41. *Robertus de Corceone*, R. E. Cardinalis & Sedis Apostolicæ in Galliis Legatus, Concilium anno MCCXII. Parisiis convocavit, in quo plurima ad restituendam Ecclesiæ Disciplinam constituta sunt. Extant illius Concilii Canones in quatuor partes divisi. Prima pars, quæ spectat Clericos sæculares, complectitur Canones XX. Altera pars, quæ ad viros Regulares attinet, viginti septem habet Canones. Tertia pars, quæ est pro Monialibus, continet Canones XXI. Quarta pars, quæ pertinet ad Archiepiscopum & Episcopos, exhibet Canones XXI. qui omnes Canones habentur Part. I. Tom. XI. Concil. pag. 55. *Petrus Beneventanus* Sedis Apostolicæ Legatus anno MCCXIV. Concilium Monſpelienſe congregavit, in quo, ut mox diximus, *Raymundi* Comitis Proſperi Ditio *Simoni Monfortio* Comiti adjudicatus est, & sancita Ecclesiæ Disciplina XLVI. Canonibus, qui inserti sunt Tomo XI. Concil. Part. I. pag. 103. Sub *Ludovico VIII.* Galliarum Rege *Petrus*

trus, Narbonensis Archiepiscopus, Provinciæ suæ Concilium anno MCCXXVII. convocavit, in quo decem Canones de excommunicatis, perjuris, Judæis coercendis, condendis testamentis &c. sanciti sunt, & extant Part. 1. Tomi XI. Concil. pag. 304. Biennio post celebrationem istius Concilii Narbonensis, seu anno MCCXXIX. Romanus Sedis Apostolicæ Legatus Concilium Tolosæ mense Novembri indixit, in quo actum est de inquirendis & extirpandis Hæreticis, de libris Sacræ Scripturæ à Laicis non retinendis, de libertatibus Ecclesiarum, deque aliis Ecclesiasticæ Disciplinæ Capitibus. Extant Canones XLV. in hoc Concilio Tolosano conditi Part. Tomi XI. Conciliorum pag. 427. Paulò post, Archiepiscopus Turonensis Concilium Provinciæ suæ anno MCCXXXI. apud Castrum Gonterii coegit, in quo Canones triginta septem de Disciplina edicti sunt, de dirimendis clandestinis matrimoniis, de cassis matrimonialibus, de modo instituendi Rectores & Classiarum, de Residentia Rectorum, seu Curatorum de Procurationibus, de pœnis infligendis Clericis, sunt libidinosi & scortatores, de Monachis, qui Regularis observantia disciplinæ, silentium, abditio peculii, & abstinencia à carnibus imperantur; puniendis usurariis, de Judæis arcendis ab Officiis publicis & à testimoniis contra Christianos ferendis, de aliis id genus Capitibus, quæ Disciplinam Ecclesiasticam spectant. Hos triginta septem Canones Concilii Gonteriensis Conciliorum Collectores inseruerunt Tomo XI. Conciliorum Part. pag. 439. Walternus, Episcopus Tornacensis & Sedis Apostolicæ Legatus, anno MCCXXXIII. Biterris Concilium habuit, in quo viginti sex Decreta con-



tura sunt de extirpandis Hæreticis Albigenſibus, & eorum fautoribus ſingulis diebus Dominicis excommunicandis. De ſcientia, moribus, examine, & titulo patrimonii eorum, qui ad ſacros Ordines ſunt promovendi. De Conſtitutionibus Lateranenſis Concilii Oecumenici circa vitam & honeſtatem Clericorum diligenter obſervandis, de patronis Eccleſiarum, & de Regulari Diſciplina Monachorum, quibus in virtute obedientiæ, & ſub obteſtatione divini Judicii præcipitur Canone xiv. ne quidquam proprium poſſideant, quia, ſunt verba Canonis, abdicatio proprietatis, ſicut cuſtodia caſtitatis, aded eſt annexa Regulæ Monachali, ut contra eam nec Summus Pontifex poſſit licentiam indulgere. Extant viginti ſex illi Canones Concilii Biterrenſis Tomo xi. Concil. Part. i. pag. 452. Elapſo anno à celebratione Concilii Biterrenſis, Joannes Arelatenſis Archiepiſcopus Concilium Provinciale anno mcccxxxiv. in ſua Metro- poli convocavit, in quo conſecti ſunt Canones xxiv. de executione Statutorum Concilii Lateranenſis IV. De Episcopis, qui in ſuis Diœceſibus Verbum Dei per ſe, vel per alias frequenter prædicare debent. De jura- mento, quod Saculares Poſteſtates, Magiſtratus, & Domini præſtare debent de exterminandis Hæreticis, qui, eorumque fautores, diebus Dominicis & feſtivis excommunicati denunciandi ſunt, & bonorum con- ſcatione, carcere, aliisque pœnis ſecundum Canones & Leges Principum plectendi &c. Referuntur iſti Canones viginti quatuor Concilii Arelatenſis Tomo xi. Concil. Part. ii. in Appendice pag. 2340. In Concilio Narbonenſi, quod anno mcccxxxv. ha- bitum eſt, Petrus Amelius Narbonenſis, Joannes Arelatenſis, Raymundus Aquenſis, Archiepiſcopi,

cæterique Præfules , piissima consilia , jubente Romano Pontifice , dederunt Fratribus Prædicatoribus , qui his in Provinciis Sacræ Inquisitionis Officium Auctoritate Apostolica contra Hæreticos Albigenfes exercebant , ut videlicèt saluberrimis illis consiliis instruerentur de muneris istius rectè obeundi ratione , seu quo pacto contra Hæreticos sese gerere deberent . Capitula xxix. quæ hunc in finem in eo Concilio Narbonensi statuta sunt , habentur Tomo xi. Concil. Part.i. pag.487. In Concilio Turonensi I. quod *Jubellus* hujus urbis Archiepiscopus anno mcccxxvi. celebravit, quatuordecim conditi sunt Canones, quorum primus Crucesignatos occasione alicujus delicti à Judice sæculari detentos , ab Ecclesiastico judice repeti jubet. adhibito etiam , si necesse sit , censurarum terrore. Canones ii. iii. & iv. Advocatos recipi vetant , nisi solido triennio Juri studuerint: Officiales nisi quinquennio : Notarios , nisi stylum Curiae & Statuta noverint . Canone viii. Infames declarantur , & flagellis digni , qui binas nuptias vel Sponsalia eodem tempore contrahunt , eademque pœna in forilegos decernitur Canone ix. & in falsos testes Canone xii. Præterea , Episcopis Canone xiii. præcipitur, ut curam singularem gerant de Neophyti seu recens ad Fidem Catholicam conversis ab hæresi aut Judaismo , eos in fide erudiant , & commodè sustentent , ne cogente paupertate ad votum redeant . Denique, Canone xiv. Abbatibus Prioribus commendatur hospitalitas , maximè erga Religiosos , qui propter Christum bona , quæ habebant in sæculo , dimiserunt . In Concilio Capiniacensi, quod *Gerardus Burdegalensis* Archiepiscopus

copus cum Episcopis Provinciæ suæ an. MCCXXXVIII. peregit, Ecclesiastica Disciplina triginta & octo Canonibus sancita est. Canon III. excommunicat sæculares homines, qui Ecclesias, Xenodochia, vel alias quascumque Religiosas domos aut personas importunis exactiõibus gravare præsumpserint. Canon X. præcipit, ut Causarum Matrimonialium cognitio committatur viris dumtaxat peritis & prudentibus, qui & per se ipsos testes examinent, vel saltem per eos, qui Canonicas Sanctiõnes non ignorant. Canon XII. vetat, ne Monachi, vel Canonici Regulares Advocatos aut Procuratores agant, nisi pro Ecclesiæ suæ evidenti utilitate, & obtentâ à Superioribus licentiâ. Canon XIV. Advocatû pauperibus à Curia dari jubet. Canon XIX. decernit, ut qui Clericos capiunt ac verberant, non solum excommunicatione percellantur, sed nullus de posteritate ipsorum ad tertiam usque generationem ad Ecclesiasticum Beneficium & ordines admittatur. Monasticæ Disciplinæ multis Canonibus in hoc Concilio conditis consulitur, & inter cætera, quæ statuuntur Decreta, prohibetur Canone XX. Abbatibus, *ne aliquos recipiant pæcto vel pecunia mediante*, sed si Monasterii non sufficiunt facultates, minuatur Monachorum numerus, & Canone XXV. inhibetur Monachis, *ne peculium habeant*, & si in morte habuerint, nec Superiori suo humilitè ac devotè reddiderint, *careant sepultura*. Capitula hæc triginta octo pro Disciplina tam Ecclesiastica, quàm Monastica in isto Concilio Campiniacensi statuta extant Tomo XI. Concil. Part. I. pag. 557. In Concilio Turonensi secundo, quod *Jubellus* supra laudatus ejusdem ur-



bis Archiepiscopus anno MCCXXXIX. indixit, duodecim Canonibus sancita est Ecclesiæ Disciplina. Primus Canon tres testes in qualibet Parochia constitui jubet, qui de scandalis interrogati ab Archiepiscopo, vel Archidiacono, dicant veritatem. Canone III. præcipitur Sacerdotibus, ut in publicum procedant cum habitu, qui Ordinem suum deceat. Canones IX. & X. cavent, ne præcipiti motu, sed maturè præmissis monitionibus legitimis, feratur excommunicatio. Canone XI. Vita communis in Monasteriis accuratè servanda præscribitur. Habentur duodecim Concilii Turonensis II. Canones Tomo XI. Concil Part. I. pag. 556. Idem *Gubellus* Archiepiscopus Turonensis anno MCCXLII. Synodum Provinciam apud *Vallem Guidonis* in Diocesi Cœnomanica celebravit, in qua septem præfiguntur Disciplina Ecclesiasticæ, & Monasticæ capita. In primo statuitur, ut Viri Religiosi suam Regulam, & Regularis observantiam Disciplinae diligenter custodiant. In aliis verò sequentibus Capitibus agitur de jurisdictione Archidiaconorum, Archipresbyterorum, & Diaconorum. *Guillemus* Narbonensis Archiepiscopus anno MCCXLVI. cum Provinciæ suæ Episcopis Concilium *Biterris* celebravit, in quo quadraginta sex Capita Discipulam Ecclesiasticam spectantia condita sunt, seu potius collecta ex superioribus Conciliis, præsertim ex Lateranensi IV. Oecumenico. Consilia etiam saluberrima, quæ triginta septem Capitulis continentur, Episcopi in hoc Concilio congregati dederunt Fratribus Ordinis Prædicatorum, quâ ratione videlicet in Sancti Officii executione, & in modo procedendi contra Hæreticos sese gerere

rere deberent. Extant istius Concilii Biterrensis Capita pro Ecclesiæ Disciplina quadraginta sex, unâ cum illis triginta septem Capitibus, quæ complectuntur consilia Fratribus Prædicatoribus Fidei Inquisitoribus data ab ejusdem Concilii Episcopis, Tomo XI. Concil. Part. I. pag. 677.

Anno MCCXLVIII. *Petrus* Albanensis Episcopus, & *Hugo* S. Sabinæ Presbyter S. R. E. Cardinalis, & Sedis Apostolicæ Legati cum Episcopis quatuor Provinciarum, Narbonensis, Viennensis, Arelatensis, & Aquisgranensis, Concilium celebrarunt Valentiniæ ad Rhodanum in Delphinatu pro fide, pace & libertate Ecclesiæ, quibus viginti tribus Capitulis prospexerunt, & Capitulis XXII. & XXIII. in *Fridericum II.* Imperatorem pacis Ecclesiæ perturbatorem, & in omnes ejus fautores sententiam excommunicationis promulgarunt. Triennio post, seu anno MCCLI. *Joannes* Archiepiscopus Arelatensis Concilium Provinciale *Insulæ*, quæ Vindascini Comitatus in Provincia Villa est, congregavit, in quo circa Disciplinam Ecclesiasticam, videlicet de inquirendis Hæreticis, de Decimis, de Clandestinis Matrimoniiis &c. tredecim conditi sunt Canones, qui extant tomo XI. Concil. par. 2. in Appendice pagina 2349. Concilium Salmuriense anno MCCLIII. convocavit *Petrus de Lamballe* Turonensis Archiepiscopus, in quo de rebus ad Disciplinam Ecclesiasticam attinentibus, videlicet de celebratione Divinorum Officiorum, de custodia Sacramentorum, de Archidiaconis, Archipresbyteris, & Decanis ruralibus, de his, qui ad Ordines promovendi sunt, de Procuratoribus, de Commendis Ecclesiarum, de Monachis &c. Capitula XXII. sancita sunt, quæ habentur tom. XI.

Concil. par. I. pag. 707. Anno sequenti, seu MCCLIV. Zoen Archiepiscopus Avenionensis, & Sedis Apostolicæ Legatus, Concilium apud *Albiam* indixit multis Narbonensis, Bituricensis, & Burdegalensis Provinciarum concurrentibus Episcopis & Prælatiſ. In eo pro ſancienda Eccleſiæ Diſciplina unum & ſeptuaginta ſtatuta ſunt Capitula, quorum viginti octo priora *de Hereticis inquirendis & exterminandis* multa decernunt. Capitulum XXIX. imperat executionem Canonis, *Omniſ utriuſque ſexus*, de Confeſſione ſemel in anno faciendâ, & obligat Fideles ad Eucharistiæ ſuſceptionem in Natali Domini, Paſcha, & Pentecoſte, ita ut Confeſſio Communionem præcedat. Alia Capitula de rebus bonum Eccleſiæ regimen ſpectantibus, maximè de Clericorum & Regularium veſtibus, vita & honeſtate ſtatuant; eiſque aurum & argentum in veſtibus, fibulis, frænſ, calcaribus & ſellis, alearum & taxillorum ludos, venationem cum avibus & canibus, puerorum è ſacro fonte ſuſceptionem prohibent. Gerardus de Malemort Burdegaleniſ Archiepiſcopus anno MCCLV. Concilium in ſua Metropoli celebravit, in quo triginta Diſciplinæ Eccleſiaſtica publicata ſunt Capita, *de reſidentia Clericorum Beneficia habentium; de Quæſtoribus, quibus ſine licentia Summi Pontificis, vel Epſcopi in Eccleſiis prædicare non permittitur; de Preſbyteris aliarum Diœceſeon, qui in Eccleſiis ad Sacrum Miniſterium abſque Epſcopi licentia admitti non debent; de Reliquiis, quæ publicè coli prohibetur, niſi fuerint auctoritate Romani Pontificis approbatæ; de decimis, quarum detentore excommunicantur; de Sacramentis & Beneficiis, quæ abſque ulla pretii exactione adminiſtrari, conferri e*



*recipi debent ; de Confraternitatibus , quarum abusus rescinduntur .* Extant istius Concilii Burdegalensis triginta de Disciplina Ecclesiastica Capita tom.xi. Concil. part.1. pag. 730. Idem *Gerardus de Malemort* Archiepiscopus Burdegalensis aliud Concilium anno MCCLVIIII. *Roffiaci* in Diœcesi Pictaviensi habuit, in quo Decem Capitulis sancita est Ecclesiæ Disciplina, quæ extant tom. xi. Concil. part. 1. pag. 774. *Jacobus* Narbonensis Archiepiscopus eodem anno MCCLVIII. Concilium apud Montempeffulanum coëgit, in quo octo promulgata sunt in rem Disciplinae Ecclesiasticæ Decreta, quorum primum rerum Ecclesiasticarum invasores, jurium Ecclesiasticorum usurpatores, libertatum, immunitatum, & personarum Ecclesiasticarum violatores excommunicatione ferit . Extant hæc octo circa Disciplinam Ecclesiæ Decreta tomo xi. Concil. par.1. pag. 778. *Florentinus* Arelatensis Archipræsul Concilium cum suis Suffraganeis habuit anno MCCLX. in quo septemdecim editi sunt Canones , in quorum primo damnantur Phantastici , *Joachimi* Abbatis Sectatores, seu qui ejus nomine pernicioſa ſua dogmata tuebantur . In aliis Canonibus multa ſtatuantur circa Disciplinam Ecclesiasticam , videlicet de baptizandis parvulis in neceſſitate ; de Confirmationis Sacramento, nonniſi jejunis , & à jejunis adminiſtrando ; de Clandefſtinis Matrimoniiſ, quæ ſub pœna excommunicationis prohibentur ; de Vicariis perpetuiſ , quæ in Parochialiſ Eccleſiis reſidere debent &c. Habentur ſeptemdecim illi Canones Concilii Arelatentiſ tomo xi. Concil. part.2. pag. 2359. *Petrus* Burdegaliſ Archiepiſcopuſ eodem anno MCCLX. Provinciæ ſuæ Conciliuſ apud *Copriniacum* , ſeu Cam-

*piniacum* celebravit, in quo undeviginti pro Disciplina Ecclesiastica præscripta sunt Capitula de *Vigiliis in Ecclesiis vel Cæmeteriis*, propter multos inde emergentes abusus, non faciendis; de *Commendis & collationibus vacantium Ecclesiarum*, quæ ad unum *Archiepiscopum*, vel *Episcopum* pertinere debent; de *jure patronatus*, de *decimis*, de *sepulturis*, de *modestia Clericorum in vestibus servanda*; de *congrua portione Vicariis Ecclesiarum & Capellanis seu Curatis assignanda &c.* Extant undeviginti illa Disciplinae Ecclesiasticæ Capitula tom.xi. Concil. par. i. pag. 799. Idem Petrus Burdegalensis Archiepiscopus alterum Concilium Copriniaense anno MCCLXII. coëgit, in quo septem Capitulis Disciplinae Ecclesiasticæ fuit provisum. In primo, loca, in quibus res, vel personæ Ecclesiasticæ detinentur, subjiciuntur Interdicto. In aliis Capitulis agitur de iis, qui impediunt jurisdictionem Ecclesiasticam; de compellendis excommunicatis, ut Ecclesiæ pareant, & satisfaciant, atque sub pœna excommunicationis prohibetur Parochianis, ne tempore Interdicti generalis ad Ecclesias, durante Interdicto, accedant. Habentur septem illa Disciplinae Ecclesiasticæ Capitula tomo xi. Conciliorum parte i. pagina 821. Vincentius Turonensis Archiepiscopus anno MCCLXIV. Nannetense convocavit Concilium, in quo novem Decreta edita sunt, in quibus prohibetur, ne *Prælati, vel Patroni se obligent ad collationem vel præsentationem Beneficii vacantis*; ne *Clerici sint venatores*; ne *Beneficia plura possideant*. *Beneficiariis imperatur residentia*; & *quemcumque laicum qui bona Clericorum occupaverit ac detinebit, Censuri per Ordinarios ad restituendum compellendum esse statui-*

itur &c. Extant hæc novem Disciplina Ecclesiastica Capitula tom. xi. Concil. part. i. pag. 826. Innocentius de Pilenis Archiepiscopus Turonensis Concilium Gonterienſe ſeu apud Caſtrum Gonterii habuit anno MCCLXVIII. in quo octo præfixa ſunt eccleſiaſtica Disciplina Capita contra bonorum Eccleſiaſticorum invaſores, qui excommunicantur, contra impedientes juridiſtionem Eccleſiaſticam, qui eidem enæ ſubjiciuntur; contra excommunicatos, qui per unum vel ampliùs, excommunicationem ſuſtinent, nec ſolutionem petunt, quibus Eccleſiaſticam Sepulturam negari debere ſtatuitur &c. Referuntur hæc octo iſciplinæ Eccleſiaſtica Capita tomo xi. Concil. art. i. pag. 909. Duo Concilia Nationalia anno ſequenti MCCLXIX. videlicet Andegavenſe, & Senonenſe fuerunt celebrata. Primum, ſeu Andegavenſe, duo Statuta edidit de non prohibendis donationibus, eleemoſynis, & legatis Eccleſiis aliisve iſ locis faciendis: & de Clericis Beneficiatis, vel in ſecris Ordinibus conſtitutis, quibus inhibetur, ne eorum Sæcularibus Judicibus cauſas dicant: Alterum Concilium, ſeu Senonenſe, ſex conſtituit Decreta contra Clericos concubinos, contra uſurarios, quos ſepultura Chriſtiana privari jubet, ſi in peccato deceſſerint; contra eos, qui Clericos trahunt ad Sæcularia iudicia, contra Privilegiorum abuſus. Renovat etiam illud Concilium Senonenſe Canonem Omnis utriuſque ſexus, eumque præcipit obſervari. Hæc Decreta Conciliorum Andegavenſis & Senonenſis inserta ſunt tomo xi. Concil. part. i. pag. 911. & 912. ſequuntur alia duo Concilia Nationalia, ſeu Compendienſe, & Avenionenſe, quæ anno MCCLXX. habuerunt. Concilij Compendienſis, quod Joannes de



de Courtenay Remensis Archiepiscopus convocavit, extant Constitutiones aliquot de iis, qui occupant & detinent bona Ecclesiastica, excommunicandis tomo xi. Concil. part. i. pag. 917. Concilii verò Avinionensis Capitula octo de Ecclesiæ Disciplina, videlicet de alienationibus bonorum Ecclesiasticorum revocandis; de legata pecunia ad arbitrium Executorum in causas pias dividenda; de Clerico, qui Episcopum, Præpositum, &c. graviter læserit &c. Habentur tomo xi. Concil. part. i. pag. 920. Joannes de Monteforello Archiepiscopus Turonensis Concilium Redonense in Britannia Minori anno MCCLXXIII. habuit, in quo septem Statuta edita sunt contra eos, qui manus violentas Episcopo, Abbati, vel Abbatissi intulerint, aut Virum Ecclesiasticum occiderint, vel mutilaverint, quos anathemate ferit Concilium; contra bonorum Ecclesiasticorum invasores, qui etiam ipso facto excommunicati denunciuntur. Præterea, Clerici præcipitur hospitalitas, quia quidquid habent Clerici pauperum est, & domus eorum debent esse communes inquit Patres istius Concilii Redonensis, cujus Statuta septem de Disciplina Ecclesiastica habentur tomo xi. Concil. part. i. pag. 933. Bertrandus a Sancto Martino Arelatensis Archiepiscopus Concilium Provinciale circa annum MCCLXXV. in sua Metropoli convocavit, in quo duo supra viginti condita sunt Decreta, quorum quatuor priora desiderantur; reliqua verò, quæ agunt de Censuris observandis; de Calicibus non vendendis aut pignorandis; de Casibus Episcopo, vel Papæ reservatis; de usurariis & adulteris publicis, qui diebus Dominicis & Festis excommunicari debent, de Confessione annua pro Sacerdoti faciendâ, de Confessione infirmorum &c. E

tomò xi. Concil. part. 2. in Appendice pag. 2368. Duo anno sequenti, seu mclxxvi. habitant Concilia *Salmuriense & Bituricense*. In Concilio Salmuriensi quatuordecim Canonibus Disciplina Ecclesiasticæ consultum est. Beneficiorum cum animarum annexam habentium pluralitas Clericis Canone III. prohibita est. De vita & honestate Clericorum ac Monachorum agitur in aliis Canonibus, qui referuntur tom. xi. Concil. par. i. pag. 1011. In Concilio Bituricensi, quod *Simon Tiliæ Sanctæ Cæcilie* Cardinalis celebravit, Decreta quatuordecim pro restauratione Disciplinae, & defensionis jurisdictionis, immunitatis, & libertatis Ecclesiasticæ condita sunt, quæ extant tom. xi. Concil. par. i. pag. 1017. *Joannes Turonensis* Archiepiscopus cum suis Suffraganeis Concilium habuit *Lanensis* (quod est Oppidum in Turonibus) anno mclxxvi. in quo sexdecim Canones editi sunt, quibus statutum est, ne *Matrimonia clandestina contrahantur; ne Presbyteri filios suos in Sacris Ordinibus genitos secum retineant, vel ipsis aut concubinis quid legent; ne Monachi vel Moniales plures in Monasteriis recipiantur; quàm ex ipsorum facultatibus sustentari possint &c.* Sexdecim istius Concilii Lanensis Canones extant tomò xi. Concil. par. i. pag. 1038. *Guillelmus de Flavacuria* Rotomagensis Archiepiscopus anno mclxxix. Concilium Provinciale apud *Pontem Audemari* celebravit, in quo Decretorum Concilii Bituricensis contra jurisdictionis, immunitatis, & libertatis Ecclesiasticæ perturbatores imperatur executio, & nonnulla alia Disciplina tam Ecclesiasticam, quàm Monasticam spectantia statuuntur in XXIV. Capitulis, quæ extant tom.

tom. xi. Concil. part. i. pag. 1044. Eodem anno MCCLXXIX. *Bernardus* Arelatensis Archiepiscopus, Avenione Provinciale Concilium habuit, in quo præcedentium Conciliorum Canones contra libertatis & jurisdictionis Ecclesiasticæ perturbatores fuerunt renovati ac confirmati; prohibetur etiam Clericis, ne mercaturam exerceant, causas dicant, aut Magistratus gerant; Religiosis verò, vel sæcularibus exemptis inhibetur, ne excommunicatos publicè, vel nominatim interdictos, seu usurarios manifestos, ad Sacramenta, vel Ecclesiasticam sepulturam admittant &c. Hujus Concilii Avenionensis Capitula XV. de Ecclesiastica Disciplina habentur tom. xi. Concil. part. i. pag. 1050. Alterum Concilium Avenionense anno MCCLXXXII. indictum est à *Bertrando Almarico* Arelatensi Archiepiscopo in quo XI. Canones editi sunt contra omnes usurarios, qui ipso facto excommunicati denunciuntur; agitur quoque de non permittendis sine consilio & assensu Episcopi alienationibus bonorum, & jurium Ecclesiarum; de instituendis Procuratoribus ad defensionem Clericorum Beneficiatorum, qui ab improbis litigatoribus coram diversis Judicibus fatigabantur laboribus & expensis; de Ecclesiarum Parochialium frequentatione Dominicis & solemnibus diebus; de Ecclesiasticæ jurisdictione &c. Extant XI. Canones illius Concilii Avenionensis tomo xi. Concil. part. i. pag. 117. *Joannes* Turonensis Archiepiscopus ann. MCCLXXII. Andegavis celebravit Concilium, in quo V. Canones jura & libertates Ecclesiasticorum unicè spectantes editi sunt, & habentur tomo xi. Concil. part. i. pag. 1074. idem *Joannes* Turonensis Archiepiscopus anno MCCLXXXII. Concilium in sua Metr



habuit, in quo decem condidit Canones contra  
atores ; contra eos, qui ad rixas , vel ad lites inci-  
, in quos decernitur excommunicatio ; contra fures  
orum & ornamentorum Ecclesiasticorum ; contra  
rarios, & Ecclesiasticæ jurisdictionis ac libertatis  
ressores, qui excommunicati denunciuntur ; contra  
qui Viros Ecclesiasticos, aut Ecclesiarum Ministros  
ediunt, ne decimas ad ipsos aut ad Ecclesias perti-  
tes colligant, aut percipiant . Præcipitur etiam,  
odem Concilio Turonensi, ut Processiones secun-  
piam consuetudinem fiant Dominicis , ac festivis  
us , & districtè prohibetur Clericis ac Religiosis ,  
tabernas frequentent &c. Prostant Canones X.  
is Concilii Turonensis tomo XI. Concil. par. I.  
. 1183. Simon de Bello loco Bituricensis Archiepi-  
us cum suis Suffraganeis Concilium in sua Me-  
boli anno MCCLXXXVI. habuit , in quo triginta-  
que de Disciplina Ecclesiastica promulgata  
Capitula contra Matrimonia clandestina , contra  
icos, qui concubinas seu meretriculas in domibus  
ent, aut filios illegitimos alunt ; contra impediētes  
isdictionem Ecclesiasticam , contra Usurarios publi-  
contra transgressores Canonis, Omnis utriusque se-  
, de Confessione singulis annis proprio Sacerdoti fa-  
da . Plura etiam de Monastica Disciplina sta-  
a sunt in hoc Concilio Bituricensi , cujus Capi-  
a XXXV. extant tomo XI. Concil. par. 2. pagi-  
1247. Rostagnus Arelatenfis Archiepiscopus eo-  
n anno MCCLXXXVI. Concilium Insulanum cum  
Suffraganeis habuit, in quo duodeviginti editæ  
t Constitutiones contra illos, qui propter damnum  
quod illatum excommunicati sunt , qui absolvi non  
ent donec sati sfecerint ; contra bonorum Ecclesiasti-

corum invasores, vel libertatis & jurisdictionis Ecclesiasticae oppressores; contra Sæculares Dominos & Magistratus, eorumque Ministros, qui Clericum ceperint nec jussi restituerint Episcopo, vel ejus Officiali cum omnibus ipsius bonis; quos excommunicatos denuntiatur statuitur; eadem excommunicationis pœna infligitur illis, qui toxica in mortem vel abortum dictant, vendunt, tradunt, aut ministrant, vel qui dantes aut ministrantes infra mensem Episcopo tanquam Judici non revelaverint. Jubet etiam idem Concilium Insulanicum, ut Presbyteri Parochiales Baptismi ritum formam Parochianos suos doceant, quò parvulus urgente periculo baptizare possint, & ut Festum Sanctissimæ Trinitatis, & Festum S. Trophimi somni ritu per totam provinciam celebrentur & Extant illius Concilii Insulani duodeviginti Constitutiones tomo XI. Concil. part. 2. pag. 1335. Deque, alia duo Concilia Provincialia Rotomagensis nimirum & Auscitanum, in Galliis decimo tertio Sæculo habita fuerunt. Primum, scilicet Rotomagensis, ab Archiepiscopo Rotomagensi an. MCCXC fuit convocatum, & in eo septem Decreta edita sunt de vita & honestate Clericorum; de religiosa minica diei & Festorum observantia, prohibetur etiam Clericis, ne in factis personalibus ac delictis Sæculari justitiæ sese subdiciant. Referuntur septem Concilii Rotomagensis Decreta tomo Concil. par. 2. pag. 1427. Concilium Auscitanum anno MCCC. congregatum est incerto loco, quod etiam Gabriel Cossartius in Collectione Conciliorum se ignorare ingenuè profitetur. In eo tricim constituta sunt Disciplinæ Ecclesiasticæ Capitula de libertate electionum; de illis qui occupant bona

tium Ecclesiarum ; de intrusis in Beneficia Ecclesiastica ; de his, qui gaudent Jurepatronatus, quibus pro-  
 etur, ne ab his, quos presentant ad beneficia, aliquid  
 evio pacto extorqueant ; de temporibus ordinandi ;  
 Beneficiis Ecclesiasticis, quibus annexa est cura ani-  
 rum, quæ minori viginti quinque annis nemini con-  
 ri debere precipitur, & si secus factum fuerit, ipso  
 e irritum esse &c. Extant hæc tredecim Discipli-  
 Ecclesiasticæ Capita tomo xi. Concil. par. 2.  
 g. 1468. Habes nunc brevem & compendiariam,  
 scriptionem omnium Conciliorum Nationalium,  
 Provincialium, quæ Sæculo Ecclesiæ decimo  
 tio in Galliis fuerunt celebrata.

D. Conciliorum Nationalium seu Provin-  
 cialium, quæ in Ecclesia Gallicana Sæculo decimo  
 tio habita fuerunt, sylvam potius, quàm brevem,  
 ais, descriptionem tradidisti. Quapropter ob-  
 ro te, ut summatim dumtaxat attingamus cæte-  
 alia Concilia Provincialia, quæ eodem Sæculo  
 cimo tertio in Hispania, Anglia, Germania, &  
 alia fuerunt convocata?

M. Concilia Nationalia, seu Provincialia,  
 æ Sæculo Ecclesiæ decimo tertio in Hispania fue-  
 nt celebrata, tanti non sunt, ut in iis percensens  
 sigillatim immoremur. Plura quidem referun-  
 r Concilia Tarraconensia in Hispania eo Sæculo  
 bita, quorum memoria vix superest, quò fit, ut  
 his Conciliis Tarraconensibus, in quibus nihil  
 icujus momenti occurrit, perfunctoriè agant Ba-  
 zius lib. 4. *Marce Hispanicæ*, & Cardinalis Aguir-  
 us tom. 3. *Conciliorum Hispaniæ* pag. 495. 496. 498.  
 502. 504. 505. & 523. Prætermisissis itaque istis Con-  
 ciliis Provincialibus Hispaniæ, veniamus ad Con-  
 cilia



cilia Nationalia, seu Provincialia, quæ Sæculo XIII. in Anglia indicta fuerunt. In primis, *Hubertus Cantuariensis Archiepiscopus & Angliæ Primas Londini apud Westmonasterium pro reformatione Ecclesiæ Anglicanæ celebravit Concilium anno ducentesimo supra millesimum, in quo XIV. conditi sunt Canones de celebratione Missæ, & Divini Officii recitatione absq; nimia festinatione aut protractione; de pœnitentiis à Sacerdotibus imponendis juxta Sacrorum Canonum statuta, videlicet post diligentè attentas circumstantias, idest, qualitatem personæ, quantitatem delicti, tempus, locum, causam, moram in peccato factam, & devotionem animi pœnitentis; de sententia excommunicationis & suspensionis non ferendâ, nisi canonicâ monitione præmissâ; de Beneficiis non conferendis vel promittendis antequam vacent; de Decimis; de Matrimonii trina denunciatione & publica celebratione; de peculio Monachis interdicto &c. Erant hujus Concilii Londinensis quatuordecim c. Disciplina Ecclesiastica Canones apud *Hoveden* ad annum MCC. apud *Spelmannum* tomo 2. *Concilium Britannia*, & tomo XI. *Concil. part. 1. pag. 1* *Stephanus Langtonus S.R.E. Cardinalis & Archiepiscopus Cantuariensis Concilium apud Oxonium anno MCCXXI. celebravit, cujus ad hunc annum meminere Matthæus Parisius, & Matthæus Westmonasteriensis. In hoc Oxoniensi Concilio multa fuerunt statuta ad reformationem status Ecclesiastici Monasticæ Religionis; Festa, Vigiliæ, jejunia statuta; Excommunicati Jurium Ecclesiasticorum pervasores, Regni perturbatores, Jurium Regalium usurpatores, falsi testes, & qui eos subornant, C**

lumniatores &c. *Spondanus* ad annum MCCXXII. refert post *Matthæum Westmonasteriensem*, paucis diebus ante istud Concilium Oxoniense comprehensum fuisse quemdam impostorem, qui suo lateri, pedibus ac manibus quinque vulnera crucifixionis Dominicæ ad seducendum populum impresserat: atque in eodem Concilio Oxoniensi simul cum eo alium nebulonem Hermaphroditum, ejus erroris autorem, oblatum; utrumque sceleris convictum, & publicè confessum, judicio Ecclesiæ punitum esse. Edidit istud Concilium Oxoniense ad sancendam Disciplinam Ecclesiasticam quadraginta novem Capitula, quæ extant apud *Spelmannum* tom. 2. *Concil. Britanniae*, & inserta sunt tomo XI. Conciliorum part. 1. pag. 271. Alterum Concilium Londinense Otto Cardinalis, & Sedis Apostolicæ per Angliam Legatus, anno MCCXXXVI. congregavit, in quo sancta est Disciplina Ecclesiastica uno & triginta Decretis de Ecclesiarum dedicatione; de digna Sacramentorum ministratone; de Rectorum residentia, de Beneficiorum pluralitate Sacris Canonibus prohibita; de Clericorum continentia; de Monastica Disciplina; de Episcoporum officiis &c. Extant hujus Synodi Londinensis Acta & Decreta apud *Matthæum Parisium* in Historia Anglicana ad annum MCCXXXVI. apud *Spelmannum* tomo 2. *Concil. Britanniae*, & exinde inserta sunt tomo XI. Conciliorum part. 1. pag. 530. Bonifacius Cantuariensis Archiepiscopus anno millesimo ducentesimo sexagesimo primo Concilium Provinciale habuit *Lambethæ* in Anglia, in quo de jurisdictione, libertate & immunitate Ecclesiastica actum est, & in earum violatores ac perturbatores lata fuit excommunicationis sententia. Plures ea

de re in hoc Lambethensi Concilio editæ Constitutiones extant tomo 2. *Concil. Britannia*, & tom. xi. Conciliorum par. 1. pag. 803. *Ottobonus*, S. *Hadriani* Diaconus Cardinalis, an. MCCLXVIII. à *Clemente IV.* Pontifice Maximo missus Legatus Apostolicus ad reformandas Regnorum Angliæ, Scotiæ, atque Hiberniæ Ecclesias, instaurandamque in eis Sacrorum Rituum, morumque sanctiorum institutionem, Concilium Nationale Episcoporum totius Britannia, Hiberniæque Insularum, Londini, quæ primaria est Angliæ civitas, convocavit; in quo Sanctissimæ Constitutiones conditæ sunt de Sacramentorum administratione gratis faciendâ; de Consecratione Ecclesiarum infra annum ab earum constructione gratis itidem ab Episcopo exhibenda; de Clericorum habitu, tonsura & continentia; de Matrimoniis; de fructu Ecclesiarum vacantium; de regressu ad Beneficia; de pluralitate Beneficiorum; de residentia Episcoporum; de Monastica Disciplina, & de aliis id genus tam Virorum Ecclesiasticorum, quàm Monachorum reformationem morum spectantibus, quæ Capitulis quinquaginta quatuor continentur, & ab Anglis, Scotis, Hibernis ac Walliæ populis religiosè fuere observata usque ad illorum à Romana Ecclesia sub Henrico Rege VIII. defectionem. Denique *Joannes de Peckam* Archiepiscopus Cantuariensis, Angliæ Primas, Concilium Provinciale *Lambethæ* anno MCCLXXXI. cum suis Suffraganeis celebravit, in quo *Ottonis*, & *Ottoboni* Cardinalium, & Sedis Apostolicæ quondam in Anglia Legatorum, Constitutiones fuerunt confirmatæ, & viginti septem Disciplinæ Ecclesiasticæ constituta sunt Capitula, videlicet de Sacramento *Eucharistiæ*; de *Annalibus* & *An*



*niversariis celebrandis ; de Baptismo & ejus effectu ; de Sacramento Confirmationis ; de Sacris Ordinationibus ; de Confessione & Absolutione ; de informatione simplicium , sive de catechizandis rudibus ; de hospitalitate exhibenda , præcipuè Concionatoribus ; de falsis procurationibus ; de clandestinis inquisitionibus rejiciendis ; de Canonicis Regularibus Ordinis S. Augustini ; de Professione tacita Monachorum , & Monialium , quæ incurritur post annum probationis expletum ; de illis Presbyterorum , quos à parentum Beneficiis omnino arceri debere jubetur , ne contra justitiam in hæreticitate Crucifixi locus pateat successioni ; de Clericis plura Beneficia , quæ curam habent annexam animarum , possidentibus , quibus præcipitur , ut ea liberè & absolutè infra sex menses in Episcoporum suorum manus resignent , unico dumtaxat servato &c. Hæc viginti septem pro restauratione Disciplinæ Ecclesiasticæ in Concilio Lambethensi condita Capitula exstant apud Spelmannum tom.2. Concil. Britanniae , & inserta sunt tom.xi. Conciliorum part.1.pag.1156. Plura non addam de Conciliis Provincialibus , quæ sæculo XIII. in Anglia fuerunt celebrata , ex quibus facili negotio intelligere potes , quanta fuerit his temporibus Anglicanorum Præsulum in vindicanda jurisdictione Ecclesiastica constantia , in restauranda Disciplinâ vigilantia , in conservando avitæ dei deposito sollicitudo . Quæ tamen omnia à Saceratissimis illis Præsulibus olim ad defensionem , Ecclesiæ Catholicæ constituta , nunc , proh dolor ! in Anglia penitus eversa ac profligata jacent , & Catholicis , qui in Regno Angliæ , variis hæresibus mirum in modum funestato , ingemiscunt , hoc unum tantum superest solatium , fore ut Jacobus hujus no-*

minis tertius, verus ac legitimus illorum Rex, tot Catholicorum Regum nepos, hæresque non degener, quem incredibili gaudio paucis abhinc mensibus excepit, & aliquandiù Roma possidere meruit, fidem Catholicam pristinum in gradum in Regno Angliæ restituat, damna per *Henricum VIII.* Ecclesiæ Romanæ importata magno cum fœnore resarciat, ac tandem illud, quod omnes Fideles ardentibus votis hætenus optaverunt, aliquandò summo Numinis beneficio perficiat, ut videlicet fides in Anglia lætis auspiciis lucem aspiciat, & luctuosa illa, quæ Religioni tanto sanguine steterunt, jurgia & bella feliciter extincta, gratuletur Ecclesia.

D. His omnibus Conciliis Provincialibus, quæ hætenus percensuisti, si ea adjunxeris quæ in Germania & Italia habita sunt, integram omnium Conciliorum Provincialium, quæ in toto Orbe Christiano ad sancendam Ecclesiæ Disciplinam sæculo decimo tertio fuerunt coacta, seriem habebo.

M. *Conradus* Cardinalis Portuensis & *S. Rufinæ* Episcopus, Sedis Apostolicæ in Germania Legatus, Concilium Provinciale anno MCCXXX. in Germania, loco tamen incerto, celebravit, in quo quatuordecim Ecclesiasticæ Disciplinæ condita sunt Capitula de *Continentia Clericorum*, de *pœnis infligendis Clericis concubinariis*; de *Simoniacis*; de *Vicariis perpetuis*, qui *Parochialibus Ecclesiis cum portione congrua præfici debent*; de *his, qui Sædimonialium pudicitia insidiantur &c.* Hæc quatuordecim Concilii Germanici Capitula *Binii & Cossartii* Notis illustrata extant tomo XI. Concilior. par. I. pag. 295. Concilium Colonjense anno millesimo ducentesimo

mo sexagesimo *Conradus* Archiepiscopus Colonien-  
sis convocavit, in quo de reformatione Cleri, vi-  
delicet contra Clericos concubinos, negotiato-  
res, illiteratos, & Simoniacos, condita sunt Capi-  
tula XIV. quæ habentur tomo XI. Conciliorum,  
par. I. pag. 785. Præter hæc quatuordecim de re-  
formatione Cleri Capitula, alia viginti octo de re-  
formatione Monachorum Benedictinorum in eo-  
dem Concilio Colonienfi statuta sunt, eaque recen-  
sentur tom. XI. Conciliorum pag. 792. *Guido*, S. Lau-  
rentii in Lucina Presbyter Cardinalis, Sedis Apo-  
stolicæ in Saltzburgensi Provincia & Diœcesi Pra-  
genfi Legatus, Concilium Viennæ in Austria indi-  
xit anno millesimo ducentesimo sexagesimo septi-  
mo, in quo undeviginti Capitula sancita sunt de *vita*  
& *honestate Clericorum*; de puniendis Clericis concubi-  
nariis; de excommunicandis his, qui bona Ecclesiarum  
occupant ac detinent, aut Clericis vim inferunt; de plu-  
ribus Beneficiis, quibus annexa est cura animarum, quæ  
à Clericis, absque Sedis Apostolicæ dispensatione, reti-  
neri prohibentur, de persolvendis Decimis; de ferenda  
excommunicatione in Usurarios tam Clericos, quàm  
Laicos; de Curatis, qui ad residentiam, subtractione  
fructuum, ab Episcopis compelli debent; de Abbatibus,  
quibus inhibetur, ne Calices vel patenas seu sacras ve-  
les benedicere vel consecrare, aut munia Episcopalia  
obire præsumant, nisi à Sede Apostolica speciale obti-  
nerint privilegium; denique de Judæis coercendis,  
& de aliis rebus ad reformandam Ecclesiæ Discipli-  
nam necessariis multa decernuntur in his undevi-  
ginti Concilii Viennensis Capitulis, quæ extant  
tomo XI. Conciliorum part. I. pag. 858. *Fridericus*  
Saltzburgensis Archiepiscopus, & Sedis Apostolicæ



Legatus, Concilium Provinciale in sua Metropoli pro recipiendis Decretis Cōcilii Oecumenici Lugdunensis II. anno millesimo ducentesimo septuagesimo quarto congregavit, in quo viginti quatuor edita sunt Decreta *de Provincialibus Ordinis S. Benedicti Capitulis, quæ singulis annis ab Abbatibus cogi debere præcipitur, quia eorum neglecta celebratione, observantia Regularis fuerat collapsa; de obedientia & delictis Monachorum, quæ illic puniri jubentur, ubi commissa sunt; de Beneficiorum pluralitate Sacris Canonibus vetita; de residentia in Beneficiis, quibus cura animarum annexa est; de Vicariorum in Ecclesiis cum portione congrua institutione; de pœna, cui subjacere debent Clerici non Viatores, qui in Sacris Ordinibus constituti tabernam ingrediuntur, aut ad aleas vel taxillos ludunt; de vagis Scholaribus, quibus aliquid erogari prohibetur; de ludis, quos vulgus vocabat Episcopatum puerorum, in Ecclesiis, & à personis Ecclesiasticis fieri prohibitis, de celebrandis diebus festis Sanctorum Saltzburgensis Ecclesiæ Patronorum Ruperti, Virgilii & Augustini; de Ecclesiarum Advocatis, qui admonentur, ut ab indebitis vexationibus Ecclesiarum, & bonis ipsarum abstineant, debitisque juri-  
bus sint contenti. Hæc & alia hujusmodi Disciplinam tam Ecclesiasticam, quàm Monasticam spectantia decernuntur in his viginti quatuor Concili Saltzburgensis in Bavaria Capitulis, quæ habentur Tomo XI. Conciliorum Part. 1. pag. 998. Siffridu Colonienſis Archiepiſcopus, anno millesimo ducentesimo octuagesimo Provinciale Concilium in sua Metropoli habuit, in quo de vita, honestate & Officio Clericorum; de Sacramentorum administratione; de Clericis concubinariis; de Monach*

iorum & Monialium disciplina, & de aliis rebus ecclesiasticis condita sunt duodeviginti Capitula, quæ extant Tom. xi. Conciliorum Part. i. pag. 1107. paulò post celebrationem istius Concilii Colonien-  
 sis, *Fridericus* supra laudatus, Archiepiscopus Saltz-  
 burgensis, & Sedis Apostolicæ Legatus, aliud Con-  
 cilium in sua Metropoli anno MCCLXXXI. congrega-  
 vit, in quo Canones octodecim condidit contra Ec-  
 clesiarum alienationes, Beneficiorum curam anima-  
 rum annexam habentium pluralitatem, immodicos Vi-  
 atorum sumptus; contra Patronos & Judices, qui  
 in a morientium Clericorum invadunt; Contra Cleri-  
 cos, qui de manibus Laicorum Ecclesias recipiunt, con-  
 tra falsarios, contra eos qui violentas manus Clericis  
 ferunt; de Monastica Disciplina &c. Extant illius  
 concilii Saltzburgensis octodecim de Disciplina  
 ecclesiastica Canones Tomo xi. Conciliorum  
 art. i. pag. 1151. *Joannes* Tusculanus Episcopus,  
 Sedis Apostolicæ in Germania Legatus, Nationa-  
 le Concilium *Herbipoli* in Franconia anno millesi-  
 mo ducentesimo octogesimo septimo celebravit,  
 in quo multa decernuntur de vita & honestate  
 Clericorum, quibus vestes immodestæ, taberna-  
 culum aditus, ludi taxillorum, frequentationes, lu-  
 di, & colloquia cum Monialibus, hastiludia, &  
 orneamenta, gravium interminationum poenarum  
 prohibentur, & Clerici, qui Concubinas retinent,  
 beneficiis ipso facto privati denunciantur. De his  
 & aliis rebus pro bono Ecclesiæ regimine quadra-  
 ginta duo Capitula in isto Concilio Herbipolensi  
 statuta sunt, quæ extant Tomo xi. Conciliorum  
 art. ii. pag. 1319. denique, prætermittere non  
 debeo Concilium Budense, quod *Philippus* Firma-

bus Episcopus, in Hungaria, Polonia, Dalmatia, Croatia, Rama, Servia, Lodomeria, Gallicia, Cumania, Sedis Apostolicæ Legatus, in Castro Budensi, Vesprimiensis Diœcesis, anno millesimo ducentesimo septuagesimo nono celebravit, in quo **lxix.** Canones conditi sunt de Disciplina Ecclesiastica, præsertim de habitu, vita, & honestate Prælatorum, omniumque Clericorum; de Episcopis ex Religiosis Ordinibus assumptis, vel deinceps assumendis, quibus præcipitur, ut sui Ordinis habitum deferant, alioqui Ecclesiæ ingressu & Pontificalium executione prohibeantur; de Divino Officio cum diurno, tum nocturno, quod distinctè & devotè à Sacerdotibus recitari jubetur; de Ecclesiastica jurisdictione; de publicis Concupinariis, qui ab Ecclesiæ ingressu arceri debent, nec non etiam illi, qui domos suas vel possessiones publicis meretricibus, adulteris, incestuosis, aut aliis infamibus personis locant, vendunt, vel donant. De his, & aliis non minoris momenti Ecclesiæ negotiis extant hujus Concilii Budensis Canones sexaginta novem Tomo **xi.** Conciliorum Part. I. pag. 1073.

Quòd spectat Concilia Nationalia, seu Provincialia, quæ sæculo decimo tertio ad sanciendam Ecclesiæ Disciplinam in Italia fuerunt celebrata, cum pauca sint, his levi digito defungemur. *Bonifacius* Archiepiscopus Ravennas anno millesimo ducentesimo octogesimo sexto Concilium in sua Metropoli celebravit, in quo novem ad restaurandam Ecclesiæ Disciplinam condita sunt Decreta de *joculatoribus & histrionibus non recipiendis; de Indulgentiis, quas Episcopis, Abbatibus, Archidia-*  
*cquis*



is, Præpositis, & aliis, qui alunt aut vestiunt  
 superes, concedit prædicta Synodus Ravennaten-  
 ; De Decimis, & de excommunicatione in illos fe-  
 nda, qui eas persolvere contemnunt; de Casibus,  
 i Archiepiscopo in Ravennate Provincia reservan-  
 r; de abrogandis & penitus abolendis Statutis, quæ  
 bertati & consuetudini Ecclesiæ sunt contraria, &  
 aliis rebus Ecclesiasticis, quæ legi possunt in  
 vem hujus Concilii Ravennatensis Decretis in-  
 tis Tomo XI. Conciliorum Part. II. pag. 1238.  
 to Archiepiscopus Mediolanensis duo in sua Me-  
 opoli celebravit Concilia, quorum primum ha-  
 tum est anno MCCLXXXVII. & in eo decem pro  
 disciplina Ecclesiastica statuta sunt Capitula, quæ  
 nmatim recenset noster *Bzovius* ad annum  
 CLXXXVII. & habentur Tomo XI. Concilio-  
 n Part. II. pag. 1331. Alterum Concilium  
 diolanense convocavit idem *Otto*, Archiepisco-  
 s Mediolanensis, anno millesimo ducentesimo  
 nagesimo primo, in quo post multa ad restau-  
 ndam Ecclesiæ Disciplinam constituta, suppetiæ  
 Terram Sanctam recuperandam decreta sunt,  
 videre est apud mox laudatum *Bzovium* ad an-  
 m MCCXI. Num. XI. Sed de Conciliis tam Gene-  
 ribus, quam Nationalibus, quæ Sæculo XIII.  
 iis in locis habita fuerunt, satis hætenus dictum  
 . Nec enim in hoc amplissimo tractando argu-  
 ento diutius versari possumus, cum nobis in hoc  
 Colloquio adhuc differendum incumbat de  
 Conciliis cum Oecumenicis, tum Nationalibus  
 Provincialibus, quæ Sæculo decimo quarto ce-  
 levavit Ecclesia.

D. Fueruntne decimo quarto Ecclesiæ sæculo celebrata plura Concilia Generalia?

M. Unicum dumtaxat Sæculo decimo quarto celebratum est Concilium Generale, *Viennense*, videlicet in Galliis, quod inter Concilia Oecumenica decimum quintum censetur, fuitque inditum anno MCCCVI I. à *Clemente V.* Pontifice Maximo ob quatuor potissimum causas: primò, ob causam *Templariorum*, quorum Ordo, antehac Sanctissimus, publicam tum temporis gravissimorum criminum infamiam laborabat. Secundò, ob causam Fidei variis erroribus laceffitæ; *Fratricelli* nimirum, *Dulcinistæ*, *Beguardi* & *Beguinae*, quibus omnibus, ut in superiori Colloquio ostendimus præverat Frater *Petrus Joannes Olivi* ex Ordine Minorum, varios errores sparserunt, ad quos compescendos præsentissimo remedio opus erat. Tertiò, ob subsidium Terræ Sanctæ. Quartò denique ob restaurationem collapsæ Ecclesiasticæ Disciplinae; quæ, ut facilius in integrum restitui posset Archiepiscopis & Episcopis singulis jussit Summus Pontifex *Clemens V.* ut per se vel per alios viros prudentes, Deum timentes, & habentes præ oculis, omnia, quæ correctionis & reformationis lumen exposcerent, subtiliter inquirerent, fideliter conscriberent, & ad Concilii notitiam perferrent. Huic Summi Pontificis præcepto præ cæteris alio morem gessit, illudque executus est *Guillelmus Durandus* Mimatensis Episcopus, doctrinæ & pietatis conspicuus, qui egregium edidit Tractatum inscriptum: *De modo Generalis Concilii celebrandi*. F quatuor causæ convocandi Concilium Generale Viennense, referuntur in Constitutionibus, q

*ventina* vulgò dicuntur, & in convocationis Dinate, quod incipit: *Regnans in Cælis &c.*

D. Concilium Generale Viennense fuitne, bratum eodem anno, quo à *Clemente V.* Pontif. Maximo indictum est, seu anno millesimo trecentesimo septimo?

M. Concilii Oecumenici Viennensis, quod MCCCVII. à *Clemente V.* indictum est, ad quinquennium procrastinata fuit celebratio. Quò factum est, ut illud solum fuerit apertum Kalendis Ibris anni millesimi trecentesimi undecimi. us, in quo habitum est istud Concilium, fuit una Allobrogum, Archiepiscopalis Sedes ad Rodanum in Galliis sita. Præfuit Summus Pontif. *Clemens V.* Aduere, præter Cardinales, Patriarchæ Alexandrinus, & Antiochenus Latini ritus, centum & quatuordecim Episcopi sicut testatur *Guillelmi Nangii Continuator* (trecentos tamen assistites huic Concilio Viennensi interfuisse scribit *Joannes Villanius* & *S. Antoninus*) Inferiorum latorum ingens erat numerus, & Principum auctores. Post septem circiter menses absolutum istud Concilium, non verò post biennium, ut error obrepit *Trithemio Abbati*.

D. Templariorum Ordinis originem, Auctorem, finem, & Officium, ad quod in Ecclesia perendum fuit ille Ordo institutus, memini, te exposuisse in Colloquio sexto in Historiam sæculi undecimi. At, cum iste Templariorum Ordo, ut eodem observasti, fuerit proscriptus, suppressus, penitus extinctus in Concilio Generali Viennensi, debes nunc explicare causam, ob quam istud Concilium aboleverit hunc Ordinem, qui, ut testan-

tur



tur Historici Scriptores, quos nuperrimè legi, erat in se laudabilis, bonus, Ecclesiæ utilis, & cui officio incumbere Christianæ ditionis fines in Oriente tueri, latrocinia, & incursiones Infidelium Christianos Terram Sanctam pietatis ergò perfrustrantes infestantium armis inhibere.

M. Templariorum, seu Equitum militiæ Templi Ordinem multos annos famâ percelebrem floruisse, & Ecclesiæ egregiam navasse operam, nemini diffiteri potest. Ast, quod maximè dolendum est Templarii illi Equites progressu temporis immensis opibus aucti, moribusque in deteriora mutati eò tandem nequitiae prolapsi sunt, ut sui officii prout immemores, occulta cum Saracenis & Turcis fœdera & conspirationes contra Christianos inirent, seque omni genere impietatis, & nefandæ libidinis flagitiis contaminarent. Inter horrenda crimina, quorum Templarii fuerunt insimulati hæc præcipua habentur: Primò, quòd compellerent eos, qui huic Ordini nomen dabant, ut *sum Christum* abnegarent, & ter conspuerent *Imaginem Crucifixi*. Secundò, quòd eos cogerent, libarent in partibus pudendis oscula. Tertiò, quòd Magister Ordinis, & Præceptores libertatem illis permitterent averfam & nefariam libidinem impudicè exercendi. Quartò, quòd cranium quoddam deauratum, prolixâque barbâ adornatum ethnico ritu adorarent. Propter hæc execranda scelera re merito extinctus fuit in Concilio Generali Vicensi Templariorum Ordo, quippè qui ab Ecclesia cum fuisset institutus, & approbatus ut boni Christi odorem longè latèque diffunderet, ut exemplum fidelium esset, ut Christianæ sanctitatis fo-

ac imaginem conversatione sua exhiberet ,  
actum tibi propositum officium magno cum  
ore exercens inserviret Ecclesiæ ; ab eo tandem  
issimo tunc prorsus degeneraverat , & generali  
niâ , ob morum corruptelam & abominanda  
ciâ , aspersus , non solum Ecclesiæ inutilis , sed  
iciosus evaserat .

D. Cùm aliquos Scriptores, præsertim S. *An-*  
*um* , & *Joannem Villani* de causa Templario-  
differentes nudiustertius legerim , sine , quæ-  
t nonnullas circa hanc Templariorum accusa-  
m tibi proponam difficultates , quæ mihi , ut  
idè fatear , haud leves esse videntur . Non ne-  
uidem, Templarios horum scelerum, quæ mox  
isti , reos fuisse accusatos , sed S. *Antoninus*  
art. Chronici . Titul. xxi. Cap. i. & *Joannes*  
i Libro viii. *Historiæ* Italicè scriptæ Cap. xiii.  
atur , primos horumce criminum in Templa-  
accusatores ac delatores fuisse duos ex eodem  
ne falsos Fratres , ergà Ordinis moderatores  
affectos , ac perditissimos viros , quorum  
erat Prior MontisFalconis in agro Tolosano ,  
arisiis à Templi Magistro ob hæresim & pessi-  
vitæ mores perpetuo carceri fuerat addictus ;  
t appellabatur *Noffus*, exul Florentinus, qui iti-  
ob crimina in carcerem à Prætorè Parisiensi  
t conjectus . Hi duo proscripti ac scelesti vi-  
t suæ libertati consulere & salutem , prædicta  
vera , sive conficta , Templariorum facinora  
erunt ac propalarunt . Nemo autem non vi-  
t hanc delationem nullum ad puniendos Tem-  
os , & ad abolendum hunc Ordinem , qui an-  
à e Ecclesia tam benè meritus erat , locum ha-  
bere

bere debuisse , utpotè factam ab iniquis viris ,  
ergà hujus Ordinis moderatores pessimè affect  
quos proindè ab accusatione & testimonio feren  
jura repellebant .

M. Non ab illis duobus dumtaxat ganeo  
bus detecta sunt Templariorum flagitia , sed  
stium duorum millium depositione probata ,  
damnati fuerunt Templarii nisi post factas tum  
Gallia à *Clemente V.* Pontifice Maximo , & à *Ti*  
*lippo Pulchro* Galliarum Rege , tum etiam in A  
gonia , in Anglia , & in Italia per Judices Eccle  
sticos , diligentes inquisitiones , quibus accessit  
numerorum reorum , & præcipuorum hujus Ord  
Professorum aperta & libera confessio , ut con  
ex bene multis Instrumentis sive Actis Inquisi  
tum , quæ laudat *Cl. Petrus Puteanus* in *Histor*  
damnationis Templariorum , quæ hic referre  
expendere nimis longum esset . Sufficiet obiter  
servare , *Guillelmum de Parisiis* , Fidei per Ga  
Quæsitorem Generalem , Ordinis Fratrum Pr  
catorum , ad examen vocasse centum quadrag  
Templarios ex Domo Templi Parisiensis , eosq  
multis coram testibus integerrimis & proba  
mæ fidei , super illis facinoribus Ordini objecti  
terrogatos , confessos una voce reos habuisse .  
diti sunt etiam inter cæteros Magnus Templi  
gister *Jacobus Mola* Burgundus , *Guido* , Del  
Viennensis frater , & *Hugo de Peraldo* , qui ea  
crimina confessi sunt . Quin , & ipse *Clement*  
Pontificis Maximi Cubicularius , qui Ordinis T  
plariorum Eques erat , horumce criminum sel  
item oculatum exhibuit , ut observat *Mari*  
Libro xv. *Historiæ Hispanicæ* Cap. xv. his verbi



*ipſius Pontificis Cubicularius* , qui undecimo ætate anno ad eum Ordinem adiunctus , viſa factaque reſtat . His omnibus addi debent publica fama , Templariorum facinora ad Pontificis *Clementis V. & Philippi Pulchri* Galliarum Regis aures det , necnon decretorium iudicium contra Templarios poſt maturum & diuturnum examen in Concilio Generali Viennenſi latum . Quis enim , ſedat , ( ait *Cabassutius* in ſua Notitia Eccleſiaſti-  
ag. 490. ) contigiffe , ut tanta & ex tot diſſitis provinciis convocata Præſulum , Principum , Legatorum , atque inſignium Doctorum multitudo , rum haud exigua pars etiam ſanguine vel affluente plerisque illius Ordinis militibus conjuncta , in tam immane flagitium conſpiraverit , atque adeò in tanti momenti cauſa , in qua de poſſimiſſi & ſæculari nobilitate illuſtriſſimi Ordinis Orbe univerſo propagati non modò abolitione , ſed etiam atrociffima damnatione , ſupplicioque poenatur ? Undè meritò concludit idem Scriptor , ſed iſta cenſurâ dignam eſſe *Trithemii* , aliorumque nullorum temeritatem , qui Templarios aſſerere uſi ſunt falſis criminibus laceſſitos , circumven-  
c , atque oppreſſos fuiſſe .

D. Necdùm in animum meum inducere poſſum , univerſum Templariorum Ordinem parti-  
cipem ac conſcium eſſe omnium ſclerum , quorum in me accuſatus . Nam primò , adeò horrenda & ne-  
ſcia ſunt ſclera , quæ huic Ordini obiiiciuntur , ut enè incredibile ſit , Viros nobilitate illuſtres , ex ſeſſione Religioſos , & obſequio Eccleſiæ man-  
ſuetos , depoſito omni honoris , pudoris ac Religi-  
onis ſenſu , ſeſe illis flagitiis per totum , quâ late  
patet,

patet, Orbem Christianum contaminare potuissent, nemine inter illos reclamante, nemine tam nefando & immania crimina execrante aut revelante. Præterea, quamvis juridicè auditi & examinati fuerint, nonnulli Equites Templariorum Ordinis, nunquam tamen Ordo totus fuit in jus vocatus & auditus. Immò Confessiones horrendorum criminum ab illis Templariis interrogatis & auditis factas, vel metu, vel tormentis, vel promissis fuisse extortas, ex eo maximè probari posse videtur, quòd summus totius Ordinis Magister *Jacobus Mola*, plurimique alii Templarii, qui Parisiis flammis addicti sunt, editam ante criminum confessionem revocarunt, ac se ipsos, Ordinemque, criminum objectori puros & insontes palàm contestati sunt, morteque intrepidi pro hujus veritatis defensione assuerunt & subierunt.

M. Cùm detestanda illa crimina innumere depositionibus testium, inquisitionibus ac interrogationibus ubique locorum à legitimis Judiciis Ecclesiasticis factis, atque ipsorum reorum confessionibus probata, comperta ac explorata fuerint, flocci fieri debent omnes conjecturæ, quæ ad probandam Templariorum innocentiam adduci solent. Facta quippè ex Actis, & Authenticis instrumentis, non conjecturis & rationibus prolatur. Fuerint licèt Templarii Natalium splendor inclyti, professione Religiosi, & Ecclesiæ obsecrati; postquam tamen à pio Instituti sui fine piter desciverunt, suæque libidini fræna imlaxarunt, in his sensim sine sensu obscuratum aurum, mutatus est color optimus, dispersi lapides Sanctuarii, ita ut de illis rectè dici po-

quod de *Origene* agebat *Hieronymus* : *Ubi benè, nemo melius ; ubi malè nemo pejus ; ac verè in eos quarent hæc communia Philosophorum Effata : Corruptio optimi pessima : & ex generosiori vino fit asperius acetum .* Quòd verò in tanta corruptione morum nullus in Templariorum Ordine reclamaverit, nullus de his immanibus flagitiis apud Ecclesiam conquestus fuerit , id certè mirum tibi videri haud debet, cum ejusdem silentii suppetat exemplū, quod nostris temporibus contigit, in spuris Mysticis, *Mihaelis de Molinos* Discipulis , qui licet in sua Secta nefandas veterum Gnosticorum impudicitias omnes ad unum æmulerentur, nullus tamen inter illos per non leve temporis spatium de his sceditatibus abominationibus apud Ecclesiam conquestus est , sed potiùs singuli datā operā altissimo sibi imposito silentio sollicitè studuerunt , ut non prodirent in publicum , sive quia suis commodis, & illitis voluptatibus affatim indulgere volebant, sive timorè verebantur , ne suæ Sectæ monstra libidinum prodentes , suæ famæ jacturam facerent , & in se incitarent odium aliorum , quos eadem operā infamassent . Eandem silentii Templariorum in tanta Ordinis sui morum corruptione causam fuisse, facile crediderim . Verum quidem est, plurimos Templarios , & in primis *Jacobum Mola*, summum Ordinis Magistrum , paulò antequam vivi Parisiis comburerentur, revocasse , quam priùs ediderant, plerumque confessionem , eundemque Ordinis Magistrum , cum ad supplicium raperetur, hæc verba clam fecisse, quæ ex probatæ fidei Authoribus recitat *Mariana* libro xv. de *Rebus Hispaniæ* capite decimo : *Ego extremo vitæ tempore , cum inutili men-*



*oatio locus esse non debet , vera esse nego , ac per omnia numina juro , quæ de Templariorum impietate , criminibusque & ante jactata , & nunc recitata sunt . Ordo enim ille sanctus , justus , ac orthodoxus est . Ego tamen extremo supplicio dignus , qui Pontifice , Regeque hortantibus , flagitia impia sceleraque mentitus sum in Ordinem meum de Religione Christiana optimè meritum : Quod utinam , ò utinam factum non esset ! sed quod unum superest , meis delictis , si venia locus est , ignosci postulo , ultròque graviores etiam pœnas depono &c. Id ita contigisse , sicut narrat Mariana , non inficias eo , contendo tamen , ex ea præcedentis scelerum confessionis revocatione , quâ Jacobus Molli Summus Ordinis Magister , plurimique Templarii , antequam ignis supplicium perferrent , publicè declararunt , se ipsos , & Ordinem criminum obnoxiorum puros & insontes esse , inferri non debere confessiones criminum à Templariis factas , metu pœnarum elicitas ac extortas fuisse . Nam primò etiam Magister Ordinis , & alii nonnulli Templarii prius editam scelerum confessionem revocaverint nihilominus multò plures Templarii in priori confessione semper sibi constantes perseverarunt . Secundò , ipsa rei gestæ series , ipsa Inquisitionum Acta ex Regio Chartulario deprompta , nec non Clementis V. Pontificis Maximi Diplomata aperè demonstrant , maximam Templariorum partem spontè ac liberè horrenda flagitia confessam fuisse eorumque infamem notam universo Ordini inusabile . Tertiò , extant & vetera & recentia exempla hereticorum , & sceleratorum virorum , qui extrema supplicia subire maluerunt , quàm suppositos errores vel scelera fateri , quales fuerunt Priscilliani*

quorum vulgare ac tritum erat effatum: *jura , per-  
 jura , secretum prodere noli* , ut nihil in præsentia  
 licam de *Circumcellionibus* , de *Joanne Hus* , *Hiero-  
 ymo Pragensi* , & aliis Hæreticis , qui ab Ecclesia  
 onvicti , & solemnî judicio damnati , nunquàm  
 los errores ejurare voluerunt , & mortem irreto-  
 tis oculis aspexerunt , atque impavidis animis op-  
 etierunt , quorum tamen in perferendo ignis sup-  
 plicio constantia seu pervicacia illos insontes fuis-  
 minimè probat , sicut in confesso est apud omnes  
 catholicos . Nihil ergo ex hac præcedentis scelem  
 confessionis revocatione factâ à Magistro Or-  
 dinis , & aliis Templariis ; nihil etiam ex ipsorum  
 perferendo ignis supplicio constantia , seu po-  
 us pervicacia , extundi potest ad vindicandum  
 hunc Templariorum Ordinem à scelerum infamia,  
 quâ fuit aspersus , ac demùm in Concilio  
 generali Viennensi omninò extinctus . Obiter ta-  
 en advertere debes , hunc Templariorum Ordinem  
 non fuisse in Concilio Generali Viennensi à  
*clemente V.* damnatum & abolitum ex rigore juris,  
 u per modû sententię definitivæ , quam summus  
 pontifex ferre non potuit , quia totus Ordo Tem-  
 ariorum in jus vocatus & auditus non fuerat . Hi  
 quidem , qui hujus Ordinis defensionem suscep-  
 erant Parisiis coram Apostolicis Commissariis , pro-  
 ratione legitimâ non erant instructi , & se Pro-  
 ratores intituiere non posse absque præsentia &  
 onsensu Magistri Ordinis responderunt , ut con-  
 at ex Actis publica Notariorum manu exceptis ,  
 relatis à *Petro Puteano* in sua Historia Templa-  
 rorum . Verùm , quamvis *Clemens V.* hunc Tem-  
 ariorum Ordinem non ex rigore juris , seu per

modum sententiæ definitivæ , non damnaverit , illum tamen tot turpitudinum maculis infamem , proscriptis , abolevit , & suppressit de plenitudine potestatis , & per viam provisionis seu Ordinationis Apostolicæ , ut videre est in damnationis sententia à *Clemente V.* sacro Viennensi approbante Concilio latâ , quæ incipit his verbis : *Ad providam* , ubi hæc leguntur : *Ordinis* , ( seu Templariorum ) *statum* , *habitum* , atque *nomen* , non sine cordis amaritudine & dolore , sacro approbante Concilio : non per modum diffinitivæ sententiæ ; cum eam super hoc secundum inquisitiones & Processus , super his habitos , ferre non possemus de jure : sed per viam Provisionis , seu Ordinationis Apostolicæ , irrefragabili & perpetuò valitura sustulimus sanctione , ipsum prohibitioni perpetuæ supponentes &c. ex quibus verbis liquet , Templariorum Ordinem justâ de causa , damnatum & abrogatum esse , licet in jus vocatus & auditus non fuerit .

D. Circâ Abolitionem Ordinis Templariorum factam in Concilio Generali Viennensi hæret adhuc animo scrupulus , quem mihi eximas velim Legi in Scriptoribus superiùs à me laudatis , vide licet in *Joanne Villani* , & *Sancto Antonino* , abolitionem Templariorum profectam esse ex avaritia *Philippi Pulchri* Galliarum Regis ad eorum boni inhiantis . Sic enim scribit *S. Antoninus* III. Part. *Chronicorum* Titul. *xxi.* Cap. *i.* Parag. *iii.* Creditur tamen magis inductus ( *Philippus Pulcher* ) ad extorquendam pecuniam ab illis , seu Templariis , & bonorum eorum , & ex odio concepto contra Magistrum *Mansueti* nis , quàm ex zelo justitiæ . Quibus verbis apertè innuit *S. Antoninus* , Templarios fuisse infantes , e



rumque Ordinem extinctum fuisse instigante ac promovente *Philippo Pulchro*, qui eorum bona, quæ maxima in Galliis erant, sibi vendicare, ea-que quovis modo obtinere volebat.

M. Promovit quidem *Philippus Pulcher Rex Christianissimus* Templariorum damnationem, & Ordinis abolitionem non ut accusator, non ut denunciator, vel partialis promotor, sed ut Dei Minister, Pugil Fidei Catholicæ, legis divinæ zelator, ad defensionem Ecclesiæ, ut constat ex Regis Protestatione, ipsius litteris ad Summum Pontificem *Clementem V.* insertâ, quas ex Scriniis Regiis laudat *Petrus Pueranus* in Historia Templariorum. Puras etiam animus, animumque ab avaritiæ labe immunem, eo negotio habuisse *Philippum Pulchrum*, disertè testatur *Clemens V.* in Diplomate, quod incipit, *regnans in Cælis*, in quo Regem his verbis compellit: Deinde verò Tu, cui eadem fuerant facinora nuntata, non typo avaritiæ, cum de bonis Templariorum tibi vindicare vel appropriare intendas . . . . sed dei orthodoxæ fervore, tuorum Progenitorum vestigia clara sequens, accensus, de præmissis, quantum licet potuisti, te informans, ad instruendum & informandum nos super iis, multas & magnas nobis informationes per tuos Nuncios & Litteras destinaisti. Sed *Philippi Pulchri* in promovenda Templariorum Ordinis abolitione animum ab avaritiæ sordibus penitus manifestò ostendit bona fides & diligentia, quâ Rex ille Christianissimus votis ac mandatis Pontificis post extinctum illum Ordinem è vestigio consecutus, Investituram huiusmodi bonorum, quibus S. Joannis Hierosolymitani concessit, ea-que toto, quâ latè patet, Regno in possessionem

milit omnium bonorum immobilium ad Templarios pertinentium , & ex mobilibus exiguam dumtaxat ac modicam summam , *Clemente V.* Pontifice Maximo ultrò consentiente , sibi vendicavit, in justam expensarum in hujus causæ prosecutione à se factarum compensationem, sicut constat ex Instrumento, quod sæpè laudatus *Petrus Puteanus* ex Regesto veteri Senatus consultorum Parisiensis Curiae transcripsit , illudque inseruit in *Historia Templariorum* . Scio , aliquot esse Scriptores Italos, videlicet *Joannem Villani*, *S. Antoninum*, quos laudasti, & insuper *Trithemium* Abbatem in Chronico Hirsaugiensi , *Paulum Æmilium* in lib. *De Rebus Gestis Francorum* in *Philippo Pulchro*, atque *Papirium Massonum* lib. III. Annalium, qui in *Philippum Pulchrum* Galliarum Regem in causa Templariorum non satis æqui fuerunt , eumque avaritiæ in promovenda Templariorum Ordinis abolitione insinularunt . Sed illi Scriptores decepti sunt falsis rumoribus qui per Italiam increbuerant , majorisque auctoritatis esse debent rerum in causa Templariorum gestarum Monumenta autographa , quæ in Regii Scriniis integra etiamnùm asservantur , necnon Pontificia Diplomata *Clementis V.* & sententia lata in Ordinem Templariorum in Concilio Generali Viennensi , quàm privatorum quorundam Scriptorum narratio . Non desunt etiam Scriptores coevi, quos inter censentur Continuator *Guillelmus Nangii* ad annum MCCCVIII. & *Bernardus Guidon* Lodovensis Episcopus ex Ordine Fratrum Prædicatorum assumptus , in *Chronico Romanorum Pontificum* , qui disertè testantur , abolitionem Ordinis Templariorum profectam esse non ex avaritia *Philip*

*Philippi Pulchri* Galliarum Regis , sed ex fœtore , & clamore criminum immanium , quibus tam Ordo Templariorum , quàm Ordinis Professores erant contaminati , quibus excitatus est Christianissimus ille Rex , ut omnes Templarios toto Regno capi , & in carcerem abjectâ omni cunctatione conjici juberet , atque à *Clemente V.* Pontifice Maximo potularet extinctionem illius Ordinis , ad quem dendum satis erat fama seu infamia publica tam fœdorum & immanium criminum , quam nulla purgatione abstergere poterant Ordinis capita , & nembra ; *Infamia* siquidem *publica* , *habet locum accusatoris* , ut docet *S. Thomas* secundæ secundæ Quæst. LXVII. Art. III. in Responsione ad secundum sibi objectum argumentum . His itaque falsis rumoribus adversus *Philippum Pulchrum* Galliarum Regem , quibus decepti fuere nonnulli Scriptores Itali , nulla fides haberi debet , sicut nec ullam prorsus fidem merentur quidam alii Scriptores , qui narrant , *Clementem V.* Pontificem Maximum , & *Philippum Pulchrum* Galliarum Regem , *Jacobo Mola* , magno Ordinis Templariorum Magistro , paulò antequàm vivus Parisiis combureretur , ad Divinum Tribunal vocatos , dictâ die obiisse . Hæc quippe narratio fabulis accensenda est , cum nihil simile ab antiquis Scriptoribus memoriæ proditum sit , non à *Guillelmi Nangii* continuatore , non à *Joanne Villani* , *S. Antonino* , *Tribemio* , *Paulo Emilio* , & aliis ; etsi quidam illorum , ut mox observavimus , calumnias in *Philippum Pulchrum* Galliarum Regem falsis rumoribus vulgatas in sua Chronica absque examine retulerint . Sed satis hætenus dictum sit de Templario-



rum damnatione, eorumque Ordinis abolitione decretâ in Concilio Oecumenico Viennensi.

D. Recense nunc, juxta Ordinem suum, omnia, quæ gesta ac definita fuerunt in Concilio Generali Viennensi?

M. Concilium Oecumenicum Viennense tribus Sessionibus fuit absolutum. In priore, quæ habita est die xvi. mensis Octobris in Ecclesia Metropolitana *Sancto Mauritio* sacrâ, *Clemens V.* Pontifex Maximus, celebrationis Concilii causas exposuit; postea de Templariorum causâ, de subsidio Terræ Sanctæ, de Clericorum reformatione varii Tractatus, ac multæ deliberationes habitæ sunt. In altera Sessione, quæ tertiâ die Aprilis anni trecentissimi duodecimi ineuntis habita est, præsentē *Philippo Pulchro* Galliarum Rege, qui circâ Quadagesimam, cum filiis & fratribus, multorumque Prælatorum ac Procerum comitatu advenerat, discussis diuturno examine, qui in Templariorum causa conscripti fuerant, processibus, *Sacro approbante Concilio*, promulgata est sententia, quâ planè extinctus est Templariorum Ordo, eorumque bona Equitibus Sancti Joannis Hierosolymitani adjudicata fuere. Tertia & postrema Sessio habita est pridie Nonas Maji, & in ea promulgata fuit Clementina prima *De Summa Trinitate*, & *de Fide Catholica*, ubi damnantur tres *Petri Joannis Olivi* errores, primus, quo assererat, Christi adhuc viventis latus lanceâ perfoctum fuisse; alter, quò negabat, Animam rationalem esse formam corporis; Tertius, quo habitus Fidei & virtutum in Baptismo infundi inficiabatur. Contra primum errorem profitetur Sancta Synodus, *Christum, spiritu*  
*emif-*

iſſo, perforari lancea ſultinuiſſe latus, ut indè forma-  
 tur Eccleſia coniux Chriſti. Contra ſecundum er-  
 rem definivit, ut ſi quiſquam deinceps aſſerere, de-  
 dere ſeu tenere pertinaciter præſumpſerit, quòd  
 ſe ſe ſe Rationalis ſeu intellectiva non eſt forma corpo-  
 ralis humani per ſe & eſſentialiter, tanquàm hæreticus  
 cenſendus. Contra tertium errorem ſanxit, hanc  
 unionem, quæ dicit tam parvulis, quàm adultis  
 eſſe ferri in Baptiſmo gratiam informantem & virtutes,  
 eſſe quam probabiliorem, & Diſtis Sanctorum ac Do-  
 ctorum modernorum Theologiæ magis conſonam &  
 eſſe eorum eligendam eſſe ac propugnandam. Be-  
 rardorum, & Beguinarum, nec non Fratricellorum,  
 Dulcinistarum, errores, de quibus diximus in  
 ſuperiori Colloquio, fuerunt itidem in hoc Con-  
 cilio Generali Vienneniſi damnati per Clementi-  
 nam Ad noſtrum, quæ legitur inter Clementinas,  
 ſub titulo de Hæreticis. Volunt aliqui cum S. Antonino  
 eſſe pariter fuiſſe in eodem Concilio Vienneniſi  
 Clementinam Ex gravi; De Uſura, quâ hæreſeos  
 damnati ſunt, qui pertinaciter aſſererent, Uſuras  
 non eſſe peccatum; item Clementinam Ne in agro,  
 De ſtatu Monachorum; Clementinam quoque Du-  
 dæ; De Sepulturis; & Clementinam Religioſi; De  
 Privilegiis, & exceſſibus Privilegiatorum. Verùm  
 illas Clementinas in hoc Concilio Generali fuiſſe  
 publicatas non conſtat apud omnes. Habita eſt  
 in hoc Concilio Vienneniſi deliberatio de ſubſidio  
 Terræ Sanctæ, ad quod ferendum ſeſe promptiſſi-  
 mæ exhibuit Philippus Pulcher Rex Chriſtianiſſi-  
 mus, qui promiſit, ſe infrà annum cum liberis,  
 ſcribis, ingentique Procerum ac Nobilium nu-  
 mero tranſfretaturum; Gallicani verò Præſules  
 Deci-

Decimas ad sexennium ad hoc sacrum perficiendum opus concesserunt , quod à Summo Pontifice & Concilio approbatum est , sicut refert *Guillelmi Nangii* continuator . Sed deliberationes, consilia & promissa hoc de sancto negotio habita , executioni non fuerunt mandata , & in irritum ceciderunt . Denique , in Concilio Generali Viennensi cum *Philippus Pulcher* Galliarum Rex vehementer urgeret *Clementem V.* ut memoriam *Bonifacii VIII* damnaret , noluit Pontifex Maximus Regis voluntatem implere, sed invidiosissimum istud negotium hoc pacto composuit ac finivit . Memoriam *Bonifacii VIII.* vindicavit quidem , eumque Catholicum & legitimum fuisse Pontificem declaravit ; famam tamen *Philippi Pulchri* Galliarum Regis integrare esse voluit , editoque Decreto statuit , nullam Regi , ejusve filiis , aut hæredibus pœnam , vel detrimentum aliquod inferri , aut ullam infamiæ nec tam inuri posse ob gesta contra *Bonifacium VII* sicut refert *S. Antoninus III. Part. Chronic. Titul. x. Cap. III.*

D. Cùm nullum aliud Concilium Generale præter Viennense, in Galliis, fuerit Sæculo decimo quarto celebratum, ad habendam plenam aliorum hujus Sæculi Conciliorum notitiam, breviter nunquoad ejus fieri poterit, differere debemus de Conciliis Nationalibus, seu Provincialibus, quæ eodem Sæculo XIV. ad restaurandam Ecclesiæ Disciplinam in Gallia, Hispania, Italia, Anglia , & Germania habita fuerunt .

M. Primum Concilium Nationale, quod Galliis habitum est Sæculo decimo quarto , fuit Concilium *Compendiense*, indictum ab Archiepiscopo



Remensi Roberto de Courtenay anno MCCC. in eo-  
 tem edita sunt Capitula, quæ spectant Discipli-  
 nam Ecclesiasticam & Clericorum immunitates,  
 scilicet, excommunicati sunt Laici Judices, qui  
 ultas pro Clericorum criminibus exigunt, eâ-  
 que censurâ perculsi sunt Abbates, qui con-  
 traverint in suos Episcopos, seu contra jurisdic-  
 tionem Episcopalem de mutua defensione fœdus  
 inter se iniverint. Fulminati pariter sunt Magistra-  
 ti, qui non patiebantur, ut Laici in foro Eccle-  
 siastico convenirentur: decretum etiam est, ut ubi-  
 que à Judice temporali caperetur Clericus, à  
 laicis cessaretur Officiis. Extant hujus Concilii  
 Compendiensis septem Capitula tomo XI. Concil.  
 par. 2. pag. 1472. *Amaneus* Auscitanus Episcopus  
 Concilium Provinciale anno MCCCIII. celebravit  
 ad *Nugarolium* (Armeniacorum id oppidum est  
 Diœcesi Auscensi situm ad Garumnæ fluvium)  
 in quo Decreta undeviginti edita sunt contra Cle-  
 ricos peregrinos, qui, absque suorum Episcoporum  
 commendatitiis litteris sacra facientes, excommu-  
 nicantur; contra Judices temporales, qui sese causis  
 Ecclesiæ admiscentes eidem censuræ subjiuntur;  
 contra perjuros, qui denunciantur excommunica-  
 ti intestabiles & infames; contra decimarum de-  
 ctos, concubinos, usurarios, adulteros ma-  
 nestos &c. qui omnes excommunicatione feriun-  
 tur. Extant istius Concilii Nugaroliensis undevi-  
 ginti Decreta Disciplinam Ecclesiasticam spectan-  
 ti tomo XI. Concil. par. 2. pag. 1478. Alterum  
 Concilium Compendiense *Robertus de Courtenay*  
 Archiepiscopus Remensis coëgit anno MCCCIV. in  
 quo decretum est, illos ipso facto esse excommuni-  
 ca-

catos, qui alios nominatim excommunicatos & interdictos ad Divina, vel ad Ecclesiasticam Sepulturam admittunt, aut Sacrorum celebrationi coram hujusmodi hominibus ab Ecclesia proscripti interesse præsumunt. Item denunciantur ipso facto excommunicati hi, qui Matrimonia clandestina contrahunt, procurant, aut præsentiam suam cohonestant; necnon Magistratus, qui vectigalia Clerici imponunt, & tallias atque collectas ab iis exigunt. Denique, præcipitur Clericis, ut mensam frugalitervantur, sintque contenti iusculo & duobus ferculis in conviviiis, nisi superveniant Magnates. Extant hujus secundi Concilii Compendiensis pro reformatione Ecclesiasticæ Disciplinæ quinque Capitula tom.xi. Concil. part. 2. pag.1493. *Amaneus* molaudatus Auscitanus Archiepiscopus Concilium in Metropoli sua anno mcccviii. congregavit, in quo actum est de juribus Ecclesiæ vindicandis, de celebratione Missarum, de usuris, de Monachis, & aliis hujusmodi morum reformationem spectantibus. Habentur hujus Synodi Auscitanæ Canones sex tomo xi. Concil. par.2. pag.1500. *Philippus* de Marigny Archiepiscopus Senouensis Concilium Parisiis congregavit anno mcccxi. cujus ad vigorem Ecclesiasticæ Disciplinæ renovandum, & abusu quosdam extirpandos *contra detentores bonorum Ecclesiæ, & contra citationes generales* extant Capitula tom.xi. Concil. pag.1602. *Gaufridus* Turonensis Archiepiscopus cum suis Suffraganeis & Abbatibus Concilium Salmuriense anno mcccxv. coegit in quo quatuor promulgati sunt Canones contra perturbatores jurisdictionis Ecclesiasticæ, & contra Archidiaconos, qui ab examinandis pecuni-

gunt. Extant quatuor illi Concilii Salmurienſis  
 ones tomo xi. Concil. par. 2. pag. 1617. Eodem  
 anno *Amaneus* Aufcitanus Archiepiſcopus alterum  
 garolienſe habuit Concilium, in quo quinque  
 decreta edita ſunt; quibus ſtatuitur, ut Domini  
 temporales non occupent Eccleſias vacantes: ut  
 ſerici à Judicibus Sæcularibus non compellantur:  
 ſupplicio ultimo damnatis Pœnitentiæ Sacra-  
 mentum non denegetur &c. Extant quinque hujus  
 Concilii Nugariolenſis Decreta tom. xi. Concil.  
 par. 2. pag. 1620. *Robertus de Courtenay* Archiepi-  
 ſcopus Remenſis eodem anno mcccxv. Silvanecten-  
 ſi celebravit Concilium, in quo *Petrus* Epico-  
 pus alaunenſis, & Galliarum Regni Cancellarius,  
 multorum criminum reus accuſabatur, abſo-  
 latus eſt, & in Sedem ſuam reſtitutus, ut videre eſt  
 apud *Guillelmi Nangii* Continuatores ad annum  
 mcccxv. Idem *Robertus de Courtenay* Remenſis Ar-  
 chepiſcopus aliud Silvanectenſe Concilium habuit  
 anno mcccxvii. in quo contra invadentes bona  
 Eccleſiaſtica actum eſt, & ſtatutum, eos, ſi intra  
 octidies non ſatisfecerint, arctioribus cenſuris  
 cogendos. *Guillelmus de Meloduno* Senonenſis  
 Archiepiſcopus Concilium in ſua Metropoli con-  
 vocavit anno mcccxx. in quo quatuor promulga-  
 ta ſunt Decreta de ſervando jejuniis in Vigilia Fe-  
 ſti Corporis Chriſti; de ceſſatione à Divinis, quan-  
 do Clericus à Judice Laico detinetur; de profeſſio-  
 ne Monachorum; de vita & honeſtate Clericorum,  
 quibus prohibetur, ne caligas peregrini coloris,  
 comam, barbamque prolixam gerant. Eadem De-  
 creta iſdem ferè verbis concepta publicavit *Guil-  
 lelmus de Meloduno* Archiepiſcopus Senonenſis in  
 Con-



Concilio , quod cum suis Suffraganeis Parisiis celebravit anno MCCCXXIII. *Gasbertus* Arelatensis, *Jacobus* Aquensis , & *Bertrandus* Ebredunensis , Archiepiscopi, cum suarum Provinciarum Episcopi Concilium Avenione anno millesimo trecentesimo vigesimo sexto celebrarunt, in quo plurima in morum & disciplinæ reformationem, Clericorum privilegia & immunitates, nonnulla etiam contra bonorum & jurium Ecclesiasticorum invasores, censurarum Ecclesiæ contemptores , & circa Ecclesiasticam jurisdictionem, res matrimoniales, & testamentarios statuta fuere , ac quinquaginta novem edita Capitula, quæ *Petrus Gassendus* , Vir doctissimus, & Ecclesiæ Dinienfis Præpositus, publici iuravit, & ad calcem *Historiæ Ecclesiæ Dinienfis* edit, eaque postea *Cossartius*, & *Binius* suæ Conciliorum Collectioni inseruerunt tom. XI. part. 2. pagina 1717. *Guillelmus de Flavacourt* Auscitanus Archiepiscopus Concilium Marciacense eodem anno MCCCXXVI. congregavit , in quo quinquaginta edita sunt Capitula de ætate & qualitate Ordinariorum ; de litteris dimissoriis ; de Officio Archidiaconi de Officio Ordinarii ; de perjuriis , exceptionibus , percellationibus, de Ecclesiarum , & Clericorum immunitate ac libertate , de Censuris , de Reliquiis & Indigentis, de Ecclesiarum constructione & consecratione necnon de aliis Ecclesiasticæ Disciplinæ Capitulis quæ extant tom. XI. Concil. par. 2. pag. 1747. *Arum* Marcianense Concil. habuit idem *Guillelmus Flavacourt* Auscitanus Archiepisc. ann. MCCCXXVIII. in causa *Anesancii* Episcopi Adurenfis à perditionibus occisi, in quo decretum est , ut sicarii, istud parricidium commiserant , ab Ecclesiæ

io amoverentur, & quicumque eos hospitio ex-  
 erent, anathemate configerentur. *Guillelmus*  
*Bria* Archiepiscopus Remensis Concilium Silva-  
 tense celebravit anno mcccxxvi. in quo ordo  
 endi Concilii Provincialis per Remensem Pro-  
 viciam in posterum observandus stabilitur, juris-  
 dictio & immunitas Ecclesiæ confirmantur, solutio  
 decimarum sub pœna excommunicatio-  
 nis imperatur; hi, qui sunt excommunicati, ab  
 officio, patrocinio, & testimonio repelluntur;  
 incestuosa matrimonia sub pœna excommunica-  
 tionis prohibentur. Extant illius Concilii Silva-  
 tensis Canones VII. tom. xi. Concil. par. 2. pagi-  
 na 768. Idem *Guillelmus de Bria* Remensis Archie-  
 piscopus Concilium Compendiense ann. mcccxxix.  
 celebravit, in quo statutum est, ut Constitutiones pro  
 viciæ, immunitatibus, privilegiis & bonis Eccle-  
 siæ servandis latæ executioni mandarentur, sicut &  
 Constitutiones contra usurarios editæ. Præcipitur  
 etiam, ut singulis diebus Dominicis excommuni-  
 catione denunciarentur omnes & singuli usurpantes, im-  
 pietates, & perturbantes ordinariam jurisdictio-  
 nem Ecclesiasticam. Extant hujus Concilii Com-  
 pendiensis Canones VII. tom. xi. Concil. part. 2.  
 pagina 1775. *Petrus* Archiepiscopus Rotomagensis  
 Concilium in Monasterio *B. Mariæ de Prato* propè  
 Rothomagum anno mcccxxx. celebravit, in quo  
 de Divinis Officiis religiosè celebrandis; de vita  
 & honestate Clericorum, ac Monachorum; de De-  
 cimarum Collectione; de promovenda Sacra Expe-  
 ditione; de Calibus Sedi Apostolicæ, & Episcopis  
 reservatis; de promulgandis & observandis Supe-  
 riorum Conciliorum Provincialium Constitutioni-  
 bus,

bus, & de aliis Disciplina Ecclesiastica Capitibus actum est. Tredecim Constitutiones, quæ in hoc Concilio Rothomagensi editæ fuerunt, habentur tomo XI. Concil. part. 2. pag. 1783. *Petrus* Archiepiscopus Turonensis anno millesimo trecentesimo trigesimo sexto Concilium habuit in Castro Gonterii Diocesis Andegavensis, in quo duodecim edita sunt Decreta pro Libertate & Immunitate Ecclesiastica, & contra jurisdictionis & bonorum Ecclesiæ invasores ac detentores. Habentur duodecim illius Concilii apud *Castrum Gonterii* celebrati Decreta tomo XI. Concil. part. 2. pag. 184. Eodem anno millesimo trecentesimo trigesimo xto *Fulcrandus* Archiepiscopus Bituricensis Concilium in sua Metropoli convocavit, in quo plurima ad Disciplinam Ecclesiasticam restaurandam sancta sunt, nonnullæ Constitutiones Provinciales, quæ injuriâ temporis & desuetudine penè exoleverant fuerunt renovatæ, & aliæ contra violantes Ecclesiasticam jurisdictionem, contra perturbatores pacis & libertatis Ecclesiæ, de novo promulgatæ sunt. Extant Canones duodecim in hoc Concilio Bituricensi editi tom. XI. Concil. in Appendice pag. 29. Paulò post celebrationem illius Concilii Bituricis, Trium Provinciarum Arelatensis, Ebredunensis, & Aquensis Archipræsules Concilium Avenionense II. anno millesimo trecentesimo trigesimo septimo celebrarunt, in quo quinquaginta novem Decreta Concilii Avenionensis I. habiti: MCCCXXVI. repetita & confirmata sunt, eisque decem addita pro bono Ecclesiæ regimine, ac rerum reformatione. Extant hæc LXIX. Concilii Avenionensis II. Decreta, seu Canones, tom.



Conciliorum part.2. pag. 1852. & apud *Baluzium*  
 in ejusdem Notis in *Concilia Galliae Narbonensis*  
 pag.341. *Joannes* Remensis Archiepiscopus Con-  
 cilium Noviomenſe anno millesimo trecentesimo  
 quadragesimo quarto celebravit, in quo sanciti  
 sunt Canones septemdecim, qui mores, Discipuli-  
 um, jurisdictionem, & Ecclesiae libertates spe-  
 ant, & extant tomo XI. Concil. par.2.pag.1886.  
*Guillelmus* Senonensis Archiepiscopus Concilium  
 Parisiis indixit anno millesimo trecentesimo qua-  
 dragesimo sexto, in quo tredecim edita sunt De-  
 creta de immunitate Clericorum contra Saeculares  
 Magistratus; de habitu Clericorum; de legatis Ec-  
 clesiae in alios usus non convertendis, quam in quos  
 dicta sunt; de observandis antiquis Decretalibus,  
 Clementinis Constitutionibus; de Xenodochiis,  
 profariis, & Eleemosynariis. In Canone ultimo  
 conceduntur Indulgentiae his, qui horam *ignitegii*,  
 deferò, cum tegitur ignis, ter recitant Salutatio-  
 nem Angelicam. *Petrus* Narbonensis Archiepiscopus  
 Concilium anno millesimo trecentesimo quin-  
 tagesimo primo habuit *Biterris*, in quo octo De-  
 creta condita sunt de inclinatione capitis ad San-  
 ctissimum Nomen *IESUS*; de reverentia Sacro  
 Christi Corpori exhibenda, cum ad aegrotos defer-  
 retur; de Indulgentiis, quae conceduntur orantibus  
 pro Summo Pontifice, Rege, & Praelatis; de obser-  
 vatione & executione Canonis *Omnis utriusque se-*  
*culi &c.* Hujus Concilii Biterrensis Acta & Decreta  
 Vir clarissimus *Baluzius* Notis illustravit & edi-  
 dit inter *Concilia Galliae Narbonensis* pag. 91. inde-  
 que inserta sunt tomo XI. Conciliorum par.2.pagi-  
 na 1922. *Simon* Turonensis Archiepiscopus anno

millesimo trecentesimo sexagesimo quinto Concilium Andegavense celebravit, in quo triginta quatuor conditi sunt Canones de collatione Beneficiorum; de vita, honestate, & frugali mensa Clericorum; de Beneficiatorum, & maximè curam animarum habentium residentiâ; de Monachorum & Canonicorum Regularium vestibus reformandis; de abstinencia à lacte & butyro diebus jejuniorum, præsertim Quadragesimali tempore &c. Extat hujus Concilii Andegavensis triginta quatuor Canones tomo XI. Conciliorum part. 2. pagina 193. His Conciliis Provincialibus in Galliis Sæculo decimo quarto celebratis duo alia dumtaxat addantur videlicet *Vaurense*, & *Narbonense*, quorum primum, seu *Vaurense*, à trium Provinciarum Narbonensis, Tolosanæ, & Auscensis Archiepiscopis anno MCCCLXVIII. habitum est apud *Vaurum* Occitanie oppidum, Gallicè *Lanaur* dictum, in quo condita sunt centum triginta tria Decreta Disciplinæ Ecclesiasticæ spectantia. Primum, quod est preclarissimum, complectitur fidem Catholicam, Catechesim ad Christianarum plebium informationem accuratam de Septem Sacramentis; de ritibus Theologicis & Moralibus; de Donis Spiritus Sancti; de eleemosynis corporalibus & spiritualibus; de vitiis capitalibus; de decem præceptis Decalogi. In aliis Decretis, seu Canonibus agitur de Carum Matrimonialium judicio; de jurisdictione libertate Ecclesiastica contra invasorum & opprobriorum injurias tuendâ; de Instrumentis, Constitutionibus, & Juramentis; de vestibus Canonicorum & familiarium Episcopi, & cujusvis alterius latius; de portione congrua Curatorum; de auc

Missæ Parochialis Dominicis diebus ; de Matri-  
oniis clandestinis ; de Canonorum studiis ; de  
dulgentiis , quæ conceduntur convenientibus ad  
illam *Beata Maria* , & his , qui orant pro Roma-  
Pontifice , vel qui ad sonum campanæ circa So-  
ortum pro pace & prospero statu Ecclesiæ quin-  
iès Orationem Dominicam in honorem quinque  
nerum Salvatoris nostri , & septiès Angelicam  
utationem ad honorem septem gaudiorum , quæ  
Filio suo *Beata Virgo* habuit , devotè recitave-  
t &c. Extant hujus Concilii Vaurenſis centum  
ginta tria Decreta tom. xi. Concil. par. 2. pagi-  
1969. & apud *Baluzium* cum suis Notis Concil.  
llie Narbon. pag. 124. Concilium Narbonense,  
ente *Gregorio XI.* Pontifice Maximo, *Petrus* Nar-  
nensis Archiepiscopus in sua Metropoli celebra-  
anno MCCCLXXIV. & in eo viginti octo Discipli-  
Ecclesiasticæ edita sunt Capitula , quorum qua-  
r priora agunt de celebrandis Synodis . In aliis  
ò plurima statuuntur contra fictos Apostolos ,  
absque missione prædicabant ; contra excom-  
nicatos, qui sepulturâ privari debent ; contra  
orum Ecclesiasticorum invasores , vel jurisdic-  
onis, & Immunitatis Ecclesiasticæ oppressores ;  
contra eos, qui blasphemant in Christum, Beatam  
Virginem, & Sanctos &c. Extant viginti octo istius  
Concilii Narbonensis Decreta apud *Baluzium*  
Concil. Galliæ Narbon. pag. 301. & tomo xi. Con-  
c. in Appendice pag. 2497. Hæc sunt omnia Con-  
cilia Nationalia, seu Provincialia, quæ Sæcul. XIV.  
in Galliis celebrata fuerunt .

D. Percense nunc Concilia Nationalia , seu  
Provincialia , quæ Sæculo xiv. in Hispania habita-  
si t.



M. De Conciliis Nationalibus , seu Provincialibus , quæ in Hispania ad restaurandam Ecclesiæ Disciplinam Sæculo xiv. habita sunt, lato calamo differit , eaque doctissimis Notis illustrat Eminentissimus *Josephus de Aguirre* Tomo III. *Conciliorum Hispaniæ*, à quibus nos, ne longius , quàm par sit, nostrum protrahatur Colloquium , breviter expediemus . In Primis, *Gonsalvus* Archiepiscopus Tolletanus anno mcccii. celebravit Concilium *Pennafidelense* ( Vaccæorum Hispaniæ Tarraconensis oppidum est ) in quo præcipitur Clericis ut hora Canonicas recitent , concubinas dimittant , Eucharistiam morientibus administrent , Confessio num arcana omninò celent . Præterea , institutu est dies Festus in honorem B. *Ildephonsi* , aliaque de Decimis , & Immunitatibus Ecclesiarum statuta sunt . Constitutiones Ecclesiasticas xv. in hoc Concilio *Pennafidelenfi* promulgatas refert Cardinalis *de Aguirre* Tomo III. *Conciliorum Hispaniæ* pag. 538. Prætermitto Concilia Tarraconense , Salmanticense , quæ anno mcccxi. fuerunt celebrata, & quorum Acta refert Cardinalis *de Aguirre* pag. 546. & 547. quia in his duobus Conciliis nihil occurrit , quod sit memoriâ dignum . Ceterum fuit Concilium Vallisoletanum , quod *Guilielmus* Sabinensis Episcopus , & Sedis Apostolicæ in Hispania Legatus, anno mcccxi. celebravit, in quo præcipitur , ut quovis biennio Synodi Provinciales , & annis singulis Diocesanae celebrentur : Curati Parochianos suos necessaria ad salutem edoceant : Ut Sæculares iudices , qui Clericos Tribunalia sua de rebus & causis Ecclesiastici Forum litigare compulerint , excommunicati denunci-

r: Ut feriatio à servilibus operibus Dominicis  
 Festivis diebus observetur. Excommunicantur  
 Ipsi testes, Advocati, mediatores, & omnes, qui  
 falsum testimonium ipsos inducunt, donec pro  
 injuria illarum fecerint satis. Denique, agitur de  
 veritate & honestate Clericorum, de solutione Deci-  
 marum, de abstinence Quadragesimalis, & qua-  
 tuor temporum, de pœna Simoniacis imponenda,  
 de Clericorum studiis, de excommunicandis his,  
 qui sacrilegos, maleficos, incantatores, ariolos  
 consulunt, & auguriis attendunt. Extant Disciplina-  
 re Ecclesiasticæ Canones xxvii. in Concilio Val-  
 letoletano conditi, quos edidit Card. *de Aguirre*  
 Tomo III. Concil. Hispaniæ pag. 556. Joannes Ar-  
 chiepiscopus Toletanus tria Concilia celebravit,  
 quorum primum habuit in sua Metropoli anno  
 mcccxxiii. cujus Acta legi possunt apud Eminentissimum Cardinalem *de Aguirre*, qui primus  
 MS. *Mondexarense* ea in lucem protulit Tomo III.  
 Concil. Hispaniæ pag. 560. Alterum Concilium in  
 eadem Metropoli Toletana convocavit idem Jo-  
 hannes Archiepiscopus Toletanus anno mcccxxiv. in quo  
 Concilii Vallisoletani Decreta renovarunt Patres,  
 quædam alia disciplinam & Clericorum mores  
 constantia statuerunt. Legendus est Cardinalis *de*  
*Aguirre*, qui octo Constitutiones Ecclesiasticas in  
 hoc secundo Concilio Toletano sancitas, & cum  
 MS. *Mondexarense* collatas inseruit Tomo III. Con-  
 cil. Hispaniæ pag. 576. Idem Joannes Archiepiscopus  
 Toletanus Concilium Provinciale, Compluten-  
 sium, apud Alcalam tenuit anno mcccxxv. in  
 quo tres Constitutiones ad Clericorum mores per-  
 tinentes, quæ in Synodo Toletana anno mcccxxiv.

habitâ promulgatæ fuerant , lucidiùs promuntur & explicantur , ut videre est apud eundem Cardinalem *de Aguirre* pag. 578. Denique *Ægidius* Archiepiscopus Toletanus duo Concilia Provincialia coegit , quorum primum in sua Metropoli celebravit anno mcccxxxix. & in eo quinque Decreta condita sunt de illiteratis ad Clericatum non promovendis ; de studio Theologiæ & juris Canonici in Ecclesiis Cathedralibus instituendo ; de executione Canonis : *Omnis utriusque sexus* pro Confessione singulis annis facienda &c. Extant hæc quæ illius Concilii Toletani Decreta apud sæpè citatum Cardinalem *de Aguirre* Tomo III. Concil. Hispaniæ pag. 609. Alterum Concilium idem *Ægidius* Archiepiscopus Toletanus anno millesimo trecentesimo quadragesimo septimo celebravit , quod alii appellant *Toletanum* , sed à Cardinali *de Aguirre* meliùs *Complutense* dicitur , cùm apud *Complutum* fuerit congregatum . In eo præcipuè actum est de vita , & honestate Clericorum ; de abusu correctione ; de coercendis bonorum Ecclesiasticorum in vasoribus , vel gravem injuriam personis Ecclesiasticis inferentibus &c. Quatuor Canonum in hoc Concilio editos refert Cardinalis *de Aguirre* Tomo III. *Concil. Hispaniæ* pag. 614. Legi sunt etiam apud eundem Cardinalem quædam Concilia Provincialia Sæculo decimo quarto in Hispania celebrata , quæ nos consultò præterimus , quia nihil in eis , quod singulari aliqua observatione dignum sit , offendimus .

D. Fueruntne in Italia Sæculo decimo quarto convocata plura Concilia Nationalia , seu provincialia ?



M. Quatuor dumtaxat Concilia Nationalia, u Provincialia, in Italia Sæculo decimo quarto convocata, & à *Raynaldo* Ravennate Archiepiscopo fuisse celebrata, memorant Scriptores; quorum primum ab Episcopis Provinciæ Ravennatis, Præfatus *Raynaldo* Archiepiscopo Ravennate, in Metropoli habitum est anno millesimo trecentesimo septimo, illiusque meminit *Rubens* lib. vi. *Historiæ Ravenn.* Alterum Concilium Ravennense idem *Raynaldus* Archiepiscopus indixit in sua Metropoli anno millesimo trecentesimo undecimo, in quo trinta duo Decreta edita sunt de Episcoporum deceptorum solemnibus exequiis, de incertis Reliquiis, quæ sub Altaribus recondi debent, & fidei venerationi non exponi; de auditione Missæ parochialis Dominicis diebus; de pœnis, quæ imponi debent his, qui blasphemant in Deum, Beati Virginem & Sanctos, vel qui censuras Ecclesiasticas contemnunt, nec admoniti resipiscere volunt; de eleemosynis, quæ ab Episcopis, Capitulis, Monasteriis, quorum sufficientes sunt redditus, dari debent &c. De his, & de aliis Disciplina Ecclesiasticæ Capitulis extant Canones xxxii. Tomo xi. Conciliorum Part. ii. pag. 1569. Tertium Concilium idem *Raynaldus* Archiepiscopus Ravennas anno millesimo trecentesimo decimo quarto celebravit *Argentæ*, quod Ravennatis Diœceseos castrum est, & in eo ad promovendum divinum cultum, ad morum reformationem, ad stabilendam Clericorum vitæ puritatem, honestatem & modestiam in vestibus, ad bona Ecclesiastica contra invasores conservanda, & ad sancienda alia huiusmodi Disciplina Ecclesiasticæ Capita conditi

sunt decem Canones, qui extant Tomo XI. Concil. Part. II. pag. 1613. Quartum denique Concilium idem Ravēnas Archipræsul *Raynaldus* an. MCCCXVII. Bononiæ congregavit, in quo Constitutiones Ecclesiasticæ in superioribus Conciliis editæ, denuo fuerunt approbatæ, ac viginti quatuor Decreta, sancita sunt de custodia vacantium Ecclesiarum: de vita & honestate Clericorum: de certo numero Canonorum in Ecclesiis Cathedralibus statuendo: de Saliariis Notariorum, & Sigilliferorum &c. Extant hujus Concilii viginti quatuor Decreta Tomo XI. Concil. Part. II. pag. 1655.

D. Veniamus ad Concilia Nationalia, seu Provincialia, quæ in Anglia Sæculo decimo quarto habita sunt, & ea compendiosè describe, quæ in his ad restaurandam Ecclesiæ Disciplinam fuerunt statuta.

M. *Henricus Spelmannus*, qui omnia Concilia Provincialia, & Diocesana Angliæ, Scotiæ, & Hiberniæ in duobus Tomis Londini anno MDCLXIV typis excusis, studiosè collegit ac digessit, de Conciliis Nationalibus, seu Provincialibus, quæ Sæculo XIV. in Anglia fuere celebrata, differit Tom. II à pag. 438. usque ad pag. 660. ex quo nos pauca hæc deflorabimus. Inter Concilia, quæ Sæculo XIV. in Anglia ad sancendam Ecclesiæ Disciplinam fuerunt celebrata, primum est Londinense, quod anno MCCCXXI. *Walterus* Cantuariensis Archiepiscopus cum suis suffraganeis habuit, in quo ad regimen Ecclesiasticum melius ordinandum conditi sunt octo Canones de Testamentis; de Visitatione Archidiaconorum, de introductionibus, institutionibus, & provisionibus ad Ecclesiastica Beneficia.

a; de Immunitatibus Clericorum &c. Acta & Canones illius Cōcilii Londinensis habentur apud *Spelmannum* Tom. 2. pag. 488. Alterum Concilium Londinense *Simon Mepham* Archiepiscopus Cantuariensis congregavit anno mcccxxviii. in quo novem conditi sunt Canones de cessandis à servilibus operibus in die Parasceves; de celebrando Festo Conceptionis *B. Mariæ Virginis*; de immunitatibus Clericorum; de oblationibus & Decimis; de testamentis; de publicandis Bannis matrimonialibus &c. Acta & Canones hujus Concilii Londinensis refert *Spelmannus* Tomo 2. pag. 493. Idem *Simon Mepham* Archiepiscopus Cantuariensis Concilium in suis Ædibus Lambethanis circà annum mcccxxx. celebravit, in quo decem Decreta edita sunt de ornamentis & officio Altaris; de Confessionibus audiendis; de servando sigillo Confessionum; de administrando ægrotis Sacramento Extreme Unctionis; de clandestinis Matrimoniis; de previo habendo examine eorum, qui ad Sacros Ordines sunt promovendi; de non alienandis Ecclesiarum bonis; de excommunicandis tēr, aut ceterè in anno Sortilegis, Maleficis, Perjuris & Incendiariis &c. Acta & decem Canones hujus Concilii Lambethensis legi possunt apud *Spelmannum*. Tomo 2. pag. 497. Refert etiam *Spelmannus*, eundem *Simonem Mepham*, Archiepiscopum Cantuariensem, aliud Concilium, *Maghsfeldense* dictum, celebrasse anno mcccxxxii. in quo edita est Constitutio, quæ Dies Festos, qui pio animi affectu per totum annum observari debent, enumerat, ut videtur est apud citatum *Spelmannum* Tom. 2. pag. 500. *Guannes Straford*, Archiepiscopus Cantuariensis, tria



tria Londini indixit Concilia . Primum habuit anno MCCCXLI. & in eo edita est unica utilissima Constitutio ad compescendam avaritiam Clericorum qui in Beneficia necdum vacantia se intrudere , eadem per fas & nefas occupare moliebantur , legere est apud *Spelmannum* , qui hujus Concilii Londinensis Constitutionem inseruit Tomo pag. 546. Alterum Concilium Londini idem *Joannes Straford* Archiepiscopus Cantuariensis habuit anno MCCCXLI. in quo ea , quæ pro bono Ecclesiæ regimine in superioribus Conciliis jam statuta fuerant , duodecim editis Canonibus renovata confirmata sunt , extantque apud *Spelmannum* Tom. 2. pag. 572. Tertium Concilium Londini idem Archipræsul *Joannes Straford* celebravit anno MCCCXLIII. in quo Disciplina Ecclesiastica renovata est septemdecim Decretis de habitu & honestate Clericorum ; de conditionibus servandis in dimissione Beneficiorum ; de Decimarum & oblationum fraudatoribus ; de debitis intestatorum solvendis , & de Testamentorum executione ; de Matrimoniis clandestinis ; de excommunicatis his , qui jurisdictionem Ecclesiasticam impediunt , & qui herbas , aut arbores , in Cæmeteriis Ecclesiarum & Cappellarum crescentes , metunt , evellunt , dissipant , absque Rectorum arbitrio &c. tant hujus Concilii circa Ecclesiasticam Disciplinam septemdecim Decreta apud *Spelmannum* Tomo 2. pag. 581. *Simon* Cantuariensis Archiepiscopus tria celebravit Concilia . Primum est Lanthense II. in quo promulgata est Constitutio Synodalis , in qua præcipitur , ut Clerici capitalium criminum convicti Episcopaliûs carceribus

erudò mancipentur, ac tenui victu sustententur. Alterum, est Maghsfeldense II. in quo præfixi sunt tres Festi, qui per annum observari debent. Tertium, est Lambethense III. in quo unica edita est constitutio, in qua Presbyterorum stipendia præniuntur, iisque ex una Diœcesi in alteram absque ulla ratione dimissoriis emigratio prohibetur. Acta & statuta trium illorum Conciliorum inseruit *Spelmanus* Tomo 2. pag. 597. 609. & 610. Denique, *Johannes Thoresby* Archiepiscopus Eboracensis anno MCCCLXVII celebravit Concilium Eboracense, in eo decem publicavit Constitutiones Ecclesiasticas contra immodestias & irreverentias, quæ fiunt in Ecclesiis & Cæmeteriis; contra Nutrices parvulos suffocantes; contra eos, qui decimas non luunt, vel qui alienant bona Ecclesiastica, vel clandestina contrahunt matrimonia &c. Decem hæc Constitutiones Ecclesiasticæ in hoc Concilio Eboracensi publicatæ extant apud *Spelmannum* Tomo 2. Concilii Britannicæ. Hæc sunt omnia Concilia Nationalia, seu Provincialia, quæ in Anglia Sæculo XIV. ad restaurandam Ecclesiasticam disciplinam habita sunt. Fuerunt quidem alia nonnulla Concilia Provincialia sub finem Sæculi XIV. in Anglia ad proscribendos Wicleffii errores celebrata, sed quia Historiam Wicleffianæ Hæresis ad Colloquia nostra in Historiam Sæculi XV. transiimus, opportuniùs etiam hæc Anglicana Concilia adversus Wicleffianam hæresim habita referemus in nostris Colloquiis in Historiam Sæculi XV. ubi de Wicleffiana hæresi datâ operâ disseremus. Hic tantùm breviter observare debes, vacantem fuisse Angliam, & præclaris Religionis

mo-

monumentis toto Orbe illustratam , quamdiù ab illa Sanctissimorum Canonum norma non deflexit ; sed apud illam obsolescere cœpisse antiquum , illud , quo florebat , decus , cùm primùm vetusta Religionis integritatem novis opinionum commentis , doctrinarum divortiis , perpetuis de Myſteriorum noſtrorum Sanctitate contentionibus , ac præcipiti ſacris in rebus innovandi licentiâ adulterare cœpit . Heu ! fortunata olim Britannia , nunc velut Infula fluctuans , turbis , tempeſtatibus ac naufragiis undique jaçtatur , tot abrepta ventis in diverſa pellentibus , quot varias pugnantefque Sectas una nunc miſerè conſectatur , quodque gravius eſt , ejus incolæ , poſt extinctam avitam Religionem , ſuos legitimos Reges Catholicos expulerunt ſimilesque evaſerunt his hominibus , qui , cùm ſiſtunt à multis infeſſi , correptique impuris Spiritibus , rapiuntur ab iiſdem , vexantur ſæviſſimè , ſuumque in ſe furorem acuentes , non membris , non capis parcunt , neque poſſunt ſuo regi ſpiritu , dùm multis alienis & adventitiis agitantur .

D. Ut nihil planè deſit notiitiæ , quam hætenùs tradidiſti , Conciliorum Nationalium , ſi Provincialium , quæ Sæculo XIV. in rem Diſciplinæ Eccleſiaſticae fuerunt variis in locis celebrata , necceſſe eſt ut Concilia Provincialia , quæ eodem Sæculo in Germania habita ſunt , extremis , ut dicitur , digitis , attingas , & ſic Colloquio noſtro nem imponamus .

M. Duo tantùm Concilia Provincialia , quæ ſunt majoris momenti , Colonienſe nimirùm , Saltzburgenſe , in Germania Sæculo XIV. celebrata referam , & ea , quæ in his pro reſtauratione



Ecclesiasticæ Disciplinæ sancita sunt, paucis veris complectar. Concilium Colonienſe anno millesimo trecentesimo decimo habitum est ab *Henrico* Archiepiscopo Colonienſi, & in eo duodetringenta edita sunt Decreta contra eos, qui manus violentas Clericis inferunt; contra Laicos, qui vestimenta, & quasvis exactiones Ecclesiis imponunt; contra Clericos Concubinos & Sanctimonialium constupratores; contra Matrimonia clandestina. Renovantur & confirmantur Decreta *Engilberti*, Colonienſis quondam Archiepiscopi, contra invadentes & detentores rerum Ecclesiasticarum. Præcipitur etiam, ut Statuta *Siffridi*, Colonienſis quondam Archiepiscopi, de vita, honestate Clericorum, observentur & executioni mandentur, sicut & *Conradi* Archiepiscopi Colonienſis Statuta, reformatione Monachorum Benedictinorum, aliarum hujusmodi Disciplinam tam Ecclesiasticam, quam Monasticam spectantia decernuntur in his duodetringenta Capitulis, quæ extant Tomo XI. Concil. Part. 2. pag. 1517. Concilium Saltzburgenſe anno millesimo trecentesimo octogesimo sexto à *Pilgrino* Saltzburgenſi Archiepiscopo, & *Sedrico* Apostolicæ Legato fuit celebratum, & in eo septemdecim condita sunt Capitula de Ritu Cathedralis Ecclesiæ, quem singuli Clerici in Divinis Officiis sequi obstringuntur; de censuris & causis Episcopo, aut Sedi Apostolicæ reservatis, à quibus sub pœna suspensionis Presbyteri absolvi non debent; de Clericorum habitu; de Ornamentorum Ecclesiasticorum, & Sacrorum vasorum custodie; de censuris ferendis in Dominos temporales, qui Collectis, talliis, & exactionibus Clericos

ricos vexant; de Immunitate Ecclesiarum & Viro-  
rum Ecclesiasticorum; de pœnis in eos decernen-  
dis, qui bona vacantium dignitatum & Ecclesiarum  
occupant, rapiunt, usurpant, & in suos usus con-  
vertunt; de excommunicandis Usurariis, & his,  
qui Clericos ad sæcularia tribunalia trahunt, & de  
ipsismet Clericis, qui coram sæculari iudice re-  
spondent, excommunicatione itidem feriendis; de  
non admittendis ad sacrum faciendum Presbyteris  
peregrinis, ignotis, & absque testimonialibus li-  
teris passim volitantibus &c. De his, & aliis rebus  
ad morum correctionem, vitæ honestatem, & Ec-  
clesiasticam Disciplinam spectantibus plura decer-  
nuntur in his Concilii Saltzburgensis Capitulis, quæ  
extant Tomo XI. Concil. Part. 2. pag. 2061. Ha-  
bes nunc omnia Concilia Nationalia seu Provin-  
cialia, quæ Sæculo Ecclesiæ decimo quarto in Ga-  
lia, Italia, Hispania, Anglia & Germania a  
sancendam Ecclesiæ Disciplinam fuerunt celebra-  
ta, quæque ipse pro ratione Instituti leviori digi-  
perstrinxi, Concilii cujusque locum, tempus, o-  
casionem, rerum in eo gestarum seriem, Canonu-  
conditorum numerum, locum, ubi etiamnum re-  
periuntur illi Canones, tribus quasi verbis nota-  
contentus. At, cum singulos Canones, breviter  
consulendo, enumerare, ac fusiùs exponere non  
licuerit, poteris, si uberiores illorum Canonu-  
expositionem habere desideres, consulere ampli-  
mam omnium Conciliorum editionem adornatam  
à Binio, Labbeo, & Cossartio, nec non cujusque  
gentis Collectanea Synodica, videlicet Britann-  
Spelmanni, Gallica Sirmondi, & Baluzii, Hispanica  
Loaisæ, Ferdinandi Mendosæ, & Josephi c

quirre S. R. E. Cardinalis, ex quibus quàm  
prima hauries, quæ in studio Antiquitatis, &  
disciplinæ Ecclesiasticæ magno tibi adjumento  
sunt.

## COLLOQUIUM V.

*De Viris Illustribus, qui doctrina, vitæ-  
que Sanctimonia Sæcula Ecclesiæ  
XIII. & XIV. illustra-  
runt.*

MAGI-  
TER.

**I**N perenne Ecclesiæ Catholicæ de-  
cus & gloriam cedit, quòd in ea  
omni ævo floruerint Viri Illustres,  
illibatis suis moribus, doctrinâ, eruditione, &  
claris monumentis eam exornarunt, atque  
sacrae, quàm Ecclesiasticæ tuendæ antiquitati  
fidei, novitates exploserunt, suæque nomina  
sanctitati consecrarunt. Contrà verò Hæretici,  
tam novarum cupidi, varios in errores præcipi-  
feruntur, dùm apud illos, ut verbis utar Vin-  
centii Lirinensis, pro Cœlesti dogmate humanæ super-  
stitiones introducuntur, dùm benè fundata antiquitas  
nova novitate subruitur, dùm Superiorum instituta  
rescinduntur, dùm rescinduntur scita Patrum, dùm con-  
viciantur definita Majorum, dùm sese intra sacratæ  
et incorruptæ vetustatis castissimos limites prophana  
et novellæ curiositatis libido non continet. De  
Viris itaque illustribus, qui Sæculis XIII. & XIV.  
magnum Ecclesiæ splendorem contulerunt, sermo-  
nem in hocce Colloquio habituri sumus. Sed quia  
in



in tanta eruditorū Scriptorum segete nimis longum esset singulorum vitam , mores , gesta que copiose describere , ut magnitudo rerum dignitasque posset laudari , de illis pauca dumtaxat delibabo , ut Celoquiorum nostrorum brevitās jubet , & Opera , quae lucubrarunt , referam quā brevissimē potero .

D. Cū rerum concinna dispositio lumen memoriæ maximē afferat , obsecro te , ut Viros lustres , qui Sæculis XIII. & XIV. præcipuā laudem aliquā floruerunt , in decem distribuas Classes ita ut in prima sint celebriores Orientis Scriptores ; in altera Galli ; in tertia Itali ; in quarta Hispani ; in quinta Angli ; in sexta Germani ; in septima Monachi ; in octava Scriptores ex Ordine Iherosolymitanorum Prædicatorum ; in nona Theologi Scholastici qui Ordinem Fratrum Minorum illustrarunt ; & in ultima insignes Jurisconsulti . Sic discretē & ordinatē in decem Classes digestos omnes illos Scriptores promiscuē non confundam , & illorum nomina per eruditionis genus , & ea quæ ediderunt Opera facilius memoriæ meæ mandabo .

M. In Ecclesia Orientali Sæculo decimo tertio fuerunt aliqui Scriptores , quos hic continuo ordine recensebo . *Nicolaus* , patriā Hydruntinam vulgò *Otrante* , floruit anno MCCI. & Græcè scripsit varios Tractatus adversus Latinos , videlicet Tractatum de Processione Spiritus Sancti , in quo Henricum Etherianum , cujus mentionem fecimus in loquio quinto in Historiam Sæculi duodecimi interficere conatur . Edidit etiam idem *Nicolaus* Tractatum De pane fermentato à Christo in suprema Discipulis suis tradito , & Tractatum De jejuniis continentium in Sabbato , conjugio Sacerdotum , aliisque

argumentis, quorum fragmenta nonnulla refert  
 eo *Allatus* in libris *de consensu Occidentalis, &*  
*orientalis Ecclesiæ*. Circa idem tempus claruerunt  
 quatuor alii Scriptores Græci, nimirum *Nicetas*,  
*Michael Acominatus Choniata*, *Nicetas Acominatus*,  
*Joel*, quorum primus, ceu *Nicetas*, ex Magnæ  
 ecclesiæ Constantinopolitanæ Cartophylace factus  
 archiepiscopus Thessalonicensis, scripsit Dialogo-  
 rum libros sex *de Processione Spiritus Sancti* contra  
 Latinos, edidit quoque *Responsionem ad Interrogata*  
*filii Monachi*, quæ extat in *Jure Græco-Romano*  
 v. 5. pag. 345. *Michael Acominatus Choniata*,  
 Athenarum Archiepiscopus, composuit *Orationem*  
*de febre in mortem fratris sui Nicetæ*, quæ habetur in  
 Bibliotheca Patrû tom. xxv. pag. 180. Scripsit etiam  
 quosdam Sermones, inter quos est unus *de Cruce*,  
 teste *Labbeo* in sua Bibliotheca MS. adhuc ex-  
 stant inediti in Bibliotheca Regis Christianissimi.  
*Nicetas Acominatus*, dictus etiam à patria *Chonia-*  
*ta*, frater fuit prædicti *Michaelis Acominati*, Athe-  
 nensium Archiepiscopi. Sub Imperatoribus *Alexio*  
*Commeno*, & *Isaacio Angelo* ad præcipuas Aulæ digni-  
 tates evectus est, sed captâ anno mccciv. à Latinis  
 Constantinopoli, Nicæam in Bithynia profectus  
 est, ubi anno mccvi. obiit. Scripsit hic *Nicetas Co-*  
*nen*tes libros xxi. quibus Historiam annor. lxxxv.  
 complexus est ab obitu *Alexii Comneni* Imperato-  
 ris, ubi desinit *Zonaras*, usque ad annum millesimum  
 centesimum tertium. Hæc *Nicetæ* Historia edi-  
 ta est Parisiis in Typographia Regia cum aliis By-  
 zantinæ Historiæ Scriptoribus. Author est idem  
*Nicetas* librorum viginti septem *Thesauri Orthodo-*  
*xæ Fidei*, quorum quinque priores vertit latinè &  
 Tom. V. A a cum

cum doctissimis Notis anno MDLXXX. Parisiis edidit *Petrus Morellus*, & extant in Bibliotheca Patrum, tomo xxv. Reliqui libri perierunt, præter fragmentum ex libro vigesimo de ordine, qui observari debet ab his, qui è Saracenica superstitione ad Christianam fidem convertuntur, quod Græco Latinum editum est in secundo volumine Auctarii ad Bibliothecam Patrum ann. 1624. *Joel* fuit Chronographus Græcus, qui edidit *Chronographiam Compendiariam* à Orbe condito usque ad *Alexii Ducæ Murzulphi* Græcorum Imperatoris, obitum, idest, usque ad annum MCCIV. quo à Latinis capta est Constantinopolis, ut ostendimus in primo Colloquio. Hanc *Joelis* Chronographiam Græco-Latinam, cum *Georgii Acropolitæ* Historia, typis Regi edidit *Leo Allatius*, Parisiis anno MDCLI. Hic etiam *Georgius Acropolita*, cujus Historiam cum *Joelis* Chronographia, Parisiis publica *Leo Allatius*, fuit patriâ Constantinopolitanus, doctus, diligens, prudens ac fidelis Scriptor, continuavit Historiam Byzantinam ab an. MCC quo à Latinis capta est Urbs Constantinopolis, que ad annum MCCLXI. quo eadem Urbs à *Michæle Palæologo*, Græcorum Imperatore, recuperata fuit. De hoc *Georgio Acropolita* multa habet *Allatius* in Diatriba De *Georgiis* & eorum Scriptoribus Græcis, qui Sæculo XIII. in ecclesia Orientali floruerunt, addi meritò debent Patriarchæ Constantinopolitani, *Manuel Caritops* & *Germanus* hujus nominis II. nec non *Nicephorus Blemmida*, insignis Monachus, qui oblatum sibi à *Theodoro Lascari* Patriarchatum Constantinopolitanum modestè recusavit. Prior, seu *Manuel*



*Opulus*, edidit *Solutiones quarumdam Quæstionum*. Scripsit etiam *Decretum de Translatione Episcoporum*, & *Decretum de jure Patronatus*, quæ extant in *Leunavii Jure Græco-Romano* lib. 3. pag. 238. & seq. Alter Patriarcha Constantinopolitanus, seu *Germanus* hujus nominis II. multas Epistolas, Orationes, & Homilias composuit. Opus etiam de *Processione Spiritus Sancti adversus Latinos*: *Responsionem Synodicam ad delegatos Fratres Minores & alios*: *Opuscula de Azymis*, de *Purgatorio*, & de *tribus modis administrandi Baptisma* scripsit idem *Germanus* Patriarcha Constantinopolitanus, ut testatur *Leo Allatus* lib. 2. de consensu Eccles. Orient. & Occid. p. 14. §. 3. His duobus Patriarchis Constantinopolitanis jure merito præponi debet *Nicephorus Blemmida*, non solum quia sibi oblatam Patriarchalem dignitatem pertinaci modestiâ recusavit, ut diximus, sed quia etiam Latinis impensè favet, eorumque dogmata adversus suos constanter oppugnavit. Reperiuntur quidem etiamnum in *Opera* hujus *Nicephori Blemmidæ* *Opuscula* quædam, in quibus adversus Latinorum dogmata, præsertim de *Processione Spiritus Sancti* disputat. At *Leo Allatus* lib. 2. de consensu Occid. & Orient. Eccles. cap. 14. §. 4. asserit, vel *Nicephorum Blemmidam* necdum discussâ causâ hæc *Opuscula* juvenem procudisse, & re postea diligentius examinasse, revocasse; vel potius hæc *Opuscula* à Græcis Schismaticis sub *Nicephori Blemmidæ* nomine fuisse protrusa, cum in prædictis *Opusculis* neque sint rationum pondera, neque doctrina, neque styli ratio eadem, quæ in cæteris ejusdem *Nicephori Blemmidæ* *Opusculis* observantur. Patriarchalem Eccle-

fiæ Constantinopolitanæ dignitatem, quam, ut diximus, modestè recusavit *Nicephorus Blemmida*, obtinuit *Arsenius*, dictus *Autorianus*, qui scripsit *Synopsim Canonum*, ex Patribus, Synodorumque Statutis collectam, & in titulos cqli. digestam, quæ extat Græco-Latina in secundo tomo *Bibliotheca Juris Canonum Henrici justelli*. Composuit etiam idem *Arsenius*, Patriarcha Constantinopolitanus, *Testamentum*, quod Græco-Latinum publicavit doctissimus *Cotelerius* tomo 2. *Monumentorum Ecclesiæ Græcæ* pag. 168. Inter Historicos Græcos, qui Sæculo Ecclesiæ XIII. claruerunt, primas tenet *Georgius Pachymeres*, patriâ Nicænus, qui *Historiam Rerum Constantinopolitanarum sub Imperatoribus Michaelæ, & Andronico Palæologis* ab anno mclvii usque ad annum mcccviii. in tredecim libros digestam continuavit, eamque integram, ac doctissimis Notis illustratam *Petrus Possinus* Soc. Jesu Romæ Græco-Latinam publicavit duobus tomis comprehensam, quorum prior prodiit anno mdclxv. Alter anno mdclxix. Aliorum Operum, quæ scripsit idem *Pachymeres*, & quorum multa adhuc indita in Bibliotheca Regis Christianissimi asseruatur, prolixum satis Catalogum exhibet *Leo Allat* in sua Diatriba de *Georgiis, & eorum Scriptis*. Irgà Romanam Ecclesiam non benè affectum fuisse *Pachymerem*, ideòque circumspèctè esse legendum rectè monet *Possevinus*.

Verùm omnes illos Scriptores Græcos quos hætenus laudavi, *Joannes Veccus*, Patriarcha Constantinopolitanus, doctrinâ, vitæque ætimoniâ longo post se intervallo reliquit. Iquippe est, qui, ut diximus in Colloquio secur

gendo de Patriarchis Constantinopolitanis, unionem Ecclesiæ Græcæ cum Latina ardentibus votis optavit, inivitam in Concilio Lugdunensi II. invio animo ad extremum usque vitæ spiritum cum is fociis propugnavit, & plura pro Latinorum doctrina adversus Græcos scripsit Opera, quæ re- Leo *Allatus* lib. 2. de *Consensu Eccles. Occid. & Orient.* cap. 15. §. 8. & quorum nonnulla idem *Al- ius* edidit in *Græcia Orthodoxa*.

*Joannes Veccus*, Patriarcha Constantinopo- anus, malorum, quæ sub *Andronico* Græcorum peratore pro defensione unionis Ecclesiæ Græcæ m Latina constanter passus est, Socios habuit *orgium Metochitam*, & *Constantinum Meliteniotam*, i unâ cum ipso in exilium missi sunt, & Latino- m dogmata adversus Græcos editis lucubratio- bus vindicarunt, ut videre est apud Leonem *Al- ium* loco mox laudato §. 9. & 11. His *Joannis* cci Sociis haud immeritò adjungi potest *Simon*, tu Cretensis, ex Ordine Fratrum Prædicatorum, i iisdem temporibus tribus Tractatibus *De Pro- tione Spiritus Sancti etiam ex Filio*, cum Græcis schismaticis strenuè confligit. Non defuerunt ta- en eâ ætate Græci Schismatici, qui in Latinos d ipserunt, inter quos *Georgius Cyprius* contra *Jo- annem Veccum* Patriarcham calamum strinxit, em ille graviore rationum pondere, utpotè pro- citate pugnans, confutavit. *Georgius Moscha-*, Magnæ Ecclesiæ Cartophylax, multa itidem i Latinam Ecclesiam, ejusque dogmata, suis lucu- lationibus oblatravit, quibus *Joannes Veccus* i Patriarcha perdoctè respondens, Schismatici il- s Autoris impetum fastumque compressit. Con-



*stantinus Acropolita*, Magnus Logotheta, plures *De Processione Spiritus Sancti* Tractatus contra Latinos scripturavit. Hi sunt Scriptores Græci, qui in Ecclesia Orientali Sæc. XIII. floruerunt. Prætermittere tamen haud debemus *Gregoriū Abulpharajum*, natione Arabem, professione Medicum, & Sectâ Jacobitam, seu Melchitam, qui eodem sæculo variis scientiis instructus, & præcipuè medicinæ gloriâ clarus fuit, ediditque *Compendium Dynastiæ X.* Dynastiis absolutum, ex variis variarum gentium monumentis depromptum, quod Arabicè & Latine vulgavit *Pocockius* Oxonii anno MDCLXIV.

D. Prosequere, quæso, seriem aliorum Scriptorum Græcorum, qui Sæculo XIV. aliquâ nominis celebritate claruerunt.

M. De Palamitarum erroribus, quibus Sæculo XIV. Ecclesia Orientalis haud parùm exagitata fuit, satis diximus in Colloquio tertio, ubi de Hæresibus, quæ Sæculis XIII. & XIV. in Ecclesia emerferunt, disseruimus. Quapropter, hinc sufficiet breviter referre Scriptores Græcos, qui in hac controversia, *Barlaamum* inter & *Gregoriū Palaman* in Oriente exorta, hinc inde aliqua Opera ediderunt. Palamitarum errores Scriptis propagnarum non solùm *Gregorius Palamas*, horumce errorum Author, cujus Orationes duas *Combesfius* noster in Auctario Bibliothecæ Græcorum Patrum edidit sed etiam *Isidorus Patriarcha*, & *Philothæus*, ex *Monacho* Metropolitæ Heracleensis, & postea Patriarcha Constantinopolitanus, nec non *Josephus Brennius* Oratione de *Transfiguratione*. Favet etiam Palamitarum erroribus *Joannes Cantacuzenus*, Græcorum Imperator, vir alioqui eruditione insigni

in Historia versatissimus, quippè qui, assumpto  
 bi *Christoduli* nomine fictitio, eleganti non minùs  
 nam diffuso stylo concinnavit *Historiam Rerum &*  
*Andronicis Imperatoribus & à se ipso gestarum*  
 anno *MCCCXX.* usque ad annum *MCCCLVII.* libris  
 uatuor comprehensam, quæ latinè ex *Jacobi Pon-*  
*ni* versione, unà cum ipsius & *Gretseri* Notis pro-  
 it *Ingolstadii* anno *MDCIII.* *Parisiis* verò Græcè  
 Latinè cum utriusque Notis anno *MDCXLV.* Edidit  
 iam idem Imperator *Joannes Cantacuzenus* Ora-  
 ones tres, & Apologiam, seu Assertiones IV. pro  
 de *Catholica adversus Saracenos & Alcoranum*, quæ  
 ræco-Latinæ prodierunt *Basileæ* annis *MDLV.* Ex-  
 it etiam in *Bibliotheca Vaticana* Opus ejusdem  
 nperatoris manuscriptum, cui titulus est: *Con-*  
*adictiones adversus Prochorum Cydonium.* At illos  
 riptores Græcos, *Palamitarum* errorum patro-  
 os, confutarunt, & *Catholicam* adversus eos eru-  
 tis *Scriptionibus* veritatem propugnarunt alii  
 riptores Græci, *Barlaamus*, *Gregorius Acindynus*,  
 onachus Græcus, *Nicephorus Gregoras*, qui au-  
 or est *Historiæ Byzantinæ* ab anno *MCCIV.* usque  
 d annum *MCCCXLI.* *Joannes Cyparissiotus*, *Deme-*  
*rius Cydonius*, & *Manuel Calecas*, *Ordinis Prædi-*  
*atorum*, vir longè doctissimus. *Cyparissioti* Ser-  
 ones aliquos *Palamicarum Transgressionum* ingen-  
 s Operis, quod in libros quinque divisum extat  
 S. in *Bibliotheca Regis Christianissimi*, & nostri  
*Manuelis Calecæ* librum de *Essentia & Operatione*  
 lversus *Gregorium Palamam* edidit doctissimus  
 oster *Combefisius* in *Auctario Bibliothecæ Patrum*  
*Græcorum.*

Præter illos Authores Græcos, qui in Con-

troversia Barlaami, & Gregorii Palamæ eruditionis  
 suæ specimina ultrò citròque præbuerunt, alii re-  
 cententur Scriptores Græci, qui Sæculum XIV.  
 doctrinâ suâ in Oriente illustrarunt, quos hic indi-  
 gitare sufficiet. *Nicephorus Callistus* Historiam Ec-  
 clesiasticam ex *Eusebii*, *Socratis*, *Sozomeni*, *Theo-*  
*doreti*, *Evagrii*, aliorumque Scriptorum monumen-  
 tis contexuit, quam tamen fabulis & quisquiliis  
 passim resperfit. Hoc *Nicephori Callisti* Opus con-  
 stabat olim libris viginti tribus, & Historiam à  
 Christo nato usque ad *Leonis* Imperatoris, dicti  
*Philosophi*, mortem, idest, usque ad annum 911  
 complectebatur, sed nunc extant tantum illius Ope-  
 ris libri octodecim, qui à nato Christo usque ad  
*Phocæ* Imperatoris obitum, seu ad annum DCX. pro-  
 grediuntur. Hanc *Nicephori Callisti* Historiam La-  
 tinè vertit *Joannes Langius*, quæ typis excusa est  
 Basileæ anno MDLIII. Antuerpiæ anno MDLXII.  
 ibidem curâ *Frontonis Ducai* Græco Latinè prodi-  
 anno MDCXXX. *Maximus Planudes*, Monachus Gra-  
 cus, & *Andronico* Imperatori apprime charus  
 scripsit librum de *Processione Spiritus Sancti contra*  
*Latinos*, quem *Arcudius* Notis illustratum, unâ cu  
 Responsionibus *Bessarionis* edidit inter Opuscula  
 aurea Romæ an. MDCXXX. Alia idem *Maximus Pa-*  
*nudes* Opera, variasque conscripsit Epistolas, quæ  
 partim in lucem prodierunt, partim adhuc M  
 teste *Lambecio*, asseruantur in Bibliotheca Cæsare  
*Theophanes*, Archiepiscopus Nicænus, compos  
 Opus insigne adversus *Judæos*, in duos tomos di-  
 sum, & *Concordiam veteris ac Novi Testamenti*  
 adversus eosdem. Hæc duo *Theophanis* Opera hab  
 tur MSS. in Collegio Romano Soc. Jesu. Quæd



ia ejusdem *Theophanis* Opuscula adhuc in Bibliotheca Vaticana MSS. asservari testatur *Posssevinus* in appendice ad *Apparatum Sacrum* pag. 16. *Isaacus Irgyrus*, Monachus Græcus, edidit *Computum*, eam versione suâ ac Notis illustratum publicavit *ionysius Petavius* tomo 3. *De Doctrina Temporum*, pag. 359. *Matthæus Blastares*, Monachus itidem Græcus, composuit *Syntagma*, seu *Synopsin Alphabeticam Rerum*, quæ in Sacris Canonibus comprehenduntur. Hoc *Syntagma* cum suis Notis in lucem exiit CL. *Beveregius*, & Græco Latinum publici juris cit Oxonii anno MDCLXXII. Extat quoque ejusdem *Matthæi Blastaris* Opusculum de *Causis seu Questionibus Matrimonii* Græco-Latinum libro octavo *Græco-Romani*, quod *Leunclavius* publicavit. Causæ Græcorum Schismaticorum acerrimus promotor fuit *Nilus Cabasilas* Archiepiscopus Thessalonicensis, quippè qui contra Latinos duos edidit libros, qui adhuc extant, quorum primus est de *causis divisionum in Ecclesia*; Alter est de *Primatu apæ*. Plurima etiam ejusdem *Nili* Archiepiscopi Thessalonicensis contra Ecclesiam Latinam Opuscula manuscripta recenset *Leo Allatius* in sua Dissertatione *De Nilis* cap. 14. pag. 49. Odium, quo *Nilus Cabasilas* Latinam Ecclesiam prosequabatur, simulatus est ejus nepos *Nicolaus Cabasilas*, & inde Thessalonicensi Successor. Ille siquidem duos tractatus contra Latinos scripsit, unum de *Processione Spiritus Sancti*; Alterum, quo *S. Thomam Aquinatem*, sibi refellendum sumpsit. Qua in re insinuem nactus est adversarium Scriptorem Græcum *Demetrium Cydonium* superiùs à nobis citatum, qui pro defensione Summæ *S. Thomæ Aquinatis* Contra Gen-

*Gentes*, ejusque Summæ Theologicæ, egregium librum Apologeticum adornavit. Auctor est iste, *Nicolaus Cabasilas* librorum sex *De Vita in Christo*, quos *Jacobus Pontanus* Soc. Jesu Theologus Latine vertit, & publicâ luce donavit Ingolstadii anno MDCIV. unâ cum ejusdem *Nicolai Cabasilæ* Oratione in fœneratores, quam *Jacobus Pontanus* Latine itidem vertit. Plura alia Opuscula scripsit hic *Nicolaus Cabasilas*, quorum aliqua typis excusa sunt, alia adhuc MSS. in Bibliothecis habentur, ut testatur *Leo Allatius* in sua Dissertatione *De Nilis* pag. 55. ubi eorum Catalogum texit. Denique, Græcorum, qui Sæculo XIV. aliquâ in Oriente doctrinæ laude claruerunt, agmen claudent duo Scriptores Græci cognomine *Nili*, quorum primus, seu *Nilus* Metropolita Rhodius, Latinorum fuit hostis acerrimus, & Auctor est *Enarrationis Synopticæ de Sanctis & Oecumenicis Synodis*, quæ à *Justello* patre edita ad calcem *Nomocanonis Photiani*, fuit postea à *Justello* filio inserta in *Bibliotheca Juris Canonici*. Ejusdem *Nili* Metropolitæ Rhodii Orationem in *Sanctam Matronam ex Insula Chio oriundam* Græc-Latæ vulgavit *Leo Allatius*. Alter Scriptor Græcus, dictus *Nilus Damyla*, Monachus in Creta Insula, Latinis pariter hostem infensissimum sese prodidit, & adversus ipsos scripsit: *Opus de Ordine in divina Triade*, & *de Processione Spiritus Sancti*, quod extat MS. in Bibliotheca Vaticana. Alios tres Tractatus contra Latinos composuit idem *Nilus Damyla*, qui MSS. extant in Bibliotheca Regis Christianissimi, & quorum nonnulla fragmenta citat *Leo Allatius* in suis libris *De Eccles. Occid. & Orient. perpetuo consensu*.

D. Cùm florentissimum Galliarum Regnum  
 is eruditione clavis semper abundaverit, per-  
 tum mihi erit nosse Scriptores Gallos, qui Sæ-  
 is XIII. & XIV. Ecclesiam, remque litterariam  
 s perdoctis lucubrationibus ornarunt, illustra-  
 nt, nobilitarunt.

M. De Gallis Scriptoribus, qui Sæcul. XIII.  
 XIV. Monasticam, vel Regularem vitam professi,  
 uditione præfulserunt, vel juris Civilis & Cano-  
 i peritiâ insignes, maximam sibi apud omnes  
 nam compararunt, in hac Classe omninò præter-  
 ttam; quia de illis suo loco, idest, in Classibus,  
 quas utriusque Sæculi Scriptores distribuimus,  
 à operâ mox dicturi sumus. In hac itaque se-  
 da Virorum Illustrium Classe eos dumtaxat Scri-  
 res Gallos reponam, qui ad Monachorum, vel  
 gularium, aut Jurisconsultorum Classes referri  
 nimè possunt. Floruit in primis Sæculo XIII.  
 Galliis *Guillelmus de Seliniaco*, qui Archiepisco-  
 u Senonensi, & Nivernensi Episcopatu singulari  
 destiâ recusatis, Antisiodorensis Ecclesiæ, cujus  
 canus erat, electus est Episcopus, & postea ad  
 em Parisiensem invitatus, & jussu *Honorii III.* Pon-  
 cis, translatus fuit. Obiit anno MCCXXIII. &  
 thor est *Summa Theologica*, quæ typis excusa,  
 odiit Parisiis anno MD. *Rigordus*, Christianissimi  
 Regis *Philippi Augusti* Medicus & Chronographus,  
 ta, seu *Historiam* ejusdem *Philippi Augusti* con-  
 ipfit, quam *Ludovico VIII.* Galliarum Regi nun-  
 cavit, eamque tomo 5. *Veterum Historiæ Franciæ*  
 Scriptorum edidit *Franciscus Duchesnius*. Hos Scri-  
 ptores eruditione & eximiâ morum pietate supe-  
 rit *Guillelmus, Alvernus* à patria cognominatus,  
 &



& Episcopus Parisiensis omni litterarum genere instructissimus. Doctissimis Operibus nomen suum celebravit, quorum Indicem *Labbeus* in Dissertatione de Scriptoribus Ecclesiasticis exhibet. Huic tamen *Guillelmo* Episcopo Parisiensi tribui non debent *Dialogi septem de Sacramentis*, qui sub ejus nomine Lipsiæ anno MDXXII. & Lugduni an. MDLXVII. prodierunt. Illorum quippe *Septem Dialogorum de Sacramentis* germanum Authorem esse *Guillelmum* Parisiensem juniorem ex Ordine Fratrum Prædicatorum, qui eodem Sæculo XIII. vixit, rectè observat *Theophilus Raynaldus* in libro *de bonis & malis libris* Erotemate X. Certè stylus septem illorum Dialogorum valdè discrepat à stylo *Guillelmi* Episcopi Parisiensis, & in eorum calce citantur *S. Thomas Aquinas*, & *Petrus de Tarentasia*, qui posteriores sunt *Guillelmo* Parisiensi Episcopo, qui obiit anno MCCXLVI. Collegium Sorbonicum ex quo innumeri prodierunt Viri eruditi, & de Ecclesia optimè meriti, condidit anno MCCLII. *Robertus de Sorbona*, à natali vico ita cognominatus Canonicus primùm Sueffionensis, deindè Parisiensis. Scripsit Opuscula tria ascetica, videlicet *de Conscientia*; *de Confessione*; & *Iter Paradisi*, quæ erant in Bibliotheca Patrum tomo xxv. *Henricus Segusio* Archiepiscopus Ebredunensis, & postea *Urbano IV.* Cardinalis Episcopus Ostiensis creat ob eximiam in utroque jure eruditionem, *Splendor & Fons juris* appellatus, scripsit *Summam utriusque juris*, quæ vulgò dicitur *Aurea Summa Hostien.* Edidit etiam *Expositionem in sex libros Decretalium* jussu *Alexandri IV.* Pontificis Maximi. *Jacobus Vitriaco* è vico *Argentolii* propè Parisios ortus

conensis Episcopus in Palæstina, deindè Cardis Episcopus Tusculanus à Gregorio IX. creatus, ipse libros tres *Historiæ Orientalis & Occidentalis*; *Conciones in Evangelia & Epistolas totius anni*; *Vitam S. Mariæ Ogniacensis*, quæ habetur apud *rium* ad diem XXI I. mensis Junii. *Henricus Bollandius*, in Sacra Facultate Parisiensi Doctor, tanta in laude Philosophiam & Theologiam Parisiis euit, ut totius Academiæ Parisiensis suffragio & honor sollemnis nuncupari meruerit. Multa scripsit opera, inter quæ præcipuè censentur *Summa Quædam Theologicarum: Quodlibeta Theologica in IV. Decretis Sententiarum*, & liber de *Viris Illustribus*, seu *Scriptoribus Ecclesiasticis*, quem à tempore, quo vixit *Sigebertus Gemblacensis Monachus*, ad suam ætatem perduxit. Inter Illustres Scriptores, in Sæculo XIII. in Galliis floruerunt, locum, meam idem sententiâ, habere non debent *Guillelmus de Sancto Amore*, & *Joannes de Poliano*, quorum primus in Sacra Facultate Parisiensi Doctor Theologus, contra recentes Fratrum Prædicatorum & Minorum Ordines, gravissimas, ut jam observavimus, in Academia Parisiensi turbas excitavit, & adversus illos scripsit libellum de *Periculis novissimorum temporum*, quem à capite ad calcem erroris scatentem *Alexander IV. Pontifex Maximus*, post habitam relationem quatuor Cardinalium, in quibus illum examinandum commiserat, damnatum: *tanquam iniquum, scelestum, & execrabilem*. Inter verò, seu *Joannes de Poliano*, Doctor etiam Theologus in Sacra Facultate Parisiensi, nonnullos errores circa Sacramentum Pœnitentiæ in Scholis & prædicationibus vulgavit, quos *Joannes XXII.* diligenti

genti excussos examine, & habitâ solerti cum S.R.E. Cardinalibus collatione, *tanquam falsos & erroneos, à sacra doctrina devios*, auctoritate Apostolicâ reprobavit. Quod spectat Scriptores Gallos, quæ Sæculo XIV. floruerunt, unum præ cæteris aliquæ laude dignum inveni, videlicet *Nicolaum Oresmum* Theologum Parisiensem, & Navarrici Collegii Gymnasiarcham, qui postea ex Decano Metropolitana Rothomagensis Ecclesiæ, Lexoviensis Episcopi creatus est an. MCCCLXXVI. Scripsit librum de *Communicatione Idiomatum*, Tractatum contra *Astrolagos Judiciarios*, & Tractatum de *Mutatione Monetæ*, qui extat in Bibliotheca Patrum Edition Lugdunensis tom. xxv. Alia quàmplurima ejusde *Nicolai Oresmii* Scripta, & in his Sermones cxv. Bibliothecis Navarrensi, Vaticana, & Augustinorum Parisiensium MSS. asservata recenset *Johannes Launojus* Doctor Parisiensis tomo 2. *Historiæ Gymnasii Navarrici* pag. 458. Non defuerunt quidem Sæculo XIV. in Galliis alii Academici Parisienses, qui Theologiam in Scholis docuerunt, & ea libros scripserunt, ut patet ex eorum Catalogo quem *Egassius Buleus* texit tomo IV. *Historiæ Universitatis Parisiensis*, at, ut candidè fatear, isti Academici non magnum sibi pepererunt nomen, & censum Virorum Illustrium venire haud merent eo quòd, neglecto Scripturæ Sacræ & Sanctorum Patrum studio, in pertractandis frigidis, jejunis spinosis quibusdam Theologiæ Scholasticæ quæstionibus omne otium tempusque frustra contriverint. Quæ de re *Nicolaus de Clemengiis* Theologus Parisiensis (qui vixit Sæculo XIV. & obiit ineunte Sæculo XV.) in libro de *Studio Theologico*, quem *Launojus*



cherius edidit tomo VII. *Spicilegii*, jure merito inqueritur his verbis: *Quocirca miror Theologos tri temporis paginas Divinorum Testamentorum ita diligenter legere, & nescio quarum satis sterilitatum indagine sua ingenia conterere, utque utarbis Apostolicis: Languere circa quæstiones ac pus verborum; & quid sibi volunt illa verba Apolica? illos procul dubio reprehendere volunt, qui issa fertili ac fructuosa arbore Sacrarum Scripturan, in silvaticis & sterilibus pabulum doctrinæ rerunt, inter quas languere dicuntur . . . . . Soleut antiqui Patres & Theologi, quorum per Ecclesie sunt approbata Scripta, nihil dicere vel astruere, quod Scripturarum testimonio posset confirmari. nunc autem plerosque videmus Scholasticos sacrarum concussa testimonia litterarum tam tenuis æstimare menti, ut ratiocinationem ab auctoritate ductam, ut inertem & minimè acutam sibilo ac subsannare irrideant, quasi sint majoris ponderis quæ phantasia humanæ imaginationis adinvenit, quàm quæ Divinitas cœlitus aperuit &c. Plura itaque de Scriptoris Gallis in præsentia non dicam, maximè cum Monachis, Regularibus, & Jurisconsultis, qui Sculis XIII. & XIV. in Galliis floruerunt, opportuniùs in sequentibus Classibus, in quas illos distribimus, sermonem simus habituri.*

D. Florueruntne in Italia Sæculis XIII. & XIV. multi eruditi Scriptores?

M. Præter Romanos Pontifices ex Italia,undos, qui doctrinâ & pietate celebres Catholicam Ecclesiam summa cum laude gubernarunt,ne multi doctissimi Monachi, Regulares, & Jurisconsulti insignes, Italiam Sæculis XIII. & XIV. illustra-

strarunt perdoctis Scriptis, quæ, juxta præscriptum ordinem, commodius referemus in quatuor potissimis Classibus Scriptorum utriusque sæculi. In ista porrò tertia Virorum eruditorum Classe duntaxat proferam præclaros Scriptores Italos qui decimo quarto Ecclesiæ Sæculo litteras impensè coluerunt, & magnam nominis æstimationem apud egregiè cordatos homines sibi conciliarunt. Primus est *Joannes Villanius* Florentinus, qui libris xii. Historiam Italicè scripsit, à primis *Nembrothi* temporibus ad annum usque mcccxlvi. quo è vivis excessit. Hanc *Joannis Villanii*, qui inter optimos Historicos laudatur, Historiam continuavit *Matthæus* ejus frater. Alter illustris Scriptor Italus, est *Franciscus Petrarca*, qui Aretii, Patris Florentino exule, natus est anno mccciv. Fuit V excellentis ingenii & exquisitæ doctrinæ, reflorescentis, ut ait *Erasmus* in Ciceroniano, eloquent apud Italos Princeps, sua ætate celebris ac magnus. Parmensis Archidiaconus, tum Cathedralis Ecclesiæ Patavinæ extitit Canonicus. Præter Epistolas & Carmina, quæ præsertim in canendis erga *Laram* suis amoribus juvenis adhuc scripsit in amæ valle propè Avenionem, quam *Incolæ Clausam* vocant, excellentes edidit Dialogos de Remediis utriusque fortunæ: libros duos de *Vita Solitaria*, & tandem de *Otio Religiosorum*: Dialogos de *vera Sapientia*, & de *Contemptu Mundi*: Psalmos Septem Pænitentiales: librum unum de *Republica optimè administranda*: alterum de *Officio & Virtutibus Imperatoris*: libros quatuor *Rerum memorandarum*, & alia hujusmodi elegantissima Opuscula, quæ omnia typisculis prodierunt Basileæ anno mdliv. & mdlx.

estatur tamen *Casimirus Oudinus* in Supplemento  
 d librum *Bellarmini* de Scriptoribus Ecclesiasticis,  
 brum *Francisci Petrarchæ*, qui inscribitur: *De ca-*  
*us Virorum Illustrium*, adhuc manuscriptum re-  
 riri in Bibliotheca Colbertina, ibidemque exta-  
 ejusdem Authoris Rerum familiarium Epistola-  
 m libros viginti quatuor manuscriptos, quorum  
 vem tantum editi sunt. Obiit *Franciscus Petrar-*  
*a* in Arquato, agri Patavini pago, an. MCCCLXXIV.  
 atis suæ LXX. Lubens hic prætermitto duos infi-  
 es Scriptores Italos, quorum primus fuit *Dantes*  
*ligerus* Poëta eximius, patria Florentinus, qui  
 culo XIII. in Arte poëtica potissimum excelluit,  
 l cum esset nimium dentatus, mordax, & male-  
 cus obtrectator, ab ipsamet patria sua proscri-  
 us est, exulque vivere coactus. Alter Scriptor  
 lus, fuit *Joannes Boccatus*, patriâ itidem Flo-  
 tinus, qui Sæculo decimo quarto vixit & obiit.  
 res conscripsit libros, in quibus sese obscænum,  
 pium, & maledicentissimæ linguæ virum ubique  
 odit.

D. Progrediamur, si placet, ad quartam  
 rorum Illustrium Classẽm, in qua tibi onus in-  
 enbit differendi de Scriptoribus Hispanis, qui  
 culis decimo tertio & decimo quarto celebri-  
 fuerunt.

M. Cum de Scriptoribus Hispanis, qui Sæ-  
 cis XIII. & XIV. Vitam Monasticam, aut Regu-  
 lem egerunt, simus suo loco dicturi, tres dum-  
 at magni nominis, & Episcopalibus Infulis or-  
 nos hic producam Hispaniæ Scriptores, quorum  
 primus est *Rodericus Ximenes*, gente Navarrus, &  
 archiepiscopus Toletanus. Interfuit Concilio Oc-



cumenico Lateranensi IV. sub *Innocentio III.* Pontifice Maximo anno MCCXV. celebrato, ubi, ob suam singularem eruditionem, summam, quâ pollebat, eloquentiam, & variarum linguarum peritiam magno in honore habitus est. Libros novem scripsit de *Rebus Hispaniæ*, ab Herculis in eas regiones adventu usque ad annum MCCXLIII. His subjunxit Ostrogothorum, Suevorum, Alanorum, & Wandalarum compendiosam Historiam. Edidit denique Historiam Arabum, & Historiam Romanorum. Hæc omnia *Roderici Ximenis Opera Andreas Schottus* publicavit tomo 2. *Hispaniæ Illustratæ*. Alter Scriptor Hispanus, qui eodem Sæculo decimo tertio floruit, est *Lucas*, Tudenſis Episcopus, patriâ Legionensis, & *Gregorio IX.* Pontifici Maximo apprime charus. Scripsit libros tres adversus Hæreticos Albigenſes, quos primus in lucem emisit *Joannes Mariana* Ingolſtadii anno MDCXII. & exinde cum Notis *Joannis Marianaë*, *Gretſeri*, & *Schotti* in Bibliothecam Patrum relati sunt tomo XXV. Descripsit etiam idem *Lucas* Tudenſis Episcopus, jussu *Berengariæ* Hispaniarum Reginaë, *Vitam & Miracula S. Isidori*, quæ extat apud *Mabillonium* Sæculo I. Benedictino, & apud *Bollandum* ad diem IV. Aprilis *Chronicon* quoque *S. Isidori* multis additionibus cupletavit *Lucas* Tudenſis Episcopus, & ad suam usque ætatem perduxit, quod ab *Andrea Schotto* editum est tomo 2. *Hispaniæ Illustratæ*. Tertius extremò Episcopus, qui Sæculo XIV. in Hispania floruit, est *Alphonſus Vargas*, patriâ Toletanus, Sacra Facultate Parisiensi Doctor Theologus, Umenſis primùm, deindè Pacenſis Episcopus, demùm Archiepiscopus Hispalenſis, ex Ordine I

tarum S. *Augustini* assumptus. Scripsit *Commentarios in IV. libros Sententiarum*, quos Discipulis in cultate Parisiensi dictaverat, & *Questiones in Aristotelis libros tres de Anima*, quibus inter Theologos Scholasticos primi subsellii locum obtinere ruit.

Cùm Angli Scriptores, quos in quinta Classe eorum Illustrium constituimus, omnes ferme sint Monachi, aut Dominicani, aut Franciscani, tum tantum aut alterum in hac Classe laudabo; Monachis verò, Dominicanis, & Franciscanis Scriptoribus, qui ex Anglia oriundi Sæcula decimum tertium, & decimum quartum eruditione illustrarunt, copiosè in his Classibus, in quas illos collocavimus, dicturus. Floruit itaque in Anglia Sæculo decimo tertio *Gervasius Tilberiensis*, ita cognominatus à *Tilberia*, quod Oppidum est in Anglia, in littore Thamesino situm. *Henrici III.* Anglorum Regis nepos fuit, à quo ditionis Arelatensis Marescallus factus, non modò Regis sui, sed & *Conis IV.* Imperatoris benevolentiam sibi conciliavit. Scripsit *Commentarium de Imperatorum Romanorum, Gothorum, Lombardorum, Britonum, Francorum, Anglorumque Regnis*. Edidit etiam librum de *Mirabilibus Mundi*, & *Historiam Angliæ tripartitam*, quam *Baleus* digessit in tres columnas, atque in *Tricolumnium* inscripsit. Alia ejusdem *Gervasii* Opera recensent *Baleus*, *Pitsens*, & alii, qui Scriptorum Anglorum Catalogum texuerunt. Alter Scriptor, qui eodem Sæculo XIII. in Anglia eruditionis laude claruit, appellatur *Robertus*, Episcopus *Lincolniensis*, dicitur etiam *Grosthead*, Gallicè, *Gosse teste*. Hunc *Robertum*, *Lincolniensem* Epi-

scopum, magnis encomiis celebrant Scriptores Angli, asseruntque, eum, præter paupertatem, vitam Sanctimoniam, reliquasque virtutes Christianæ Præsule dignas, ingentis animi fuisse, acris ingenii in re litteraria ad summum penè apicem evectum in litteris sacris pariter ac profanis, in linguarum Hebraicæ, Græcæ, & Latinæ scientia, in Astronomia, & universa Philosophia supra communem Doctorum sortem eruditum. Idem tamen de *Robertus* Lincolnienſi Episcopo iudicium non ferunt alii Scriptores ob acriorem illam, quam ad *Innocentium IV.* Pontificem Maximum scripsit Epistolam quæque eum Pontifici ita invisum reddidit, ut ab eo fuerit anathemate perculsus, sicut testatur *Henricus Knigton* natione Anglus, Canonicus Regulari Monasterii Leicæstrenſis, qui sub finem XIV. Sæculi claruit, in suo *Chronico de eventibus Angliæ* quique libris comprehenso. Multa Opuscula & Commentaria scripsit *Robertus* Lincolnienſis Episcopus varios Sermones, Tractatus, & alia Opera, quorum quædam edita sunt, alia adhuc manuscripta in Bibliothecis asservantur. Verum, inter Scriptores Anglos Sæculi decimi tertii principem locum merito obtinere debet *Edmundus Rich*, Archiepiscopus Cantuarienſis, doctrinâ celeberrimus, & sanctitate adeo insignis, ut in Sanctorum album ab *Innocentio IV.* Pontifice Maximo relatus fuerit. Scripsit Sanctus ille Archiepiscopus *Speculum Ecclesiæ*, quæ extat in Bibliotheca Patrum tomo xxv. Scripsit etiam *Constitutiones XII.* quas vulgavit *Linuodus Provinciali Anglico*.

Eâdem brevitate expediam me à Scriptori Germanis, quos in sexta Virorum Illustrium Cl



ollocavimus . Licet enim bene multi Monachi, & religiosi Viri tam ex Ordine Fratrum Prædicatorum, quam ex Ordine Fratrum Minorum, Germaniam Sæculis XIII. & XIV. perdoctis suis Scriptis illustrarint, eos tamen in ista Classe non recensebo, tpotè de illis, eorumque Operibus, in his, quas prox subjiciam, Virorum Illustrium Classibus abundè dicturus. Hos itaque dumtaxat Scriptores Germanos hîc laudabo, qui ad sequentes Classes revocari non possunt . Sub initium decimi quarti Ecclesiæ Sæculi claruit in Germania *Siffridus*, Misnensis Ecclesiæ in Saxonia Presbyter, qui scripsit *Chronicon* ab Orbe condito usque ad annum MCCCVII. quod *Pistorius* tomo I. *Rerum Germanicarum* edidit. Nonnulli hunc *Siffridum* perperam confundunt cum altero *Siffrido* Ordinis Prædicatorum, Cyrenensi episcopo titulari, & Moguntini Archiepiscopi Virio, cujus meminit *Trithemius*. Hic enim *Siffridus*, Ordinis Prædicatorum, floruit decimo quinto seculo, hoc est, circa annum millesimum quadringentesimum septuagesimum . *Albertus Argentensis*, natione Germanus, Sæculo decimo quarto, hoc est, circa annum MCCCLXXVII. eruditionis famâ toti Orbi innotuit & scripsit *Chronicon* à *Rudolphi Habsburgensis* Imperio usque ad *Caroli IV.* Imperatoris mortem, hoc est, ab anno MCLXXIII. usque ad annum MCCCXXVII. quod editum est à *Christiano Urstizio*, cum aliis *Rerum Germanicarum* scriptoribus. Denique, sub finem ejusdem Sæculi decimi quarti virtute & doctrinâ præluxit in Germania *Marsilius ab Ingen*, Ecclesiæ S. *Andreae* Coloniensis Canonici & Thesaurarius, Heidelbergensis Academiæ Conditor, primusque Doctor ac Rector.

Scriptis *Commentaria in IV. libros Sententiarum*, quæ typis excusa prodierunt Argentorati anno MDI. Alia ejusdem Authoris Scripta recenset *Baleus Centuriâ VII. Cap. v.* quæ adhuc in tenebris delitescunt. Sed hos Scriptores breviter indicasse, & digitum, ut fieri solet, ad fontes intendisse sufficiat. Pergamus nunc ad septimam Classẽ Virorum Illustrum, in qua locum dedimus omnibus Monachis, qui Sæculis XIII. & XIV. in diversis Orbis nationibus insignes extiterunt.

D. Cedo, si placet, nomina, patriam, & Scripta omnium Monachorum, qui tum doctrinâ, tum pietate Sæculis XIII. & XIV. in diversis Orbis nationibus insignes extiterunt.

M. Ordiam ab his Monachis, qui Sæculum XIII. eruditione illustrarunt. In primis *Dodechini* natione Germanus, Abbas Cœnobii S. *Dysiboci* scripsit Historiam Sanctam, sive de peregrinatione in Palæstinam, & Appendicem ad Chronicon *Mariani Scoti* ab anno MLXXXIV. usque ad annum MC *Helinandus*, natione Gallus, Monachus *Frigidi Montis*, Ordinis Cisterciensis, in Diœcesi Bellovacensi Historiam ab Orbe condito usque ad annum millesimum ducentesium quartum scripsit libri XLVIII. comprehensam, quam P. *Bertrandus Tiffi* tomo VIII. Bibliothecæ Cisterciensis edidit, cum ejusdem *Helinandi* Sermonibus, & Epistola *Galterum*. Scripsit etiam idem *Helinandus* Martirium S. *Gereonis*, & Sociorum, Sanctorumque *Etoris*, *Cassii*, *Florentii*, & aliorum, quod extat apud Surium ad diem x. Octobris. *Petrus*, natione Gallus, Monachus *Vallis Cernaij*, Ordinis Cisterciensis in Parisiensi, vel, ut habet *Aubertus Miræus*, in C.

notensi Diœcesi, scripsit *Historiam Albigenſium*, & *Sacri Belli*, quod in eos ſuſceptum eſt, Duce & Principe *Simone Monfortio*, Comite poſteâ *Toloſano*, ſamque *Innocentio III.* Pontifici Maximo nuncupavit. Hanc *Petri de Valle Cernaij* *Historiam Albigenſium* primus in lucem extulit *Nicolaus Camuzacius*, Trecenſis Canonicus, anno MDCXV. & deindè tom. v. *Historicorum Francorum Franciſci Duchefſii*, & tomo VIII. *Bibliothecæ Cisterciensis* inſerta vit. *Guntherus*, Monachus Ordinis Cisterciensis, in Diœceſi Baſileenſi, ſcripſit ex ore *Martini Abbatis*, qui rebus geſtis interfuera, *Historiam captæ à Latinis, Duce Balduino, Urbis Conſtantinopoleos*, quam *Historiam* edidit *Canisius* tomo v. *Antiquæ Lectionis*. *Arnoldus*, primò Hildeſeimenſis Præpoſitus, & poſteâ Lubecenſis Abbas, *Chronico Sclavorum*, ſuij Author eſt *Helmoldus* Presbyter, *Supplementum* addidit, hoc eſt, illud continuavit ab anno CLXXI. ad annum uſque MCCIX. Eum in rebus Sclavonicis præcipuè mereri fidem, ſed in cæteris partem diligentix præſtitiffe, obſervat *Voffius* lib. 2. de *Historicis Latinis* cap. 55. Eodem Sæculo decimo quarto *Otto à Sancto Blaſio*, Monachus S. Blaſii, Ordinis Benedictini, in Diœceſi Conſtantiënſi, ad *Chronicon Ottonis Friſingenſis* Appendicem adjecit, ſuam ab anno MCXLVI. ubi deſiit *Otto Friſingenſis*, perduxit uſque ad annum MCCX. Ejusdem Ordinis Benedictini Monachus fuit *Matthæus Paris*, ſeu *Parſius*, natione Anglus. Scripſit *Historiam Anglianam à Guillelmi Conqueſtoris adventu uſque ad annum quadrageſimum tertium Henrici III. Angliæ Regis*, hoc eſt, ab anno MLXVI. uſque ad an. MCCLIX. quo vivere deſiit. Scripſit etiam idem *Matthæus*



*Parisius* Historiam minorem, in qua compendiosè narrat ea, quæ prolixiùs in Historia majori prodi-  
derat; item Additamenta ad Historiam, & Vitas  
aliquot Sanctorum, & Gesta Abbatum Cœnobii  
Albanensis, cujus erat alumnus. Hic tamen obiter  
observare debes, hunc Scriptorem, *Matthæum Pari-*  
*sium*, nullam mereri fidem in his, quæ scripsit de  
Ecclesia Romana, & de Summis Pontificibus, quos  
passim injuriarum plaustris onerat, & canino dente  
carpit, mordet & exagitat. Hinc *Henricus Spon-*  
*danus* in *Continuatione Baronii* ad annum MCCXXV.  
Num. VI. ait, se nullam adhibere fidem *Matthæo*  
*Parisio* in rebus Pontificum & Ecclesiæ Romanæ men-  
tiri solertissimo. Nec silentio prætermittere possum  
judicium, quod de eodem Historico, *Matthæo Pari-*  
*sio*, profert *Baronius* ad annum nongentesimum no-  
nagesimum sextum his verbis: *Quàm fuerit animo*  
*insensissimo* ergà Apostolicam Sedem, quivis facile po-  
terit intelligere: nisi probra illa fuerint additamenta  
ejus qui edidit. Quæ si quis demat, aureum sanè dixe-  
ris Commentarium, utpotè quod ex publicis monumen-  
tis, totidem verbis redditis, egregiè contextum &  
coagmentatum invenitur. Missos facio, brevitatis  
ergo, multos alios Monachos, qui Sæculo XIII.  
aliquâ eruditionis laude claruerunt, tresque dumta-  
xat subnectam, qui Classi Monachorum eruditorum  
ejusdem Sæculi XIII. jure merito accenseri debent  
Primus est *Cæsarius*, natione Germanus, Cœnobi  
Heisterbacensis in Diœcesi Colonienfi Ordinis Ci-  
sterciensis Monachus, qui Libros, seu Dialogos XII  
scripsit de *Miraculis & Visionibus* sui temporis.  
Scripsit etiam idem *Cæsarius* tres libros de *Vita*  
*S. Engelberti Archiepiscopi Colonienfis*: plures *Homi-*  
*lias*

, seu *Conciones Morales super omnes Dominicas & a totius anni, & alia Opera, quæ exhibet Carolus* *ichius* in Bibliotheca Cisterciensi. Observant tam periti Critici, *Cæsarium* Monachum fuisse nim credulum, quippè in suis XII. Dialogis *de* *aculis & Visionibus* non satis accurato Criterio as Historias à falsis secrevit, & interdum nugas abulas, quas undique corrasit, sine ullo prorsus etu inseruit. *Cæsario* Monacho eruditione inior non fuit *Godefridus* Monachus, natione itian Germanus, qui scripsit Annales ab an. MCLXII. annum MCCXXXVI. quos primus in lucem edi*Marquardus Freherus* inter Scriptores Germanos tomo 1. pag. 229. Ultimus Sæculi XIII. Monhus, qui inter Scriptores eruditos locum habebet, est *Guillelmus de Nangis*, natione Gallus, linis S. *Benedicti* in Cœnobio Sandionyfiano pè Parisios. *Chronicon* scripsit ab Orbe condito annum MCCC I. Hoc *Guillelmi de Nangis Chroni-* continuavêre postea duo Anonymi Monachi dem Cœnobii Sandionyfiani, quorum prior de in anno MCCCXL. Alter in anno MCCCXLVII. ipisit quoque idem *Guillelmus Nangius* *Gesta* *Ludovici Galliarum Regis*, ejusque filii *Philippi*, nomento *Audacis*. *Chronicon Guillelmi Nangii* anno dumtaxat MCXIII. unà cum ejusdem Chro*duabus* Monachorum Anonymorum continua*ibus* exhibet *Lucas Dacherius* tomo XI. *Spicile-* *Gesta* verò, seu Historiam, quam idem *Guillel-* *Nangius* descripsit, S. *Ludovici Galliarum Re-* ejusque filii, cognomento *Audacis*, inter alios ptores Hist. Francorum evulgarunt *Pithæus*, & *besninus*.

Ex Monachis Scriptoribus, qui Sæculum XIV eruditione illustrarunt, duos tantum hic proferat videlicet *Engelbertum*, & *Henricum Steronem*, quorum primus, seu *Engelbertus*, natione fuit Germanus, Monachus Ordinis S. *Benedicti*, & Cœnob Admontensis in Styria Abbas. Scripsit librum *de ortu, progressu & fine Imperii Romani*, qui editus est Basileæ anno MDLIII. & extat tomo xxv. *Bibliothecæ Patrum*. Scripsit etiam *Engelbertus Carmine Heroicum*, seu *Panægerim* in Coronationem *Rudolphi Habsburgensis* Imperatoris, & hæc *Panægeris* Collectione Historicorum Germanicorum reperitur. Plura alia Opera Theologica, Philosophica & Ascetica eidem *Engelberto* Monacho attribui *Possëvinus* in Apparatu. Alter Monachus, seu *Henricus Stero*, natione pariter Germanus, & Benedictini Ordinis in Altaicho Germaniæ Cœnobio Monachus fuit. Annales scripsit ab anno primo *Federici Barbarossæ* Imperatoris, usque ad annum primum *Rudolphi Habsburgensis* Imperatoris, idest, anno MCLII. usque ad annum MCCLXXIII. Annales istos primus edidit *Marquardus Freherus* inter Scriptores Rerum Germanicarum, sed illos auctior dedit *Henricus Canisius* tomo I. Antiquæ lectionis. Scripsit etiam idem *Henricus Stero* Historiam de rebus gestis *Rudolphi Habsburgensis*, *Adolphi Nassæ* & *Alberti Austriaci* Imperatorum ad annum usque MCCC. cui Appendicem usque ad annum MCCCXX addiderunt *Ulricus* & *Conradus Wellingi* fratres Monachi Cœnobii Augustani Sanctorum *Uldæ* & *Afræ*, Ordinis Benedictini. Hanc *Henrici Steronis* Historiam cum *Wellinghorum* continuatione publicavit *Marquardus Freherus* tomo I. *Scriptori*



in *Germanicarum* anno MDC. Ex hac *Henrici*  
*onis* Historia, ut observant eruditi Critici,  
*ardus*, natione Germanus, Cœnobii Altahen-  
 Ordinis Benedictini Monachus, qui Sæcul. XIV.  
 vit, plurima hausit, ac retulit in Annales, quos  
 lit, de *Ducibus Austriæ, Bavarie, & Sueviæ*,  
 que extant apud *Henricum Canisium* tom. 1. An-  
 lect. Sed satis diximus de Monachis, qui Sæ-  
 s XIII. & XIV. floruerunt. Nunc paulò altiora  
 amus, & de celeberrimis toto Orbe Scriptori-  
 Ordinis Fratrum Prædicatorum, quos in octa-  
 virorum illustrium Classe constituimus, uberiùs  
 ramus, eorumque Scripta liberiori stylo pro-  
 amur.

D. Innumeros ex Clarissimo Fratrum Prædi-  
 rum Ordine, cujus institutor fuit S. *Domini*-  
 ex nobilissima *Gusmanorum* familia in Hispa-  
 natus, prodiisse Scriptores, qui perdoctis suis  
 ribus grassantes hæreses extirparunt, Schisma-  
 tinxerunt, Theologiam illustrarunt, fidelium  
 res ad pietatem informarunt, atque de univer-  
 ecclesia optimè meriti sunt, unâ voce omnes  
 dicare ac publico sermone celebrare solent.  
 circa, te etiam atque etiam rogo, ut nobilio-  
 scriptores Ordinis Fratrum Prædicatorum, qui  
 alis XIII. & XIV. Ecclesiam doctrinæ suæ splen-  
 collustrarunt, hîc in medium proferas, eo-  
 que præclara gesta, & Opera, quæ scripserunt,  
 pendiosâ quidem, sed accuratâ narratione  
 nseas.

M. Bibliothecam omnium Scriptorum Or-  
 s Fratrum Prædicatorum, cæteris, quæ hæc-  
 in lucem prodierunt, longè accuratiorem, nu-  
 pèr

për adornavit doctissimus noster *Jacobus Echardus* eamque duobus Tomis in Folio comprehendit, quæ nunc sub Parisiensi prælo sudant, publicâ prope diem luce donandi. In ea ordinanda Bibliothecæ diu multumque insudavit vir ille doctissimus, & id totus incubuit, ut Scriptorum Ordinis Fratrum Prædicatorum, qui jam noti erant, diligenti Criterio recenseret ac vindicaret Opera, aliorum vero ejusdem Ordinis Scriptorum, qui antehac incogniti erant, quique in Bibliothecarum angulis atque teneas & blattas relegati delitescabant, manuscriptos codices è tenebris erueret, in publicam luce revocaret, atque doctissimis Notis Criticis & Historicis illustraret. Hoc utilissimum Opus dum expectant Viri eruditi, ipse, ne officio meo deesse videar, illustriorum saltém Scriptorum Ordinis Fratrum Prædicatorum, qui Sæculis XIII. & XIV. eruditionis & pietatis laude claruerunt, seriem breviter, quantum fieri poterit, describam, eorumque genuina Opera à spuris discernere pro viris fatagam.

Catalogum omnium Scriptorum Ordinis Fratrum Prædicatorum incipiunt nonnulli à *S. Dominico*, Sanctissimo ejus Institutore. Afferit quipè *Antonius Senensis* in Bibliotheca Scriptorum Ordinis Fratrum Prædicatorum, *S. Dominicum* edidit contra Albigeneses duos libros, qui in ignem contracti ad Catholicam fidem probandam, diversis modis, insigni miraculo, ab igne penitus illæsi filierunt. Eidem *S. Dominico* Commentarios Epistolas *S. Pauli*, in Epistolas Canonicas, in Petrum, in Evangelium *S. Matthæi*, & in Apocalypsim tribuit *Antonius Senensis*, & post eum *Po*

s, quos sequitur noster *Maluenda* in *Annal. Or-*  
*s Fratrum Prædicatorum*. Alii denique vo-  
s, *S. Dominicum* esse Authorem cuiusdam *Tra-*  
*ctatus de Corpore Christi*. Verùm, quin assensum  
Scriptoribus præbeamus, hæ rationes obstant.  
Primo, quia *Petrus de Valle Cernaij* in ea, quam  
scripsit, *Historia Albigensum*, non librorum memi-  
nit, quos adversus Albigenfes ediderit *S. Domini-*  
*cus*, sed unius dumtaxat *Schedulæ*, quæ ad con-  
futando Hæreticos ab ipso in ignem coniecta  
miraculo illæsa evasit. Præterea, nemo  
est, qui *S. Dominici* gesta olim memoriæ prodi-  
derint, meminit, ab eo scriptos fuisse ullos libros,  
nisi alioquò nonnulla longè minutiora, seu mino-  
ris momenti, non taceant *Vincentius Bolognensis*,  
*Albertus*, *Theodoricus*, & *S. Antoninus*. Non est  
enim verosimile, antiquos omnes *S. Dominici*  
scriptas fuisse adeò oscitantes, ut rem, quæ  
illum Patriarcham haud parùm commen-  
daret, ignoraverint; vel si noverint, altissimo li-  
bro edita ab ipso Opera præterire voluerint. Ter-  
tio quis suum in animum inducat, tantam fuisse  
curam Ordinis Prædicatorum incuriam, ut non  
solum Institutoris sui Opera silentio premi, & obli-  
viscere intercidere, sed negligentiam non ferendam om-  
ni præterire permiserint, cum alia variorum Scri-  
ptorum Opera longè minoris pretii maxima vene-  
ratione servaverint, & ad posteritatem transmise-  
rint. Tractatum *de Corpore Christi* non esse adju-  
dicandum *S. Dominico*, sed potius Fratri *Dominico de*  
*Calceonibus*, qui in Ordine Fratrum Predicato-  
rum multò post *S. Dominicum* vixit, testantur Scri-  
ptores Dominicani, *Susatus* in *Chronico*, & *Anto-*  
*ninus*



*nus Senensis* in Bibliotheca, quos sequitur *Maluenda* in Annalibus. Cæterum, etſi *S. Dominicus* inter Scriptores locum non habeat, omnium tamen virtutum, doctrinæ, & præclareſt gestorum gloriæ illustris fuit, atque fecundiffimus parens omnium Scriptorum Eccleſiaſticorum, quos peperit Ordinem Prædicatorum, & quorum calamis Fidem Catholicam propugnavit, ejuſque dogmatum adverſus Hæreticos aſſeruit & illustravit veritatem, ſicut ſequenti Colloquio oſtendemus.

Scriptorum itaque Ordinis Fratrum Prædicatorum Catalogum ordiar à *B. Jordano*, è Saxoni nobili genere oriundo, Theologo Pariſienſi, ejuſdem Ordinis poſt *S. Dominicum* Generali Maſtro electo in Comitibus Pariſienſibus anni mcccxi. Hic Sapientiſſimus Ordinis moderator, præter dentiffimum ſalutis animarum deſiderium, quod *S. Dominicum* imitatus, jugiter flagrabat, ſingularem doctrinam, religioſam prudentiam, ac multis aliis præclaris virtutibus, quæ ipſi omnium admirationem conciliabant, emicuit. Poſt celebrata Pariſiis Comitibus Generalia anno mcccxxvi. Loca Sancta Paſtinæ inviſere, & Ordinis Conventus hiſ in partibus conſtitutos viſitare deliberaverat. Sed eorum conſilia inopinatum interturbavit naufragium, Ordini hunc ſummum Virum eripuit. Navi ſicdem, quâ vehebatur, atroci irruente tempeſtate ſubmerſa eſt. Ejuſ tamen corpus repertum, in conenſe Fratrum Prædicatorum Cœnobium depositum eſt, ibique honorificè conditum. Hujus Sanctitatem poſt ejuſ obitum Deus miraculoſiſtravit, ut videre eſt in ejuſ vita, quæ extat à *Surium*, & apud *Bollandum* ad diem xiii. menſis

rii. Egregia eruditionis ac pietatis monumen-  
 liquit B. *Jordanus*. Duos libros, unum de *Pon-*  
*ius*, & alterum de *Lineis*, teste *Nicolao Triveta*  
*hronico* ad annum MCCXXI. scripserat B. *Jor-*  
*s*, antequàm Ordini Prædicatorum nomen da-  
 ex quibus eum in sæcularibus scientiis, & præ-  
 è in Mathematicis Disciplinis excelluisse facilè  
 gitur. Sublimioribus deindè scientiis navatâ  
 â, plures utiliores composuit libros. Scripsit  
 a librum de initio Ordinis Fratrum Prædicato-  
 : Epistolas plures ad Fratres, quorum non  
 e editæ, aliæ adhuc manuscriptæ leguntur.  
 scripsit etiam *Commentarium in Apocalypsim*,  
 confundi non debet cum *Commentario in Apo-*  
*psim*, quem lucubravit alter *Jordanus*, natio-  
 idem Saxo, Ord. Eremitarum Sancti Augusti-  
 qui floruit decimo quarto Sæculo. Alia deni-  
 in *Priscianum*, & ad Grammaticam spectantia  
 secula scripsit B. *Jordanus*, atque Author est  
 ejusdam rationis Orandi B. Virginem, ergâ  
 n singulari pietate erat affectus, quæ *Coronula*  
*irginis* dicitur. Ad promovendum in Ordine  
 rum Prædicatorum cultum B. Virginis, hunc  
 em instituit B. *Jordanus*, ut Religiosi hujus  
 inis, post persolutum *Completorii*, quod vo-  
 a, Officium, solemniter canerent Antiphonam  
 e *Regina* &c. qui mos apud Fratres Prædicato-  
 e etiamnum laudabiliter viget ac frequentatur.

*Vincentius*, natione Gallus, patriâ Burgun-  
 , Ordinis Fratrum Prædicatorum, & Conven-  
 a *Bellovacensis*, undè suum cognomen sumpsit,  
 anus, Regnante in Galliis S. *Ludovico*, floruit,  
 nque magnum, & ex variis Auctoribus deflo-  
 ratum

ratur cōcinnavit *Speculum*, quod in quatuor parte  
ab ipso fuisse distributum, videlicet in *Naturale*, *Doctrinale*, *Historiale*, & *Morale*, communis erat eru-  
torum opinio, antequàm perdoctus noster *Jacob Echard* antiquissimū manuscriptum Codicem *Speculi*  
*Vincentii Bellovacensis* detexisset in Collegii Sc  
bonę Bibliotheca. Ex eo siquidem manuscripto C  
dice Sorbonico Clarissimus ille Auctor, in libro, q  
nuperrimè in lucem edidit, & cui hunc titulum  
præfixit: *Summa S. Thomę vindicata*, hanc perv  
gatam opinionem exploſit, & sole clariùs evici  
*Vincentium Bellovacensem* non in quatuor parte  
sed in tres dumtaxat suum divisisse *Speculum*, sc  
cèt in *Naturale*, *Doctrinale*, & *Historiale*, subin  
que quartum *Speculum*, seu *Morale*, quod tri  
præcedentibus assutum est, tanquam spurium  
planè supposititium esse rejiciendum. In pri  
Speculo, seu *Naturali*, quidquid est in Mundo  
bilium & invisibilium juxtà sex dierum creatio  
seriem congruentissimè complectitur *Vincen*  
*Bellovacensis*. In secundo Speculo, seu *Doctrin*  
scientias & artes omnes à Grammatica ad The  
giam usque pervadit. In tertio Speculo, seu *H*  
*riorali*, Gesta omnium gentium ab ipsis mundi  
mordiis ad annum usq; millesimum ducentesi  
quingagesimum prosequitur. Ad istud amp  
mum perficiendum Opus, *S. Ludovicus*, Galliaru  
Rex, sumptus liberalitèr suppeditavit, quibus  
erat ad comparandum innumeros propemo  
codices, quibus usus est *Vincentius Bellovacen*, in  
illo immensi planè laboris conscribendo Oper  
quo eum fuisse indefessi studii, variæ eruditio  
& infinitæ Læctionis virum, facile quisquis jud  
pc t.



est. Alia Opuscula scripsit *Vincentius Bellovacensis*, videlicet libros quatuor *De Gratia Dei*, sive *Mysterio Redemptionis humanæ*: librum unum de *audibus B. Virginis Mariae*: Alterum librum de *audibus S. Joannis Evangelistæ*: librum unum de *auditione Puerorum Regalium ad Margaritam Gal-*  
*rum Reginam*, *S. Ludovici conjugem*: denique *solatorium de morte amici*, ad *S. Ludovicum Gal-*  
*rum Regem*. Non me fugit, disertum nostrum *Ichiozem Canum* vitio vertere *Vincentio Bellova-*  
*nsi*, quod in rebus historicis plus æquò credulus  
 rit. Sed advertere debuisset perdoctus ille Theo-  
 us, *Vincentium Bellovacensem* in suo Speculo Hi-  
 riali noluisse proprio Marte describere Histo-  
 m, sed solum in animo habuisse, simpliciter re-  
 e, & ordinare ea Historiæ monumenta, quæ  
 variis Scriptoribus hauserat, à Lectoribus ta-  
 cum aliquo delectu accipienda, sicut ipsemet  
 didè profitetur in sui Operis Prologo. Capite,  
 rto his verbis: *Præsertim cum hoc ipsum Opus*  
*meum simpliciter non sit, sed eorum potius ex*  
*rum dictis ferè totum illud contexui. Nam ex meo*  
*minio pauca, & quasi nulla addidi. Ipsorum igitur*  
*auctoritate, meum autem sola partium ordinatione.*  
 Quia in re non culpandum, sed potius laudandum  
 censeo *Vincentium Bellovacensem*, quippè qui  
 mta Historiæ monumenta, velut varia Auctorum,  
 quibus ea excerpfit fragmenta, aliàs peritura,  
 peris servavit. Undè, sicut etiamnum iis gra-  
 ti referre solemus, qui vel veterum Opuscula in  
 Bibliothecarum angulis delitescencia producant in  
 um, vel Scripta, ut vocant, fugitiva, vel Epi-  
 das, Dissertationes leviores, & similia, suis Dia-

riis inserta ab interitu secura reddunt, quamvis i  
his haud pauca sint, quæ accuratum lectoris exa  
men ac delectum postulent; ita etiam fateamur  
necesse est, nos plurimum debere *Vincentio Bell  
vacensi*, qui in suo Opere quàm plurima Histori  
monumenta, quasi fragmenta ex variis Scriptor  
bus collecta, expeditâ methodo disposuit, digesti  
ordinavit, & ab interitu vindicavit, ut deinceps  
prudens & sagax lector ea non promiscuè & inc  
scrutinatim, sed prævio adhibito examine ac c  
lectu accipere ac discernere posset.

*Hugo de Sancto Caro*, natione Gallus, ex *B  
cinoneta*, Oppido Delphinatus, oriundus, Or  
nem Fratrum Prædicatorum Sæculo XIII. doctr  
suâ maximè illustravit. Ex Doctore Theologo I  
risiensî, & Provinciali Franciæ, primus Ordi  
Fratrum Prædicatorum ab *Innocentio IV.* Pontifi  
Maximo creatus est Cardinalis Tituli S. Sabinae  
Legationibus Apostolicis in Germania & Gall  
præclarè functus. *Hugonem de Sancto Caro* fuisse  
chiepiscopum Lugdunensem quidam scribunt,  
certa illius Ecclesiæ monumenta illos falsi con  
cunt. Satis ad summi illius viri gloriam ornan  
ta sunt, quæ reverà possedit, etsi adscititia, seu  
undè emendicata ei non accersatur dignitas.  
*Vetus ac Novum Testamentum* Commentarios loci  
tissimos edidit, quadruplicem Sacrorum Codi  
sensum perspicuâ, doctâ, piâ, solidâque brev  
exponens. Composuit etiam *Speculum Sacerd  
& Ecclesiæ*: *Sermones de Tempore & de Sanctis*  
ctor est quoque *Expositionis Spécialis in Psalmis*  
testantur S. *Antoninus*, *Bellarminus*, *Simlerus*  
*Labbeus*, qui *Minoritarum*, hanc *Expositione*

salvos *Alexandro Halensi* perperam adscribentum, figmentum rejiciunt. Sed inter Opera, quæ didit noster *Hugo à Sancto Caro*, liber *Concordantiarum*, ob ingentem utilitatem, quam ex illo Scriptorum Bibliorum studiosi percipiunt, primas tenet. Opus sanè apprimè necessarium, ingenti opere, summâque diligentia compositum, in quo concinnando fertur, quingentos Fratres Ordinis Prædicatorum adhibuisse manus, Operis Præsidente, Authore, & Ordinatore *Hugone à Sancto Caro*. Obiit sanctissimus ille Cardinalis anno mcccxliv. ejusque corpus Lugdunum in Galliis translatum apud Fratres Prædicatorum sepultum est.

*Joannes Columna*, Patriâ Romanus, Archiepiscopus Messanenensis ex Ordine Fratrum Prædicatorum assumptus, claruit eodem Sæculo XIII. seu nono millesimo ducentesimo quinquagesimo quinto, non verò Sæculo decimo quarto, sicut ait *Trithemius Abbas*, ducem errantem secutus *Philippum Bergomatem*, qui libro xlii. *Supplementi Chronicon* refert nostrum Joannem Columna ad Sæculum xiv. seu ad annum mcccxi. Composuit Joannes Columna libros decem, quos *Mare Historiarum* scripsit. Sed hoc Opus, quod interdum laudat *Antoninus*, adhuc ineditum est, sicut & aliud Opus, quod scripsit idem noster Joannes Columna, *Viris Illustribus*, quodque ipse Romæ in Bibliotheca Casanatensi apud Fratres Prædicatorum Conventus Minervitani manuscriptum perlegi. Opus profectò rerum delectu, styli elegantia, & argumentorum varietate, dignum amicâ manu, quæ ad eâ tenebris tandem aliquandò in publicam lucem educat. Præter hæc Opera à nostro Joanne



*Columna* lucubrata, ipsum quoque *Pontificum Historiam* conscripisse, testatur Auctor Operis *De Hierarchia Subcælesti*; quod manuscriptum extat Parisiis in Bibliotheca Victorina.

*Humbertus de Romanis* natione Gallus, sic dictus ab oppido *Romans* Viënenfis Diœcesis in Delphinatu, quod *Humberti* natale solum fuit, Ord. Fratrum Prædicatorum Parisiis in Cœnobio *S. Jacobi* nomen dedit, & postquam litteras sacras ac Theologiam summa cum laude docuisset, ob eximiam pietatem & doctrinam electus est in Comitiiis anni MCCLIV. Budæ in Hungaria habitis quintus Ordinis Fratrum Prædicatorum Generalis Magister. Hanc præfecturam sapientissimè gessit *Humbertus* eo præsertim tempore, quo *Guillelmus à Sancto Amore*, Parisiensis Doctor, Ordinibus Religiosis infensissimus, cum aliis ejusdem farinae focis junctus, concionibus, & libris, ingentem Fratribus Prædicatoribus & Minoribus invidiam conflabat, & totus eorum perniciem incumbens, haud levem eis molestiam faciebat. Has *Guillelmi à Sancto Amore* in Ordinem Fratrum Prædicatorum molitione prudentiâ sua dissipavit, & Ordini gravissimis jam ætato procellis tranquillitatem restituit *Humbertus*. Tandem cum novem annos Ordinem Sanctissimum rexisset, in Comitiiis Londinensibus ann. MCCLXI. in quibus Sanctus *Thomas Aquinas* jure suffrag pro Provincia Romana potitus est, Præfecturam abdicavit, & in Cœnobium Valentinum ad Rhodanum secessit, ubi obiit anno MCCLXXV. Scripsit *Humbertus* Commentarios in Regulam *S. Augustini* libros sex *De Eruditione Religiosorum*, qui etiam *Speculum Religiosorum* inscribuntur: Tractatum

*otis Substantialibus Religionis* : librum *De Officiis*  
*ordinis Prædicatorum* : & libros duos *de Arte con-*  
*nandi* , seu *de modo promptè cudendi Sermones* , qui  
 o postremi libri confundi non debent cum alio  
 opere in quatuor libros diviso , quod eundem  
 æfert titulum , seu *de modo promptè condendi Ser-*  
*mones* , hoc siquidem Opus doctissimus *Mabillonius*  
*Itinere Italico* ex manuscripto Codice Abbatix  
 Salvatoris Bononiensis tribuit cuidam Canonico  
 Regulari Anonymo , qui ante extinctos Tem-  
 porarios vixit . *Vitas Fratrum* , seu librum *de Origine*  
*Viris Illustribus Ordinis Prædicatorum* , multi Scri-  
 ptores adjudicant *Humberto Præposito Generali*  
*ordinis Prædicatorum* , sed alii probabilius cen-  
 sent , *Gerardum de Fracheto* , natione Gallum , pa-  
 tri Lemovicensem , egregium Concionatorem  
*ordinis Prædicatorum* , hunc librum jussu *Hum-*  
*berti* scripsisse , quem adhuc MS. extare in Mona-  
 chio Rubræ Vallis apud Bruxellam , Duaci , &  
 alibi , testatur *Gerardus Vossius* lib. 2. *de Historicis*  
*ordinis* cap. 59. Scripsit etiam idem *Gerardus de*  
*Fracheto* Chronicon à creatione Mundi usque ad  
 annum MCCLXVI. quod in pluribus Bibliothecis ad-  
 MS. asservatur .

*Albertus* , Lavingæ apud Suevos ex nobilissima  
 Tarnastarum Bolstatensium familia oriundus , *Ordi-*  
*nis Fratrum Prædicatorum* nomen dedit anno  
 MCXXI. in quo eâ nominis celebritate claruit , ut  
*Magnus* , etiam vivens , vulgò appellaretur . Parisiis  
 magno discipulorum concursu & applausu docuit ,  
 sed talæ tamen loco haberi debet , quod tradunt  
 de nulli , eum videlicet , ob frequentissimum  
*concursum* , Parisiis in publica pla-

tea, longè à Conventu Fratrum Prædicatorum, distante, quæ *Alberti Magni* nomine nuncupata sit, Gallicè *Place Maubert*, publicè docere, sub dio coactum fuisse. Id, inquam, fabulæ loco haberi debet, tum quia nullo Historiæ Francorum, aut Urbis Parisiensis Monumento id probari potest; tum quia etiam hujus plateæ nomen, non ab *Alberto Magno*, sed à Feudo *Mauberti*, cujusdam Civis Parisiensis, derivatum esse, certis & indubitatis monumentis constat. *Albertum Magnum* Ratisponensi Ecclesiæ invitum præfecit *Alexander IV.* Pontifex Maximus anno MCCLIX. quâ de re *Humbertus*, quintus Ordinis Prædicatorum Generalis Magister, ad *Albertum Magnum* scripsit Epistolam, *Basilio*, & *Ambrosio* dignam, quâ veluti atrocissimum crimen illi improperat, quòd hanc dignitatem Angelicis humeris formidandam non recusasset, additque, malle se videre *Albertum* feretro jacentem & ad tumulum efferendum, quàm Sede Episcopali sublimatum. Episcopatum, quem invitus subierat *Albertus Magnus*, impetratâ post biennium ab *Urbano IV.* illum abdicandi veniâ, dimisit, & veluti gravissimâ sarcinâ exoneratus, ac quietem vitæ religiosæ inter suos fratres Conventus Colonienfisrediit, ubi obiit anno MCCLXXX. & in universo Fratrum Prædicatorum Ordine sacri honoribus colitur die xv. Novembris. Quantâ eruditione præditus fuerit *Albertus Magnus*, ejus Opera, quæ XXI. Tomis comprehensa Lugduni edidit *P. Jammy* Ordinis Prædicatorum, apertè demonstrant. Quin, & alia Opera ab ipso lucubrata fuisse, quæ vel adhuc MSS. latent in Bibliothecis, v. temporis, rerum omnium edacis, injuriâ perituri



unt, plures asserunt. Quædam tamen Opera illius nomen præferunt, quæ perperam ei tribuuntur. Libri XII. De Laudibus Beatæ Virginis Mariæ Tomo vigesimo editi, non Alberto Magno, sed Richardo à Sancto Laurentio, Pœnitentiaro Rothomagenfi, adjudicari debent, ut probant Theophylus Raynaldus in Diptychis Marianis, & Hyppolitus Maracius in Bibliotheca Mariana, fidemque faciunt manuscripti Codices, ex quibus duodecim illi libri editi sunt Duaci anno MDCXXV. Liber itidem De Mirabilibus, superstitionibus refertus, Albertum Magnum parentem non habet, sed alium plane Auctorem, minus Alberto Magno similem, quam homini Simiam. Liber quoque De secretis Mulierum non est Alberti Magni, nec viri cuiuspiam docti, sed potius hominis nugacissimi, qui librum ex meris nugis contextum nomine suo edere non ausus, Alberti Magni nomen ei inscripsit, ut acceptus magis ac vendibilior esset, non secus ac impii quidem homines sub augusto Salomonis nomine libros magicæ artis, qualis est Clavicula Salomonis, edere, ac in vulgus spargere præsumpserunt. Multos in Ordine Fratrum Prædicatorum discipulos doctrinâ & pietate conspicuos habuit Albertus Magnus, præsertim S. Thomam de Aquino, & Thomam Cantipratensem, quorum primus doctissimis, quæ scripsit, Operibus, & quibus Ecclesiam illustravit, amplissimam dicendi suppeditat materiam, quam instituti argumenti brevitatis hic fusiùs prosequi non patitur. Pauca itaque circa doctrinam & Opera S. Thomæ Aquinatis observabo, postea, de Thoma Cantipratano, qui fuit alter Alberti Magni discipulus, continenti ordine dicam.

*S. Thomas Aquinas*, Ecclesiæ Doctor, vulgò *Angelicus*, ob vitæ & doctrinæ puritatem, nuncupatus, natione fuit Italus, patriâ Neapolitanus, ex nobilissima Comitum Aquinatum prosapia oriundus. Monachis Cassinensibus, dum adhuc quinquennis esset, primis litterarum rudimentis imbuendus traditus est, nunquam tamen Monasticum habitum in Cœnobio Cassinensi induit, quamvis aliter visum sit doctissimo *Mabillonio*, qui in suo *Itinere Italico* citat vetus Cœnobii Cassinensis Martyrologium, in quo Nonis Martii legitur, *Thomam Aquinatem primò Cassinensem Monachum fuisse, postmodum in Ordine B. Dominici Fratrem Prædicatorem effectum*. Verum, quamvis negari haud possit, *S. Thomam Aquinatem*, dum adhuc quinquennis esset, Deo fuisse oblatum à parentibus, & Ordini Benedictino destinatum, invictis tamen argumentis demonstrari potest, eum nunquam Monachum Cassinensem fuisse. At enim, si Sanctus *Thomas Aquinas* Monachus Cassinensis fuit, antequàm Ordini Fratrum Prædicatorum nomen daret, quorsum igitur Monachi Cassinenses permiserunt, ut parentes eum è Cœnobio Cassinensi amotum mitterent Neapolim, quò humanioribus litteris, & Philosophicis excoleretur disciplinis? Cur patre, matre, sororibus ac fratribus infrendentibus, quòd *Thomas Aquinas* Mendicantium Ordini Fratrum Prædicatorum sese addiximet, Abbas, & Monachi Cassinenses parentibus se non adjunxerunt? Cur suum Religiosum sibi contra leges Ecclesiæ sublatum non conquetti sunt? Profecio Monachi Cistercienses Cœnobii Fontis Novæ *Thomam Aquinatem* apud se sepultum sibi ereptum vehementer indolue-

erunt , & ad Summum Pontificem suas querimonia-  
 as detulerunt , eritne credibile , Monachos Cassi-  
 nenses *Thomam Aquinatem* , vivum , summæ sci-  
 entie adolescentem , ab Ordine Fratrum Prædicatorum  
 ex nascente quasi subreptum , neglexisse , & permis-  
 e ut parentes ipsum detinerent in carcere ? Præ-  
 terea , nec *Guillelmus de Thoco* , nec *Bernardus Gui-*  
*onis* Lodovensis Episcopus , nec alii , qui *S. Tho-*  
*mæ Aquinatis* vitam postea scripserunt , ullibi in-  
 uunt , eum Cassinensem Monachum fuisse , immò  
*Guillelmus de Thoco* in ejus Vita disertè asserit , il-  
 lum , postquam Neapoli studiorum peregrisset cur-  
 sum , Ordinem Prædicatorum fuisse ingressum .  
 Nec dici potest , *Thomam Aquinatem* per solemnem  
 oblationem à parentibus factam , & per receptio-  
 nem ad Monasticum habitum censerì debere Mo-  
 nachum Cassinensem ; id , inquam , nullo pacto di-  
 ci potest , quia fateretur ipsemet *Mabillonius* tom. 3.  
*Veterum Analectorum* pag. 476. & 477. hanc pue-  
 rorum solemnem oblationem , & ad Monasticum  
 habitum receptionem jam duodecimo Ecclesiæ Sæ-  
 culo in desuetudinem penitus abiisse . His permo-  
 vis rationibus , facile crediderim , præsumum il-  
 lum *S. Thomæ Aquinatis* Monachatum interpolatri-  
 e aliquâ manu adjectum fuisse huic veteri Cœno-  
 ii Cassinensis Martyrologio , quod laudat doctis-  
 simus *Mabillonius* . Ordinem Fratrum Prædicato-  
 rum ingressus *Thomas Aquinas* , in carcerem con-  
 jectus est à Matre & fratribus , qui omnes aditus  
 interarunt , ut ejus constantiam labefactarent . Tan-  
 tùm è carcere dimissus & Ordini restitutus *Thomas*  
 confestim Coloniam missus est , ut sub *Alberto Ma-*  
*no* philosophicis , & Theologicis studiis navaret  
 ope-



operam. Ex quo evidentè colligitur, errare *Wadinghum* in Annalibus Minorum, & quosdam alios Franciscanos Scriptores, qui asserunt *Alexandrum Halensem* Ord. Minorum, fuisse Parisiis præceptorem *S. Thomæ Aquinatis*. Nam quî, amabo, fieri potuit, ut *Alexandrum Halensem* Parisiis præceptorem habuerit *Thomas Aquinas*, quem constat, nunquam Parisiis Philosophiæ & Theologiæ studuisse, sed eum, statim atque è Castro, in quo à Matre & fratribus detinebatur, dimissus est, à *Joanne Teutonico* Magistro Ordinis Coloniam deductum esse anno millesimo ducentesimo quadragesimo tertio, ubi *Alberti Magni* per quadriennium Scholas frequentavit, indeque, confectis studiis, Parisios, ut Scholas regeret, & Theologiam edoceret, missus est an. MCCXLVI, vel ineunte MCCXLVIII. quo anno *Thomas* Parisiis superstitem invenire, haud potuit *Alexandrum Halensem*, utpotè qui jam vivere desierat anno millesimo ducentesimo quadragesimo quinto, cum cursum Theologicum vix *Thomas* Colonix sub *Alberto Magno* esset auspicatus. *Alexandrum* itaque *Halensem* fuisse *S. Thomæ Aquinatis* Præceptorem, novum figmentum est, antiquis omninò ignotum, & egregiè confutatum à nostro Natali *Alexandro* in Opusculo *De Titulo Præceptoris S. Thomæ ex Elogio Alexandri Halensis expungendo*, quod extat in calce septimi tomi *Historiæ Ecclesiasticæ* Editionis; Parisiensis in Folio Doctoralibus Infulis Parisiis insignitus *Thomas Aquinas*, totus divinis Operibus intentus, aut eruditioni, qua præcellebat, aut prædicationi, qua immotus erat, aut Orationi, qua devotus, aut Scripturæ Sacræ, qua profundus, sedulus vacabat, ut ait *Joan*

XXII. in Bulla ipsius Canonizationis . Totum  
 æ suæ tempus docendo , scribendo , concionan-  
 cum peregrisset Sanctus ille Doctor , tandem  
 conditionis & sanctitatis famâ toti Orbi notissimus  
 vitam migravit immortalem anno ætatis suæ  
 in quagesimo ineunte , die VII. Martii anni  
 CLXXIV. in Monasterio *Fossæ Novæ* , Cisterciën-  
 Ordinis , ad quod diverterat , in Gallias iter  
 liens , ut Concilio Generali Lugdunenfi II. de  
 mandato Gregorii X. Pontificis Maximi interesset  
 disputandum contra Græcos . Hinc eruditus  
 Master *Bernardus Guiard* Doctor Parisiensis in Opu-  
 culo , quod ea de re edidit , contendit , S. *Thomam*  
 quinquatam linguam Græcam calluisse , quâ ei ad  
 putandum contra Græcos opus erat . Alii ta-  
 en , inter quos censetur doctissimus noster P. *Nico-*  
 , Theologus itidem Parisiensis , negant , S. *Tho-*  
 am linguæ Græcæ peritum fuisse . Ipse hanc con-  
 versiam , quæ longius me abduceret , in medio  
 linquo . In Sanctorum numerum à *Joanne XXII.*  
 anno MCCCXXIII. relatus est S. *Thomas* , eumque  
 ius V. anno MDLXVII. quintum Ecclesiæ Docto-  
 em dixit . Sacrum ejus Corpus Ordini Prædica-  
 rum dedit *Urbanus V.* quod Tolosam anno  
 CCLXVIII. translatum est . Ejusdem S. *Thomæ*  
 rachium *Urbanus V.* largitus est Conventui Pari-  
 ensi S. *Jacobi* , Ordinis Prædicatorum , quo sa-  
 ro thesauro ditatus ille conventus , viros omni  
 tempore protulit doctissimos , & egregios doctri-  
 æ S. *Thomæ* defensores . Inter Opera , quæ scrip-  
 t S. *Thomas* , & quæ XVII. tomis sunt comprehen-  
 t , eminet *Summa Theologica* , omnium Theologo-  
 um encomiis celebrata , quam tamen *Joannes Lau-*  
 nojus

*nojus*, Doctor Parisiensis, & morosus, si quis unquam fuit, sæculi proximè elapsi Censor, Sancto Thomæ abjudicare tentavit duobus nixus argumentis, quæ hic breviter diluemus. Primum argumentum, est merè negativum (quo insignis ille *Aristarchus* frequenter uti solebat) petitum ex silentio *Clementis VI.* Pontificis Maximi, qui in Sermone, quem de *B. Thomæ* recens numero Cœlitum adscripto habuit, omnium librorum, quos composuit Sanctus ille Doctor, Catalogum summa cum diligentia, maximoque studio conscripsit, & tamen de Summa Tripartita, ne verbum quidem habet. Hæc igitur Summa Tripartita non est genuinus fœtus *S. Thomæ*. Hoc est palmare *Launoij* argumentum, quod nullo negotio exsufflatur. Norunt quippè omnes periti Critici, argumentum negativum in quæstionibus facti nullius planè roboris esse, ubi ex adverso positiva militant argumenta ab Authorum cœvorum testimoniis petita. Esto itaque *Clemens VI.* eo in Sermone non meminerit Summæ *S. Thomæ*, at Authores *Clemente VI.* antiquiores, immò *S. Thomæ* suppare, Summæ Tripartitę disertam mentionem fecerunt, eamque Sancto Thomæ vindicarunt, videlicet *Guillelmus de Toco*, *Guillelmus Lamarensis*, *Ægidius Romanus*, *Joannes Teutonicus*, *Nicolaus Trivetius*, *Demetrius Cydonius*, *Durandus*, *Durandellus*, *Bartholomæus Pisanus*, *S. Antoninus*, & alii, quorum testimonia profert, ac latè expendit noster *Natali Alexander* in Opusculo, quod edidit contra *Launojum*, cui titulus est: *Summa S. Thomæ vindicata*. Concidit itaque primum istud *Launoij* argumentum negativum petitum ex silentio *Clementis V.*



huic silentio opponantur probatissimæ fidei  
 scriptores, & Codices manuscripti, qui *Clemen-*  
*T.* antiquiores sunt, & Summam Tripartitam  
 aucto *Thomæ* asserunt. Non minus elumbe ac fri-  
 um est alterum, quod *Launojus* proponit, ar-  
 nentum. Ait quippè, ea, quæ in Secunda Se-  
 dæ sub nomine *S. Thomæ* leguntur, totidem,  
 bis haberi apud *Vincentium Bellovacensem* in Spe-  
 culo Morali. Porro dici non potest, *Vincentium*  
*Bellovacensem* illa sumpsisse à *S. Thomæ*, quia *Vincen-*  
*Bellovacensis* mortuus est an. mcccvi. quo tem-  
 e Angelicus Doctor annum dumtaxat circiter  
 gelimum attigerat. Certè non incicias eo, hoc  
*noij* argumentum non nihil negotii exhibuisse,  
 s eruditis, qui hoc Speculum Morale *Vincentio*  
*Bellovacensi*, ceu legitimo Authori, tribuen-  
 a esse putarunt, illosq; ut ab eo sese extricarent  
 umento, varios excogitasse modos, quos hic  
 rre supervacaneum omninò esset. At nodum  
 m felicissimè solvit jam citatus noster *Jacobus*  
*ardus* in libro, quem edidit & inscripsit: *Sum-*  
*S. Thomæ suo Authori vindicata*. Ex tribus. si  
 dem pervetustis, sinceris, & optimæ fidei ma-  
 scriptis Codicibus Operis *Vincentii Bellovacen-*  
 quorum primus asseruatur in Bibliotheca Sor-  
 dica, alter in Bibliotheca Colbertina, & ulti-  
 s in Bibliotheca Majoris Conventus Parisiensis  
 mitarum Sancti Augustini, ex his, inquam,  
 us manuscriptis Codicibus invictè demonstrat  
*ardus* primò, *Vincentium Bellovacensem* suum  
 grande Opus non in quatuor, sed in tres dum-  
 at partes, seu in tria Specula distribuisse, nimi-  
 i Naturale, Doctrinale, & Historiale, ut videre est  
 Capi-

Capite xvii. Prologi Operis *Vincentii Bellovacensis* in tribus laudatis Codicibus MSS. Ostendit secundò, *Echardus*, hoc Speculum Morale fuisse attributum *Vincentio Bellovacensi* à quodam falsario & plagiario Scriptore alicujus Ordinis Mendicantium, sed non Fratrum Prædicatorum familiæ, qui in illud convasavit plura non solum ex *S. Thoma*, sed etiam ex aliis Scriptoribus, *Vincentio Bellovacensi*, & Sancto *Thoma* polterioribus. Denique, probat *Echardus*, hoc Speculum Morale à falsario illo confarcinatum, & *Vincentio Bellovacensi* attributum, non nisi post annum mcccxx. prodidisse, subindèque longè post obitum *Vincentii Bellovacensis*, & Sancti *Thomæ*. Hæc tria capita, quæ rem planè conficiunt, tam evidentè demonstrant hic eruditus Scriptor, ut profectò in meridianæ luce cæcutiret ille, qui propter illud Speculum Morale, falsò attributum *Vincentio Bellovacensi*, compilatum à quodam plagiario, qui *Vincentio Bellovacensi*, & *S. Thoma* polterior fuit, negaret aut in dubium revocare vellet, integram Summam Tripartitam esse germanum *S. Thomæ* Opus. Incertitudine *S. Thomæ* adjudicari debet Officium *Corporis Christi Domini*, quod in universa Ecclesia Latina canitur. At enim, non solum domæsti Scriptores, nempe *Guillelmus de Toco*, qui *S. Thomæ* coævus, & canonizationis ejus promotor in ipsius vita, apud *Bollandum* ad diem vii. Martii, *Ptolomæus Lucensis*, discipulus *S. Thomæ* in Chronico, & *S. Antoninus III. P. Chronicorum*, hoc Officium de *Corporis Christi* à *S. Thoma*, jussu Urbani Pontificis Maximi compositum esse testantur, etiam benè multi ex omni Natione, Religio

Ordine illustres hoc Officium Corporis Christi  
 sancto Thomæ tribuendum esse constanter profi-  
 entur, videlicet *Dionysius Carthusianus* in Expositi-  
 one Hymnorum, *Jacobus Bezzomas* in supplemen-  
 to Chronicorum, *Platina* in Vita Urbani IV. *Onu-  
 brius Panvinus* in Annotationibus ad *Platinam*,  
*Johannes Chapeauvilleus*, Canonicus & Vicarius Ge-  
 neralis Ecclesiæ Leodientis in Tractatu Historico  
 de vera Origine Festi Corporis Christi, *Possevinus*,  
*Jellarminus*, & *Labbeus* Soc. Jesu in Catalogis de  
 scriptoribus Ecclesiasticis, *Spondanus*, & *Odoricus  
 Cagnaldus* ad annum MCCLXIV. & innumeri alii  
 scriptores Catholici, quibus ne ipsi quidem hæ-  
 retici, ut Centuriatores Magdeburgenses, & *Ho-  
 ninianus* hac in re ausi sunt refragari, ut videre  
 est in *Expostulatione*, quam noster *Natalis Alexan-  
 der* direxit ad P. Joannem Paulum Oliva Societatis  
 Jesu Præpositum Generalem, & in qua diluit leves  
 quasdam conjecturas, quibus *Henschenius*, & *Pape-  
 rochius* in Actis Sanctorum mensis Aprilis, in  
 appendice ad diem v. permoti fuerant ad negan-  
 dum, hoc Officium Corporis Christi compositum  
 esse à S. Thoma, illudque F. Joanni Leodiensi Cle-  
 rico ex directione S. Julianæ Virginis attribuen-  
 dum. Verùm, eruditi illi Patres, convicti tan-  
 tùm rationibus *Natalis Alexandri*, ultrò palino-  
 iam decantarunt, & omnibus Scriptoribus in Of-  
 ficio Corporis Christi sancto Thomæ tribuendo  
 consentientibus lubentissimè subscripserunt. Plura  
 de S. Thoma, ejusque Operibus addere non pa-  
 untur temporis angustia. Dicam dumtaxat obi-  
 ter, S. Thomæ, velut Scholæ Principi, assurgere,  
 & falces submittere omnes Theologos, ejusq; do-  
 ctri-



Strinam à Christo Domino approbatam his verbis: *Bene scripsisti de me Thoma*, ab Ecclesia per Summos Pontifices & Concilia multis elogiis commendatam, terribilem Dæmombus esse, & insulam turbæ Tartaræ, ex orco per os *Buceri* hæretici clamanti: *Tolle Thomam & dissipabo Ecclesiam*.

*Thomas Cantipratanus*, qui in Conventu Coloniensi sub *Alberto Magno*, unâ cum *S. Thoma Aquinate*, Philosophiæ, & Theologiæ operam dedit, patriâ fuit Brabantinus, in Oppido *Lewis* non procul *Bruxellis* nobili genere natus. *Cantipratanus* cognomentum ei hærit, quod in Cœnobio Cantipratanensi Canoniorum Regularium propè *Camera-* cum illorum suscepisset Institutum, antequam *Fratrum Prædicatorum Ordini* sese addiceret. Tanti fuit ejus eruditionis ac pietatis fama, ut Episcopo inauguratus, & Episcopo *Camera-*centi Suffraganeus datus sit, cujus vices triginta circiter annos infatigabili zelo obiit. Duos edidit libros *de Apibibus*, in quibus plura illustria facta, miracula & exempli sui temporis refert. Scripsit etiam *Vitas Beatae Christinae Virginis*, cognomento *Mirabilis*; *Beatae Lutgardis* Monialis *Cisterciensis*, *B. Margaritæ Iprensis*, & librum unum *De Vita Sanctæ Mariæ Ogniacensis* adjecit duobus aliis libris vitæ ejusdem Sanctæ à Cardinali *Jacobo de Vitriaco* scriptis. Alterius libri ex variis Authoribus à se multo labor compilati, cui titulus erat: *De Natura Rerum* mentionem facit *Thomas Cantipratanus* lib. 2. *de Apibus* capite ultimo. At hic liber necdum in lucem prodit. Græcæ linguæ peritum fuisse *Thomam Cantipratanum*, eumque rogatu *S. Thomæ Opera Aristotelis* latinitate donasse scribunt nonnulli, id tamen cer-

certò non constat. Vitam *Thomæ Cantipratani* conscripfit *Gregorius Colvenerius* eamque præfixit libris ejusdem Authoris de *Apibus*, quos edidit, & Notis illustravit anno MDXVII.

*Thomæ Cantipratano* coævus fuit *Raymundus Martini*, Oppido Subiratenſi in Catalonia ortus, Ordinis Fratrum Prædicatorum, Conventus Barcinonenſis alumnus, Vir Hebraicæ, Chaldaicæ, Arabicæ linguæ, teste *Nicolao de Lyra* doctissimo Scripturarum interprete, longè peritissimus. Ad judæorum pervincendam & domandam perfidiam, duo doctissima composuit volumina, quorum unius titulus: *Capistrum Judæorum*: Alteri, *Pugio Fidei*. Primum periisse creditur, alterum verò inscriptum: *Pugio Fidei* ex Codice MS. Bibliothecæ Collegii Fuxensis, collato cum aliis Codicibus MSS. *Tolosano*, *Barcinonenſi*, & *Majoricano* Fratrum Prædicatorum, in lucem emissum est, ac doctissimis Notis illustratum à Domino *Josepho de Voisin*, qui eandem operâ detexit duos hujus libri *Raymundi Martini* insignes Plagiarios, videlicet *Petrum Galatinum* Ordinis Fratrum Minorum, & *Porchetum de Salvaticis* Ordinis Carthusianorum. Horum primus, seu *Petrus Galatinus*, quidquid in *Arcanis Catholicæ Veritatis* ab ipso editis Rabbinicæ eruditionis ostentat, id totum ex nostri *Raymundi Martini* *Pugione Fidei* suffuratus est, nullibi laudato Auctoris nomine. Alter verò, seu *Porchetus de Salvaticis*, multa quidem ex hoc *Raymundi Martini* Opere compilavit in suo libro, quem inscripſit: *Viçtoria adversus Judæos*, at saltèm *Petro Galatino* fuit candidior, atque modestior, quippè qui plagium suum ingenuè professus est, fontemque coronavit,

ex quo hauserat . Utriusque Plagiarii furtum detexit , & in apertam lucem produxit in suis Prologomenis in Pugionem Fidei mox laudatus Dominus *Josephus de Voisin* , de Ordine Predicatorum benè meritus . *Ptolomæus Lucensis* , natione Italus , ex Civitate *Luca* oriundus , Ordini Prædicatorum nomen dedit , & Sancti *Thomæ Aquinatis* discipulus fuit ; postea Joanni XXII. Pontifici Maximo à sacris Confessionibus , ac tandem Episcopus *Torcelensis* in Ditione Veneta creatus est . Scripsit *Annales* rerum tum Sacrarum , tum Civilium ab an. MLX. usq; ad an. MCCCIII. Item *Chronicon Pontificum atq; Imperatorum*. Prodiit utrumq; Opus Lugduni anno MDCXIX. *Annales* inserti sunt tom. xxv. Bibliotheca Patrum pag. 949. Scripsit etiam *Ptolomeus Lucensis* Historiam Ecclesiasticam libr. xxiv. cōprehensam . Sed hæc Historia Ecclesiastica adhuc manuscripta extat in Bibliotheca Vaticana , & sæpè ab *Qdoric Raynaldo* in Annalibus Ecclesiasticis laudatur . Sæpius mihi Romæ existenti venit in mentem , hanc manuscriptam *Ptolomæi Lucensis* Historiam Ecclesiasticam è tenebris erutam , ac Notis illustratam tandem aliquandò publicâ luce donare . Sed aliis studiis impeditus , quod meditabar aggredi necdum potui . Propositum tamen non abjeci , & , suppetant vires , hujus Historiæ Editionem aliquandò adornabo , ne hoc thesauro , hætenus abscondito , diutiùs privetur Litterarius Orbis . De *Ptolomeo Lucensi* agunt *Blondus* libro 13. *Volaterrani* lib. 22. *Joannes Gerardus Vossius* in libro de Historic Latinis , *Possevinus* in Apparatu Sacro , *Casimir Oudin* in Supplemento De Scriptoribus Ecclesiasticis à *Bellarmino* omissis , & alii .



Eodem tempore floruit *S. Raymundus Pennafortius*, Ordinis Prædicatorum, Barcinonæ nobili familia natus, qui Magister Generalis Ordinis Prædicatorum post *B. Jordanum* electus, cum biennio sanctissimè Magistratum gessisset, eo se, mœrentius omnibus, spontè abdicavit. Insignia reliquit ingenii sui monumenta Ecclesiæ utilissima. *Gregorius IX.* Pontifex Maximus, qui *Raymundum Pennafortium* Pœnitentiarii dignitate ornaverat, quique perspectum habebat, quantâ juris, Sacrorumque Canonum peritiâ esset instructus, ei curam remandavit Pontificum Romanorum Decretales pistolas, antehac parùm ordinatè dispositas, confusas, & immixtis nonnullis vel supposititiis, vel ubiis admodum turbatas, in ordinem redigendi, obscura illustrandi, & certa ab incertis secernendi. Hoc arduum Opus suscepit *Raymundus Pennafortius*, illudque trium annorum spatio, ingentique labore ita feliciter absolvit, ut ab eo tempore post habitis aliis Collectionibus, sola *Raymundi* Collectio auctoritatem habeat, & inter cæteras prætet. scripsit etiam *Raymundus Pennafortius*, rogante *Gerio* Hispaniæ Provinciali, *Summam Casuum Conscientiæ*, quæ, ut fatentur omnes, maximam lucem præfert iis, qui vel hanc Theologiæ partem tractant, vel qui pœnitentiæ Sacramentum ministrant, ne videlicet mollius, quàm par sit, ut severius, quàm oporteat, cum Pœnitentibus gentes, à recta viâ, quâ incedere debent, male prepti deflectant. Obiit *S. Raymundus Pennafortius* virtutum & miraculorum gloriâ spectatissimus, annum penè centesimum agens, ipsa die Epiphaniæ anni *mcclxxv.* & inter Sanctos à Cle-

mente VIII. Pontifice Maximo relatus est anno MDCI.

Præter S. Raymundum Pennafortium, fuerunt alii Seculi XIII. Scriptores Ordinis Prædicatorum, qui *Summas Theologicas*, seu *Morales*, composuerunt, scilicet *Guillelmus Peraldus*, & *Uldaricus Argentinenſis*, quorum primus, natione Gallus, Vienneſis in Delphinatu Diœceſeos, ſcripſit *Summam Virtutum & vitiorum*, quam S. Antoninus Prædicatoribus utilem aſſerit, eamque Joannes Gerſonius, Sacræ facultatis Pariſienſis Cancellarius, in lib. De *examinatione Doctrinarum* part. 2. Consideratione iv. plurimum commendat. Alia etiam Opera conſcripſit *Guillelmus Peraldus*, quem aliqui Lugdunenſem Archiepiſcopum fuiſſe falſo dicunt, cum Gerſonius loco mox laudato de hac Summa verba faciens, hæc habeat: *Cujus Auctor*, ſeu *Guillelmus Peraldus*, *contemporaneus ſatis fuit Guillelmo Pariſienſi, & S. Thomæ*, vir ſine gradu, de *Conventu Prædicatorum Lugdunenſium*. Alter, quem appellavi, Scriptor, ſeu *Uldaricus Argentinenſis*, fu doctor eximius, & Auctor *Summæ Theologiæ*, quam à Doctoribus impenſè laudatam aſſerit *Dionyſius Carthuſianus*. Multi Scriptores Joanni Teutonico qui poſt S. Raymundum Pennafortium fuit Ordinis Prædicatorum Generalis Magiſter, attribuunt *Summam Caſuum Conſcientiæ*, quæ inſcribitur *Summa Confefſorum*, & ab Authore etiam *Summa Joannina* dicitur. Verùm, hæc Summa Joannem Teutonicum Authorem habere non poteſt, quia in ea citatur *Summa S. Thomæ*, quod certè Joanni Teutonico in mortem venire haud potuit, utpotè Argentinæ deſecto anno MCCLIII. quo tempore necdum S. Thoma

Doctor Parisiensis fuerat inauguratus, adeoque de Summa Theologica nequidem cogitaverat. Probabilius itaque est, hanc *Summam Casuum Conscientiæ* ab altero Joanne Ordinis Prædicatorum esse scriptam. Locum tamen inter Viros illustres jure merito obtinere debet Joannes Teutonicus Ordinis Prædicatorum Magister Generalis, quem bonitate conspicuum, aspectu & affectu gratiosum, multiplici diomate eruditum prædicant, ac viventem, defunctumque miraculis claruisse, testantur S. Antoninus, & alii, qui de rebus Dominicanis scripsere. Denique, inter Viros Illustres Ordinis Prædicatorum, qui sæculo XIII. doctrinâ & pietate claruerunt, sedem habent innumeri alii, sed præsertim Brocardus, Jacobus de Varagine, vulgò de Voragine appellatus, Theodoricus de Appoldia, Conradus, & Martinus Pononius, de quorum Operibus pauca hîc attingemus. Brocardus, Argentoratensis, accuratissimam scripsit *Terræ Sanctæ Descriptionem*, in qua ea, quæ oculis visurpaverat, narrat. Jacobus de Varagine, urbe Ligurum maritimâ oriundus, & à Nicolao IV. Genuensis Archiepiscopus renunciatus, Vir fuit in Deum adeò devotus, & in pauperes munificus, ut in eos integros ferè Archiepiscopatus sui redditus distribueret, pacis adeò amans, ut Guelphorum, Gibellinorumque animis conciliatis, optatam concordiam diu exulem in Urbem feliciter reduxerit. Biblia Sacra primus in Italicam linguam summâ fide & diligentiam transtulit. Scripsit etiam *Vitas Sanctorum*. *Sermones de Tempore*, & de Sanctis: *Mariale*, seu librum de *Laudibus Deiparæ Virginis*, & *Genuense Chronicon*. Verum, pro eâ sinceritate, quam in describenda Historia Ecclesiastica profite-



ri teneor, dissimulare non possum, nostrum *Jacobum de Varagine* nimis credulum fuisse, & in *Vitis Sanctorum* scribendis haud satis accuratum, sicut testatur diligentissimus Scriptor *Melchior Canus* lib. xi. de *Locis Theologicis* cap. vi. *Theodoricus de Appoldia*, patriâ Thuringus, & Erfordii natus, *Vitam Sancti Dominici*, Ordinis Prædicatorum Institutoris, octo libris accuratissimè concinnavit. Scripsit etiam (teste nostro *Leandro Alberto* lib. iv. de *Illustribus Ordinis Prædicatorum Viris*) *Vitam S. Elizabethæ*, *Andree* Regis Ungarorum filix, & *Ludovici Langraviæ Thuringiæ Viduæ*. Hanc *Vitam S. Elizabethæ* in octo libros divisam *Vossius* lib. 2. de *Historicis Latinis* nostro *Theodorico de Appoldia* abjudicat, sed cum nullum pro sententia sua argumentum proferat, illius hac in re judicium flocci fieri debet. *Conradus*, natione Germanus, *Vitam S. Dominici* eleganti stylo conscripsit. Postremò *Martinus Polonus* natione & nomine, non Scottus, aut Italus, ut quidam perperam scripserunt, Romæ sub *Nicolao III.* Pœnitentiarius munus gessit, & ab eodem Romano Pontifice ad Archiepiscopatum Gnesnensem in Polonia assumptus. Sed dum iter aggressus ad suam pergeret Ecclesiam, Bononiæ obiit ann. MCCLXXVI II. *Chronicon* à Christo nato ad annum usque MCCLXXVI II. conscripsit. Ipsum non esse Authorem fabulæ totiès explosa de *Joâna Papissa*, sed eam fabulam alienâ manu ejus *Chronico* adiectam fuisse, memini me alibi ex antiquioribus Codicibus manuscriptis *Chronici Martini Poloni* luculentè ostendisse. Scripsit etiam noster *Martinus Polonus* librum inscriptum, *Memorabilia Romæ: Summam Juris Canonici, & Sermone*

de Tempore & de Sanctis . Sed hæc de præcipuis Ordinis Fratrum Prædicatorum Scriptoribus , qui Sæculo XIII. floruerunt , dixisse sufficiat . Si enim plura addere , & de aliis propemodum innumeris ejusdem Ordinis Scriptoribus , quos consultò prætermisi , singillatim disserendi onus suscipere vellem , dies profectò me deficeret , & vix ullum exitum nostra posset reperire oratio .

D. Laudasti sanè perillustres & omni exceptione majores Ordinis Fratrum Prædicatorum Scriptores , nec dubito , quin hic Ordo toto orbe celeberrimus alios Sæculo XIV. dederit Ecclesiæ nobiles Scriptores , quorum doctrinam , & Opera , rogo te ut continuâ serie referas , ac breviter exponas .

M. Ordo Fratrum Prædicatorû Sæculo XIV. clarissimos protulit Scriptores , qui doctrinâ , & pietate conspicui amplissimum dicendi suppeditant argumentum , quod tamen ipse , velim nolim , angustis limitibus continere debeo , cum mihi certos fines , terminosque in hisce Colloquiis nostris constituerim , extra quos egredi non possum . Duo insignes Ordinis Prædicatorum viri Sæculo XIV. Chronicon scripserunt , videlicet *Nicolaus Trivetus* , & *Bernardus Guido* , quorum primus claris in Anglia parentibus natus , generis nobilitati scientiam ac pietatem junxit . *Chronicon* scripsit ab anno MCXXXVI. ad annum usque MCCCXII. in quo licet de rebus Anglicanis potissimum scribere in animo habuerit , res tamen Francorum & aliarum gentium passim recensuit . Hoc *Nicolai Triveti* Chronicon edidit *Lucas Dacherius* tomo VIII. *Spicilegii* . Scripsit etiam *Nicolaus Trivetus* Commentaria in

Genesim, in Leviticum, in Psalterium, Catenam ex patribus in universam Scripturam, Commentarios in libros S. *Augustini* de Civitate Dei, quod libeta varia, Tractatum de Missa, & quàmplurima alia Theologica, Historica, & Philologica Opera, quæ recensent *Baleus*, *Pitseus*, *Altamura*, *Possevinus* &c. Scio, *Theophylum Raynaldum* in libro, quem stylo ferreo contra Fratres Prædicatores exaravit, & cui hunc titulum præfixit: *De Immunitate Cyriacorum*, Commentarium nostri *Nicolai Triveti* in Opus S. *Augustini* De Civitate Dei perfriatâ fronte appellare ignorantias, ineptias, gerras, & anilitates. Sed omnem fidem sibi abrogavit malè feriatus ille Author, quippè qui tot maledicta, calumnias & convicia in celebriores Ordinis Prædicatorum Scriptores eo in libro congeffit, ut humanitatis, & Religionis sensum ferè exuisse videatur. Sed hunc magnum Ardelionem, & Ordinis Fratrum Prædicatorum æmulum obtrectatorem satis pro suis meritis plantino sale defricuerunt duo è nostris Scriptores *Vincentius Baronius* in quinque libris Apologeticis, & *Casalas* in libro, cui titulus est *Candor Lilii*. Alter, quem indicavi, Scriptor, *Bernardus Guido*, natione fuit Gallus, patriâ Lemovicensis, Tolosanus primùm Inquisitor, ac postea Lodovens in Provincia Narbonensi Episcopus. Scripsit Chronicon Romanorum Pontificum, Imperatorum, & Regum Francorum usque ad annum mcccxxx. quod *Joanni XXII.* Pontifici Maximo nuncupavit. Composuit etiam Vitas Sanctorum, quæ Tolosæ extant in Bibliotheca Fratrum Prædicatorum, quinq; prægrandibus Voluminibus exaratæ, insuper Tractatus De Conciliis, De Officio Missæ, Chro-



Chronologiam Episcoporum Lemovicensium, ac Tolosanorum Comitum, Acta S. *Thomæ Aquinatis*, Acta omnium generalium Capitulorum Dominici Ordinis, & alia Opera, quæ adhuc MSS. habentur apud Fratres Prædicatores Tolosanos, vel asseruantur in Bibliotheca Colbertina, sicut testatur *Casimirus Oudin* in Supplemento Bellarmini *De scriptoribus Ecclesiasticis* pag. 595. Duos illustres Viros nomine affines, Sæculis XIII. & XIV. tulit Prædicatorum Ordo, quorum unus dictus est *Reinerius*, seu *Reinerus Sachonus*, natione Italus, patriâ Placentinus; alius posterior ætate, appellatur *Raynerius*, natione itidem Italus, patriâ Pisanus. Prior, seu *Reinerus Sachonus*, ex Hæretico Waldensi, & Episcopo Sæctæ Catharorum, divinâ affulgente gratiâ, factus est non solum Fidei Catholicæ professor, sed eximius defensor, Theologiæ, Jurisque Canonici peritissimus, & Inquisitor fidei, in Longobardia circa annum MCCLIV. Scripsit Opusculum *de Hæreticis*, in quo præcipuè Sæctæ Waldensium errores insectatur, ut jam observavimus in Colloquiis in Historiam Sæculi XII. agendo de Waldensium Hæresi. Alter, dictus *Raynerius*, qui Sæculo XIV. floruit, Summam edidit, quæ *Pantheologia* inscribitur, quam sæculo proxime lapso doctissimus Pater *Joannes Nicolai* Sacræ Facultatis Parisiensis Doctor, Ordinis Prædicatorum, auctam & illustratam publicâ luce donavit. In hac Summa, seu Pantheologia, *Raynerius* collegit ex S. *Thoma*, semotis Scholæ subtilitatibus, propemodum infinita ad locupletandas conciones aptissima. Hinc igitur nostro *Raynerio* plurimum debent Concionatores, sicut etiam nostro *Joanni de S. Geminia*.

*miniano* , qui eodem Sæculo XIV. præter Sermones de Tempore, de Sanctis, & Funebres, scripsit *Summam* admodum utilem Prædicatoribus , *De similitudinibus rerum* , quæ decem libros complectitur , & in qua naturalia præclare ad mores accommodat , additis interdum Scripturæ Sacræ & Sanctorum Patrum Sententiis. Hanc *Joannis de S. Geminiano* *Summam* commendat S. *Antoninus* 3. parte Chronici cap. 23. §.2. De *Joanne Parisiensi* Ordinis Prædicatorum , & de ejus errore circa modum præsentia realis Corporis Christi in Eucharistia , satis diximus in Colloquio tertio . Hic tantum obiter advertere debes , hunc *Joannem Parisiensem* , Sæculi decimi quarti Scriptorem, perperam à multis Viris eruditis confundi cum altero *Joanne* eiusdem Prædicatorum Ordinis , qui vel ob ingenii acumen , vimque ac excellentiam doctrinæ , vel à familia sua , *Pungens Asinum* cognominatus est . Hic enim *Joannes* , dictus *Pungens Asinum* , Sæculo decimo tertio in Sacra Facultate Parisiensi celeberrimus Doctor , & Professor fuit , atque in Conventu S. *Jacobi* Fratrum Prædicatorum Parisiensium Scholas rexit ante S. *Thomam Aquinatem* , sicut testantur *Stephanus de Salanaco* , & *Bernardus Guido* antiqui rerum Dominicanarum Scriptores , & ex his *Maluenda* in Annalibus Ordinis ad annum MCCXXXVII. pag. 50.

Duos eximios Ordinis Prædicatorum Theologos , qui Sæculo XIV. Episcopalibus infulis insigniti , magnâ nominis celebritate claruerunt , hic prætermittere haud possum, videlicet *Durandum* , *Sancto Porciano* , & *Petrum de Palude* . Horum primus , seu *Durandus à Sancto Porciano* , nation  
fui

fuit Arvernus, Sacræ Facultatis Parisiensis Doctor, Sacri Palatii Apostolici Magister, Episcopus Ani-  
 ciensis à Joanne XXII. primùm designatus anno  
 mcccxviii. deinde ad Meldensem Episcopatum  
 translatus anno mcccxxvi. Scripsit librum *De Juris-*  
*ditionum Origine*, & Commentarios in iv. Libros  
 Sententiarum, in quibus suo,quàm *S. Thomæ Aqu-*  
*inatis* Magistri sui, sensui malens adhærescere, in  
 varios lapsus est errores, quibus libros suos macu-  
 lavit. Hinc *Durandellus*, ejus nepos, *S. Thomam*  
 adversùs ipsum strenuè vindicavit, egregio Ope-  
 re, quod incipit his verbis: *Sedens adversùs fra-*  
*tre[m] tuum loquebaris, & adversùs filium matris tue*  
*ponebas scandalum: Existimasti quòd ero tui similis:*  
*Arguam te &c.* Extat hoc *Durandelli* Opus MS. in  
 Bibliotheca Regalis Abbatix *S. Victoris* Parisiensis.  
*Petrus de Palude*, filius *Girardi Varembonii* Topar-  
 chæ in Bressia, Sacræ Facultatis Parisiensis Doctor,  
 & Patriarcha Hierosolymitanus fuit. Joanni XXII.  
 qui, ut Doctor particularis, opinioni de procras-  
 tinanda Visione Beatifica post universalis Judicii  
 diem plus æquò favere videbatur, se opposuit, &  
 subscripsit deliberationi & Doctrinali Judicio,  
 quod datum est à Magistris Sacræ Facultatis Pari-  
 siensis in Conventu à *Philippo Valesio*, Galliarum  
 Rege, ad prædictam examinandam opinionem  
 indicto in Nemore Vincennarum anno mcccxxxiii.  
 ubi communi Doctorum suffragio statutum est,  
 reiiciendam esse hanc novam opinionem, quam  
 Summus Pontifex Joannes XXII. non asserendo seu  
 opinando protulit, sed solummodò recitando, ut con-  
 stat ex Autographo Instrumenti ea de re editi, Re-  
 gique Christianissimo porrecti, quod in Archivo  
 Major



Majoris Conventus Fratrum Prædicatorum Parisiensium, & in Scriniis Theologiæ Facultatis Parisiensis etiamnum asseruatur. Alia, quæ gessit *Petrus de Palude*, ignota sunt. Quod enim scribunt nonnulli, eum postea in Orientem profectum, ac in Cypro mortuum & sepultum esse, à vero procul abest. Obiit quippè Parisiis, & in Ecclesia Majoris Conventus Fratrum Prædicatorum sepulturæ mandatus, ut videre est in ejus Epitaphio. Scripsit *Petrus de Palude* Commentarios in universam, Scripturam Sacram, Tractatum *De Causa immediata Ecclesiasticæ Potestatis*, Commentarios in libros iv. sententiarum, & alia Opera, quæ partim edita sunt, partim MSS. extant in nonnullis Bibliothecis, partim hominum incuriâ, temporumque injuriâ interciderunt.

Angliam Sæculo XIV. duo præstantissimi Theologi Ordinis Fratrum Prædicatorum illustrarunt, videlicet *Robertus Holkot*, & *Thomas Stubbs*, sive *Stobæus*. Primus Nortamptoniæ in Anglia natus, & in Academia Oxoniensi Doctor ac Professor, Commentaria scripsit in librum *Sapientiæ*, in *Canticum Canticorum*, in septem priora capita *Ecclesiastici*, & in iv. libros *Sententiarum*. Alia Opera composuit *Robertus Holkot*, quorum alia edita sunt, alia adhuc extant in Bibliothecis MSS. quæ recensentur à nostro *Altamura* in Bibliotheca Prædicatorum pag. 126. & in Appendice pag. 479. & à Joanne Baleo Centuriâ v. *De Scriptoribus Britannicis* cap. 84. Alter, seu *Thomas Stubbs*, sive *Stobæus*, patriâ Eboracensis, & Sacræ Theologiæ Doctor, *Chronicon* scripsit *Episcoporum Eboracensium*, à Sancto Paulino ad Joannis Thoresbei obitum, hoc est, à pri-

à prima Sedis fundatione usq; ad ann. MCCCLXXIII. Extat Chronicon editum inter Scriptores Anglicanos. Quàm plurima ejusdem Authoris Opera, Theologica, adhuc inedita, referunt *Altamura* in Bibliotheca Fratrum Prædicatorum, & *Baleus* Centuriâ IV. De *Scriptoribus Britannicis* cap. xxxvi.

Ab his clarissimis Ordinis Fratrum Prædicatorum Sæculi XIV. Scriptoribus sejungi minimè debent tres alii ejusdem Ordinis illustres Scriptores, qui eodem sæculo, in Theologia Ascetica, ut constans est omnium opinio, excelluerunt, videlicet *Joannes Taulerus*, *Henricus Suso*, & *Catharina Senensis*, de quorum Operibus pauca dicemus. *Joannes Taulerus*, natione Germanus, Ordinem Prædicatorum in Conventu Colonienſi professus, egregius concionator, & vitæ Spiritualis Magister absolutissimus evalit. Complura Opuscula, scripsit vernaculo sermone, quæ ad Dei amorem, & ad pietatem legentium animos accendunt, quorum præcipua ex Germano idiomate in Latinum vertit *Laurentius Surius* Carthusiæ Colonienſis alumnus, eaque, cum ejus Vitæ, & conversionis Historia, edidit Ordine sequenti: *Conciones de Tempore*: *Conciones de Sanctis*: *De veris virtutibus*, & *institutionibus divinis*: *Epistola piæ*: *Prophetiæ*: *Cantica Spiritualia animæ Deum amantis*: *De novem rupibus*, seu *Gradibus perfectionis Christianæ*: *Speculum lucidissimum*, & *Exemplar Domini nostri Jesu Christi*: *Exercitia de Vita & Passione Christi*: *Convivium M. Echardi jucundum & pium*: *Colloquium Theologi & Mendici*: *Oratio fidelis præparatoria ad mortem*: *Præparationes quinque notabiles ad mortem felicem*: *De decem Cæcitatibus*, & *quatuordecim Divini*

*vini amoris radicibus . Pro Taulero , de quo iniquè & acerbè judicavit Eckius , vir alioquì doctissimus , Apologiam adornavit Vitæ Spiritualis insignis Magister Ludovicus Blofius , Lëtienfis Abbas , qui inter alia , hæc de Taulero nostro habet : Eckius non putans se falli , dicit : Utinam Taulerus prorsus lateret , & non involaret in Monasteria ! Ego verò in nomine Domini dico : Utinam Taulerus ubique gentium cognitus esset , atque à quàm plurimis diligentissimè Legeretur ! Verùm Eckius , licèt minùs circumspèctè damnaverit Taulerum , nondùm à se satis studiosè lectum , nequaquam tamen hoc malignè fecisse credendus est , sed feruens ille zelus , quo invehabatur in Lutherum Hæresiarcham , facilè illi persuasit , ut præproperè iniquam de Sanctissimo viro Taulero sententiam ferret . In tradendis vitæ Asceticæ documentis Taulero inferior haud fuit Henricus de Suso , natione Svevus , ex nobili Comitum Montensium genere natus . Paternum cognomen non usurpavit , nec Henricus Mōtensis ex patre suo , sed Henricus Suso ex matre sua , fœminâ Sanctissimâ , appellari voluit . Nomen Jesu carni suæ supra cor stylo inscripsit , ejusq; passioni toto vitæ tempore se conformare studiis omnibus conatus est . In salutem proximorum procurandam , & nomen Jesu prædicandum incomparabili fervore incubuit . Ejus vitam scripsit Laurentius Surius , Carthusianus , quam inter Acta Sanctorum mensis Januarii tomo 2. ad diem xxv. Exhibet Bollandus . Omnia Henrici Susonis Opera è Svevico idiomate in Latinum vertit , ac publicâ luce donavit idem Surius , videlicet Dialogum Sapientiæ , & Ministri ejus , sive Horologium Sapientiæ ; Conciones ; Epistolas ; Dialogum de veritate cum Ap-*  

*pen-*



*pendice; Libellum de novem Rupibus; centum meditationes Dominicæ Passionis; Officium quotidianum de æterna Sapientia. De quibus Henrici Susonis Operibus jam laudatus Surius in Epistola Nuncupatoria ad Blosium Lætientsem Abbatem hoc judicium profert: Credo equidem, neminem tam Saxeo esse pectore, qui non cælestis gratiæ inexperta prius illuminatione sit nonnihil immutandus, si se sedulum horum præbere lectorem non recusaverit; His Scriptoribus cœva fuit S. Catharina Senensis, quam eximia sanctitas cum singulari eruditione conjuncta, Stigmatum Christi Domini impressio, prophetiæ, discretio spirituum, miraculorum charismata, ac summa contemplativæ, activæque vitæ perfectio plurimum commendarunt. Ut Florentinis absolutioem à censuris, quibus interdicebantur sacris, impetraret, susceptâ, eorum nomine, Legatione, Conventionem ad Gregorium XI. Pontificem Maximum sese contulit, eumque ad cogitatum consilium de referenda Romam Apostolicâ Sede perficiendum efficacius impulit. Mortuo Gregorio XI. non parvo adjumento fuit Urbano VI. ejus Successori tempore funesti schismatis, quo in Occidente cissa est Ecclesia. Epistolas trecentas sexaginta, quatuor graves & pietatis plenas ad varios Pontifices, Cardinales, Reges, Principes, & alios scriptas, ac nonnulla Opera ascetica, quibus planè ostendit, quo spiritu ageretur. In his quippè leguntur obditiore divinitatis arcana ei revelata, Dei erga ipsam singularia amoris argumenta, & documenta Sanctitatis plena, quibus Lectores ad germanam pietatem, & ad diligendum Deum maximè inflammantur. Obiit Romæ S. Catharina an. MCCCCLXXX.*

ætatis suæ trigesimo tertio . A *Pio II.* Pontifice Maximo in numerum Sanctarum Virginum relata est an. *MCCCCLXI.* *S. Catharinæ* Vitam scripsit *B. Raymundus de Vineâ* , Capuanus , Ordinis Fratrum Prædicatorum Magister Generalis , antea hujus Sanctæ Virginis Confessarius , & omnium ipsius arcanorum conscius . Hic ille est *Raymundus Capuanus* , qui Ordinis Prædicatorum Præfecturam gessit tempore luctuosissimi Schismatis , quo divisa erat Ecclesia , & Religiosi ejusdem Ordinis domesticis eâ de causâ dissidiis agitabantur . Gallia Hispania , Scotia , & Regnum Neapolitanum partes *Clementis VII.* Avenione sedentis sequebantur *Elias* Ordinis Prædicatorum Magister Generali ab illo stetit . Reliquæ Provinciæ Italiæ , Germania , Hungaria , Anglia , Polonia , Dalmatia , aliæque regiones , & Provinciæ *Urbani VI.* Romæ sedentis partibus adhærebant . In hac communium animorum divisione , Religiosi itidem Ordini Prædicatorum duas in partes distracti sunt , & hi qui *Urbani VI.* partes susceperant , illius jussu anno *MCCCLXXX.* Bononiæ habuerunt Comitia , in quibus , abdicato *Elia* , Ordinis Magistro , qui *Clementem VII.* pro legitimo Pontifice agnoscebat , *Raymundum de Vineâ* Capuanum , vitæ sanctitate , doctrinæque laude inter alios eximium , Ordini præfecerunt , quò factum est , ut Prædicatorum Ordinem Schismate divulsus duos supremos moderatorum temporis haberet . Præter Vitam *S. Catharinæ Senensis* , quam scripsit *Raymundus Capuanus* , quæ inter Acta Sanctorum mensis Aprilis tomus ad diem 30. refertur ab *Henschenio* , & *Papebrochio* scripsit etiam idem *Raymundus Capuanus* Vitam

*Sanctæ Agnetis de Monte Politiano* Ordinis Prædicatorum, & *Tractatum in Magnificat*, quem pulcherrimam atque devotum appellat *Stephanus Senensis*, Prior Carthusiæ *Sanctæ Mariæ de Gratia* prope Ticinum, in Epistola ad Fratrem *Thomam Antonium de Senis*, de Virtutibus, & Gestis *Sanctæ Catharinæ Senensis*, datâ die xxvi. Octobris anni mccccxi. Possem benè multos alios recensere præclaros Ordinis Fratrum Prædicatorum Scriptores, qui doctrinâ & sanctitate nomen suum Sæculo XIV. nobilitarunt, illudque cum gloria ad notitiam posteritatis transmiserunt, sed his referendis, ne longior sim, lubens supersedebø, maximè, cùm hanc nobilem spartam suscepit, eamq; felicissimè adornabit jam citatus noster *Jacobus Echard* in Bibliotheca Scriptorum Ordinis Prædicatorum, duobus tomis in folio comprehensâ, quam omni ex parte accuratissimo studio elaboratam propedièm in lucem emissurus est. Unum duntaxat addam Scriptorem, videlicet *Nicolaum Eymericum*, eoque agmen Scriptorum Ordinis Fratrum Prædicatorum Sæculi XIV. claudam. Gerundæ in Catalonia natus est *Nicolaus Eymericus*, Ordinis Fratrum Prædicatorum Professor, omni scientiarum genere abundè cumulatus. Inquisitoris Generalis per totum Aragoniæ Regnum maximâ cum laude & Ecclesiæ utilitate perfunctus est, Plurima scripsit Opera, quæ eius doctrinam, & in evertendis hæresibus zelum apertè demonstrant. Præter Tractatus Philosophicos, Commentarios edidit in quatuor Evangelia, in Epistolas S. Pauli ad Galatas & ad Hebræos, Sermones de Tempore & de sanctis, librum *De duabus Christi naturis*, item



alterum librum *De tribus personis in Deo*, librum *De excellentia Christi & B. Virginis*, librum *De Romani Pontificis Potestate*, & alia Opera, quæ in Conventu Gerundensi Ordinis Fratrum Prædicatorum MSS. extare dicuntur. Sed præ cæteris Operibus, quæ scripsit noster *Nicolaus Eymericus*, potissimum illud commendatur, cui titulus est, *Directorium Inquisitorum*, quod publicavit, & doctissimis Notis illustravit *Franciscus Pegna*, illudque in Epistola ad *Gregorium XIII.* nuncupatoriâ appellat præclarum & vetustate venerandum Opus, in quo summa Religionis capita continentur, & quæ ad hæreticam iniquitatem coercendam & extirpandam conducunt, piè & eruditè præscribuntur, & quicquid ad Sacrum Inquisitionis Officium securè exercendum exigitur, artificiosè ac methodicè demonstratur. Observat etiam idem *Franciscus Pegna*, multos adversarios nactum fuisse *Nicolaum Eymericum*, dum viveret. Sed non est mirandum, inquit idem Author, cum ea ferè sit eruditorum conditio, aut infelicitas. Habet quæque virtus sua adversa, & obstantia vitia, & quò altiores sunt turres, majoribus ventorum flatibus concutiuntur: & ut rectè protulit *Horatius*:

*Sapius ventis agitatur ingens*

*Pinus, & celsæ graviore casu*

*Decidunt turres, feriuntque summos*

*Fulgura montes.*

Hæc magna est, & postrema Viri, (seu *Nicolaus Eymerici*) laus, eum acri odio hæreticos omnes habuisse, cunctasque hæreses detestatum fuisse: res verò ac Fidem Christianam, & Religionem Catholicam spectantes, summa Religione & pietate coluisse. Hæc & alia benè multa in commendationem *Nicolai Eymerici*

merici habet *Franciscus Pagna* in ejus *Vitæ Breviario*, quod *Directorio Inquisitorum* præmisit. Sed hætenùs dictum sit de præcipuis & illustrioribus Scriptoribus, qui Sæculis XIII. & XIV. prodierunt ex Ordine Fratrum Prædicatorum, quem *Alexander IV.* Pontifex Maximus hoc dignatus est elogio: *Hic est Ordo honestate floridus, præclarus scientia, virtute sæcundus, conversatione purus, à Sede Apostolica meritò appellatus. Hujus Ordinis Fratres sacrarum litterarum studiis incumbunt, animarum profectibus, Divinis Officiis incessanter intendunt, Prædicationi ardentèr insistent, & lumen doctrinæ ubique diffundunt.*

D. Cùm Ordo Fratrum Prædicatorum summâ semper fuerit necessitudine devinctus cum Ordine Fratrum Minorum, convenientissimum esse videtur, ut, post laudatos illustres Ordinis Fratrum Prædicatorum Scriptores, seriem nunc texas celebriorum Theologorum, qui in Ordine Fratrum Minorum Sæculis XIII. & XIV. eximæ eruditionis laude claruerunt.

M. Concordiæ sine ulla æmulatione sincerissimæ utriusque Ordinis, Fratrum videlicet Prædicatorum, & Fratrum Minorum, antiqua & indubitata extant testimonia, quæ frustrâ moliantur invidi delere ex hominum memoria, aut ex animis utriusque Ordinis Religiosorum. Hinc missos legimus utriusque Instituti Patres à *Gregorio IX.* ad Tartaros, aliosque Orientis populos fidei prædicandæ causâ. Hinc, teste *Spondano*, ad annum MCCLXXIV. ab ejusdem nominis *Gregorio X.* injunctum Provincialibus Prædicatorum & Minorum, ut suos Fratres mitterent bello sacro indicendo &

prosequendo ardentius . Et multò antè ad annum MCCXXXIII. ex eodem *Spondano*, duo Dominici, & Franciscani , tanquàm Summi Pontificis Legati accesserunt ad Græcos , pacis cum Ecclesia Latina instaurandæ causâ , *quam enim* , inquit *Spondanus* *tot Cardinalium auctoritate haud præstare potuerat* . *Gregorius IX. sibi procurandam statuit per Fratres Prædicatores & Minores , illa maximè tempestate doctrina , pietate , atque integritate præstantes* . *Hindenique* , teste eodem *Spondano* ad annum MCCXLV *Innocentius IV. Fratres Prædicatores , & Minore* infestatione Magnatum vexatos suâ protectione , & auctoritate Apostolicâ communivit . Cùm igitur uterque Ordo de Ecclesia benè meritis arctissimi charitatis vinculis , quæ nunquam abrumpi poterunt , fuerit semper ligatus , necesse est , ut post recensitos nobiliores Ordinis Prædicatorum Scriptores , eos nunc in medium proferamus clarissimos Theologos , qui in Ordine Fratrum Minorum eruditionis præstantiâ cæteris antesteterunt . Incipiam verò à *S. Francisco* , natione Italo , Assisii in Umbria nato , Ordinis Fratrum Minorum Patriarcha , qui simplicibus verbis , sed divini Spiritu , quo erat perfusus , scripsit Regulas , Colationes , Epistolas , Cantica , Apophthegmata , Familiaria Colloquia , Prophetias , Parabolas , exempla , Benedictiones , Sententias communes Sermones , Orationes piissimas , aliaque Opuscula , ac demùm Testamentum . Quæ omnia *S. Francisci* Opera collegit , atque Parisiis edi curavit *J.annes de la Haye* Ordinis Fratrum Minorum anno MDXLI. De his etiam *S. Francisci* Operibus consili potest *Wadinghus* tomo 1. Annalium , & in B



bliotheca Ordinis Minorum . Inter Theologos Scholasticos , qui Sæculo XIII. doctissimis suis Scriptis in Ordine Fratrum Minorum nominis sui famam longè latèque propagarunt , Principem locum obtinet *Alexander de Hales* , natione Anglus , patriâ Glocestriensis , Vir pietatis eximiæ , Sacre Facultatis Parisiësis Doctor, & *S. Bonaventuræ* præceptor , non tamen *S. Thomæ Aquinatis* , ut superius observavimus . Adeò in Theologia Scholastica excelluit , ut vulgò à suis *Fons Vitæ* , *Doctor Doctorum* , & *irrefragabilis* , appelletur . Multa scripsit Opera, quorum indicem exhibet *Lucas Waddinghus* in Bibliotheca Scriptorum Ordinis Minorum , ex quo tamen Viri eruditi censent expungi debere *Summam Virtutum* , *Commentarium in Metaphysicam* , & *Commentarios in iv. libros sententiarum* , ut videre est apud nostrum *Natalem Alexandrum* in Opusculo I. de *Collatione Dominicani cum Fratre Minore* , quod est in Appendice ad tom. VII. *Historiæ Ecclesiasticæ* . Vitam *Alexandri Halensis* descripsit mox laudatus *P. Joannes de la Haye* , ejusdem Ordinis Professor , in qua , ut probet *S. Thomam Aquinatem* ex *Summa Alexandri Halensis* mutuatum esse plurima , adducit cap. XI. nonnulla Scripturæ Sacræ loca , quædam *S. Augustini* , vel aliorum Patrum , Auctorumque testimonia , quasdam etiam rationes & objectiones , quas *S. Thomam* , Doctorem Angelicum , ex *Alexandro Halensi* de verbo ad verbum mutuatum esse pertendit . Verùm ipse etsi lubentissimè fatear , magnam fuisse *S. Thomæ* de *Alexandro Halensi* , ejusque doctrinæ existimationem , hunc tamen Doctorem Angelicum ex *Summa Alexandri Halensis* plurima in suam

de verbo ad verbum transcripſiſſe, exiſtimo, putidam calumniam eſſe, quæ multis momentis falſi convinci poteſt. Primò, quia ſi quis utramque *Summam*, ideſt *Alexandri Halenſis*, & *Sancti Thomæ*, Doctōris Angelici, conferat, facilè compariet, *Summam Alexandri Halenſis* ab ordine *Summæ S. Thomæ*, methodo, ſublimitate, ſtylo, nitore, eruditione, & ratiocinandi vi toto cœlo diſtare. Prætereà; ſi S. Thomas ex *Summa Alexandri Halenſis* plurima in ſuam transfudiſſet, omni procul dubio doctōr ille Angelicus laudaret aliquandò *Alexandrum Halenſem*, ex quo tam præclara excerpſiſſet, ſicut alios Auctōres, ex quibus aliquid hauſit, ſæpius in ſua *Summa*, honoris ergò appellat. Porro, *Alexandrum Halenſem* ne ſemiquidem in ſua *Summa* laudat S. Thomas. Denique, ſi quid ponderis haberet Patris Joannis de L. *Haye* conjectura, nullus eſſet Theologus, qui a altero non eſſet dicendus accepſiſſe, cùm nemo ſi qui aliquibus Scripturæ Sacræ, aut Patrum teſtimoniis non utatur, quibus in iſdem controverſiis uſus eſt alter: Nemo qui momenta graviora ab Hæreticis objectari ſolita, vel trita in Scholæ argumenta non diluat, propriâ quique eruditione ac methodo eadem tractans, diſcutiens ac ediferens. Mirum itaque nemini videri debet, quod S. Thomas, ſummo ingenii acumine pollens, & Scriptura Sacra, & Sanctorum Patrum Operibus apprime verſatus, eadem interdum in ſua *Summa* laudet Scripturæ Sacræ, & Sanctorum Patrum teſtimonia, eaſdemque præviderit objectiones, & argumenta, quæ aliquandò habentur etiam in *Summa Alexandri Halenſis*. Optima quippè ratio, ut

communis est. Nec minus Scripturam Sacram ac Sanctos Patres pervoluerat *S. Thomas*, quàm *Alexander Halensis*, atque in penetrandis & præoccupandis objectionibus, quæ adversus quæstiones, quas tractabat, opponi poterant, non minori ingenii vi ac sublimitate præditus erat, quàm *Alexander Halensis*. Nullam ergo fidem inerentur *P. Joannes de la Haye*, aliique Scriptores, qui effutunt, *S. Thomam Aquinatem* ex Summa *Alexandri Halensis* plurima, suppresso ejus nomine, in sua Summa mutuatum fuisse. Quod profectò eximie Doctōris Angelici modestiæ, humilitati, generoso & grato adversus Magistros animo contumeliosum esse, nemo est qui non videat.

*Alexander Halensis* Discipulum habuit *S. Bonaventuram*, natione Italum, Balneoregii in Tuscia ortum, qui anno ætatis vigesimo secundo Ordinem Fratrum Minorum ingressus, eâ vitæ innocentiam, morumque integritate vixit, ut *Alexander Halensis*, ejus Præceptor, dicere soleret, videri sibi Adamum in *Bonaventura* non peccasse. Tantâ eruditionis famâ claruit, & cum tanto omnium applausu, sacre Facultatis Parisiensis doctōris insulâ decoratus, Theologiam publicè docuit, ut ejusdem Facultatis Cancellarius, *Joannes Gersonius* in Epistola, quam Lugdunum ad quemdam Fratrem Minorem scripsit an. mccccxxvi. his verbis eum magnificè commendet: *Sint alii Doctores, qui dicantur Cherubici, hic, seu Bonaventura, verissimo nomine Saraphicus simul & Cherubicus, quia inflammat affectum, & erudit intellectum, reducit & unit ad Deum per amorem excitativum, dum alii multi solum divaricant & dispergunt intellectum per præcisiones,*



nes, prioritates & posterioritates, & signa & contingentia, cum tamen unum sit necessarium. De Doctrina etiam S. Bonaventuræ idem Cancellarius ad finem libri de Examinatione Doctrinarum hoc iudicium profert: Porro, si queratur à me quis inter cæteros Doctores plus videatur idoneus? Respondeo sine præiudicio, quod Dominus Bonaventura, quoniam in docendo solidus est, & securus, pius, justus & devotus. Præterea, recedit à curiositate quantum potest, non immiscens positiones extraneas, vel doctrinas sæculares Dialecticas aut Physicas terminis theologicis obumbratas more multorum, sed dum studet illuminationi intellectus, totum refert ad pietatem & religiositatem affectus &c. Ordinis Fratrum Minorum electus Minister Generalis, Bonaventura, eo, communi Fratrum suffragio sibi credito, officio præclare functus est, & ad restaurandam sensim collapsam Ordinis Seraphici disciplinam multa gessit, totique Ordini maximè profuit. Concilio Generali Lugdunensi H. interfuit, ubi Cardinalis, & Episcopus Albanensis à Gregorio X. creatus, paulò post Lugduni obiit die xv. Julii anni mccclxxiv. quem Funerari Oratione laudavit noster Petrus à Tarentasia, Cardinalis Episcopus Ostiensis, & post Gregorium X. Summus Pontifex, dictus Innocentius V. sumpto pro Orationis suæ themate lamentabili Davidis textu libri 2. Regum cap. 1. vers. 26. Doleo super te mi frater Jonatha. Sanctorum Fastis solemniter Ecclesiæ ritu Bonaventuram adscripsit Sixtus IV. anno mccccclxxxii. & inter Doctores Ecclesiæ eum censi debere decrevit Sixtus V. Pontifex Maximus, qui etiam omnia, quæ S. Bonaventura reliquit ingenii sui, & doctrinæ monumenta, diligenter

ter , & summo cum examine undique conquifita , octo in tomos diftributa curavit publicâ luce donari, Romæ anno MDLXXXVIII. ut videre eft apud Wadinghum in Bibliotheca Minorum , ubi de Operibus S. Bonaventuræ fuiffimè differit . Præcipuam S. Bonaventuræ in fcribendo dotem Trithemius in Chronico dilucidè exprimit his verbis . *Profundus eft, non verbofus ; subtilis , non curiofus ; difertus non vanus : flammantia, non inflantia verba proferens : undè & fecuriùs legitur , faciliùs ab amante intelligitur , frequentatur dulciùs , & fluctuofiùs retinetur .* Ejufdem Sancti Doctoris Opera hoc elogio celebrat S. Antoninus 3. parte Chronicorum tit. xxiv: *Intellectus ejus perfpicacitatem , inquit , omnia Opuscula ejus redolent iis , qui divinam Scientiam requirentes, hanc libentiùs, quàm vanitatem Aristotelicam venerantur .*

S. Bonaventuræ coævi fuerunt duo illuftres Ordinis Minorum Scriptores , natione Angli , Rogerius Baconus , & Richardus de Mediavilla , quorum primus , Sacræ Theologiæ Doctor Oxoniensis fuit , à Joanne Pico , Mirandulæ Comite , *Vir ingeniofiffimus* appellatus, & ab hominibus fui temporis *Doctor Mirabilis* dictus . Ad eum S. Bonaventura Opusculum fuum mifit *De paupertate, labore manuum , & legendi ftudio* . Reconditos naturæ recessus Rogerius Baconus acutiffimo fuo ingenio penetravit , curiofa quæque rimatus eft , latentes rerum caufas penitiùs indagavit, & mirabiles quofdam effectus longè fuprà communem hominum captum extulit in lucem , adhibitis ad id machinis non fine summâ ingenii folertiâ excogitatis . Hinc non tantum apud imperitum vulgus , fed  
apud

apud doctos etiam , ei impactum est *Magi* nomen. Quamobrem in Magicarum artium suspicionem adductus, in iudicium vocatus est ab *Hieronymo de Esculo* totius Ordinis Minorum Generali Ministro anno MCCLXXVIII. ut videre est apud *Wadinghum* in Bibliotheca Minorum , ubi ejusdem *Rogerii Baconi* Operum accuratum textit Catalogum. *Richardus de Mediavilla* , Oxoniensis Academiae Doctor itidem fuit , tamque celebre id ætatis sibi nomen comparavit , ut *Doctōris solidi, copiosi, & fundatissimi* nomen consecutus sit . Multa scripsit hic Doctor , in Theologia Scholastica, in Sacris Litteris , & jure Canonico peritissimus , de quibus legendi sunt *Baleus* Centuriâ IV. *De Scriptoribus Britannicis* pag.359. *Pitseus* De Scriptoribus Angl. pag.386. & *Wadingbus* in Annalibus , & in Bibliotheca Minorum . His duobus Scriptoribus Anglis meritò addi debet *Joannes Peckamus* , Ordinis Minorum , natione pariter Anglus , qui in Oxoniensi Academia cum magno Auditorum applausu & admiratione publicè prælegit , eâque eruditionis famâ claruit , ut ad Sedem Cantuariensem , per cessionem *Roberti Killwarbei* Archiepiscopi Cantuariensis vacantem , à *Nicolao III.* Pontifice Maximo fuerit sublimatus , & Romæ anno MCCLXXVIII. illius Ecclesiæ Archiepiscopus consecratus. Permulta scripsit Opera *Joannes Peckamus* quorum quedam edita sunt , videlicet *Collectanea Bibliorum : Constitutiones quadraginta septem* de variis argumentis : *Perspectiva Communis* . Alia verò ejus Opera inedita sunt, & adhuc MSS. latent in Bibliothecis Angliæ , sicut testantur *Baleus*, & *Pitseus* in Catalogo Scriptorum Anglorum . Floruit etiam in Anglia circa



circa annum MCCLX. Joannes Guallensis, Ordinis Minorum, ob eximiam doctrinam passim *Arbor Vitæ* appellatus. Ejus Opera tam edita, quam inedita recenset *Baleus* cap. 48. Centuriæ IV. De *Scriptoribus Britannicis*. Ad Ordinem Fratrum Minorum Sæculo XIII. hoc est, anno MCCXL. transiit *Albertus*, Cœnobii Stadenfis in Diœcesi Bremenfi, Ordinis S. *Benedicti* Abbas. Apud Fratres Minores, quorum Institutum amplexus erat, tantam existimationem sibi peperit, ut totius Ordinis Franciscani Generalis Minister fuerit electus. Scripsit Chronicon ab orbe condito ad annum MCCLVI. in quo melioris notæ Authores sequutus, Historiam vetustiorum temporum, tum verò præcipuè res Germanicas illustrat. Primus istud *Alberti* Chronicon edidit *Reinerus Reineccius Hemstaldii* anno MDLXXXVII. quod fuit postea recusum *Witembergæ* anno MDCVIII.

Sub finem Sæculi XIII. floruit in Ordine Fratrum Minorum *Guillelmus Lamarensis*, qui adversus Doctrinam S. *Thomæ Aquinatis*, cujus æmulus erat, librum edidit, quem inscripsit: *Correctorium Operum Fratris Thomæ*. At *Ægidius Romanus*, Scriptor ejusdem sæculi, ex gente *Columna*, apud Italos illustrissimâ, oriundus, Ordinis Eremitarum S. *Augustini*, & Prior postea Generalis, necnon Archiepiscopus Bituricensis, hunc librum *Guillelmi Lamarensis* egregiè confutavit, atque ad vindicandam doctrinam Sancti Thomæ, inter cujus Discipulos primarius, illiusque doctrinæ studiosissimus semper fuit, librum composuit, qui inscribitur: *Correctorium Corruptorii Fratris Thomæ*, seu *Defensorium Fratris Thomæ*, in cujus libri Apologeti

tici Præfatione meritò invehitur *Ægidius Romanus* in quosdam malè feriatos, qui, ut inquit, *Doctrinam S. Thomæ, qua fulget Ecclesia, immò veritatem, quam docuit, depravare nituntur, ipsius Sermonibus veritate plenis, & Spiritu veritatis instigante conscriptis, detrahentes*. Hunc eximium Doctorem, quem Academia Parisiensis tanti fecit, ut *Doctores Fundatissimi* honorificum nomen ei detulerit, doctrinæ suæ vindicem habere meruit *S. Thomas*, Theologorū Princeps, & Scholarum Angelus, in quem *Guillelmus Lamarensis*, togæ suæ nimium amans, alienæ impotentèr æmulus, aperto Marte insurrexerat.

D. Tenenturne Fratres Minores sequi in Scholis doctrinam *Alexandri Halensis*, aut *S. Bonaventuræ*, sicut Fratres Prædicatores in verba *Sanc-tæ Thomæ* jurare, & ab ejus doctrina ne latum quidem unguem desciscere obstringuntur?

Fratres Minores nec in *Alexandri Halensis*, nec in *S. Bonaventuræ* verba jurare coguntur, sed *Joannis Scoti* Doctoris Sacre Facultatis Parisiensis, Theologi subtilissimi, quem Magistrum venerantur, doctrinam in Scholis sequuntur, pro ea acerrimè pugnant, & Scotistarum nomine gloriantur. Quâ de re olim *Gersonius*, Sacre Facultatis Parisiensis Cancellarius, in Epistola jam citatâ ad quemdam Fratrem Minorem Lugduni commorantem, conqueritur paulò durioribus hisce verbis: *Et ecce proh dolor! Doctores isti duo Ales & Bonaventura, videntur quasi sepulti cum illis, quorum non est memor amplius, præsertim in cordis amore. Extolluntur alii quidam, quorum sint utinam nomina in libro vitæ! non enim Studiosis invidemus. Sed multæ aliquos ipsorum litteræ fecerunt sub nomine subtilitatis insa-*

*insanire, cum sequacibus eorum &c.* Sed quidquid dicat *Gerfonius*, quem in *Scotum*, ejusque discipulos, minus æquum fuisse asserunt Fratres Minores, certum est, *Joannem Scotum* novam instituisse Scholam, quam anno mcccxx. florere cœpisse, & progressu temporis celeberrimam evasisse probat doctissimus *Antonius Pagius*, Ordinis Minorum, in sua *Critica Historico Chronologica Baronii* ad annum mxc. num. 10.

D. Expone, quæso te, paulò uberius, quis fuerit iste *Joannes Scotus*, novæ Scotistarum Scholæ institutor, & quâ in re potissimum excelluerit?

M. Qua ex patria oriundus sit *Joannes Duns*, cognomento *Scotus*, nihil certi affirmare possum, maximè cum ea de re Angli, Scoti, & Hiberni acerrimè inter se digladientur, singulis certatim illum sibi vendicantibus, asserit tamen *Lucas Waddingus*, Minorum Annalista, eum natione fuisse Hibernum, & Duni in Ultonia natum. Ordini Fratrum Minorum juvenis adhuc nomen dedit, & in Philosophia ac Theologia Scholastica adeò excelluit, ut *Doctor Subtilis* fuerit appellatus. Nihil erat tam obscurum, densâque caligine involutum, quod ille, sibi saltem, non redderet perspicuum, & clarum; nihil tam occultum & abstrusum, quod acutum ingenio suo ad litteras planè facto, & ad miraculum subtili atque acuto, non penetraret, nihil denique tam nodosum, quod ille non dissolveret. Theologiam docuit primùm Oxonii in Anglia, deinde Parisiis. Asserunt nonnulli Scriptores, *Joannem Scotum*, dum Oxonii in Anglia docerèt, tantâ sui nominis gloria hanc Cathedram Theologicam fuisse moderatum, ut triginta plusquam



Scholarium millia, ejus audiendi gratiâ, Oxonium undique confluxerint. Multa Opera Philosophica, & Theologica scripsit subtilis ille Doctor, quæ duodecim tomis comprehensa, ac Notis illustrata *Lucas Wadinghus*, unâ cum ejus vita, Lugduni edidit curavit anno MDCXXXIX. In hac *Wadinghi* Operum *Scoti* Editione Tomi v. vi. vii. viii. ix. & x. complectuntur magnum *Scoti* Commentarium in iv. libros Sententiarum, dictum *Oxonienſe*, eò quòd *Oxonii* à *Scoto* fuiſſet elucubratum. Tomus verò undecimus continet *Reportatorum Pariſienſium* libros iv. qui quaſi compendium rude ſunt jam citati magni Commentarii *Scoti* in iv. libros Sententiarum, quod *Oxonienſe* appellatur. De hoc Opere, *Reportatorum Pariſienſium* hanc cenſuram fert *Wadinghus*: præter ſtylum longè diverſum à ſcripto *Oxonienſi*, diſcrepat etiam ab eodem valdè doctrina. Adde, longè humiliùs & inferius eſſe priori Opere, proindè ingenio jam provectioris Doctoris ſubtilis indignum. Hactenus *Wadinghus*; qui hac ratione factum eſſe ait, ut, neglectis *Reportatis Pariſienſibus*, omnes inhæreant *Oxonienſi* Commentario. Sed de Operibus *Joannis Scoti* conſule eundem *Wadinghum* tomo 3. Annalium, & in Bibliotheca Fratrum Minorum. Scribit in Annalibus Eccleſiæ noſter *Bzovius*, ſecutus *Paulum Jovium*, infelici vitæ exitu *Joannem Scotum* fuiſſe extinctum, eumque comitiali morbo laborantem, & nimis feſtinato funere elatum, cùm, redeunte vitâ, ſerò morbi impetum natura diſcuteret, fruſtrâ miſerabili mugitu opem petiſſe, pulſatoque diu lapide, elifo tandem capite periſſe. Verùm, hanc fabulam pluribus momentis refellit *Wadinghus*, quorum præ-

præcipuum petitur ex usu, qui in Conventu Coloniensi Fratrum Minorum, ubi mortuus est *Joannes Scotus*, semper obtinuit, sepeliendi videlicet Fratres non in Sepulchris concameratis, sed in humo effossâ, alligatis manibus & pedibus defuncti, atque injectâ supra Corpus Cadaveris terra. Juxta, quem ritum si quis, etiam vivus sepeliatur, neque spirare, neque mugire, neque gradus ascendere, neque lapidem pulsare poterit semel sepultus. Explosâ itaque hac fabulâ, hoc unum certum est, *Joannem Scotum*, Doctorem subtilem obiisse Coloniæ anno mcccviii. sexto Idus Novembris.

Duos ejusdem Ordinis Fratrum Minorum, eximios Theologos *Joannes Scotus*, discipulos habuit, videlicet *Franciscum Mayronium*, & *Guillelmum Okamum*. Primus natione fuit Gallus, è Diniensi Provinciæ Oppido oriundus, Theologus Facultatis Parisiensis, & *Doctoris Acuti* nomine clarus. Exercitationem illam celebrem à Facultatis Parisiensis Baccalaureis in Aula Sorbonica haberi solitam instituit hic *Franciscus Mayronius*, quam, vulgò *Sorbonicam* appellant, & quæ incipit à sexta hora matutina, & desinit in sexta vespertina, sine præside, sine socio, sine prandio & paltu, sine ulla emigratione, in eadem perpetua corporis & animi contentione, per duodecim horas continuas omnibus & singulis arguentibus respondetur. Quam exercitationem abique aliquo salutis detrimento vix fieri posse facile credidissem, nisi ipse, dum Actus meos Academicos Parisiis quatuordecim abhinc annis in studio Licentiæ peragerem, contrarium proprio experimento didicissem. Scripsit *Franciscus Mayronius* Commentarium in

iv. li-

IV. libros Sententiarum : librum unum de Formalitatibus: Sermonum de Tempore librum unum: & alterum librum Sermonum de Sanctis . Scripsit etiam quæstiones Quodlibetales , quas in Codice MS. vetustissimo , in quo plures continebantur quæstiones , quàm in Quodlibetis editis , apud se habuisse testatur *Antonius Pagius* ad annum MCXC. num. XI. *Guillelmus Okamus* , gente Anglus , & *Joannis Scoti* alter discipulus fuit , sed ejus doctrina postea impugnator acerrimus . In Aristotelica Philosophia adeò profecit , ut ob Logicas meditationes, & cætera Philosophica & Theologica Theoremata subtilitèr inventa , subtiliùsque firmata *Venerabilis inceptor* , & *Auctor invincibilis* vulgo appellaretur . Scholam Nominalium instauravit eorumque subtilitates & argutias jam penè obsoletas & emortuas excitavit . Ad *Ludovicum Bavarum* , Imperatorem , qui id ætatis Ecclesiam funesto Schismate turbavit , sese contulit , eumque si affatus est : *Tu me defendas gladio , & ego te defendam calamo* . Partes *Petri de Corbario* , Franciscan Antipapæ , strenuè fovit , & adversùs *Joannem XXI* legitimum Pontificem , à quo fuerat excommunicationis fulmine percussus , acerrimè scripsit , præsertim in Tractatu, quem contra Summi illius Pontificis Constitutionem , quæ incipit . *Quia Vir reprobus Michaël* , edidit , quemque inscripsit : *Opus nonaginta dierum* , ubi Summum Pontificem *Joannem XXII* . passim insectatur , centiès repetitis h. verbis : *Dicit iste Hæreticus* . Tractatus , quos edidit *Guillelmus Okamus* adversùs *Joannem XXII* . editi sunt à *Goldasto* tomo 2. *Monarchiæ* , sicut & alii Tractatus, quos adversùs eundem Summum Pontificem



tificem scripturavit *Michaël Casenas*, Ordinis Fratrum Minorum Generalis Minister, qui à *Ludovici Bavari* Imperatoris partibus stetit, & à *Joâne XXII.* atque à suis meritò damnatus est anno *MCCCXXIX.* & *MCCCXXXI.* ut videre est apud *Spondanum*. Multa alia Opera scripserunt *Guillelmus Okamus*, & *Michaël Casenas*, de quibus legendus est *Wadinghus* in *Annalibus*, & in *Bibliotheca Fratrum Minorum*, ubi etiam probare nititur, *Guillelmum Okamum*, & *Michaëlem Casenatem* ad meliorem frugem sese recepisse, & pœnitentes obiisse. Quod licèt ipse inficias irè nolim, incertum tamen esse puto, dicente *S. Augustino* in libro de *Doctrina Christiana*: *Sicuti non potest malè mori, qui benè vixit, ita vix benè moritur, qui malè vixit.* Et sanè, multos legimus in omnibus Ecclesiæ Sæculis surrexisse erroris & Schismatis Duces, atque ab avita Religione populorum animos abalienasse; Sed qui reverterentur deindè deserta in castra, suisque se asseculis subducerent, vix unum alterumve legimus. Ut ut sit, proterviam *Guillelmi Okami*, & *Michaëlis Casenatis* retudit, & pro *Joanne XXII.* Apologiam adornavit *Alvarus Pelagius*, Ordinis Fratrum Minorum, Episcopus primùm Coronensis in Achaja, & postea Antistes Silvensis in Lusitania constitutus, qui vixit eodem Sæculo XIV. hoc est, circà annum *MCCCXL.* Scripsit etiam idem *Alvarus Pelagius* duos libros de *Planctu Ecclesiæ*, quos nuncupavit *Petro Gomesio*, Ordinis Fratrum Minorum Generali Ministro, & alia Opera, de quibus legendus est *Wadinghus* in *Bibliotheca Scriptorum Ordinis Minorum* pag. 15.

Præter *Mayronium*, & *Okamum*, duos alios

Tom.V.

Ff

cele-

celebres Discipulos habuit *Joannes Scotus*, quos hic prætermittere non debeo. Primus est *Antonius Andreas*, Ordinis Minorum, Philosophus & Theologus insignis, *Doct̃or Dulcissimus* à suis nuncupatus, qui *Commentarium* scripsit in iv. libros *Sententiarum*. Alter est *Joannes Bassolis*, Ordinis Minorum, *Doct̃oris Ordinatissimi* nomen consecutus, qui *Miscellanea Philosophica & Medica*, necnon *Commentaria* in iv. libros *Sententiarum* ad posteros transmisit. Denique, ne in aliis recensendis Ordinis Fratrum Minorum Scriptoribus in immensum diffundar, quatuor dumtaxat celebriores subnectam, videlicet *Nicolaum de Lyra*, *Petrum Aureolum*, *Astesanum*, & *Raymundum Lullum*, qui sæculo XIV. floruerunt. In primis, *Nicolaus de Lyra*, natione, non Brabantinus, nec Flandricus, nec Anglus, ut falsò putarunt varii Scriptores, sed Normannus, è *Lyra* Normandiæ vico, Judaicis parentibus ortus est, unde *Lyranus* vulgò dictus. Ordinem Fratrum Minorum in Cœnobio Vernoliensi professus est, & in Sacra Facultate Parisiensi Doctoralibus Infulis exornatus, per plures annos Sacram Scripturam Parisiis Summa cum laude interpretatus est. Præter quæstiones veteris & novi Testamenti, *Postillam* paritèr edidit, seu brevia Commentaria in universam Scripturam Sacram, quæ simul cum ordinaria *Strabi* Glossa, & Interlineari *Anselmi* Laudunensis reperitur. Scripsit etiam idem *Nicolaus Lyranus* Tractatus in Judæos, Commentarios in iv. libros *Sententiarum*, & alia Opera, de quibus legendus est *Lucas Wadinghus* in Bibliotheca Scriptorum Ordinis Minorum. Obiit *Nicolaus Lyranus* Parisiis die xxiii. Octobris anni

ni mcccxl. & in Aula Capitulari Conventus Fratrum Minorum sepultus. *Petrus Aureolus*, natione Gallus, Vermetiæ, Oppido ad Isaram fluvium, natus, Ordinem Minorum professus, Laureâ Doctorali in facultate Parisiensi insignitus est. Dein, ad Archiepiscopatum Aquensem anno mcccxxi. promotus fuit, atque ob ingenii perspicaciam *Doctor Facundus* appellatus. Edidit *Petrus Aureolus* Breviarium Bibliorum, sive Epitomen universæ Scripturæ Sacræ juxta sensum litteralem: Compendium Theologiæ: Commentarios in iv. libros Sententiarum: librum de Conceptione B. Virginis Mariæ: Tractatum de Paupertate & usu pauperum rerum: Sermones &c. *Astesanus*, natione Italus, ex *Asta*, Subalpinorum urbe nobili, oriundus, clauit in Ordine Fratrum Minorum, & scripsit Summam Casuum Conscientiæ in octo libros distributam, quæ vulgò *Astesana* dicitur, obiitque circa annum mcccxxx. *Astesanus* alterum paulò post in Ordine Minorum floruisse, Auctorem Commentariorum in libros Sententiarum, & in Apocalypsim, ac Sermonum de Tempore, rectè observat *Wadinghus* in Bibliotheca Scriptorum Ordinis Fratrum Minorum. Circa *Raymundum Lullum*, quem Tercio Ordini S. *Francisci*, nomen dedisse, & Sæculo XIV. floruisse scribunt Authores Minoritæ, non nulla jam observavimus in Colloquio tertio, ubi ostendimus primò, multas propositiones, ex libris *Raymundi Lulli* excerptas, à *Gregorio XI. Pont. Maximo* fuisse ceù Hæreticas proscriptas, ut liquet ex ipsius Diplomate, relato à nostro *Eymerico* in Directorio Inquisitorum, quod Diploma nec subreptitium, nec supposititiū esse, ibidem evicimus. Secun-



do, commonstravimus, *Raymundo Lullo*, propter illas propositiones hæreticas, infamem hæreseos dicam impingi non debere, quia certissimè constat, eum correctioni & judicio Ecclesiæ omnia sua subjecisse Opera, ut multis probat *Wadinghus*, Minorum Annalista, & post ipsum *Joannes Baptista Solle-rius*, continuator *Bollandi* in Dissertatione Historica de Orthodoxia & libris *B. Raymundi Lulli* genuinis ac supposititiis, quam inseruit tomo v. De Actis Sanctorum mensis Junii. Ex quo sequitur, non minùs Orthodoxiam; immò & sanctitatem *Raymundi Lulli* vindicari posse; quàm vindicari solet Orthodoxia, & Sanctitas *Joachimi* Abbatis, quem, sicut observavimus in Colloquio III. in Historiam sæculi duodecimi, *Honorius III.* Pontifex Maximus defendit contra ejus Calumniatores; tametsi Abbatis *Joachimi* liber contra *Petrum Lombardum*, Oecumenici Concilii Lateranensis IV. judicio fuisset confixus, idque eâ solùm de causa, quòd Abbas *Joachimus* scripta sua mandavit Romano Pontifici assignari Apostolicæ Sedis judicio approbanda, seu etiam corrigenda, ut ait ille Summus Pontifex in Brevi Pontificio, quod ad Antistites Cusentinum, & Bisiniacensem in gratiam Abbatis *Joachimi* destinavit. De Vita, & Gestis *Raymundi Lulli*, ortu Majoricensis; legens post *Wadinghum*, jam citatum *Joannem Baptistam Sollerium* ad diem xxx. mensis Junii, ubi ex variis Scriptoribus omnia collegit, quæ spectant conversionem *Raymundi Lulli*, frequentes ejus peregrinationes, pro dilatatione Fidei Catholicæ susceptos labores, heroicas virtutes, Martyrium pro fidei defensione, ei à Saracenis Bugiæ in Africa illatum, cultum, quo Majori-  
censes

censes eum ut Martyrem venerantur, & miracula, quæ patravit post mortem. Quæ licet omnia in dubium, hic revocare non aſſim, his tamen fidem adhibere non teneor, quia Ecclesia Romana, cæterarum Mater & Magiſtra, necdum *Raymundi Lulli* Heroicas virtutes, Martyrium, & miracula vindicavit. Innumeros penè libros ſcripſit *Raymundus Lullus*, quorum Catalogus, quem poſt *Wadinghum* exhibet ad diem xxx. Junii pag. 697. *Sollerius*, *Bollandi* continuator, tomo v. de *Actis Sanctorum*, complectitur libros trecentos triginta & unum, non computatâ Appendice aliorum librorum, qui ſub ejus nomine circumferuntur, quique ad Chimiâ majori ex parte attinent. Sed, ut candidè fatear, difficilè in animum meum inducere poſſum, ab uno *Raymundo Lullo*, tot variis occupationibus, peregrinationibus, & concionibus diſtracto, tantam librorum copiam, non dico componi attentius, ſed vel tranſcribi commodè potuiſſe. De Scriptis *Raymundi Lulli* varia ac diverſa ſunt Authorum judicia, quibus referendis, ne longior ſim, conſultò ſuperſedebo, unum dumtaxat, quod Lullis ſuſpectum eſſe haud poteſt, proferam judicium *Wadinghi*, qui tomo 3. *Annalium Minorum* ad annum mcccxv. quo obiit *Raymundus Lullus*, ſic de ejus Operibus cenſet: *Quid de genuinis Lulli Operibus ſentiam*, inquit, *liberè pronunciambo*. *Opus Theologicum in libros Sententiarum*, eò majorem ingerit admirationem, quò copioſius, miris & inuſitatis modis loquendi, omnia fidei comprehendit arcana, deque ſingulis Theologiæ controverſiis plures inſtituit quæſtiones. *Libri de Contemplatione*, & pia quæque argumenta, quæ tractat, devotionem

rant, & fidei dilatandæ præferunt ardorem. Præter hæc, varii sunt Tractatuli, vario fine & tempore compacti, qui vagum & versatile, & ad omnia paratum hominis indicant ingenium. Artes Magna, & Parva, & Inventiva veritatis, admirabiles habent ambages, & sinuosos anfractus, per quos nec Dædalo liceat incedere, nec ingeniosissimis aliquandò viris etiam filum sufficiat Ariadnæ, quin in itinere, vel judicio sæpè deficiant. Paucos, vel nullos invenias, qui hanc artem, vel artium omnium secretissimum & mysteriosum, quod fingunt, Seminarium, vel, ut, alii volunt ludibrium, perfectè assequantur . . . . . in universis autem hominis Operibus stylus inconcinnus, inæqualis, non solum humilis, verùm passim barbarus, idiotismis aliorum idiomatum ubique scatens. Methodus irregularis, inculta & confusa: Rerum gestarum neque seria, neque lenis, sed levis & aspera, aliquandò ridicula, vera tamen & sincera narratio. Modi, & termini loquendi à communi dissident loquela Theologorum, & pleræque ejusdem assertiones à communi nostri ævi doctrina. Candidè etiam fatetur ibidem Wadinghus, majorem partem propositionum, quas noster Eymericus in suo Directorio Inquisitorum, tanquam hæreticas perstringit, offendi in Operibus Raymundi Lulli: sic enim inquit: Porro ex reliquis propositionibus, quas Eymericus centum exscripsit in Directorio, major & potior pars verè in ejus Operibus reperitur, quarum nonnullæ duriores & crassiores sunt, quàm eas communis Theologorum schola admittat, aut sine censuris elabi permittat. Hactenùs Wadinghus, cujus accurato de Raymundi Lulli Operibus judicio lubentissimè subscribo.

D. Jam intelligo, benè multos ex utroque  
 Ordi-



Ordine Fratrum Mendicantium, Prædicatorum, & Minorum Sæculis XIII. & XIV. prædiisse præclarissimos Scriptores, nec dubito, quin in aliis duobus Ordinibus Mendicantium, videlicet Eremitarum S. Augustini, & Carmelitarum, celebres itidem floruerint Scriptores, quos profectò silentio prætermittere haud debemus.

M. In Ordine Fratrum Eremitarum S. *Augustini* floruit sub finem Sæculi XIII. & initium Sæculi XIV. *Ægidius*, patriâ Romanus, Ordinis Eremitarum S. *Augustini* Prior Generalis, deindè Bituricensis Archiepiscopus. S. *Thomæ Aquinatis*, cujus discipulus fuerat, acerrimum sese præbuit vindicem, &, sicut antea observavimus, contra *Guillelmum Lamarensē*, Minoritam, qui S. *Thomæ* doctrinam primus impugnaverat, librum composuit, quem inscripsit *Correctorium Corruptorii Operum F. Thomæ*. Laureâ Doctorali in Sacra Facultate Parisiensi donatus, ob eximiam, quâ fulgebatur, eruditionem, *Doctoris Fundatissimi*, omnium virorum eruditorum calculo, promeritus est. Interfuit Concilio Generali Viennensi celebrato anno mcccxi. ac demùm Avenione meritis plenus obiit die xxii. Decembris anni mcccxvi. Multa scripsit *Ægidius Romanus* Philosophica, Theologica, Moralia, Commentarios in Cantica Canticorum, in Epistolam S. *Pauli* ad Romanos, & in Epistolam primam ejusdem Apostoli ad Corinthios, nec non librum de *Ecclesiastica Potestate*, quem *Philippus Bergomensis* in Supplemento Chronicorum ad annum mcccxvi. recenset, ubi etiam *Ægidium Romanum* miraculis claruisse, & sanctitatis merito *Beatum Doctorem* appellatum scribit.

Præter *Ægidium Romanum*, alii duo ejusdem Ordinis Eremitarum S. *Augustini* Priores Generales Sæculo XIV. Theologiam Scholasticam perdoctis suis lucubrationibus illustrarunt, videlicet *Thomas Argentinensis*, & *Gregorius Ariminensis*, quorum primus, seu *Thomas Argentinensis*, natione Germanus fuit, patriâ Argentoratensis, unde nomen traxit, Theologus Parisiensis, Ordinis Eremitarum S. *Augustini* Prior Generalis electus Parisiis anno MCCCXLV. cumque annos XII. Magistratum gessisset, è vita migravit Viennæ in Austria, anno MCCCLVI. Extant etiamnum Commentarii, quos edidit in IV. libros Sententiarum. Cæterum, confundi haud debet iste *Thomas Argentinensis* cum altero ejusdem cognominis *Thoma de Argentina* Ordinis Prædicatorum, qui sub finem Sæculi XV. hoc est, anno MCCCXCV. claruit, & scripsit Sermones, Meditationes, Epistolas, & Quæstiones, ut testantur *Trithemius*, & *Simlerus*. Alter Ordinis Eremitarum S. *Augustini* Generalis Prior, seu *Gregorius Ariminensis*, natione fuit Italus, patriâ Ariminensis, Facultatis Parisiensis Doctor, & Theologorum sui temporis subtilissimus. Edidit Commentarios in IV. libros Sententiarum, in Epistolas S. *Pauli*, & in Epistolam Canonicam S. *Jacobi*, librum de *Ufuris*, & Sermones de Tempore & de Sanctis. Inter Illustres etiam Sæculi XIV. Scriptores Ordinis Eremitarum S. *Augustini*, jure ac merito recenseri debent *Augustinus Triumphus*, & *Richardus Hampolus*. Summam de Potestate Ecclesiastica edidit *Augustinus Triumphus*, Italus, quam Joanni XXII. nuncupavit, necnon *Milleloquium S. Augustini*, quod *Bartholomæus Urbinas*, ejus discipu-

scipulus, absoluit, & *Clementi VI.* dicavit, teste *Trithemio*. Natione Anglus & patriâ Eboracensis fuit *Richardus Hampolus*, qui in plures Sacræ Scripturæ libros edidit Commentarios, & alia quædam Opuscula ascetica, quæ extant in Bibliotheca Patrum tomo xxvi. Prætermitto, brevitatis ergò, alios complures Ordinis Eremitarum S. *Augustini* Scriptores, qui Sæculo xiv. in Theologia Scholastica versatissimi Commentarios in iv. libros Sententiarum adornarunt, vel in arte concionandi diù multùmque exercitati Sermones ediderunt, & alia id genus Opuscula Sacra.

In Ordine Carmelitarum Complures eisdem Sæculo præsertim xiv. extiterunt eruditi Theologi Scholastici, qui Commentarios in iv. libros Sententiarum scripserunt; eximii Scripturæ Sacræ Interpretes, qui Commentarios in Scripturam Sacram concinnarunt; Egregii Concionatores, qui Sermones, & libros de Vita Asceticâ lucubrarunt, de quibus singillatim differere, cùm mihi non permittant angustia temporis, duos celebriores hic tantùm laudabo, quorum primus, & unus instar omnium est *Joannes Baconus*, natione Anglus, in Sacra Facultate Parisiensi Doctor Theologus, qui tantam in resolvendis Theologiæ Scholasticæ questionibus famam consecutus est, ut *Doctoris Resoluti* nomen obtinere promeritus fuerit. Scripsit Commentaria in iv. libros Sententiarum, Compendium Legis Christi; Quodlibetica quædam Carmeliticum Ordinem spectantia, Commentaria in libros Sancti Augustini de Civitate Dei, & de Trinitate, & in libros Sancti Anselmi de Incarnatione Verbi, Tractatus varios adversus Judæos, Sermones



nes varios, & alia Opera, quæ adhuc inedita sunt, quorum Catalogum satis longum texunt *Baleus*, *Pitseus*, aliique, qui de Scriptoribus Anglis, eorumque Operibus disserunt. Alter Scriptor Ordinis *B. Mariæ de Monte Carmelo*, qui Sæculo XIV. floruit, est *Guido de Perpiniano*, è Ruscinonensi Comitatu Oriundus, qui hujus Ordinis Prior Generalis fuit, deindè Majoricensis in Insulis Balearibus Episcopus, demùm Elnensis. Scripsit librum *de Hæresibus ad Gaucelinum* Cardinalem Episcopum Albanensem, & *Concordiam quatuor Evangelistarum*. Ejusdem *Guidonis* Commentarium in Decretum *Gratiani* extare MS. in Bibliotheca Regis Christianissimi testatur *Stephanus Baluzius* in suis Notis in *Gratianum*, pag. 642. & *Casimirus Oudinus* in Supplemento *Belarmini* de Scriptoribus Ecclesiasticis asserit, *Tractatum de perfectione Vitæ*, quem scripsit idem *Guido de Perpiniano*, reperiri MS. in Bibliotheca *Colbertina*. Si plura de Scriptoribus Ordinis *Carmelitarum* scire aveas, leges *Joannem Baptistam de Lezana*, qui eorum Annales concinnavit, & *Tritheimium*, qui de illorum origine & laudibus scripsit.

D. De his Scriptoribus plura scire non desidero, sed unam dumtaxat sub finem hujusce Colloquii percipio habere notitiam illorum Authorum, quos in decima classe Scriptorum Sæcul. XIII. & XIV. reposuisti, quique de Jure Canonico scripserunt, aut Epistolas Decretales Romanorum Pontificum in unum corpus redegerunt.

M. Seriem Authorum, qui Sæculis XIII. & XIV. de Jure Canonico scripserunt, incipiam à doctissimis Romanis Pontificibus, qui his duobus Sæculis Ecclesiam rexerunt, & Epistolas Decretales edide

dididerunt , quarum deindè variæ factæ sunt Compilationes , quæ ad Jus Canonicum , seu Pontificium attinent . Et primò quidem *Innocentius III.* Pontifex Maximus , benè multas scripsit Epistolas , quas duobus libris collegit , edique curavit *Guillelmus Sirletus* , postea Cardinalis , Romæ anno MDXLI. His duobus Epistolarum *Innocentii III.* libris , quatuor alios ineditos ex manuscripto Codice Bibliothecæ Collegii Fuxensis adjecit , ac evulgavit Tolosæ anno MDCXXXV. *Franciscus Bossuetus* , postea Episcopus Montispeffulanus , à quo etiam additæ sunt eruditæ Notæ . Verùm , omnium curas longè superavit *Stephanus Baluzius* , qui Parisiis anno MDCLXXXI. pulcherrimam & castigatissimam adornavit Editionem omnium , quas reperire potuit , *Innocentii III.* Epistolarum , quæ certè quantum ad Historiam Ecclesiasticam illius temporis illustrandam , & ad Jus Canonicum excolendum conferant , jam observarunt Viri eruditi . Præter tot Epistolas , quas , ob varia Ecclesiæ emergentia negotia , scripsit *Innocentius III.* alia ejus Opera seorsim edita in duos tomos coniecta sunt , quorum priori continentur in primis *Sermones* , varique pii Tractatus , ut de *Mysteriis Missæ* , de contemptu Mundi , de *Sanctorum* veneratione , & *Acta* , atque *Decreta Concilii Lateranensis* , *Hymnus* etiam in *Christum* & ejus *Matrem* .

*Honorius III.* multas etiam scripsit Epistolas . Quamvis enim tres tantum illius Pontificis Epistolæ in Collectione Conciliorum habeantur , aliæ tamen occurrunt apud *Odoricum Raynaldum* , *Bzovium* , *Wadinghum* , *Duchenium* , & alios Ecclesiasticos Scriptores , præter Compilationem integram

De-

Decretalium ab *Innocentio Cironio*, Cancellario Ecclesiæ Tolosanæ, editam anno MDCXLV. Inter Juris Canonici peritos Pontifices Romanos censeri debet *Gregorius IX.* cujus sexdecim Epistolæ inter Pontificias relatæ fuerunt, & aliæ non pauca variis in locis publicatæ reperiuntur. Hujus Summi Pontificis jussu, sicut antea observavimus, *S. Raymundus Pennafortius*, Ordinis Prædicatorum, Decretalium libros quinque ex prioribus Compilationibus collegit, & anno MCCXXX. vulgavit. Quod quidem ut clariùs intelligas, observare debes, post editum *Gratiani Decretum* novas subindè à sequentibus Romanis Pontificibus emanasse Epistolas, & Constitutiones, quæ cum jus facerent in rebus Ecclesiasticis, earum accessione locupletari Canonice Disciplinam necesse fuit. Primus itaque *Bernardus*, Præpositus Papiensis, ac deindè Episcopus Faventinus, Decretales præsertim suæ ætatis Pontificum Epistolas in quinque libros collegit paulò antè annum MCXC. Hæc est prima Collectio, seu Compilatio Epistolarum Decretalium Romanorum Pontificum. Emergentibus deindè aliis subindè Sedis Apostolicæ Constitutionibus, secunda Collectio, seu Compilatio ter à tribus Authoribus confecta est, *Gilberto* videlicet Abbate, *Alano* Episcopo Antisiodorensi, & *Joanne Galensi* seu *Valensi*, Volaterris in Tuscia nato. Prævaluit tamen ea Collectio, seu Compilatio, quam *Joannes Valensis* composuit. Tertiam Collectionem ex Regestis *Innocentii III.* compilaverat *Bernardus*, Archidiaconus Compostellanus, quæ non est recepta. Unde *Innocentius III.* aliam Collectionem, quam vocamus *Tertiam*, confici jussit, & auctoritate publica



olicâ munivit . Quartam collectionem compilari curavit idem Summus Pontifex *Innocentius III.* cui aliam quintam Collectionem addidit *Honorius III.* Ex his itaque quinque Collectionibus, seu Compilationibus Epistolarum Decretalium Romanorum Pontificum , voluit *Gregorius IX.* successor *Honorii III.* ut *S. Raymundus Pennafortius* novam Compilaret Collectionem , quæ quinque libris constat, & cæteris aliis Collectionibus longè accuratior censeatur . Post illos quinque Decretalium libros à *S. Raymundo* jussu *Gregorii IX.* editos , duobus voluminibus constare cœpit Juris Pontificii Corpus , Decreto scilicet *Gratiani* , & *Decretalibus* . Nam, licet à sequentibus Pontificibus conditæ fuerint Constitutiones non paucae , non nisi tamen circa annum mccc. in unum volumen digestæ fuerunt jussu *Bonifacii VIII.* qui partim suas , partim Superiorum post *Gregorium IX.* Pontificum , ipsiusque *Gregorii IX.* posteriores Decretales collegit , & simul cum illis duorum Conciliorum Generalium, Lugdunensium Decreta . Quæ *Bonifacii VIII.* Compilatio *Sexti* nomine donata est , eò quòd *Bonifacius VIII.* librum suum annecti voluerit quinque aliis libris Collectionis , seu Compilationis , jussu *Gregorii IX.* factæ à *S. Raymundo* . Post mortem *Bonifacii VIII.* & *Benedicti XI.* aliàs X. Sedem Pontificiam Româ Avenionem transtulit *Clemens V.* qui Constitutiones Generalis Concilii Viennensis , cui præfuit anno mcccxi. unâ cum nonnullis suis Constitutionibus atque Epistolis Decretalibus , ante , aut post prædictum Concilium emissis , colligi curavit . Sed , eo ante promulgationem defuncto , proximus ejus Successor *Joannes XXII.* eas auctoritate

ritate publicâ donavit, ediditq; viii. Kal. Novembris anno secundo Pontificatus sui, idest anno Christi mcccxvii. Hæ autem Constitutiones, seu Epistolę Decretales, cùm solum *Clementem V.* partim per se, partim per Synodum Generalem Viennemsem ab eodem Pontifice celebratam, Authorem habeant, *Clementinæ* dictæ sunt, quamvis *Clemens V.* eas sub titulo libri vii. *Decretalium* vulgare destinasset. Denique, *Joannes XXII.* vulgò nuncupatus, Avenione Sedens, iv. Idus Novembris anni Pontificatus sui noni, idest, Ærę Christianę mcccxxiv. proprias Constitutiones numero viginti sub 14. titulis libro uno promulgavit, quæ *Extravagantium* nomine designantur, quòd extrà Juris Canonici Corpus olim vagarentur; immò, idem *Extravagantium* nomen nunc quoque retinent, licet in Juris Pontificii Corpus fuerint translata.

Intèr peritos juris Canonici, seu Pontificii Interpretes, qui Sæculo XIII. floruerunt, primus tenet *Innocentius IV.* qui primus *Commentarios in quinque Decretalium libros* Lugduni in Galliis composuit, quo tempore Concilium habuit ea in Urbem Lugdunensem I. in quo *Fridericum II.* Imperatorem anathemate perculit. Suâ doctrinâ promeritus et Summus ille Pontifex, ut à Viris juris utriusque Consultis *Pater juris*, & *Organum veritatis* appellaretur, Scripsit etiam *Innocentius IV.* Apologeticum librum *De jurisdictione Imperii, & Auctoritate Pontificis*, contra *Petrum de Vineis*, qui pro *Friderico II.* atque Imperatorum potestate contra Pontificiam scripturierat.

*Bernardus*, dictus *Compostellanus*, quòd esset Ecclesię *Compostellanę* in Hispania Presbyter

jussu *Innocentii IV.* Pontificis Maximi , *Casus Decretalium* confecit , & eruditos in eos *Commentarios* lucubravit , quos *Apparatus* vocant . *Henricus Hostiensis* , Segulii in Diœcesi Taurinensi natus , adeò in doctrina juris excelluit , ut *juris utriusque Monarcha* dictus fuerit , & ob eximiam eruditionem Ebrodunensis primum Archiepiscopus ab *Innocentio IV.* creatus , deindè ab *Alexandro IV.* quo hortante scripserat in *Decretales* , ad Cardinalis dignitatem evectus fuerit , ac Episcopi Hostiensis titulo cohonestatus, à quo Episcopatu vulgò *Hostiensis* nuncupatur . Inter Opera , quæ edidit , duo imprimis celebrantur , videlicèt *Summa juris Canonici* , vel , ut alii volunt , *utriusque juris* , quæ aurea vocatur , & alterum Opus , quod *Lectura* dicitur , quo nomine *Commentarii* intelliguntur in quinque *Decretalium* libros , qui in duo volumina sunt distributi . *Henrici Hostiensis* discipulus fuit *Guillelmus Durandus Speculator* , sive *Durantes* , ex Provincia oriundus apud Podium Missionium natus . In Mutinensi Academia juvenis admodum *Gratiani Decretum* interpretatus est , & postea in Curia Romana Causarum Auditor , ingens illud Opus, quod *Speculum* inscripsit , ante annum ætatis suæ vigesimum quartum componere cœpit , & non nisi intra unum & viginti annos, ipsomet teste, absoluit, illudque perfectum *Ottobono* tituli Sancti *Adriani* Cardinali nepoti *Innocentii IV.* nuncupavit . Præter istud *Speculum* in quatuor libros distinctum , sic appellatum , quod forenses homines variarum causarum hominem in eo speculentur , ac velut in speculo inspiciant , scripsit etiam *Rationale Divinorum Officiorum* in libros octo distinctum , quod an-



no MCCLXXXVI. absoluit, Commentarium quoque in Canones Concilii Oecumenici Lugdunensis II. cui ipsemet interfuit, & *Repertorium Juris*, quod unâ cum ejus aliis Operibus prodiit Lugduni annis MDXVI. & MDLI. Citantur præterea ab eo conscripta tum *Speculum Legatorum*, in quo de ipsorum Officio & potestate lato calamo scribit, & *Commentaria in Decretales*. Ad Episcopatum Mimatensem in Gallia anno MCCLXXXVI. proventus est iste *Guillelmus Durandus Speculator*, ac decennio post obiit Romæ, sepultus in Fratrum Prædicatorum Ecclesia S. Mariæ super Minervam. Perperam nonnulli confundunt hunc *Guillelmum Durandum Speculatorem*, Mimatensem Episcopum, cum altero *Guillelmo Durando*, qui fuit etiam post ipsum Episcopus Mimatensis, & scripsit librum *de Ordine celebrandi Generalis Concilii* occasione Concilii Oecumenici Viennensis, quod tum temporis celebrari debebat. Constat etenim *Guillelmum Durandum Speculatorem*, Episcopum Mimatensem, ad tempora Concilii Generalis Viennensis non pervenisse, adeoque non esse Authorem hujusce libri, *de Ordine Celebrandi Generalis Concilii*, sed verum illius libri Authorem esse alterum *Guillelmum Durandum*, qui fuit itidem Episcopus Mimatensis, & nepos *Guillelmi Durandi Speculatoris*. Denique, inter eruditos juris Canonici Interpretes, qui Sæculo XIII. illustriores fuerunt, reponi debent *Bartholomæus Brixianus*, & *Garsias*, quorum primus natione Italus fuit. Jurisconsultus & Historicus celebris, *Gregorio IX.* Pontifici Maximo familiarissimus. Scripsit multos Tractatus Juris, quinque libros in Decretales, & Chronicon de

Urbibus Italiæ . Obiit *Guillelmus Brixianus* anno MCCLVIII. ætatis suæ LXXXIV. Ejus cum laude meminere *Trithemius* in Catalogo Scriptorum Illustrum , & *Raphael Volaterranus* lib. xxi. *Commentariorum Urbanorum* . Alter verò , seu *Garzias* , natione Hispanus , Decretales interpretatus esse dicitur , circa annum MCCLXXXV. Opere imperfecto . Edidit quoque *Glossas* in Sextum Decretalium , & Summæ , quæ *Pisanella* vocatur , quædam adjecit .

D. Alios , si qui fuerunt , Sæculo XIV. periti Interpretes Juris Canonici , seu Pontificii , breviter percurve , & tandem Colloquio nostro , quod solito longius protraximus , finem imponamus .

M. Inter peritos Juris Canonici , seu Pontificii Interpretes Sæculi XIV. primum locum tenet *Guido Baisius* , aliàs *de Bayso* , Patritius Regienfis , qui Jus Canonicum interpretatus est Bononiæ anno MCCLXXXIII. qua in Urbe Archidiaconus creatus est , & eâ dignitate cognomen *Archidiaconi* apud posteros meruit . Inter plura Opera , quæ de Jure Canonico edidit , præsertim celebrantur ejus Commentaria in universum Gratiani *Decretum* anno mccc. absoluta , quæ , ob doctrinæ in his contentæ quasi fragrantiam , *Rosarii* nomine insigniuntur . *Decretales* etiam interpretatus est , ejusque Opera Venetiis edita sunt magna ex parte anno MDCXXX. Hujus *Guidonis Baisii* discipulus fuit *Joannes Andrea* in agro Florentino natus , Jurisconsultus peritissimus , qui Bononiæ per annos propè quinquaginta Decreta Pontificum magnæ cum laude interpretatus est , & scripsit primò *Glossmata* in sextum Decretalium post *Guidonem*

*Baisium*, Archidiaconum, præceptorem suum, quem impensè coluit. Deindè, in *Clementinas* Scholia scripsit, quæ contextui annexa pro Glossis leguntur. Postremò, in *Gregorii IX.* Pontificis *Maximi Decretales* Commentarium edidit sub *Novellarum* titulo. Grassante peste Bononiæ obiit *Joannes Andrea* anno MCCCXLVIII. & sepultus est in Ecclesia Fratrum Prædicatorum. Hic *Joannes Andrea*, dum adhuc in vivis esset, in filium suum adoptavit *Joannem Calderinum*, patriâ Bononiensem, qui inter Juris Canonici Interpretes Clarissimus evasit, & *Clementis VI.* Pontificis *Maximi* Consiliarius fuit. Plurima de Jure Canonico Opera scripsit *Joannes Calderinus*, & præter ejus Commentaria in libros *Decretalium*, *Decisiones*, *Consilia*, & alia, quæ recenset *Simlerus* in *Epitome*, extat, ejus Tabula continens, authoritates & sententias Bibliorum; prout in *Compilationibus Decretorum* & *Decretalium* inducuntur secundùm Alphabeti ordinem, emendata à *Thoma Dumbergio Mémingo*, Spirensis Civitatis Consule, & excusa à *Petro Drach* anno MCCCCLXXXI. Incertum est, quo anno è vivis excesserit *Joannes Calderinus*, euntamen Bononiæ decessisse, & in marmoreo Sepulchro apud Fratres Prædicatores tumulatum esse certissimè constat. In Gallia Sæculo XIV. florui Juris Canonici Interpres eximius *Joannes Monachus*, patriâ Ambianensis, Ordinis Cisterciensis qui primus *Glossas* in *Sextum* vulgavit. Postea Cardinalis creatus, apud *Philippum Pulchrum* Francorum Regem anno MCCCIII. *Bonifacii VIII.* Legatum egit. *Extravagantes*, sive Constitutiones Romanorum Pontificum, necdùm in *Corpus Juris* re-



latas , interpretatus est , & Opusculum scripsit , cui titulus : *Defensorium juris*, ubi reos docet , quâ ratione sese adversus Actores tueri debeant . Fundavit in Academia Parisiensi in gratiam Studentium anno mccc i . Collegium , quod etiamnum *Cardinalis Monachi* dicitur , ubi humatus est , hoc appposito titulo : *Hic jacet Joannes Monachus , Ambianensis Diœcesis , Tituli Sanctorum Marcelli & Petri Presbyter Cardinalis , fundator istius domus : qui obiit Avenione anno Domini mccc xiii . die xxii . Augusti .* Eodem sæculo jus Canonicum Parisiis ingenti cum laude professus est *Henricus Boich*, Brito è Diœcesi Leonensi , ut ipsemet testatur in principio Commentariorum suorum . Scripsit Commentarios in *quinque libros Decretalium*, quos se in Scholis Parisiensibus anno mccc xlix . perfecisse declarat . Denique , in Italia Sæculo XIV . quinque celeberrimi claruerunt Jurisconsulti, nimirum *Dinus*, *Joannes Anguissola*, *Joannes Lignanus*, *Bartolus de Saxoferrato*, & *Baldus de Ubaldis* . Primus , seu *Dinus* , *Mugellanus* cognomine, à *Mugello* agri Florentini oppido , Professorum juris Bononiensium , suo tempore præstantissimus fuit . Commentarios scripsit in *librum sextum Decretalium*, *Consilia*, ac plurima alia de jure Civili . E' vivis excessit Bononiæ anno mccc i i i . & apud Fratres Prædicatores sepultus est , ut scribit *Forsterus* . Alter , seu *Joannes Anguissola*, Cæsena in Flaminia natus , Patavii primum , deinde circa annum mccc . Bononiæ Jus Pontificium maxima cum laude interpretatus est . Ex ejus Scriptis vix aliud superest , quam liber de *Sponsalibus*, & *Matrimoniois*, quem *Joannes Andrea* , doctissimus Jurisconsultus , cujus antea

meminimus, sibi vendicaverat. Sed, furto comperto, hic liber suo vero ac legitimo Authori, seu *Joanni Anguissolæ* adjudicatus est. *Joannes Lignanus*, à *Lignano* agri *Mediolanensis* oppido oriundus, unde & cognomen sumpsit, iussu *Urbani V.* Pontificis Maximi scripsit circa annum *MCCCLXV.* Librum de *Pluralitate Beneficiorum*, cui & alios adjecit de *Permutatione*, de *Horis Canonicis*, de *Censura Ecclesiastica*, atque *Interdicto*, de *Duello*, de *Hæresibus*, & de *Repræfaliis*. Ejus in omnes *Decretales Commentaria Patavii* servantur in majoris templi *Bibliotheca*. *Bartolus de Saxoferrato* natus est anno *MCCCIII.* in *Umbriæ* Urbe, quæ olim *Sentinum*, nunc *Saxoferratū* dicitur, undè ipse hoc cognomen accepit. Vir fuit ingenio subtili & acuto, assiduus in studio legum, tantaque celebritate Jus Pisus, ac postea *Perusii* professus est, ut ad eum ob summam eruditionis & ingenii famam ac gloriam undequaque studiosorum turba conflueret, ipse verò, ob admirabilem legum peritiam, & consiliorum soliditatem, fuerit vulgò appellatus *Jurisconsultorum Princeps*, lumen ac stella: *Juris lucerna*, *speculum ac veritatis Pater*. Multa scripsit Opera, quæ *Jurisconsultis* notissima sunt, obiitque, ut alii volunt, anno *MCCCLV.* vel, ut censet *Lancelotus* in ejus Vita, anno *MCCCLIX.* Hujus *Bartoli de Saxoferrato* discipulus fuit *Baldus de Ubaldis*, *Perusii* natus, qui in sua Patria docuit summa cum laude & auditorum frequentia. Dein, à *Joanne Galeatico* Duce *Mediolanensi*, qui *Ticini*, seu *Papiæ*, *Academiam* erexerat, & *Scholas* studiis bonarum litterarum florescentes excitaverat, *Papiam* accersitu ut juvenes in *jurisprudencia* institueret, ibi pe  
mu

multos annos publicè jurisprudentiam professus est, & præter quinque Responsionum volumina, aliaque Opuscula, Commentarios scripsit, quibus totum fere Jus utrumque multùm Illustravit. Egregium etiam Commentarium scripsit pro asserendo *Urbani VI.* tempore Schismatis, Pontificatu anno MCCCCLXXVII. quem ex MS. vaticano edidit *Odoricus Raynaldus* ad calcem tomi XVII. Annalium Ecclesiasticorum. Allegantur etiam quædam alia ejusdem *Baldi* Opera nondùm prælo subjecta, veluti liber, quem *Peculium* inscripsit, & Tractatus de illustribus utriusque Juris Doctoribus, sive de Commemorationibus famosissimorum Doctorum in utroque Jure: & Opusculum, cui titulum fecit: *Practica Juris utriusque*. Hujus doctissimi Jurisconsulti laudes hoc Disticho celebravit quidam Poeta.

*Qui Baldum Juri negat accendisse lucernam,  
Ille potest medio Sole negare diem.*

De anno, quo obiit *Baldus*, inter Scriptores non convenit. Alii quippè dicunt, eum è vita migrasse die xxviii. mensis Aprilis anni mcccc. Alii volunt, eum mortuum esse anno mccccxxiii. Sunt etiam nonnulli, qui asserunt, *Baldum* Ordini Fratrum Minorum nomen dedisse, idque colligere sibi videntur ex ejus Sepulchri Epitaphio, quod *Ticini* in Templo Sancti *Francisci* legitur:

*Clauditur hic Baldus, Francisci tegmine fultus  
Doctorum Princeps, Perusina conditus arce.*

Verùm, ex hoc *Baldi* Epitaphio tantummodò colligitur, *Baldum* in Ecclesia Franciscanorum fuisse sepultum; vel, ut ait *Boissardus*, eum sepeliri voluisse amictum habitu S. *Francisci*, eò quòd putaret, id plurimum ad animæ salutem conducere,



posse. Quod sanè à multis aliis Viris, qui tamen Ordinem *S. Francisci* nunquàm professi sunt, pietatis ergò, eà ætate factitatum esse, certis documentis compertum habemus. Expungendus itaque est *Baldus* ex Scriptorum Ordinis Fratrum Minorum Catalogo, cui eum accenset *Lucas Wadinghus* in sua Bibliotheca Scriptorum Ordinis Minorum, ubi etiam recenset Opera ejusdem *Baldi*, quem falsò sibi persuasit fuisse Franciscanum.

D. Habeo nunc quamdam quasi imaginem celebriorum Scriptorum, qui Sæculis XIII. & XIV. floruerunt, quorum notitia mihi deinceps apprime utilis ac necessaria erit, ut facili negotio deprehendere possim, quandò quis Scriptor claruerit? quanam ab ipso Opera edita fuerint? quâ valuerit autoritate in Orbe litterario? nùm fabulosus, aut parùm accuratus audiat? nùm plagiarius fuerit, & cujus Scrinia compilaverit? Hunc etiam ex ea notitia fructum haud exiguum percipiam, ut nunquàm in nullius pretii Scriptoribus evoluendis oleum & operam perdam, atque si mihi aliquandò Bibliothecam instruere velim, in libris, vel manuscriptis Codicibus comparandis, & tempore, & nummis (quod multis sæpius contingere solet) fraudari non possim.

\* \*

\*

## COLLOQUIUM VI.

*De Doctrina Fidei, de Disciplina tam Ecclesiastica, quàm Monastica, & de Ethices Christianæ Doctrina, quæ Sæculis XIII. & XIV. in Ecclesia obtinuit.*

MAGI-  
STER.

**H**æreticos Calvinistas, & Lutheranos, qui Waldensium, & Albigensium errores suscitaverunt, non pudet asserere, *Innocentium III.* Pontificem Maximum, antiquam Ecclesiæ Doctrinam Sæculo XIII. immutasse, eumque in Concilio Lateranensi IV. celebrato anno MCCXV. duo monstrosa Confessionis Sacramentalis, & Transubstantiationis figmenta inter Articulos fidei reposuisse. *Calvinus*, post hominum memoriam impudentissimus Hæresiarcha, in suo Concilii Tridentini supra omne venenum pestifero antidoto ait, nullum per annos mille fuisse in Ecclesia Confessionis usum, donec, inquit, *Innocentius III.* cum pauculis cornutis bestiis laqueum hunc populo Christiano induxit, quem Tridentini Patres adstringunt. Hujus procacissimi hæresiarchæ vestigiis insistens *Joannes Dallaus*, Sæctæ Calvinianæ Pseudo-Minister, Catholicum dogma de Sacramentalis Confessionis usu ac necessitate omni conatu impugnavit quatuor libris anno MDCLXI. Genevæ editis, in quorum secundo probandum suscipit, novitiam esse apud Christianos Confessionis Sacramentalis, seu Auricularis, Di-

sciplinam, ejusq; Institutionem *Innocentio III.* Pontifici Romano acceptam referri debere. Idem effutiant heretici de Transubstantiationis Catholico dogmate, cujus paritèr Authorem faciunt *Innocentium III.* dictitantque, istud *Transubstantiationis* nomen esse in Ecclesia novum, insolens & peregrinum, in Scripturis non legi, non fuisse ab Apostolis vel Sanctis Patribus usurpatum, sed à Concilio Lateranensi IV. cui præfuit *Innocentius III.* post mille ducentos annos in Ecclesiam fuisse inductum. His putidis calumniis hæretici, nugarum mercatores & mendaciorum Architecti, Ecclesiam Romanam infamare satagunt, & quamvis sæpiùs doctissimis Ecclesiæ Catholicæ Scriptorum Polemicorum lucubrationibus, ita ad incitas fuerint redacti, ut nec hiscere, nec mustitare possent, nihiloscitiùs sic errori obfirmato animo adhærent illi insignis pervicaciæ homines, ut tot ac tantis argumentorum molibus non succumbant, tantis ponderibus non fatiscant, tantis malleis non conquassentur, tantis postremò fulminibus non conterantur, sed potiùs perfictâ fronte vitra fracta, rejectas quisquillas, & confutatas jamdudùm suas in Ecclesiam Romanam jactatas contumelias novam in scenam inducere, easque, crambis instar recoctæ, ad nauleam usque obtrudere non erubescant. Has igitur milliès elisas hæreticorum calumnias hic jure merito silentio prætermittere possem, maximè cùm necessitatis Confessionis Sacramentalis, & Transubstantiationis panis & vini in Corpus & Sanguinem Christi Catholica dogmata satis superque in nostris præcedentibus Colloquiis ex perpetuo Ecclesiæ ulu, ex constanti San-

ctq;



Æorum Patrum tam Græcorum, quam Latinorum traditione, & ex definitionibus Conciliorum adversus hæreticos probaverim, & à novis ac planè absurdis illorum commentis vindicaverim. Verùm, Cùm in hocce Colloquio de Doctrina Fidei, quæ Sæculis XIII. & XIV. obtinuit, dicturi simus, necesse omninò est, ut breviter ostendamus, *Innocentium III.* Pontificem Maximum, nihil omninò immutasse Sæculo decimo tertio in antiqua fidei doctrina circa Confessionis Sacramentalis necessitatem, & Transubstantiationem panis, & vini in Corpus, & Sanguinem Christi in Augustissimo Eucharistiæ Sacramento, adeoque explodendam esse hanc malè confarcatam fabulam, quam Pseudo-Ministri Calviniani, quasi de tripode Oracula pronunciantes, suis Sectariis etiamnùm plenis buccis, inflatisque tibiis venditare solent.

Et primò quidem *Innocentium III.* Summum Pontificem nihil innovasse Sæculo Ecclesiæ decimo tertio in doctrina de Confessione Sacramentali, unico, sed efficacissimo evincam ratiocinio, missis aliis, ut brevitati consulam, benè multis argumentis, quæ ex sacris litteris, ex perpetuo Ecclesiæ usu, cujus initii nulla memoria habetur, & ex Sanctis Patribus cùm Græcis, tùm Latinis depromunt Doctores Catholici Polemici. At enim negare haud possunt hæretici, vigere adhuc in Oriente apud Græcos Schismaticos Confessionis Sacramentalis usum, ut manifestò constat non solum ex Synodo Bethleemitica ann. MDCLXXII. sub *Dositheo* Hierosolymitano Patriarcha celebrata, quæ cap. 15. ita decernit: *Pœnitentiæ Sacramentum, in quo & secreta includitur confessio, tunc tradidit (Christus)*  
cùm

cùm dixit : quorum remiseritis peccata , remittuntur eis , quorum retinueritis , retenta sunt ; Sed etiam id apertè colligitur ex Orationibus , quas Græci Sacerdotes proferunt super peccatores pœnitentes , ut videre est in Euchologio Græcorum , quod doctissimis Notis illustratum edidit noster Goarus , Vir linguarum Orientalium peritissimus , & in Ritibus Græcorum versatissimus . In una ex his Orationibus hæc leguntur : *Ipse humane , & malorum tolerator Domine , exorare nunc quoque super servum tuum , & modum Pœnitentiæ , peccatorumque veniam illi concede ; condonans illi per me indignum famulum tuum omne delictum spontaneum pariter ac involuntarium . Tu enim dixisti , Domine , divinis & Sanctis Discipulis tuis & Apostolis : Accipite Spiritum Sanctum , quorum remiseritis peccata , remittuntur eis , & quorum retinueritis , retenta sunt . Et , quæcumque ligaveritis & solveritis super terram , erunt ligata & soluta in Cælis .* In alia Oratione sic Sacerdos loquitur : *Deus , qui propter nos homo effectus est , & totius mundi peccata tollit , ipse suavissima sua benignitate cuncta hæc suscipiat , quæ coràm indignitate mea enarraſti , Frater , condonans tibi omnia , & in præſenti sæculo pariter ac in futuro .* Et deinde in altera hæc pronunciat Sacerdos : *Ego absolvo te ab omnibus peccatis tuis , quæcumque coràm Deo & mea Indignitate confessus es .* Hunc Sacramentalis Confessionis usum vigere etiamnum apud Græcos Schismaticos , & apud omnes Orientales , probant noster jam citatus Goarus in Euchologio Græcorum , Joannes Morinus lib. vi. de Pœnitentia cap. 23. sed præsertim Eusebius Renaudotius , Vir clarissimus , & Linguarum Orientalium peritiâ apprime excul-

tus

tus , qui anno MDCCXIII. typis Parisiensibus edit Tomum quintum *de Perpetuitate Fidei* , in quo à pag. 257. usque ad pag. 292. invictè contra Hæreticos demonstrat, vigere adhuc Confessionis Sacramentalis usum apud Græcos , Nestorianos , Jacobitas , & alios Orientales Schismaticos, ibidèm que ostendit , quinam sit apud illos peccata confitendi modus , quæ forma absolutionis, quæ pœnitentia tùm Ecclesiasticis , tùm Laicis pro delictorum gravitate imponatur , quæ denique debeant esse internæ Pœnitentium dispositiones , ut juxtà Orientalium ritus percipiant à Sacerdotibus beneficium absolutionis . Negare itaque non possunt Hæretici , nisi in meridie cœcutire velint , Confessionis Sacramentalis usum vigere adhuc apud Græcos , & alios populos Orientales , qui ab Ecclesia Romana funesto Schismate sunt separati : Ex quo ipse peremptorium desumo argumentum, quo palàm evincitur, *Innocentium III.* non invexisse in Ecclesiam Sæculo decimo tertio Confessionis Sacramentalis usum , sicut blaterant Hæretici . Verùm enim verò, quis sibi persuadeat, Græcos, & Orientales Schismaticos adhuc retinere, & maximâ cum religione observare velle Confessionis Sacramentalis usum , si reverà ille usus , ut obstrepunt Hæretici , fuisset in Ecclesia Orientali à sæculis inauditus , & sæculo dumtaxat decimo tertio ab *Innocentio III.* Romano Pontifice esset inductus ? Quis, amabo, credat, Græcos Schismaticos, qui, ut in superioribus Colloquiis observavimus, post Schisma undecimo sæculo à *Michaële Cerulario* , Patriarcha Constantinopolitano, conflatum, multa exprobra-  
runt Ecclesiæ Romanæ , seu Latinæ , ut suum Schis-



ma aliquo quæsito colore obducere possent, nunquam tamen Latinis objecisse hunc Confessionis Sacramentalis usum, qui tamen, si Sæculo decimo tertio, ut garriunt Hæretici, ab *Innocentio III.* in Ecclesiam Latinam invehctus fuisset, non levem poterat eis occasionem suppeditare Latinos accusandi, illisque insultandi. Postremò, Græci Schismatici, dum Sæculo XIII. seu an. MCCLXXIV. in Concilio Lugdunensi II. pacem ac concordiam inierunt cum Ecclesia Latina, suas quidem proposuerunt controversias, quas cum Latinis habebant de Primatu Romani Pontificis, de Processione Spiritus Sancti, de additione particulæ *Filioque*, de Azymo, & Purgatorio, sed de Confessionis Sacramentalis usu ne ullum quidem verbum dixerunt. Quod quidem argumento est, Græcos pro comperto habuisse, hunc Confessionis Sacramentalis usum, non ab *Innocentio III.* Pontifice Romano recens fuisse in Ecclesiam invehctum, uti pertendunt Hæretici, sed illum potius ab ipsis Apostolorum temporibus in Ecclesia Orientali ab omnibus Patribus Græcis continuâ sæculorum serie probatum, & ad sua usque tempora constantèr esse retentum; Cujus Sanctissimi usus in Ecclesia Orientali observati ipsimet testes oculati erant, illumq; ad posteros suos transmiserunt, qui hodie inviolabiliter ei adhuc adhærent, etiamsi diro Schismate ab Ecclesia Romana sint divulsi. Hoc unicum, sed efficax argumentum jugulum Hæreticorum petit, & abundè sufficit ad exsufflandum inane illorum figmentum de Institutione Confessionis Sacramentalis factâ ab *Innocentio III.* in Concilio Lateranensi habito anno MCCXV.

Eodem itidem argumento evidentèr demonstratur, *Innocentium III.* non procudisse Sæc. XIII. dogma de Transubstantiatione panis & vini in Corpus, & Sanguinem Christi, sicut calumniantur Hæretici. Græci liquidem etiam post Schisma, quo *Michaël Cerularius* undecimo Sæculo Ecclesiam Græcam à Latina sejunxit, transubstantiationem panis & vini in Corpus & Sanguinem Christi variis vocibus, quibus *conversio, transmutatio, transelementatio* significatur, expresserunt; immò eam *μετεσώωσιν*, idest Transubstantiationē, disertè nominare non dubitarunt, nec etiamnū dubitant. *Theorianus*, Scriptor Græcus, qui Sæculo XII. sub *Manuele Comneno* Imperatore scribebat, sic mentem suam, eā de re aperit in Epistola ad Sacerdotes & Monachos, quam refert *Leo Allatinus* Exercitatione XXIII contra *Creygthonum*: *Divinus panis antequam consecratur, inquit, sive azymus sit, sive fermentatus, indifferenter panis est, & dicitur à Divina Scriptura, ut ostendemus: postquā verò consecratus est, nec azymus, nec fermentatus est, sed Domini Corpus & caro eadem ipsamet, nec alia pro alia. Una si quidem est & ipsa, quæ ex incorrupta virgine suscepta est, inque Patris dextera sedet, & à nobis Orthodoxis mysticè accipitur. Unde Mysterium dicitur, cū secretum, quod multi non percipiant. Si itaque divinum numen commutat proposita dona in Corpus, & Sanguinem Christi, frustra fuerit contendere, an id ex azymo vel fermentato fiat, aut albo, aut rubro vino, & ejusmodi stultas curiositates de tremendis mysteriis agitare. Quibus verbis *Theorianus* Transubstantiationis dogma apertè profitetur. Qui enim panem quemcumque consecratione sic mutari*

tari in carnem Christi credit, ut neque jam azy-  
mus sit, neque fermentatus, is profectò in ea  
opinione non est, substantiam panis post conse-  
crationem remanere, adeoque *Theorianus*, qui  
Sæculo XII. in Ecclesia Græca floruit, Catholicum  
dogma, quod Latini Transubstantiationis voca-  
bulo efferunt, hac in Epistola confessus est. Extant  
inter Acta Concilii Generalis Lugdunensis II.  
quod anno MCLXXIV. celebratum est, litteræ *Michaëlis Palæologi*, Græcorum Imperatoris, ad  
*Gregorium X.* Pontificem Maximum, in quibus in-  
ter alia Romanæ fidei capita, & hoc quoque Im-  
perator se admittere profitetur de pane non fer-  
mentato, videlicet *panem in ipso Sacramento verè  
transubstantiari in Corpus, & Vinum in Sanguinem  
Domini Jesu Christi.* Litteras etiam Synodicas *Jo-  
annis Becci*, seu *Vecci*, Patriarchæ Constantinopo-  
litani, & Synodi Orientalis post celebrationem  
Concilii Lugdunensis II. scriptas edidit *Odoricus  
Raynaldus* ad annum Christi MCLXXVI. in quibus  
perindè testificantur, se certâ fide credere, *Azy-  
mum panem* ( ut & fermentatum ) *verè transubstan-  
tiari in Corpus Domini nostri Jesu Christi, & vinum  
in Sanguinem ejus, per Sanctissimi Spiritus virtutem  
& operationem.* Jam verò, cùm hanc reconcilia-  
tionem Ecclesiæ Græcæ cum Latina à *Michaële Pa-  
læologo*, Græcorum Imperatore, in Concilio Oecu-  
menico Lugdunensi II., initam Græci Schismatici  
deinceps nullis non modis detestati sint, eâque  
de causâ Imperatorem istum, ac *Joannem Beccum*  
Patriarcham Constantinopolitanum, hujus unio-  
nis promotorem, acerbissimis quibusvis conviciis  
prosciderint, hodieque proscindere non desinant;



cùm adversùs varia Confessionis illius ad *Gregorium* X. Papam missæ , necnon Synodicarum *Becci* Patriarchæ Constantinopolitani Litterarum capita , ac in primis adversùs quatuor illa præcipua , quæ utriusque Ecclesiæ , Græcæ & Latinæ , præ cæteris obesse ajunt , videlicet Spiritum Sanctum , ex Patre Filioque procedere , animas Defunctorum , Purgatorio igne expiari , azymum panem legitimam esse Eucharistiæ materiam , Romanum Pontificem primatum in universa Ecclesiâ obtinere ; quin immò , adversùs peculiaria quæcumque , Latinæ Ecclesiæ placita ac ritus , virulento æstu deblateraverint Schismatici Græci , nihiloseciùs tantum abest , ut *Transubstantiationis* , Græcè *μετεσώσεως* , vocem exhorruerint , nedùm ipsummet fidei Catholicæ caput , quod eâ voce significatur , ut eâdem deinceps Schismatici lubentissimè usurpaverint . Ad cujus rei confirmationem duo hic proferam luculentissima Græcorum Schismaticorum testimonia , quorum primum est *Georgii Scholarii* , Patriarchæ Constantinopolitani , qui interfuit Concilio Generali Florentino . Hic quippè in Sermone in Parasceve Lazari , postquam asseruit , ejusmodi *μετεσώσω* , seu transubstantiationem , ita fieri , ut accidentia destructo subjecto remaneant , ostendit discrimen , quod intercedit inter Incarnationem & Eucharistiam his verbis , quæ refert , & Latinè reddidit doctissimus noster *Michaël Lequien* in suis Notis in caput xiiii. lib. iv. *S. Damasceni* de Fide Orthodoxa : *Illic enim* , seu in Incarnatione , inquit *Georgius Scholarius* , *neutrum in alterius naturam mutatum fuit , sed in Christi persona & divinitas & humanitas existunt* : hic  
verò ,

verò, seu in Eucharistia, *Creatura in Creatorem medio corpore transformatur, & quæ antea extabat substantia panis, Dei Corpus fit, ubi Christi Corpus efficitur.* Majus equidem, ob rationes, quas adduxi, omnibus, quæ patraverit Deus, miraculis est transubstantiatio (Græcè *μετεσώσις*,) panis in Corpus Dominicum, sed quæ impossibilis non censetur ab illo, cui perspecta potentia Dei fuerit. Alterum testimonium est Nectarii, nuperi Patriarchæ Hierosolymitani, qui, ut videre est apud nostrum Michaëlem Lequien loco mox laudato, librum contra Latinos composuit inscriptum, *de Principatu Papæ*, qui anno MDCLXXXII. Giasii in Moldavia editus est. In hoc siquidem libro Schismaticus ille Patriarcha pag. 205. narrat, hostiam quamdam, quæ nigrorem ex mucore contraxerat, cum in sacro disco acerræ imposita fuisset, insolito odore templum omne perfudisse. Tumque, juxta versionem P. Michaëlis Lequien, sic concludit: *Hoc miraculum factum esse opinor ad evidentissimam magni illius, & immensi Mysterii demonstrationem, nempe quod accidentia solummodò panis corrumpantur: substantia verò panis semel mutata, & invocatione Sancti Spiritus in veram Corporis Christi substantiam conversa, nullam prorsus sustineat corruptionem, sed incorrupta, permaneat, tanquam verum propriumq; Christi corpus.* Eamdem denique doctrinam de conversione substantiæ panis, & vini in substantiam Corporis & Sanguinis Christi omnes etiamnum profitentur Græci Schismatici, eamque mirabilem conversionem exprimunt hac *μετεσώσις*, voce, quæ apud Græcos, ut norunt omnes, idem sonat, quod *Transubstantiationis* vox significat apud Latinos.

Quæ

Quæ cum ita sint, vehementer mirari subit, quæ fronte Hæretici audeant asserere, *Innocentium III.* Pontificem Maximum, invexisse Sæculo XIII. dogma de Transubstantiatione, seu de conversione substantiæ panis & vini in Corpus & Sanguinem Christi, cum tamen ipsimet Græci Schismatici ante & post *Innocentium III.* ad hæc usque nostra tempora constanter propugnent, fieri in augustissimo Eucharistiæ Sacramento conversionem substantiæ panis & vini in Corpus & Sanguinem Christi, eamque conversionem efferant hac μετασίωσις voce, quæ idem apud Græcos pollet, ac apud Latinos *Transubstantiatio*. Credibile autem non est, Græcos Schismaticos, qui Ecclesiam Latinam acerrimè infectantur, voluisse à fide majorum suorum circa Eucharistiæ Sacramentum discedere, & amplecti dogma de Transubstantiatione, seu de conversione substantiæ panis & vini in Corpus & Sanguinem Christi, si reverà illud dogma, ut fingunt Hæretici, ab *Innocentio III.* Pontifice Maximo in Concilio Lateranensi IV. habito ann. MCCXV. in Ecclesiam fuisset inductum. Facessant ergo Hæretici, suasque crassiori filo consutas fabulas tandem aliquandò decantare desinant.

D. Fuitne semper in Ecclesia Græca, seu Orientali, usurpata hæc μετασίωσις vox, & in Ecclesia Romana, seu Latina, perpetuo usu consecratum istud *Transubstantiationis* nomen ad significandam conversionem, quæ fit in Eucharistiæ Sacramento, substantiæ panis & vini in Corpus & Sanguinem Christi?

M. Certum est, utramq; Ecclesiam tam Græcam, quàm Latinam non interruptâ serie à Christo



Domino ad hæc usque tempora semper credidisse, fieri in augustissimo Eucharistiæ Sacramento conversionem substantiæ panis & vini in Corpus & Sanguinem Christi, idemque dogma etiamnum, propterea non solum Ecclesiam Romanam, sed etiam omnes Orientales, tam Catholicos, quam Schismaticos, & Hæreticos, licet in aliis fidei capitibus à se invicem communione disjuncti sint, ut in Jacobitis, Eutychianis, Nestorianis, Moscovitis, & aliis, qui per Orientem sunt dispersi, videre est, quos eandem fidem de conversione substantiæ panis & vini in Corpus & Sanguinem Christi adhuc retinere, Sole clariùs demonstrat *Antonius Arnaldus* in suo Opere *De perpetuitate Fidei*. Cum igitur omnes totius Orbis Christiani Ecclesiæ in hoc fidei dogmate semper consenserint, & adhuc consentiant, ineptum omninò est, inquirere, utrùm antiquitus Græci ad significandam conversionem substantiæ panis & vini in Corpus & Sanguinem Christi usi sint hac voce *μεταίωσις*, & Latini hanc *Transubstantiationis* vocem ante Concilium Generale Lateranense IV. usurparint? Sufficit quippè, ut antiqui Patres Græci in Ecclesia Orientali, & antiqui Patres Latini in Ecclesia Romana conversionem substantiæ panis & vini in Corpus & Sanguinem Christi, quam nunc Græci per *μεταίωσις* vocem, & Latini per *Transubstantiationis* nomen significant, aliis æquipollentibus vocabulis tradiderint. Porro, inter antiquos Patres Græcos *Chrysostomus* conversionem panis & vini in Corpus & Sanguinem Christi nominat *μεταρρύθμισιν*, *Gregorius Nisænsis* *μετασχηματισμῶν*, *Cyrillus Hierosolymitanus* *μεταβολῶν*, & *Sanctus Damascenus* *μεταποίησιν*, quæ omnia

nia vocabula significant *Conversionem*, *Transmutationem*, *Transselementationem*, eandemque planè habent significationem, quâ pollent istæ voces *μετεσίωσις*, & *Transsubstantiatio*, quarum primâ nunc Græci, alterâ Latini ad exprimendam conversionem substantiæ panis & vini in Corpus & Sanguinem Christi, uti solent, ut videre est apud jam citatum doctissimum P. *Michaelem Lequien* in suis Notis in Cap. XIII. libri IV. S. Damasceni *De Orthodoxa Fide*. Esto itaque ad exprimendam conversionem panis & vini in Corpus & Sanguinem Christi non semper Græci hac *μετεσίωσις* voce usi fuerint, & Latini hoc *Transsubstantiationis* nomen, ante Concilium Generale Lateranense IV. sub *Innocentio III.* habitum non usurpaverint, inde tamen perperam inferunt hæretici, Transsubstantiationis dogma ab *Innocentio III.* fuisse Sæculo XIII. in Ecclesiam inductum. Nam licet antiqui Patres, cum Græci, tum Latini, hæc voces, quibus nunc utuntur Græci & Latini, non usurpaverint, alias tamen æquipollentes, & eandem planè significationem habentes ad exprimendam conversionem panis & vini in Corpus & Sanguinem Christi adhibuerunt. Alioquin, si quid roboris haberet istud hæreticorum argumentum, dicendum esset, antiquos Patres Græcos & Latinos, necnon Christianos trium priorum Ecclesiæ Sæculorum non credidisse, Verbum Divinum esse consubstantialiale æterno Patri, quia non usi sunt hac *ὁμοούσιος*, seu consubstantialis, voce, quæ solum in Concilio Nicæno I. celebrato anno cccxxv. contra Arianos fuit in Ecclesia consecrata, & in usu apud fideles. Dicendum quoque esset, antiquos Patres Græcos & Latinos, atque

omnes Christianos non credidisse ante hæresiar-  
cham *Nestorium*, *MARIAM* Virginem esse *Dei-*  
*param*, seu Matrem Dei, quia usi non sunt hac  
*θεοτόκος*, seu Matris Dei, voce, quæ tantum in  
Concilio Ephesino ad configendam Nestorii hære-  
sim anno ccccxxxi. indicto apud Christianos fre-  
quentari cœpit. Certè norunt omnes, qui in Hi-  
storia Ecclesiastica sunt versati, Ecclesiæ Catholicæ  
solemne semper fuisse novas hæreseon pestes novis  
nominibus refellere. Sic Patrem *Ingenitum* appel-  
lavit. Sic nomen *Hypostasis*, nomen *Incarnationis*,  
nomen ipsum *Trinitatis*, in sacris licet litteris non  
usurpatum adhibuit. Quorsum ergo ad veritatem  
sacrosanctæ Eucharistiæ à Christo Domino tradi-  
tam, ab Apostolis prædicatam, à Sanctis Patribus  
Græcis & Latinis perenni traditione propagatam  
clare exprimendam, & contra prophanas hæreti-  
corum novitates tutandam, non potuerunt Patres  
Concilio Generalis Lateranensis IV. ab *Innocen-*  
*tio III.* convocati hoc *Transubstantiationis* nomen,  
solemni Decreto adoptare, & in Ecclesia Catholi-  
ca consecrare? Addo etiam falsum esse, istud *Tran-*  
*substantiationis* nomen fuisse primum à Concilio  
Lateranensi IV. invecum, cum illius apertè memi-  
nerint *Stephanus Eduensis*, & *Petrus Blesensis*, qui  
Sæculo XII. vixere, quanquam tamen in usu fami-  
liari apud omnes non adhiberetur ante laudatum  
istud Concilium, quod prædictum nomen, ad inef-  
fabile illud mysterium explicandum perquam ap-  
positum, publico usu, ad obstruenda hæreticorum  
ora, consecratum in Ecclesia esse voluit.

D. Observasti in secundo Colloquio, *Joan-*  
*nem*, vulgò dictum *vigesimum secundum*, qui Sæ-  
culu



culo XIV. Romanum Pontificatum tenuit , hæreseos infimulari à nonnullis, qui asserunt, hunc Summum Pontificem non solum ex animo propugnasse veterem quorundam erroneam sententiam , quòd Sanctorum Animæ ad supremi diem usque iudicii Visione Dei Beatificâ non fruantur ; sed eam , ut dogma Fidei Ecclesiæ credendam proposuisse . Hunc Summum Pontificem ab hac calumnia hic vindicare debes , quò certissimè constet , Doctrinam Ecclesiæ Romanæ Sæculo decimo quarto puram ac illibatam perstitisse .

M. Certa suppetunt monumenta , quibus facile evincitur , *Joannem XXII.* Pontificem Maximum nullo unquam decreto approbasse , nedùm , toti Ecclesiæ credendam proposuisse veterem & erroneam illorum sententiam, qui censebant , procrastinandam esse visionem Dei beatificam, hoc est Sanctorum Animas Visione Dei ante supremi iudicii diem non fruituras . At enim non potest melius nobis innotescere, quænam fuerit mens & sententia *Joannis XXII.* circa statum animarum post mortem , quàm ex eodem Summo Pontifice , qui sæpiùs declaravit ac professus est , ea, quæ de dilatione beatitudinis Sanctorum usque ad diem iudicii nonnunquam prædicaverat , ac defendisse visus erat, à se fuisse prolata tantum ad veritatem indagandam, nec quidquam super hac re unquam definitum esse. Id primò disertè testatur *Joannes XXII.* in Epistola, quam anno MCCCXXXIII. scripsit ad *Philippum* Galliarum Regem , in qua hæc habet : *Propter hoc , ut veritas possit melius aperiri , Nos interdum in nostris sermonibus mentionem habuimus , non proferendo verbum de nostro capite, sed dicta Scriptu-*

*ra Sacra, & Sanctorum: multique tam Cardinales, quàm alii coram nobis, & alibi in suis sermonibus pro & contra, de ista materia sunt locuti, & neùm in sermonibus, immò publicè, Prælati, ac Magistris in Theologia præsentibus, est in Curia pluriès quæstio hujusmodi, ut sic plenius possit inveniri veritas, disputata. Idem scripsit Joannes XXII. in altera Epistola, quam anno sequenti, seu mcccxxxiv. direxit ad Galliarum Reginam. Ex quibus duabus Epistolis, quas Odoricus Raynaldus ad annum mcccxxxiii. & mcccxxxiv. refert, manifestò constat, Joan. XXII. permisisse dumtaxat, ut hæc quæstio de dilatione beatitudinis usque ad supremi judicii diem, quæ tum temporis decretorio Ecclesiæ judicio necdum eliquata erat, & in dogma fidei transierat, in utramque partem ventilaretur, ut ex publicis Theologorum disputationibus patesceret veritas. At, cum nonnulli malevoli & iniqui obtrectatores, quos inter erant Michael Casenas, Guillelmus Okamus, Bonagratia, Franciscani, & alii, qui Ludovici Bavari Imperatoris Schismatici partibus adhærebant, inde ansam & occasionem arriperent sinistros rumores spargendi contra Joannem XXII. eumque palàm calumniandi, quasi negaret Animas, quibus post hanc vitam nihil superest flammis piacularibus purgandum, potiri Visione Dei beatifica usque ad supremi judicii diem: tunc Joannes XXII. publicum Cardinalium Consistorium indixit die iii. mensis Januarii anni mcccxxxiv. in quo, Tabellionibus publicis etiam præsentibus, fidei suæ declarationem edidit his verbis: *Ne quis sinistrò interpretari possit, Nos sensisse aliquid, aut sentire, quod Sacra Scripturæ obviet, aut Fidei Orthodoxæ, dicimus & pro-**

protestamur expressè, quòd quidquid in questione, seu materia visionis animarum, videlicet an animæ à peccatis, & pœnis peccatorum purgatæ videant Divinam Essentiam illa visione, quam Apostolus appellat facialem; seu quacunque alia materia in sermonibus & collationibus nostris diximus, allegavimus, seu proposuimus, non intendentes aliquid determinare, vel decidere, seu credere, quod esset quovis modo Scripturæ sacræ obvium, vel contrarium Fidei Orthodoxæ, sed illud solùm tenere, & credere, quod & Scripturæ potest & poterat, & Catholicæ Fidei convenire; & si fortan in prædictis sermonibus, vel collationibus aliqua, squæ vel Scripturæ sacræ, seu Fidei Orthodoxæ quovis modo essent, vel viderentur obvia, ipsa præter intentionem à nobis fuisse prolata, dicimus & asserimus, eaque revocamus expressè, non intendentes illis adherere, nec ea in præsentì defendere, nec etiam in futurum. Quin, die III. mensis Decembris ejusdem anni MCCCXXXIV. Joannes XXII. lethali morbo correptus, ac propedièm moriturus, fidei suæ circa Visionem beatificam hoc reliquit testimonium, dicens: Fatemur, & credimus, quòd Animæ purgatæ, separatæ à corporibus, sunt in Cælo, & vident Deum ac Divinam Essentiam facie ad faciem. Utramque Fidei Joannis XXII. declarationem Benedictus, vulgò dictus XII. ejus in Sede Pontificia Successor, inseruit suo Diplomati dato Avenione an. MCCCXXXV. quod ex MS. Vaticano integrum refert Odoricus Raynaldus ad annum MCCCXXXIV. Præterea Joannis XXII. mentem ac sententiam, circa statum Animarum post mortem, perspectam, ac exploratam reddunt tria ejus Diplomata, quorum unum dedit pro Canonizatione S. Thomæ Aquinatis, alterum



pro Canonizatione S. *Ludovici* , Episcopi Tolofani , & tertium pro Canonizatione S. *Thomæ* , Herfordiensis Episcopi , in quibus protestatur Summus ille Pontifex, Sanctos illos cum Christo regnare in Cœlis , & Visione Dei beatificâ perfrui . His certissimis monumentis apertè falsi convincitur impostura Hæresiarchæ *Calvini* , qui libro IV. *Institutionum* cap.7. hæc impudenter scripsit: *Expungant*, inquit, è numero Pontificum oportet , *Joannem XXII.* qui palàm asseruit, animas esse mortales , unàque cum corporibus interire usque ad diem Resurrectionis . Atque ut videas totam Sedem cum præcipuis suis futuris tunc prorsus concidisse , nemo Cardinalium huic se tantæ insanie opposuit . Sed Schola Parisiensis Regem Galliæ compulit, ut ad palinodiam hominem cogeret . Rex ejus communionem suis interdixit , nisi mox resipisceret ; idque de more publicavit per præconem . Hac necessitate adactus ille, errorem abjuravit , & ad marginem ait: *Testis Joannes Gerson* , qui tunc vivebat . Hactenus petulantissimus ille Hæresiarcha , cujus quot verba , tot putida sunt mendacia . Primum mendacium est, dum ait, *Joannem XXII.* asseruisse Animas esse mortales , unàque cum corporibus interire usque ad diem Resurrectionis , cum tamen ex antiquis monumentis , & ex locupletissimis testimoniis probatæ fidei Scriptorum cœvorum certissimè constet, *Joannem XXII.* nunquam asseruisse, animas esse mortales , unàque cum corporibus interire usque ad diem Resurrectionis , sed illum dumtaxat, ut Doctorem privatum, plus æquo favisse sententiæ quorundam veterum Patrum , circa procrastinationem Visionis Dei usq; ad diem supremi judicii , quæ tamen sententia tum temporis,

is, ut jam observavimus, necdum solemnī Eccle-  
siæ iudicio erat proscripta, utpotè quæ confixa so-  
lūm fuerit in Concilio Generali Florentino habito  
anno mccccxxxix. quā tamen non obstante il-  
lius Concilii Oecumenici definitione, scelestissimus  
Hæresiarcha *Calvinus* eandem opinionem, ab Ec-  
clesia licet ut hæreticam damnatam, obstinato ani-  
mo propugnavit, sicut alibi ostendimus. Alterum  
mendacium profert *Calvinus*, dum affirmat, ne mi-  
nem fuisse, qui huic sententiæ se opposeret; cū-  
tamen Academia Parisiensis in Saltu Vincennarum  
congregata hanc sententiam de dilatione beatitu-  
dinis usque ad supremi iudicii diem damnaverit,  
suæque censuræ ad petitionem *Philippi Valesii* Gal-  
liarum Regis authenticum porrexerit Instrumen-  
tum, Magistrorum omnium subscriptione & sigil-  
lis munitum, quod integrum *Responsioni suæ ad my-  
sterium iniquitatis* inseruit noster *Joannes Coeffeteau*  
Massiliensis Episcopus, illudque *Egassius Bulaus* to-  
mo IV. *Historiæ Universitatis Parisiensis* ad annum  
mccccxxii. iterum retulit, ac Originale in mani-  
bus Fratrum Prædicatorum se Lutetiæ vidisse te-  
statur *Philippus Gammacheus*, Doctor Sorbonicus,  
in primam Secundæ, quæst. 4. cap. 2. Contra eam-  
dem sententiam de dilatione Beatitudinis usque ad  
supremi iudicii diem doctissimum scripsit Com-  
mentarium noster *Durandus à S. Porciano*, Episco-  
pus Meldensis, quod *Odoricus Raynaldus* ex Codice  
Vaticano descripsit, suisque Annalibus inseruit.  
Tertiò, mentitur *Calvinus*, dum scribit, quòd *Scho-  
la Parisiensis* Regem Galliæ compulit, ut ad palinodiam  
*Joannem XXII.* cogeret; cū potius Academia Pa-  
risiensis Doctores, jussu *Philippi Valesii*, Galliæ

Regis, in Saltu Vincennarum, ut mox diximus, congregati, istud de Joanne XXII. testimonium Regi perhibuerint, dicentes : *Multorum fide dignorum relatione audivimus, quòd quidquid in hac materia* ( scilicet de procrastinatione gloriæ Sanctorum usque ad diem judicii ) *Sua Sanctitas dixit : non asserendo, seu opinando protulit, sed solummodò recitando.* Quartò, à vero omninò abhorret, quod subjungit Calvinus, dicens : Rex ( seu Philippus Valesius, qui tunc in Galliis regnabat, ) *ejus, seu Joannis XXII. communionem suis interdixit, nisi mox resipisceret.* Hac necessitate adactus ille errorem abjuravit. Id, inquam, à veritate Historiæ omninò alienum est, tum quia apud nullum Scriptorem coævum legitur, Philippum Valesium, Galliarum Regem, communionem Joannis XXII. suis subditis interdixisse ; tum quia etiam, omnes ad unum Scriptores, si excipias Guillelmum Okamum, qui Ludovici Bavari Imperatoris Schismatici stipendiarius erat, testantur, Joannem XXII. nullum unquam errorem propugnasse aut abjurasse, eò quòd sententia de dilatione Visionis Dei usque ad supremi judicii diem, inquam Joannes XXII. ut Doctor privatus, inclinare visus est, nondùm ab Ecclesia esset damnata, nec ullo solemnì Decreto ab ea definitum, Animas corporibus exutas, ac plenè purgatas, in Cælum mox recipi, & intueri clarè ipsum Deum trinum & unum sicuti est. Quæ tandem veritas planè dilucidata, & totius Ecclesiæ judicio in Oecumenica Synodo Florentina sancita ac firmata est. Non me fugit, Petrum de Alliaco, Cameracensem Episcopum, & postea S.R.E. Cardinalem, in quadam Oratione, quam habuit coram Carolo VI. III. Idus Decembris anni



anni mccccvi. affirmasse, Regem *Philippum Val-*  
*em*, Academiæ Parisiensis judicio fretum, vehe-  
 mentissimas ad *Joannem XXII.* scripsisse litteras, in  
 quibus rogamus ipsi intentabat, ni suum revocaret  
 errorem. Sed nullus dubito, quin *Petrus de Al-*  
*liaco*, qui post annos dumtaxat septuaginta ab obi-  
 tu *Joannis XXII.* id dixisse fertur, deceptus sit, per-  
 peram videlicet applicando personæ *Joannis XXII.*  
 minas, quas *Philippus Valesius*, Galliarum Rex in-  
 ventararum Ministro Generali Fratrum Minorum, *Ge-*  
*raldo* dicto, qui sententiam de dilatione Visionis  
 Dei usque ad iudicii diem cum plurium offensione  
 publice Parisiis prædicaverat, cumque *Philippus*  
 Rex eâ de re per litteras ad *Joannem XXII.* directas  
 conquestus fuisset, rescripsit Summus ille Pontifex,  
 & sub juramento negavit, se præfatum Generalem  
 Minorum Parisios misisse, ut sententiam de pro-  
 crastinatione beatitudinis Sanctorum usque ad su-  
 premi iudicii diem in hac Civitate Parisiensi, si-  
 cut fama ferebat, prædicaret. Hanc Epistolam *Joan-*  
*nis XXII.* ad *Philippum*, Galliarum Regem, refert  
*Odoricus Raynaldus* ad annum mccccxxi i i. Præter-  
 quamquod, testimonium *Petri de Alliaco* asseren-  
 tis *Joannem XXII.* in errorem impegisse, facili ne-  
 gotio falsi convincitur locupletissimis testimoniis,  
 quæ mox laudavimus, ejusdem Pontificis *Joan-*  
*nis XXII.* ejusque successoris *Benedicti XII.* atque  
 Academiæ Parisiensis, quibus addi etiam possunt  
 testimonia nostri *Ptolomæi Lucensis* cap. 42. lib. 24.  
 Historiæ Ecclesiasticæ, sæpius ab *Odorico Raynaldo*  
 ex MS. Vaticano in Annalibus Ecclesiasticis lau-  
 data, & *Joannis Villani* cap. 19. lib. xi. Historiæ Itali-  
 cæ scriptæ. Qui Authores, cum *Joanni XXII.* coævi  
 fue-

fuerint, longè majorem, quàm *Petrus de Alliaco*  
 in rebus Historicis sui temporis fidem merentur.  
 Idem judicium ferendum esse censeo de *Joanne*  
*Gersonio*, Sacræ Facultatis Parisiensis Cancellario,  
 quem Hæresiarcha *Joannes Calvinus* omnium in  
*Joannem XXII.* mendaciorum suorum testem citat  
 in margine his verbis: *Testis Joannes Gerson, qui tunc*  
*vivebat*. Qua in re *Calvinus* non minùs ignorantiam,  
 quàm malitiam suam prodidit; ignorantiam  
 quidem, dum ait, *Joannem Gersonem* eodem tem-  
 pore vixisse, quo *Joannes XXII.* Ecclesiam regebat,  
 cùm tamen certum sit, *Joannem Gersonium* longè  
 post obitum *Joannis XXII.* natum esse. Mortuus  
 quippè est *Joannes XXII.* anno mcccxxxiv. ut testa-  
 tur *Joannes Villani* libro xi. *Historiæ* cap. 19. *Joan-*  
*nes* verò *Gersonius* natus est anno mccclxiii. ut  
 videre est apud *Trithemium* in libro *De Viris Illu-*  
*stribus*. Quî igitur, amabo, fieri potuit, ut *Joannes*  
*Gersonius* eodem tempore vixerit, quo *Joannes XXII.*  
 At hic Anachronismus, etsi gravissimus, posset *Cal-*  
*vino* condonari, nisi ibidem suam malitiam apertè  
 indicaret. Postquàm enim audacissimus ille Hæ-  
 resiarcha infrunito ore asseruit, *Joannem XXII.* ne-  
 gasse immortalitatem animæ, & *Philippum Vale-*  
*sium*, Galliarum Regem, communionem hujus Sum-  
 mi Pontificis suis subditis interdixisse, aliaque  
 non minus insulsa congeffit mendacia, citat ad  
 marginem *Ioannem Gersonium*, ut vadem ac testem  
 omnium mendaciorum, quæ in *Joannem XXII.* viru-  
 lento calamo scripsit, cùm tamen *Ioannes Gersonius*  
 nullibi dicat, *Ioannem XXII.* negasse immortalita-  
 tem animæ, & *Philippum Valesium* Galliarum Re-  
 gem interdixisse suis subditis communionem *Ioan-*  
niq̃

is XXII. Hoc unum dumtaxat, ut candidè fatear, asserit Joannes Gersonius, videlicet Joannem XXII. ut Doctorem privatum, propugnasse sententiam de dilatione Visionis Dei usque ad judicii diem, eamque sententiam à Theologis Parisiensibus fuisse damnatam. Sic enim in Sermonem de Festo Paschatis, illud explicans: *Hodie mecum eris in Paradiso*, effatur iste Academiae Parisiensis Cancellarius: *Propter quod insuper apparet falsitas doctrinae Papae Joannis XXII. quae damnata fuit cum sono buccinarum coram Rege Philippo avunculo tuo per Theologos Parisienses, de Visione beata, & credidit potius Theologis Parisiensibus, quàm Curia*. Hoc Joannis Gersonii testimonium hic referre necessarium esse duxi, ut inde facilè intelligeres, falsò Joannem Gersonium citari ab Hæresiarcha Calvino tanquam testem omnium mendaciorum, quæ ipse de industria suo in cerebro conficta in Joannem XXII. sacrilego ore, evomuit. Quamquam tamen, ut obiter dicam, nec ipsimet Joanni Gersonio fides adhibenda sit, non solum quia asserit, sententiam de procrastinatione Visionis Dei usque ad judicii diem fuisse à Theologis Parisiensibus damnatam cum sono buccinarum, quæ profectò circumstantia de censuræ Theologorum Parisiensium promulgatione facta cum sono buccinarum ab antiquioribus, & cœvis Scriptoribus omninò reticetur; sed etiam quia Gersonius innuere videtur, Joannem XXII. ex animo propugnasse sententiam de dilatione beatitudinis usque ad supremi judicii diem, cum potius ex antiquissimis Monumentis, quæ jam laudavimus, & ex disertis cœvorum, ac subindè Gersonio antiquiorum Scriptorum testimoniis haud ob-

scu-



scurè colligi possit , *Joannem XXII.* propendisse , dumtaxat in sententiam de dilatione beatitudinis usque ad judicii diem , eumque inquirendæ ac elucidandæ veritatis gratiâ , quæstionem hanc de Sanctarum Animarum beatifica Visione in utramque partem disceptari optasse , eam tamen auctoritate Pontificiâ nunquàm definiisse , cùm illius Pontificiæ definitionis nullum in hujus Summi Pontificis , seu dictis , seu factis , signum , aut levissimum reperiatur vestigium .

D. Quænam in Scholis Sæculis XIII. & XIV. Theologiam docendi obtinuit methodus , & quæ potissimum Disciplinæ , Artes , ac Scientiæ excultæ fuerunt ?

M. Quamvis Sæculis XIII. & XIV. studium juris Canonici & Civilis maximè viguerit , in professione tamen Theologiæ Scholasticæ omnis ferè litterarum dignitas consistebat , præsertim postquam *S. Thomas* , Doctor Angelicus , Theologiam Scholasticam egregiis Commentariis , ac Summâ suâ tripartitâ plurimum illustrasset , atque Philosophiam obsequio fidei mancipasset . Huic quippè Sanctissimo Præceptoris prima , ac penè una cura , fuit inquirere ac certò nosse , quid Scriptura , quid consensus omnium Sanctorum Patrum de quâque re doceret , ut , eo constituto tanquàm immoto fundamento , totam illi Theologiam adstrueret . Hinc *Doctōris communis* nomen assēcutus est , quia , Duce verbo Dei , fugit diverticula , & tritam Patrum calcavit viam , à qua ne latum quidem unguem permisit sibi discedere . Omnes Scientias obsequio fidei subjecit , & ex philosophia eas sententias delegit , quæ ad fidei mysteria explicanda & pro-

& propugnanda conducere possent; verbo dicam, sicut vitæ origo & finis est à corde, quod primum omnium incipit, & ultimum desinit vivere, ita S. *Thomæ Aquinati* scribenti, & docenti fides instar cordis fuit, ab una fide & traditione cœpit, & in fidem desit. Theologica è doctrina Patrum, & principiis fidei hausit, in opinionibus verò philosophicis deligendis, inter hinc indè probabilia, unius fidei defendendæ rationem ita habuit, ut merito Doctoris illius Angelici Scripta appellare possim Christianæ Religionis Armamentarium, & quæcunque docet, sint vel confectaria à fide deducta, vel præsidia fidei & ad illam apparatus. Si vellem ad hujus rei fidem faciendam, quæ suppetunt, hic proferre experimenta, decurrendæ mihi essent omnes Theologiæ partes, quia ubique eandem methodum servavit. Hanc S. *Thomæ* in pertractandis quæstionibus Theologicis methodum, quâ ad veritatis discussionem nulla aptior, ad Catholicam fidem defendendam solidior, ad mores probè informandos securior esse potest, qui Sæculis XIII. & XIV. secuti sunt Theologi, à veritatis tramite nunquam deviarunt. At, proh dolor! nonnulli fuerunt Sæculis XIII. & XIV. Theologi, qui diversam à Sancti *Thomæ* methodo viam ineuntes, & in Theologia Philosophos agentes, in varios errores proruperunt, quorum temeritatem, superbiam, insolentiamque repressit Academia Parisiensis, sicut ostendimus in Colloquio tertio. Extiterunt etiam alii Academia Parisiensis Theologi, qui Sæculis XIII. & XIV. affectarâ ingenii subtilioris famâ, inutilium, & metaphysicarum difficultatum Concertationibus Scholas impleverunt, nodisque in-

intricatissimis futilium quæstionum, quæ vix aliud quàm temporis jacturam, aut quod multò periculosius, nec minus frequens malum accidebat, pietatis fastidium afferebant. De hoc gravissimo, qui in Theologiam Scholasticam apud Theologos Parisienses irreperat, abusu, jure ac meritò conqueritur Joannes Gersonius, Facultatis Parisiensis Cancellarius, in Epistola, quam Brugis scripsit ad quemdam Prælatum, in qua, teste Egassio Bulæo tomo IV. *Historiæ Universitatis Parisiensis* hæc habet: Reverende Pater, sub vestra, & Magistrorum nostrorum correctione in Facultate Theologiæ videtur esse necessaria reformatio super sequentibus inter cætera. Primò, ne tractentur ita communiter doctrinæ inutiles sine fructu & soliditate, quoniam per eas, doctrinæ ad salutem necessariæ & utiles deferuntur, ne sciunt necessaria, quia supervacua didicerunt, inquit Seneca. Secundò, per eas non studentes seducuntur quia scilicet putant, illos principaliter esse Theologos qui talibus se dant, sprete Biblia, & Sacris Doctrinibus. Tertio, per eas (seu inutiles doctrinas) terminâ Sanctis Patribus usitati transmutantur contra illud Augustini: Nobis ad certam Regulam loqui fas est &c. Et non sequitur velocior scientiæ alicujus corruptio quam per hæc &c. Quartò, per eas Theologi ab aliis Facultatibus iridentur, nam ideò appellantur Phantastici, & dicuntur nihil scire de solida veritate, & Moralibus & Biblia. Quintò, per eas viæ eorum multiplices aperiuntur. Quia enim loquuntur, & fingunt sibi ad placitum terminos, quos alii Doctores & Magistri non intelligunt, nec intelligere curant, dicunt incredibilia & absurdissima, quæ ex suis absurdis fictionibus dicunt sequi. Sextò, per eas Ecclesia & F



*des neque intus, neque foris ædificantur. Constat, quòd dant potiùs occasiones credendi, quòd Deus non sit omnimodè simplex, aut unus. Septimò, per eas multi ex Theologis tam activè, quàm passivè scandalizantur, nam alii vocantur rudes ab aliis, & alii è contra Curiosi, & Phantastici: Tales nunc currunt propositiones ex talibus doctrinis: infinitæ sunt durationes in divinis secundùm prius & posterius quamvis æternæ: Spiritus Sanctus liberè, contradictoriè, contingenter producit ex parte principii &c. Hactenus Joannes Gersonius, qui doctrinas inutiles, quæ his temporibus in Scholas invectæ, germanæ Theologiæ faciem deturpabant, meritò improbat, monetque Theologos, ut abstineant à tractandis illis quæstionibus, quæ semper litigandi novam videntur subministrare materiam, easque solùm ventilent, quæ ad Scripturæ Sacræ, Historiæ Ecclesiasticæ, ac veræ Theologiæ notitiam conferre, aut fidelibus Christianæ pietatis semina instillare possunt. Hùc enim profectò præcipua Theologorum cura intendi deberet, ut proscriptis, & ab ipsis usque radicibus evulsis ex hominum animis falsis opinionibus, præsertim illis, quæ lascivienti hominum libidini indulgent, sanam Theologiam ex Sacris litteris, ex Sanctorum Patrum Operibus, atque ex Sacris Ecclesiæ sanctionibus haustam traderent discipulis, easque sæpius in Scholis necessarias disputationes, & exercitationes haberent, quæ intelligendi prudentiam acuunt, loquendi celeritatem incitant, artemque, edocent hæreticos feriendi, repellendi, & tanquam machinatione aliqua in omnem partem contorquendi. Quâ in re impensè laudo nostri temporis Theologos, qui, eximiâ instructi differendi faculta-*

te, benè multa, quæ antehàc aut conclusa, aut obscura erant, variis disputationibus tractata eruerunt, dilucidè exposuerunt, & ad altiorem sacram litterarum peritiam, ad meliorem Sanctorum Patrum doctrinam, quæstiones ad exercenda ingenia, ac diluenda contorta hæreticorum sophismata apprimè utiles providè atque sapienter adiecerunt.

D. Cùm non solùm doctrinam Ecclesiæ, sed etiam Leges & Constitutiones Ecclesiasticas, quibus sancitur Disciplina, callere debeat Clericus, ne quidquam faciat, quod Patrum possit esse regulis contrarium; magni mea interest, ut hinc Disciplina Ecclesiastica, quæ Sæculis XIII. & XIV. viguit, speciem & formam adumbres.

M. Priusquàm Singularia quædam attingam Disciplina Ecclesiastica Capita, non abs re erit generales præmittere Observationes, spectantes Disciplinam Ecclesiæ, quæ Sæculis XIII. & XIV. sancita fuit, atque executioni mandata. In primis, observare debes, pluralitatem Beneficiorum Sæculo decimo tertio multis Clericis placuisse, cumque abusum frequentibus Decretis & Canonibus Summorum Pontificum ac Conciliorum damnatum esse, sed cùm nihiloseciùs hæc pestis, præsertim in Galliis, latius grassaretur, *Guillelmum* Parisiensem Episcopum, per triennium, hoc est, ab anno MCCXXXV. usque ad annum MCCXXXVII hanc de Beneficiorum unitate aut pluralitate Controversiam jussisse à Theologis Academia Parisiensis disputari, an videlicet salvâ conscientiâ posset quis plura adire & habere Beneficia? Hanc quæstionem diuturno examine discusserunt Theolog

logi Parisienses, ac tandem plenius Theologorum Comitiis, quibus ex Familia Dominicana intererant tres, *Hugo à Sancto Charo*, Theologiæ Professor, ac postea S.R.E. Cardinalis, *Guerricus à Sancto Quintino*, & *Gaufridus*, quorum suffragiis decretum est, nullum posse, sine legitima causa, pluribus Beneficiis potiri, si ex uno Beneficio annuos redditus ad honestam vitæ sustentationem sufficientes perciperet. Id disertè testatur noster *Thomas Cantimpratanus*, qui tum temporis Parisiis versabatur, libro 1. *Apum* cap.xx. num.v. ubi hæc habet: *Volo, inquit, ut quicumque hæc legerit, sciat me anno ab Incarnatione Domini MCCXXXV III. fuisse Parisiis, ubi Venerabilis Guillelmus Parisiensis Episcopus, qui in Theologia rexerat, conventionem fecit omnium Magistrorum in Capitulo Fratrum Prædicatorum. Proposita ergo questione de pluralitate Beneficiorum, solerti, & valdè longa dissertatione probatum est, duo Beneficia, dummodò unum valeret quindecim libras Parisienses (quæ Summa tunc temporis in Galliis, ob monetæ penuriam ad honestum Clerici victum sufficiebat) teneri cum salute animæ non posse. Verùm, inter Scriptores Sæculi XIII. nullus, meâ quidem sententiâ, diligentius excussit, & clariùs atque securiùs hanc de unitate, vel pluralitate Beneficiorum Controversiam explanavit, quàm S. Thomas, Doctor Angelicus, Quodlibeto IX. Quæstione VII. Art. II. ubi primùm docet, quòd inter actiones de se indifferentes ad bonum & malum locum habere non possit plurium præbendarum, seu cumulatorum Beneficiorum possessio, cum hoc, quod est habere plures Præbendas, plurimas in se inordinationes contineat; utpotè quia, non est possibile aliquem in plu-*



ribus Ecclesiis deservire , in quibus est præbendatus , cum præbendæ videantur esse ordinatæ quasi quædam stipendia Deo ibidem ministrantium . Sequitur etiam diminutio Divini Cultus , dùm unus loco plurium instituitur . Sequitur etiam in aliquibus defraudatio voluntatum Testatorum, qui ad hoc bona Ecclesiis contulerunt , ut certus numerus Deo deservientium ibi esset . Sequitur etiam inæqualitas , dùm unus pluribus Beneficiis abundat , & alius nec unum habere potest .

Secundò , docet S. Thomas , Præbendarum , seu Beneficiorum pluralitatem esse in numero harum actionum, quæ absolutè consideratæ deformitatem, vel inordinationem quamdam important , quæ tamen, aliquibus circumstantiis advenientibus, bonæ efficiuntur; Sicut occidere hominem vel percutere , in se deformitatem quamdam importat ; Sed si addatur , occidere malefactorem propter justitiam , vel percutere delinquentem causa disciplinæ, non erit peccatum , sed virtuosum . In numero harum actionum videtur esse , habere plures præbendas. Quamvis enim aliquas inordinationes contineat , tamen aliæ circumstantiæ possunt supervenire , ita honestantes actum, quòd prædictæ inordinationes totalitè evacuentur ; ut puta si sit necessitas in pluribus Ecclesiis ejus obsequio , & possit plus servire Ecclesiæ , vel tantumdè , absens quàm alius præsens ; & si qua alia sunt ejusmodi . Et tunc istis conditionibus supervenientibus cum recta intentione non erit peccatum . . . . . Si verò aliquis , subdit Doctor ille Angelicus , hac intentione plura Beneficia habeat, ut sit ditior , ut lautius vivat , & ut facilius ad Episcopatum perveniat in aliqua Ecclesiarum, ubi est Præbendatus, non tolluntur prædictæ deformitates, sed augentur , quia cum tali intentione & unum Benefi-

cium

cium habere, quod nullam inordinationem importat, esset illicitum. Denique, concludit S. Thomas: sine quibus circumstantiis tutum non est plures habere Præbendas, quantumcùmque Dispensatio interveniat; eò quòd dispensatio humana non aufert ligamen Juris naturalis, sed solùm ligamen Juris positivi, quod per hominem statuitur, & per hominem dispensari potest. Ex qua S. Thomæ doctrinà manifestò colligitur, Beneficiorum pluralitatem, quæ his munita non, est circumstantiis ab illo Doctore Angelico assignatis, illicitam esse, meritòque damnatam Canone XIX. Concilii Lateranensis IV. sub Innocentio III. anno MCCXV. celebrati, quem Canonem postea Sæculo XIV. renovarunt Summi Pontifices Joannes XXII. in sua Decretali, quæ incipit, *Execrabilis &c.* & Urbanus V. in sua Constitutione, cujus initium, *Horribilis &c.* Refert etiam Odoricus Raynaldus ad annum MCCCXI. fuisse Ecclesiæ Gallicanæ Præsulem Anonymum, qui in Concilio Generali Viennensi contra Beneficiorum pluralitatem acriter invehitus est his verbis: *Hodiè, quod cum dolore referendum est, una persona, aliquandò minus idonea, quatuor vel quinque in diversis Ecclesiis obtinet Beneficia, idest, quinque vel quatuor dignitates, aliquando tres vel duas; Quin immò, quod non est minimum inconveniens vel absurdum, una persona, cui secundum statum suum una sufficeret Canonica vel Præbenda, decem vel duodecim in diversis Ecclesiis obtinet, & aliquandò plures, sicut vidi. Heu! aliquandò una persona tot obtinet dignitates, Personatus, vel Officia, quot ex eis posset quinquaginta vel sexaginta exercitatis & litteratis personis sufficientissimè provideri. Ex quo pernicioso abusu sequitur destructio Ec-*

*clesiarum, defectus servitiorum Ecclesiasticorum, enervatio & dissipatio studiorum, quæ modernis temporibus ubique terrarum depereunt, propter hoc quòd bonis Scholaribus exercitatum ingenium habentibus provideri non potest per Prælatos &c.*

Hanc generalem observationem de pluralitate Beneficiorum Sæculis XIII. & XIV. multis Summorum Pontificum & Conciliorum Decretis proscriptâ, altera excipiet observatio de Residentia, quæ Episcopis, Canonicis, & Curatis, omnibusque Beneficia curam animarum habentia obtinentibus fuit iisdem Sæculis XIII. & XIV. Sacris Ecclesiæ Canonibus imperata. Episcopi tamen à Residentia legitimè dispensati aliquandò censebantur, tum ob causam pietatis, quandò videlicet ad eunda erat Apostolica Sedes, ad reverentiæ, & obedientiæ significationem ei exhibendam, tum etiam ob causam necessitatis, nimirum quandò interesse debebant Conciliis Generalibus, vel adibant Concilia Provincialia, quæ Metropolitani singulis annis celebrare tenebantur, ut sanxit Concilium Generale Lateranense IV. sub Innocentio III. Summo Pontifice, Canone VI. ubi sic statutum est: *Sicut olim à Sanctis Patribus noscitur institutum, Metropolitani singulis annis cum suis Suffraganeis Provincialia non omittant Concilia celebrare. In quibus de corripiendis excessibus, & moribus reformandis, præsertim in Clero, diligentem habeant cum Dei timore tractatum &c.* Hanc Conciliorum Provincialium celebrationem, quæ sensim sine sensu Sæculo decimo quarto in desuetudinem abire cœperat, imperavit Gregorius XI. Pontifex Maximus, in Epistola ad Petrum Archiepiscopum Narbonen



bonensem, datâ anno MCCCLXXXIV. A' lege residen-  
di in suis Ecclesiis Beneficiarios studentes, eorum-  
que Professores dispensavit Sæculo XIII. *Hono-*  
*rius III. in Decretali super specula; De Magistris,*  
cujus hæc sunt verba: *Docentes verò in Theologica*  
*Facultate, dùm in Scholis docuerint, & studentes in*  
*ipsa, integrè per annos quinque percipiant, de licen-*  
*tia Sedis Apostolicæ, proventus Præbendarum, &*  
*Beneficiorum suorum, non obstante aliqua alia consue-*  
*tudine vel Statuto, cùm denario fraudari non debeant*  
*in Vineâ Domini operantes.* Istam *Honorii III. De-*  
*cretalem* Sæculo decimo quarto *Clemens V. anno*  
*MCCCVIII. Joannes XXII. anno MCCCXXXI. Clemens VI.*  
*ann. MCCCXLI. & MCCCXLVI. confirmarunt.*

Clericos Beneficiarios bonorum Ecclesiasti-  
corum dispensatores dumtaxat & Oeconomos, sed  
non dominos esse, sæpiùs declararunt Concilia Na-  
tionalia Sæculis XIII. & XIV. celebrata, quorum  
Canones in Colloquio IV. laudavimus. Eamdẽ  
doctrinam *S. Thomas*, qui Sæculo XIII. vixit, di-  
fertè tradit Secundâ Secundæ, Quæstione CLXXXV.  
Art. VII. ubi Episcopos bonorum Ecclesiastico-  
rum dispensatores & procuratores, non dominos  
esse docet his verbis: *Aliter est dicendum de propriis*  
*bonis, quæ Episcopi possidere possunt, & de bonis Ec-*  
*clesiasticis. Nam propriorum bonorum verum domi-*  
*nium habent. Undè ex ipsa rerum conditione non*  
*obligantur ut ea aliis conferant, sed possunt ea vel sibi*  
*retinere, vel etiam aliis pro libito elargiri. Possunt*  
*tamen in eorum dispensatione peccare, propter inor-*  
*dinationem affectus, per quam contingit quod vel sibi*  
*plura conferant, quàm oporteat, vel aliis etiam non*  
*subveniant, secundum quod requirit debitum charita-*

*tis . Non tamen tenentur ad restitutionem , quia hujusmodi res sunt eorum dominio deputatæ : Sed Ecclesiasticorum bonorum sunt dispensatores vel procuratores . . . . Sunt autem bona Ecclesiastica non solum in usus Pauperum , sed etiam ad Cultum Divinum & necessitates Ministrorum expendenda . . . . si aliquid sibi retinuerit Episcopus de his , quæ sunt pauperibus eroganda , vel etiam in usum Ministrorum , aut in Cultum Divinum expendenda , non est dubium quin contra fidem dispensationis agat , & mortalitèr peccet , & ad restitutionem teneatur .*

Clericos exactionibus , procurationibus , vectigalibus , pedagiis subdi passâ non est Ecclesia , XIII. & XIV. Sæculis , etiam ratione patrimonii & hæreditatis , nisi uxorati essent , vel mercaturam exercerent , & Censuris Ecclesiasticis eorum immunitatem defendit . Distinctè quoque prohibuit Ecclesia , ne Clerici Laicum Judicem sibi constituerent , aut ad Laicorum Tribunalia traherentur , ut videre est in multis Conciliorum Canonibus , quos in quarto Colloquio retulimus . Hanc Ecclesiarum , Clericorum , & bonorum Ecclesiasticorum immunitatem , egregiè , ut alibi observavimus , *Petrus Bertrandus* Æduensis Episcopus , & postea S. R. E. Cardinalis , Sæculo XIV. totius Ecclesiæ Gallicanæ nomine coram *Philippo Valesio* , Galliarum Rege , tuitus est contra *Petrum de Cugneriis* Regium Advocatum , pro Baronibus , & Sæcularibus Magistratibus perorantem , qui , licèt non diffiteretur , judicium de causis Clericorum ad Episcopos de jure spectare , aliquos tamen excipiebat casus , scilicèt primò crimen furti . Secundò , Clericorum conjugatorum delicta . Tertiò , si absque Tonsura

& veste Clericali essent in crimine deprehensi. Quartò, si de ipsorum conjugibus ageretur. Quintò, Clericos in terris Baronum à Ministris Ecclesiasticis capi non posse pertentedat. His exceptionibus Immunitatem & jurisdictionem Ecclesiasticam limitare ac elevare pro viribus studebat *Petrus de Cugneriis*, quem adeò nervosè confutavit laudatus *Petrus Bertrandus* Episcopus *Æduensis*, ut *Philippus Valesius*, Rex Christianissimus, libratis æquâ lance hinc indè momentis, Immunitatem & Jurisdictionem Ecclesiasticam sartam tectam in suo Regno conservari voluerit, & *Petrus de Cugneriis*, qui eam impugnare ac labefactare ausus fuerat, in vulgi fabulam abierit. Cæterùm, etsi Clerici Sæculis XIII. & XIV. ab exactionibus liberi essent, & Laicorum Judicum Tribunalibus exempti, interdum tamen Summi Pontifices, ob publicas Ecclesiæ necessitates, præsertim pro Expeditione Sacra, & ad bellum contra Hæreticos Albigeneses conficiendum, legem imposuerunt Clericis Decimas persolvendi Regibus ac Principibus Laicis ad certum tempus præfixum, ut constat ex multis exemplis, quæ referuntur à Scriptoribus horum temporum, & quæ, brevitatis ergò, silentio prætermitto. Permiserunt etiam Summi Pontifices Galliarum Regibus, ut flagitiosos Clericos propter crimina homicidii, mutilationis, aut alterius enormis facinoris, vel etiam super hujusmodi criminibus publicè diffamatos, in carceres suos detruderent, non ut jus aliquod in eos exercerent, sed Præsulibus traderent, ne in effrænatam licentiam impunitatis spe prorumperent isti Clerici gravissimorum criminum notâ inusti. Hoc privilegium



*Nicolaus IV.* Pontifex Maximus concessit *Philippo III.* Regi Christianissimo, anno MCCLXXXVIII. ut videre est apud *Odoricum Raynaldum* ad hunc annum num. xxxvii. Idem Privilegium *Joannes XXII.* anno MCCCXVII. indulgit *Philippo V.* Regi Christianissimo, sicut ad hunc annum num. xiii. refert citatus *Odoricus Raynalus*.

Deniquè, circa Disciplinam Ecclesiæ, quæ in administratione Sacramentorum Sæculis XIII. & XIV. frequentari solebat, generatim observare debes primò, viguisse adhuc Sæculo XIII. antiquum morem baptizandi per immersionem, sicut *S. Thomas*, qui eo Sæculo vixit, apertè testatur 3. Parte suæ Summæ Quæstione LXVI. Art. VII. ubi ait: *Quamvis tutius sit baptizare per modum immersionis, quia hoc habet communior usus.* Et in responsione ad secundum sibi propositum argumentum inquit: *Ad secundum dicendum, quòd in immersione expressius representatur figura sepulturæ Christi, & ideò hic modus baptizandi communior est & laudabilior.* Id etiam confirmat Articulo octavo ejusdem quænis, ubi docet, quod communiter observatur in Baptismo trina immersio, & ideò graviter peccaret aliter baptizans, quasi ritum Ecclesiæ non observans. Ast, sub finem Sæculi XIV. evanuit apud Latinos ritus baptizandi per immersionem, & obtinuit mos conferendi baptismum per effusionem, ut liquet ex omnibus Ritualibus, quæ à tempore Sæculi XIV. edita sunt, in quibus, omisà immersione, solius effusionis in baptismi administratione, modus præscribitur. Cur autem Ecclesia Latina hunc antiquum per immersionem baptizandi modum in alium Sæculo XIV. immutaverit, multiplex

plex ratio à Theologis afferri solet. Prima est, quia Ministri, ubi in Ecclesiis defuit Diaconorum copia, baptizandos, adultos præsertim, immergere vix potuerunt. Secunda, quia cum parvuli recens nati majorem constituerent baptizandorum numerum, periculum fuit, ne ex eorum immersione eorum valetudini aliqua labes inferretur. Tertia, quia Ecclesia tam ministrorum, quam suscipientium Baptismum pudori consulere voluit, cui quidem pudori, cum non ampliùs extarent Diaconissæ, quibus fœminas, quæ erant baptizandæ, immergendi cura olim incumberebat, difficili negotio consultum fuisset, si baptismus, fœminis præsertim, ut fiebat antiquitus, per immersionem fuisset collatum.

Præterea, circa administrationem Euchari-  
stix, quamvis Sæculo XIII. antiqua adhuc vigeret  
consuetudo communionem dandi sub utraque spe-  
cie, nihiloseciùs in quibusdam Ecclesiis commu-  
nio sub unica tantùm specie, scilicet panis, popu-  
lo porrigebatur. Hujus consuetudinis testis est  
locupletissimus S. Thomas, qui 3. Parte suæ Summæ  
Quæstione LXXX. Art. XII. hæc habet: *Ex parte au-  
tem sumentium requiritur summa reverentia, & cau-  
tela, ne aliquid accadat, quod vergat ad injuriam tan-  
ti Mysteriorum; quod præcipuè posset accidere in sanguinis  
sumptione, qui quidem si incautè sumeretur, de facili  
posset effundi: & quia crevit multitudo populi Chri-  
stiani, in qua continentur senes & juvenes & parvu-  
li, quorum quidam non sunt tantæ discretionis, ut  
cautelam debitam circa usum hujus Sacramenti adhi-  
beant, ideò providè in quibusdam Ecclesiis observa-  
tur, ut populo sanguis sumendus non detur, sed solum*  
à Sa-

à Sacerdote sumatur . Contendunt multi Viri eruditi post doctissimum P. Joannem Morinum , Congregationis Oratorii Presbyterum , in libro de *Pœnitentia* , formam absolutionis , quam Sacerdotes in tribunali Pœnitentiæ adhibebant , fuisse in Ecclesia Latina ad duodecimum usque sæculum , dumtaxat *deprecativam* , quali etiamnum Græci utuntur in Sacramento Pœnitentiæ , sed non fuisse *indicativam* , seu his verbis conceptam : *Ego absolvo te à peccatis tuis* . At , ut ut sit de hac Patris Morini , & aliorum Theologorum sententiâ , quam hic discutere animus non est , certum est , Sæculo XIII. formam Sacramentalis Absolutionis in Ecclesia Latina non fuisse *deprecativam* , qualis est apud Græcos , sed *indicativam* , sicut nunc usurpatur in Ecclesia Latina . Hujus rei testem omni exceptione majorem proferam S. Thomam , qui in Opusculo XXI. cap. II. impugnans aliquem Scriptorem , qui Sæculo XIII. multa antiquorum Authorum laudabat testimonia pro sola deprecativa absolutionis forma in Sacramento Pœnitentiæ adhibendâ , sic respondet Doctor ille Angelicus ; *Nunquid etiam si nunc viverent ( idest illi Authores citati ab illo Scriptore , quem refellit ) præjudicare possent communi sententiæ Magistrorum Parisiis regentium , qui contrarium sentiunt , decernentes absque his verbis : Ego te absolvo , absolutionem non esse per solam deprecativam orationem* . Prætermittere hic non possum observationem , quam mihi suppeditat idem S. Thomas circa Jejunium Quadragesimale , quod ad duodecimum usque sæculum in Ecclesia Latina vespere tantum solvebatur , sed ineunte Sæculo XIII. mox ille antiquus mutatus est , & horâ nonâ



nonâ solvi cœptum etiam in Quadragesima jejuni-  
 um, sicut testatur Doctor Angelicus Secundâ Se-  
 cundæ Quæstione XLVII. Art. VII. in quo inquit,  
*utrum hora nona convenienter taxetur ad comeden-*  
*dum his, qui jejunant?* At jejunium etiam tempore  
 Quadragesimæ, quod, teste S. Thoma, Sæculo XIII.  
 solvi dumtaxat poterat horâ nonâ, tandem cadente  
 Sæculo XIV. hominibus majorem ad relaxatio-  
 nem pronis, ad meridiem solvi cœpit, & ad jeju-  
 nium quadragesimale satis superque sufficere ui-  
 sum est, si Officio vespertino circa meridiem per-  
 soluto pranderetur, Ecclesiâ infirmitati hominum  
 indulgente, ut cænæ mutarentur in prandia meri-  
 diana, modò, quæ jejunio essentialis est, refectio-  
 nis unitas servaretur, nec meridie pransi vespere  
 cœnarent. Hinc meritò inferas Cœnulam seroti-  
 nam, quæ *Collatio* vulgò vocari solet, fitque nunc  
 tempore Quadragesimalis Jejunii, ex hominum  
 relaxatione ortum habuisse, eique nec Sanctos Pa-  
 tres, nec Conciliorum Canones suffragari, nec Ec-  
 clesiam latâ lege consensisse unquam, quamvis eam  
 toleret.

D. Placent mihi admodum generales istæ,  
 quas hætenus in Disciplinam Ecclesiasticam Sæcu-  
 lorum XIII. & XIV. præmisisti Observationes. Nunc  
 particulatim per censere debes præcipua Disciplina  
 Ecclesiasticæ capita, quæ spectant Jura & Offi-  
 cia Metropolitanorum, Electiones, & jurisdic-  
 tionem Episcoporum, Ordinationes Clericorum, eo-  
 rumque ad Ecclesiastica Beneficia promotiones.

Hæc erant Sæculis XIII. & XIV. Jura & Officia  
 Metropolitanorum. Primò, absolvere poterant  
 eos, qui excommunicati fuerant à suis Suffraganeis,

vel eorum Officialibus , si à sententiâ latâ ad eorum tribunal appellatum esset , illos tamen absolvere non poterant , qui ab Archidiaconis , aut aliis Subditis Suffraganeorum suorum erant excommunicati , quia horum Judices non censebantur , sed Episcopi , seu Metropolitanorum Suffraganei , ut constat ex capite *Venerabilibus* : in Sexto ; Titulo *De Sententia Excommunicationis* . Secundò , Metropolitanì supplere poterant Suffraganeorum Episcoporum defectum ac negligentiam in Collationibus , Institutionibus , Electionibus , & Confirmationibus Beneficiorum Ecclesiasticorum , ut habetur in Capite *Licet* , lib. 1. Decretalium , tit. 10. *De supplenda negligentia Prælatorum* , quod est *Innocentii III.* Poterant etiam Metropolitanì , si vacante aliquo Episcopatu , Capitulum administrationem spiritualem aut temporalem Dioeceseos negligeret , instituere , & delegare ad illam Cathedralem Ecclesiam vacantem aliquem Visitatorem aut Administratorem , sicut decrevit *Bonifacius VIII.* Pontifex Maximus , in Sexto , cap. *Ecclesiæ* , tit. *De supplenda negligentia Prælatorum* . Tertiò , Metropolitanì Provincias suas visitare tenebantur , quæ correctione indigebant , pastoralì sollicitudine emendare , & Synodos Provinciales convocare , ut adhuc vigentia sedulò tenerentur , retinerentur collabentia , prorsùs collapsa renovarentur , & sacri ad instaurandam Ecclesiæ Disciplinam sanciti Canones , quos Summus Pontifex *S. Leo Magnus* Epistolâ 84. ait , *Spiritu Dei conditos , ac totius Orbis reverentia esse consecratos* , executioni mandarentur , sicque radicitus evellerentur pravæ quædam inolitæ consuetudines ac corruptelæ , quas Episcopi di-

vinâ ad regendam Ecclesiam auctoritate præditi , & in quorum firmitate unum est collabentis Ecclesiasticæ Disciplinæ præsidium , tolerare sine piaculo non possunt , sed invalescentibus abusibus vehementiùs reluctari , & ad Disciplinam Ecclesiasticam instaurandam diligenti curâ , studio & contentione incumbere debent , quantum tamen patitur Christiana prudentia , quæ interdum nonnullas labe , majoris mali vitandi causâ , nonnunquam tolerari præcipit . Denique , Metropolitanis Jus assertum erat confirmandi Electiones Episcoporum , non secus ac Metropolitanorum electiones confirmandi jus ad Romanum Pontificem spectabat .

Episcopi ab Ecclesiarum vacantium Capitulis Sæculis XIII. & XIV. eligebantur , nec in eas electiones sese Principes Laici ingerere poterant , aut si in his suam aliquandò interponerent auctoritatem , tunc hujusmodi Electiones nullæ ac irritæ censeri debebant , sicut statutum est in Concilio Generali Lateranensi IV. Canone xxv. his verbis : *Si quis electioni de se factæ per sæcularis potestatis abusus consentire præsumpserit contra Canonicam libertatem ; & electionis commodo careat , & ineligibilis fiat , nec absque dispensatione possit ad aliquam eligi dignitatem . Qui verò electionem hujusmodi , quam ipso jure irritam censemus , præsumpserint celebrare , ab Officiis & Beneficiis penitus per triennium suspendantur , eligendi tunc potestate privati .* Hanc sacram Electionum libertatem S. Ludovicus , Galliarum Rex , Pragmaticâ Sanctione , quam promulgavit ann. MCCLXVII. asseruit his verbis , quæ habentur Articulo secundo : *Ecclesiæ Cathedrales , inquit , &*

*aliæ*



*aliæ Regni nostri, liberas electiones, & earum effectum integralitèr habeant. Et Art. 4. Item promotiones, collationes, provisiones & dispositiones Prælaturarum, dignitatum, & aliorum quorumcumque beneficiorum, & Officiorum Ecclesiasticorum Regni nostri, secundum dispositionem, ordinationem & determinationem juris communis, Sacrorum Conciliorum Ecclesiæ Dei, atque Institutorum Sanctorum antiquorum Patrum, fieri volumus & ordinamus. Hujus Pragmaticæ Sanctionis à S. Ludovico Galliarum Rege editæ si pleniorẽ notitiã habere desideres, legis Francisci Pinssonii, Biturici, Parisiensis Advocati, eruditam lucubrationem, quã illam historicã Præfatione, & luculento Commentario illustravit. Translationes Episcoporum, solius Sedis Apostolicæ auctoritate, & ob Ecclesiæ commodum Sæculis XIII. & XIV. fieri poterant, ut docet Innocentius III. Cap. Cum ex illo: De Translatione Episcopi. At avaritiã levitatemque Sacerdotum, qui pravã cupiditate ex alia in aliam volebant transfundere Ecclesiã, gravissimis Decretis coercuit Ecclesiã, quia naturali lege prohibitum est, ut docet S. Thomas Quodlibeto 9. art. 15. ne quis in ministerio capeſſendo aliud quam Ecclesiæ utilitatem, & Christi gloriam intueatur: Non sua quærentes, sed quæ Jesu Christi, inquit Apostolus, quã voce omnem omninò à Sacri Ministerii suscipiendi proposito terreni commodi consecrationem removet. Quòd si Ecclesiæ munera privatæ utilitatis gratiã suscipere non liceat, nihilò magis licitum censerì debet propter aliquod commodum jam suscepta non instabili modò, sed sordido ac servili animo dimittere, & ad alia transvolare, quia pinguiora sunt.*

sunt. Episcoporum cessiones sine causis Canonici-  
cis, & citrà Romani Pontificis auctoritatem Sæ-  
culis XIII. & XIV. fieri non poterant. Sex autem  
causas cedendi Episcopatu *Innocentius III.* Pontifex  
Maximus recenset Cap. *Nisi: De renunciatione*, cu-  
jus hæc sunt verba: *Intueri te volumus, quod hæc  
sunt illa, per quæ cedendi Episcopus licentiam potest  
postulare: conscientia criminis, debilitas corporis, de-  
fectus scientiæ, malitia plebis, grave scandalum, ir-  
regularitasque personæ, sed in his omnibus est obser-  
vanda cautela.* Porro, Episcopi, qui semel ceden-  
di facultatem à Romano Pontifice postulaverant,  
ad cedendum postea compelli debebant, si fortè,  
eâ obtentâ, Episcopatum retinerent, sicut statuit  
idem Summus Pontifex his verbis: *Quidam cedendi  
licentiam cum instantia postulantes, ea obtenta, cede-  
re prætermittunt. Sed cum in postulatione hujusmodi,  
aut Ecclesiarum commoda quibus præsumt, aut salutem  
videantur propriam attendisse (quorum neutrum sua-  
sionibus aliquorum quærentium quæ sua sunt, seu etiam  
levitate qualibet volumus impediri) eos ad cedendum  
decernimus compellendos.* Episcopi, qui vel senio  
confecti, vel frequentibus, & quasi perpetuis in-  
firmitatibus confictati, aut aliis gravissimis cau-  
sis impediti, pastoralis munere fungi haud pote-  
rant, sibi laborum socium, seu Coadiutorem, ac-  
cedente tamen Sedis Apostolicæ consensu, adscisce-  
bant, sicut decretum est ab *Innocentio III.* Cap. *Ex  
parte: De Clerico ægrotante*, his verbis: *cum Arau-  
siensis Episcopus gravi, & incurabili morbo ferè per  
quadriennium laboraverit, ita quòd Pastorale Offi-  
cium non potest ullatenus exercere; Princeps terræ il-  
lius, ac cives civitatis ejusdem à te postulant incessan-*  
Tom.V. Kk ter,

ter, ut ipsis (cum sis Metropolitanus eorum) studeas providere. Verum, cum ipsum ad cessionem compellere non possis, nec debeas ullo modo, nec afflicto afflictio sit addenda, sed potius miseriæ miserendum, eò quòd idem vir bonus extiterit, & Ecclesiam salubriter sibi commissam gubernaverit: Nos volentes tam Episcopo, quàm Ecclesiæ providere, mandamus quatenus illi Coadiutorem associes virum providum & honestum, per quem tam Episcopo, quàm populo utiliter consulatur. Hoc Innocentii III. Decretum de Coadiutoribus concedendis Episcopis, qui senio aut valetudine, corporali gravati, vel etiam aliàs impediti perpetuò, ut Officium suum nequeant exercere, confirmavit Bonifacius VIII. in Decretali, *Pastoralis*, in *Sexto*. Summa erat Episcoporum jurisdictio in causis Clericorum tam civilibus, quàm criminalibus. Clericos absque titulo Beneficii aut Patrimonii sæculis XIII. & XIV. ordinare Sacri Canones Episcopis prohibebant, & si quis Episcopus aliquem sine certo Titulo, de quo necessaria vitæ percipere posset, in Diaconum vel Presbyterum ordinasset, tamdiù ei necessaria ad honestam vitæ sustentationem suppeditare obstringebatur, donec in aliqua Ecclesia ei convenientia stipendia Militiæ Christianæ fuissent assignata, nisi talis ordinatus de sua vel paterna hæreditate subsidium vitæ posset habere. Clericis Beneficia Ecclesiastica conferebant Episcopi, modò tamen idonei essent scientiâ, moribus & ætate; nam pueros ad Beneficia Ecclesiastica promovere nefas erat, ut colligitur ex Epistola Innocentii III. quæ extat libro xv. & est ordine ccxxxv. in qua inter alias causas, propter quas Episcopi Melitani depositionem decernit,

hanc



hanc assignat , quòd prædictus Episcopus nepotibus suis vagientibus in cunabulis , licèt ad plus vix valentibus balbutire , majores Præbendas tribuit , & Beneficia meliora : portantibus aliis pondus diei & æstus , & istis , ubi non seminaverunt , metentibus plena manu . Præbendæ Cathedralium Ecclesiarum interdum à solis Episcopis , quandòque à solis Capitulis , nonnunquam ab utrisque conjunctim , secundum varios Ecclesiarum mores conferebantur ; suoque etiam jure Patroni Laici Clericos ad Beneficia præsentandi fruebantur . Indignis conferri Beneficia vetabant Canones , eaque dignioribus esse conferenda propugnabant Sæculi XIII. Doctores , quos inter censetur S. Thomas , Doctor Angelicus , qui Quodlibeto v. Quæstione vi. Art. iii. hæc docet : *contingit quandòque , inquit , aliquem esse meliorem simpliciter , qui tamen non est melior quantum ad hoc quod Beneficium percipiat : quia aliquis fortè potest Ecclesiam magis juvare , vel per consilium sapientiæ , vel quia servivit in Ecclesia . Non ergò Episcopus tenetur dare meliori simpliciter , sed tenetur dare meliori quoad hoc . Non enim potest esse quod unum præferat alteri , nisi propter aliquam causam . Quæ si quidem pertineat ad honorem Dei , & utilitatem Ecclesiæ , jam quantum ad hoc iste est melior : Si autem illa causa ad hoc non pertineat , erit acceptio personarum , quæ tantò est gravior , quantum in rebus divinis committitur . Unde super illud Jacobi Cap. i. Tu sede hic benè &c. dicit Glossa Augustini : Si hanc distantiam sedendi , & standi ad honores Ecclesiasticos referamus , non est putandū leve esse peccatum in acceptione personarum habere fidem Domini gloriæ . Quis enim ferat eligi divitem ad Sedem honoris Eccle-*

*sia, contempto paupere sanctiore & instructiore.* Hanc Doctrinam sæpius in suis Operibus inculcat S. *Thomas*, præsertim, Secundâ Secundæ, Quæst. LXIII. Art. II. & Quodlibeto VIII. Quæst. IV. Art. I. Quid ergò, ut obiter dicam, sentiisset Doctor ille Angelicus de his laxioris doctrinæ Theologis, qui non solum asserebant, in collatione Beneficiorum minus dignos sine peccato præponi posse dignioribus, sed etiam docebant, licitum esse muneribus ac donis merè liberalibus allicere animum Episcopi ad impetrandum ab ipso Beneficium, vel ad assequendum aliquod Beneficium offerre, & dare pecuniam tanquam motivum, non tanquam pretium. Nullus dubito, quin has & similes opiniones ab avita Ecclesiæ Disciplina penitus abhorrentes, & viam ad Beneficiorum nundinationem exercendam aperientes totis ingenii sui viribus confutasset, ac proscripisset Doctor Angelicus, sicut eas nostris temporibus Romani Pontifices, omnesque totius Orbis Christiani Episcopi censuris iniustas diris devoverunt. Sed redeamus ad Ecclesiæ Disciplinam, quæ licet Sæculis XIII. & XIV. sæpius Sacris Conciliorum Canonibus sancita ac restaurata fuerit, tamen Sæculo XIV. præsertim tempore Schismatis, gravissimam labem in Gallia, quæ *Clementem VII.* Avenione sedentem pro legitimo Pontifice agnoscebat, in collationibus Beneficiorum contraxit. Tunc enim per collationes titulo *Commendæ* factas Archiepiscopatum, Episcopatum & Abbatiarum tam Regularium, quam Sæcularium, per Reservationum, Gratiarum expectativarum, & Pensionum accumulationem, latissimum ad Polygamiam spirituales, seu Beneficiorum pluralitatem, ostium apertum est.

D. Monasticam, seu Regularem Disciplinam Sæculis XIII. & XIV. restauratam fuisse, ac magnum indè suscepisse incrementum, ex eo præsertim conjecturam facio, quòd multiplices in utroque sæculo emerferint Religiosorum Ordines, qui doctrinâ & sanctitate Ecclesiam plurimùm illustrarunt, & etiamnùm præclaris meritis, atque Apostolicis laboribus illustrare pergunt. De his itaque Religiosis Ordinibus, de eorum in Ecclesiam promeritis, & de Regulari Disciplina in illis præscriptâ singillatim disserere debemus, ut Originem, ac Disciplinam illorum Ordinum, quibus Ecclesia, sicut *Regina circumamicta varietatibus*, exornatur, exploratam habere possim.

M. Incipiam ab Institutione Sacri Ordinis Fratrum Prædicatorum, quem tamen, ne quis existimet, me nimio assentandi palpandique studio, à quo semper vehementer abhorruì, hìc laudandum suscepisse; benè multa consultò reticebo quæ hunc præclarum Ordinem de Ecclesia optimè meritum commendare possent. Prætermittam Sanctissimos Pontifices, doctissimos Cardinales, innumeros Archiepiscopos & Episcopos doctrinâ & pietate insignes, quos hic celeberrimus Ordo Ecclesiæ dedit. Missa faciam Elogia, quibus Romani Pontifices hunc Ordinem, ac plures ex ejus alumniis Sanctorum Fastis solemni Ecclesiæ ritu adscriptos sæpiùs laudarunt, ac prædicarunt. Nihil dicam de peritiâ Theologorum ejusdem Ordinis, de tot libris, quos ediderunt de rebus Theologicis, & de illorum in iisdem tractandis eloquentiâ, solidâ eruditione, linguarum, maximè Græcæ & Hebraicæ, notitiâ. Nec referam librorum spiri-



tualium, quos lucubrarunt, copiam ac præstantiam, nec illustres Commentarios, quos in Sacram Scripturam adornarunt, nec Summas Morales, in quibus uberrimam sanioris Theologiæ Moralis doctrinam ex limpidissimis Sanctorum, Patrum fontibus, & ex Sacris Conciliorum Canonibus haustam tradiderunt. De Imperatorum, Regum, Principum ac Magnatum Confessariis, egregiisque Concionatoribus, quos protulit hic clarissimus Ordo, in præsentia silebo. Denique, alteri Scriptori, seu nostro erudito *Jacobo Echar-do*, qui propediem *Bibliothecam Scriptorum Ordinis Fratrum Prædicatorum* in lucem emissurus est, prædicanda relinquo singularia Fratrum Prædicatorum in Summos Pontifices, in Ecclesiam Catholicam, & in omnes Christianos merita, quibus totum Orbem impleverunt, seu vocatione infinitarum Gentium ad fidem, & ad Ovile Christi, seu victoriis de Hæresibus, Gentilismo, Impietate, improbitateque morum feliciter reportatis, seu instauratâ germanâ pietate, frequentia Sacramentorum, Oratione mentali, aliisque piis inductis exercitationibus, seu validâ Sedis Apostolicæ contra protervos Schismaticos, Reges, Imperatores, denique adversus Inferi portas defensione. His, inquam, referendis omninò supersedebo, & eadumtaxat, quæ ad exordium Ordinis Fratrum Prædicatorum spectant, & quorum notitia connexa est cum Historia Sæculorum XIII. & XIV. compendiosâ narratione perstringam.

Ordo Fratrum Prædicatorum institutus est à *S. Dominico* ex nobilissima *Gusmanorum* familia *Calarogæ* in *Hispania* nato sub finem Sæculi XII. hoc

hoc est, anno MCLXX. Patrem habuit Sanctissimus ille Patriarcha *Felicem Gusmanum*, & matrem *Joannam de Aza*. Studia, æquè ac pietatem à teneris annis coluit *Dominicus*, & à *Didaco* Oxomenſi Episcopo inter Canonicos Regulares ejusdem Ecclesiæ anno MCXCIV. adſcitus, Venerabilem illum Antistitem Romam pietatis ergò profectum, & deindè ab *Innocentio III.* Pontifice Maximo ad Albigenſis Hæreſeos expugnationem, & Hæreticorum conversionem in Gallias miſſum comitatus eſt. Immenſos labores, quos eo in munere Apoſtolico exantlavit *S. Dominicus*, conſtantiam ejus ac zelum in exercendo ſibi demandato Sacræ Inquiſitionis Officio adverſus Hæreticos Albigenſes, qui viribus pol- lentes, & potentiorum favore ſuperbè elati, ſuos contumaciùs defendebant errores; inſignes denique victorias, quas *Simon Comes Monfortius*, Belli Sacri Dux, *S. Dominici* precibus atque conſiliis adjutus de Hæreticis Albigenſibus, multò licèt potentioribus, ſæpiùs reportavit, ſatis in ſuperioribus Colloquiis deſcripſimus. Unde, his prætermiſſis, ne tibi iteratis repetitionibus ſati- creem, pauca dumtaxat memoriâ digna, quæ in evertenda Albigenſium Hæreſi geſſit *S. Dominicus*, hic referre non pigebit. In primis, occurrit inſigne illud miraculum, quo *S. Dominicus* Fidei Catholicæ veritatem confirmavit, quodque *Petrus de Valle Cernaij*, Ordinis Cisterciensis, Scriptor cœvus, memorat capite 7. *Hiſtoriæ Albigenſium*, quam deſcripſit. Conſenſerunt quippè, teſte illo Scriptore, hæretici Albigenſes, ut Scheda, in qua *S. Dominicus* Fidem Catholicam ſcripſerat, in ignem projiceretur, ſed eâ lege, ut ſi combureretur, vera eſſet

esset fides, immò perfidia Hæreticorum; si verò incom-  
 busta maneret, fidem, quam prædicabant nostri, veram  
 esse faterentur. Quid plura? Schedula in ignem pro-  
 jicitur, sed cùm in medio igne aliquantulum moram  
 fecisset, incombusta penitùs ab igne resiliivit. Stupen-  
 tibus qui aderant, unus cæteris durior ait illis: proji-  
 ciatur in ignem iterùm, iterùm resiliit incombusta;   
 quod videns ille durus & tardus ad credendum, dixit  
 iterùm: Trina vice projiciatur, & tunc sine dubio rei  
 exitum cognoscemus. Projicitur tertio, nec tunc qui-  
 dem comburitur, sed integra ab igne resilit, & illæsa.  
 Contra veritatem illius miraculi nihil effutire pos-  
 sunt hæretici nostri temporis, cùm istud miracu-  
 lum referatur ab Authore coætaneo, viro gravi &  
 prudenti, quem verisimile non est voluisse mentiri  
 in re ipsis hæreticis notoria, à quibus illico men-  
 dacii coargui potuisset, quod ad Catholicæ Reli-  
 gionis dedecus & ignominiam non potuisset non  
 cedere. Eo miraculo confusâ Hæreticorum turbâ,  
 nonnulli, ejuratâ hæresi, ad gremium Ecclesiæ Ca-  
 tholicæ redierunt, sed novem præsertim nobiles  
 mulieres, quas S. *Dominicus*, in Monasterio, quod  
 Tolosæ extrui curavit, ac *Prullianum* dicitur, inclu-  
 sit, ut in eo tutius illæ viverent, ac remotis pericu-  
 lis, quibus inter hæreticos objiciebantur, sanctè  
 pièque instituerentur. Hoc fuit primum Cœno-  
 bium puellarum, quod condidit S. *Dominicus*, no-  
 strâ adhuc ætate in tota Gallia celeberrimum, sa-  
 cris Virginibus nobilitate ac sanctitate illustribus  
 omni tempore insigne. Eadem pietate motus S. *Domi-*  
*nicus*, Virgines Deo sacras Romæ in Monasterio  
 S. *Sixti* congregavit, & illud fuit secundum Virgi-  
 num Deo sacrarum Monasterium, quod instituit  
 San-



Sanctus ille Patriarcha ; ex quo tamen translatis postea ob Cœli gravitatem Monialibus in Clivum, qui olim *Balnea Pauli*, nunc corrupto nomine vulgò *Magnanapoli* dicitur, aliud Cœnobium extructum est, quod ad hanc diem Romæ nobilissimum habetur, & in eo benè multæ puellæ, ex illustrissimis Principum prosapiis oriundæ, virginitatem suam, spretis Mundi illecebris, Deo consecrare summo sibi honoris loco ducunt. His duobus inclytis Familiæ Dominicanæ Monialium Cœnobiis à *S. Dominico* excitatis tertium adjungere placet, seu *Possiacum*, quod in Galliis non multò post obitum *S. Dominici* Regiâ munificentia *Philippus Pulcher*, Galliarum Rex, extruxit & ornavit, quodque quàmplures Virgines ortæ ex Regia stirpe eximiâ pietate, & immortalis gloriâ illustrarunt.

Sed revertamur ad seriem rerum, quas *S. Dominicus* ad profligandam grassantem in partibus Tolosanæ Albigenis Hæresim præclare gessit. Præter Sacræ Inquisitionis munus, quod *S. Dominicus* invictâ constantiâ, atque infatigabili zelo in Hæreticos Albigenes exercuit, Ordinem instituit *Militiæ Jesu Christi*, eo potissimum fine, ut hi, qui huic Ordini erant adscripti, Hæreticos coercerent, Ecclesiæ jura, libertatem, immunitates & bona ab Hæreticorum furore & invasione vindicarent ac strenuè tuerentur. Verùm, mortuo *S. Dominico*, & exterminatis penitus Hæreticis Albigenibus, cum ille Ordo haud amplius necessarius videretur, mutato nomine & Instituto, dictus est *Ordo Fratrum & Sororum de Penitentia S. Dominici*, à Summis Pontificibus haud paucis Privilegiis exornatus. Opposuit etiam *S. Dominicus* impietati Hæreti-

reticorum Albigenſium novam à ſe inſtitutam devotionem recitandi *Rofarium* B. Virginis Deiparæ, quam ſuis alumniſ ita propriam eſſe voluit, ut ſapientiffimus Doctor *Martinus Navarrus*, non dubitet aſſerere, *Rofarium Patrimonium eſſe Ordinis Dominicani*. Scio eſſe quosdam, qui clàm muſſitare audent, *Rofarii Inſtitutionem S. Dominico acceptam* referri non debere, eo ſolo nomine, quòd *Theodoricus de Appoldia* in *Vita S. Dominici* ne minimum quidem verbum faciat de hac *Rofarii Inſtitutione à S. Dominico factâ*, & *Thomas Cantipratenſis* libro 2. cap. 29. art. 6. & 7. tres Salutationum Angelicarum quinquagenas à quibuſdam B. Mariæ Virgini devotis recitari ſolitas memoret, de Authore verò hujus devotionis penitus ſileat. Eo, inquam, argumento petito ex utriuſque Authoris ſilentio moti quidam Critici, negant *S. Dominicum* eſſe Authorem *Rofarii*, ejuſque originem referunt aut ad *S. Benediſtum*, aut ad *Venerabilem Bedam*, aut ad *Petrum Eremitam*, aut ad alios, quos ſibi pro arbitrio fingunt. Sed proclive eſt oſtendere, moroſos illos Criticos hallucinari. Et primò quidem argumentum, quo nituntur, merè negativum eſt, ac ſubindè, juxtà peritorum Criticorum Regulam, nullius momenti ac ponderis eſſe debet contra poſitiva diſertaque aliorum Scriptorum teſtimonia, contra avitam ac perpetuam traditionem, quæ à tempore *S. Dominici* ad noſtra uſque tempora in Ordine Fratrum Prædicatorum jugiter fuit conſervata; contra etiam Diplomata Romanorum Pontificum *Leonis X. Pii V. & Sixti V.* qui profitentur, *S. Dominicum* eſſe Authorem *Rofarii*. Prætereà, Originem *Rofarii* nec ad *S. Benediſtum*, nec ad

ad *Venerabilem Bedam* referri posse, patet evidentissimo argumento, quod mihi suppeditat doctissimus P. *Joannes Mabillonius* Præfatione in Sæculum V. *Benedictinum*, quod est Ecclesiæ decimum, ubi ex omnibus antiquis Statutis luculentissimè probat, Ævo *S. Benedicti*, aut *Venerabilis Bedæ*, necdum Salutationis Angelicæ in precibus recitandæ usum invaluisse, eumque Sæculo dumtaxat undecimo in Ecclesia frequentari cœpisse, ex quo palàm sequitur, nec *S. Benedictum*, nec *Venerabilem Bedam* Rosarii Authores esse potuisse, cum eorum ætate nondum apud fideles esset in usu recitatio Salutationis Angelicæ, quæ tamen, ut omnes planè norunt, præcipua pars Rosarii censetur. Non inficias tamen eo, obtinuisse apud nonnullos, etiam ante *S. Dominicum*, usum recitandi certum Orationum Dominicarum, & Salutationum Angelicarum numerum, sed contendo, hanc precandi formulam, longè latèque discrepasse à Rosario, quod instituit *S. Dominicus*, quodque quinquaginta supra centum Salutationes Angelicas cum quindecim Orationibus Dominicis complectitur, adjunctâ quindecim præcipuorum humanæ Redemptionis Mysteriorum piâ meditatione. Hanc precandi Deum in honorem Beatæ Virginis formulam, quæ *Rosarium* dicitur, fuisse ante *S. Dominicum* à Fidelibus in Ecclesia frequentatam, nunquam probare poterunt Critici. Hujus itaque pii Rosarii Instituti Author est *S. Dominicus*, qui illud jussu B. Virginis Mariæ vulgavit, ut ejus illibatam puritatem tueretur adversus Hæreticos Albigeneses, qui multa impia sacrilego ore adversus illam effutiebant: ut Catholicorum erga eam cultum augeret ac propagaret, ut denique

divi-



divinorum Myfteriorum , quæ in Roſario percenſentur, contemplatione piorum corda in Dei amorem magis ac magis accenderet . Nec eum fanè feſellit eventus. Incredibile quippè dictu eſt, quantâ univerſam Eccleſiam utilitate cumulaverit , & etiamnùm abundè ubique terrarum cumulet hæc pia Roſarii Sodalitas , in quam Imperatores , Reges ac Principes , omnesque certatim adſcribi geſtiunt , & ad Beatæ Mariæ Virginis patrocinium corde contrito confugientes, tam in ſuis , quàm in publicis emergentibus Eccleſiæ neceſſitatibus per devotam Roſarii recitationem votorum compotes fiunt .

D. Quandònam , & quo fine *S. Dominicus* ſuum inſtituit Ordinem ?

M. Dùm *S. Dominicus* in debellanda Albigenſium hæreſi plurimùm laboraret, & in partibus Tolofanis veſtigia relinqueret eximiæ ſuæ pietatis non preſſa levitèr ad exigui prædicationem temporis , ſed omnium ſermone celebrata , & ad immortalitatem gloriæ conſecrata ; voluit firmiſſimam adverſus hæreſes erigere Arcem , & perpetuo Eccleſiam adverſus omnes fidei hoſtes munire præſidio. Quocircà fundamenta jecit Ordinis Prædicatorum, quem *Baronius* appellat *illuſtre Sanctorum Seminarium* , idque vir ille immortalitate dignus reipſa erat demonſtraturus , ſi Eccleſiaſticos abſolviffet Annales, quos ad annum dumtaxat milleſimum centeſimum nonageſimum octavum perduxit, morte præventus . Ordinem Fratrum Prædicatorum à *S. Dominico* Inſtitutum confirmavit *Honorius III.* Pontifex Maximus apud *S. Sabinam* xi. Kalendas Januarii anni mcccxi. cum poſſeſſionibus,

nibus, Parochialibus Ecclesiis, & Decimis, & in Bulla Confirmationis idem Summus Pontifex appellat Ordinem Fratrum Prædicatorum *Ordinem Canonicum*, seu Canonorum Regularium: *In primis statuentes* (inquit Honorius III.) *ut Ordo Canonicus, qui secundum Deum & B. Augustini Regulam in eadem Ecclesia institutus esse dignoscitur, perpetuis ibidem temporibus inviolabiliter observetur.* Nullam aliam Regulam suis præscripsit S. Dominicus præter Regulam S. Augustini, quam ipse, ut Canonicus Regularis, profitebatur. Ad divinas laudes in Choro decantandas, ad prædicandum verbum Dei, & ad alia in Ecclesia obeunda munia, quæ Canonicis Regularibus conveniunt, Fratres suos obstrinxit Sanctissimus ille Patriarcha, eisque Constitutiones, ad quarum normam vitam exigerent, tradidit, quarum præcipua Capita ab Ordine Præmonstratensium, qui veri sunt Canonici Regulares, accepit, perpetuam videlicet à carnibus abstinentiam, nisi morbi necessitate, continuum ab Exaltatione Sanctæ Crucis ad Pascha jejunium, lineis indutiis ad carnem non uti &c. Post institutum Ordinem, S. Dominicus, ejusque Fratres vestem lineam, seu, ut vocant, *Superpellicem*, aliquandiu gestarunt; & quamvis postea, seu anno MCCXVIII. annuente, Romano Pontifice Honorio III. Vestem Religiosam, quam nunc deferunt Fratres Prædicatores, Reginaldo Aurelianensi Decano Viro religiosissimo præmonstratam induerit S. Dominicus, eamque Fratribus tribuerit, inde tamen nec ipse, nec ejus Fratres desierunt esse Canonici Regulares, quia, ut observavimus in Colloquio sexto in Historiam sæculi duodecimi, Religiosi Præmonstratenses sunt veri

Ca-

Canonici Regulares, etsi non deferant vestem lineam, sed solum cappam, quam itidem gestant Fratres Prædicatores cum hoc solo discrimine, quod Cappa Præmonstratensium alba sit, Prædicatorum verò nigra. Nec etiam Institutum Canoniorum Regularium dimisisse censendus est S. Dominicus, dum in Comitibus Ordinis Generalibus Bononiæ celebratis anno MCCXX. omnes possessiones abdicavit, seque ac suos Fratres ad arctiorem paupertatem, seu *Mendicantium*, ut ajunt, adstrinxit, immò potius Institutum Canoniorum Regularium ad majorem perfectionem provexit. Cum enim Canonici Regulares ex suo Instituto solemni paupertatis voto sint obstricti, & eò perfectius sit votum paupertatis, quò arctior est paupertas, non est dubium quin S. Dominicus Ordini Canoniorum Regularium, quem profitebatur, majorem perfectionem conciliarit, dum se, Fratresque suos arctiori paupertati, seu *Mendicantium*, addixit. Hinc in officio S. Dominici, quod recitant Fratres Prædicatores, de Sancto illo Patriarcha dicitur: *Sub Augustini Regula mente profecit sedula, Tandem Virum Canonicum auget in Apostolicum*. Sanè nemo negare potest, S. Cajetanum instituisse Ordinem Clericorum Regularium, & tamen constat, illum suis Religiosis injunxisse, ut abdicatâ rerum omnium sollicitudine, nec redditus possiderent, nec vitæ subsidia à fidelibus peterent, sed solis eleemosynis spontè oblati viverent. Quæ paupertas, ut fatentur omnes, arctior est paupertate, quam profitentur Religiosi Ordinum *Mendicantium*, & tamen non derogat statui Clericorum Regularium, sed potius illum perficit. Si-  
 mi-



militèr Patres Societatis *Jesu* sunt veri Clerici Regulares, quamvis omnibus Juribus & Privilegiis à Summis Pontificibus concessis Ordinibus Mendicantium fruantur, ipsique Officia Religiosorum Mendicantium, Eleemosynas videlicet à fidelibus petendo, palàm exercere non dedignentur. Quidni igitur dicere ipse possim cum doctissimo P. *Joanne Mabillonio* in suo secundo Scripto, quod Galli *Factum* vocant, Fratres Prædicatores veros esse Canonicos Regulares, etiam si S. *Dominicus*, eorum, Institutor, ac Canonicus Regularis, eos ad arctiorem paupertatem, seu Religiosorum Mendicantium, adstrictos esse voluerit? Cum Ordine Fratrum Prædicatorum cœpit Sanctæ Inquisitionis Officium, quod *Honorius III.* Pontifex Maximus, primum S. *Dominico*, & Fratribus Prædicatoribus præcipuè demandavit ad Hæreses exterminandas, quo Officio etiamnum variis in locis funguntur. Cœpit etiam cum Ordine Fratrum Prædicatorum Magisterium Sacri Palatii Apostolici, quod primus exercuit S. *Dominicus*, qui Romæ existens, cum animadverteret, quotidie occupatis cum Summo Pontifice Cardinalibus, eorum ministros in aula nugis tempus terere, vehementer indoluit, monuitque Pontificem *Honorium III.* turpe, & damnosum esse tempus à tanta multitudine in ludos ac res vanissimas absumi, sibi que utile futurum videri, si, dum Cardinales cum eo negotiis Ecclesiæ vacarent, quispiam doctus illos pietatis ac fidei rudimentis imbueret. Annuit lubentissime Romanus Pontifex, illudque munus demandavit S. *Dominico*, quod alacriter aggressus, Epistolas S. *Pauli* publicè in Palatio Apostolico interpretari cœpit, inde-

indèque hoc perhonorificum munus alicui Religioso Ordinis Fratrum Prædicatorum ad nostra usque tempora collatum est, & quotquot S. *Dominico*, qui primùm hoc loco & nomine donatus est, perpetuâ nec interruptâ serie filii successerunt, Parentis cum munere fidem in Sedem Pontificiam exceperunt, nullus eorum ad officio amotus est, sed omnes Magisterio immortui sunt, præter eos, qui sibi indè gradum ad altiora fecerunt. Hic autem debes obiter observare, Sanctum *Dominicum*, contemptis Philosophorum figmentis, totum se dedisse lectioni Scripturæ Sacræ, & ad illius studium sæpiùs Fratres suos fuisse adhortatum, sicut testatur *Theodoricus de Appoldia* in ejus Vita libro iv. cap. iv. his verbis: *Et quia sine Sanctarum notitia Scripturarum perfectus Prædicator nemo esse potest, hortabatur Fratres S. Dominicus fidelitèr, ut semper in Novi & Veteris Testamenti lectione essent, atque ipse quoque Evangelium secundum Matthæum, & Pauli Epistolas apud se ferens, multùm in eis lectitabat, ut propemodùm memoria retineret. Evangelium enim & Apostolicam doctrinam & vitam amans & amplectens, Philosophica figmenta non magni faciebat.* Author erat etiam S. *Dominicus* suis Fratribus, teste *Flaminio* in ejus Vita, ut Veterum Patrum Opera assiduè versarent, ab eis illibatam doctrinam haurirent, atque ab eorum documentis ne transversum quidem digitum desciscerent. Noverat quippè Sanctissimus ille Patriarcha, Catholicam Religionem sanâ, solidâque Sanctorum Patrum doctrinâ, seu sacrâ anchorâ niti, & ex ea, velut ex munitissimo armamentario, tela depromi, quibus confodiantur Hæreses.

Post obitum *S. Dominici*, qui incidit in diem VI. mensis Augusti anni MCCXXI. ejusq; Canonizationem solemni Ecclesiæ ritu peractam à *Greg. IX.* Pont. Max. III. Idus Julii an. MCCXXXIV. sanctissimas Leges ac Constitutiones condiderunt Comitia Generalia Ordinis FF. Prædicat. quas Romani Pontifices approbarunt, quos inter *Clemens VIII.* asserere non dubitavit, ad Religiosum ex Dominicana Familia in Sanctorum numerum solemni ritu referendum, sibi loco omnium miraculorum fore exactam suarum Constit. observantiam. Adeò huic Summo Pontifici sancta videbatur Disciplina, quæ præscripta est in Ord. Prædicat. Eâ Sanctissimâ Disciplinâ imbuti Dominicani suavissimum omnium virtutum odorem Sæc. XIII. & XIV. longè, latèq; diffuderunt, errantes veritatem docuerunt, dissiparunt carnales affectus, peccatores ad pœnitentiam & pietatem pellexerunt, atque Fidem Catholicam defendendi ardentissimo zelo accensi, adversus Hæreticos in Conciliis Gen. quæ his temporibus celebrata fuere, acerrimè disputarunt. In Concil. siquidem Later. IV. sub *Innocentio III.* habito anno MCCXV. *S. Dominicus* in Palentina Academia Magisterio donatus, & omnigenâ litteraturâ instructus, *Almarici* errores profligavit. In Concilio Lugdunensi primo sub *Innocentio IV.* anno MCCXLV. celebrato, *Hugo Cardinalis*, Ordinis Prædicatorum, jura Summorum Pontificum magno animi æstu tuitus est contra *Friderici II.* Imperatoris tyrannidem, & ejus Cancellarii *Petri à Vineis* Capuani, quantum illa Sæcula ferebant, Viri eloquentis libros. In Concil. Lugd. II. quod *Gregorius X.* convocavit anno MCCLXXIV. præter *S. Thomam Aquinatem*, qui, dum eò perge-



ret, ad Deum in itinere migravit, interfuere tres Cardinales, triginta Episcopi ex Ordine Prædicatorum assumpti, & ingens ac valida Theologorum turma, sub Magistro Generali *Joanne Vercellensi*, qui eodem anno Lugduni Comitia Generalia celebrabat. Hos inter Dominicanos eminebant *Petrus à Tarentasia*, tum Cardinalis, postea Pontifex Maximus creatus nomine *Innocentius V.* & *Albertus Magnus*, quo potissimum Duce victi fuerunt in hoc Lugdunensi II. Græci Schismatici, & abdicatis erroribus atque Schismate, Romano Pontifici sese subjecerunt. Tandem in Concilio Generali Viennensi, quod *Clemens V.* Pontifex Maximus anno mcccxi. habuit, Beguardorum, & Beguinarum errores ab *Eymerico*, & *Berengario*, Familiæ Dominicanæ Theologis, confutati sunt. Sic Dominicani in Conciliis Generalibus, quæ Sæculis XIII. & XIV. coacta fuerunt, edomandis Hæresibus toti incubuerunt, illudque ingenitum in Hæreticos odium, quod à Patre suo hauserunt, perpetuâ serie ad posteros transmiserunt. Sed longiùs me argumentum hoc abriperet, nisi in materia copiosissima mihi temperarem. Vela itaque contraho, nec plura dicam ad commendationem Ordinis Fratrum Prædicatorum, qui, ut omnes probè norunt, Rosario, Magisterio Sacri Palatii Apostolici, Sanctæ Inquisitionis officio, & Sanctissimi *Thomæ Aquinatis* doctrinâ, veluti quatuor fluviis, universam ambit, irrigat, ac fœcundat Ecclesiam.

D. Prodieruntne eodem Sæculo decimo tertio Ordines Fratrum Minorum, Carmelitarum, & Eremitarum *S. Augustini*?

M. Certum est, Ordinem Fratrum Minorum

rum Sæculo decimo tertio fuisse institutum à Sancto *Francisco*, qui *Assisii* in Italia ex *Bernardone*, professione Mercatore, natus est anno *MCLXXXII*. Vir fuit tam austeræ paupertatis, ut audito Evangelio de omnibus relinquendis, paternis bonis omnibus renunciaverit, & anno *MCCVII*. sibi duodecim socios adsciverit, quibus vivendi normam arctiori paupertatis professione insignem præscripsit, in *Lateranensi IV. Synodo Generali* ab *Innocentio III.* atque iterum ab *Honorio III.* confirmatam. Eo Ordine, ut nullus pauperior, ita & fecundior fuit. Nam, teste *Matthæo Parisio* in *Historia Anglicana* ad annum *MCCXXVII*. Fratres Minores statim ab exordio sui Ordinis terram repleverunt, habitantes in urbibus, & civitatibus deni, & septeni, nihil omnino possidentes, de Evangelio viventes, in victu & vestitu paupertatem nimiam præferentes, nudis pedibus incedentes, maximum humilitatis exemplum omnibus præbuerunt. Præter Ordinem Fratrum Minorum, duos alios *S. Franciscus* instituit. Secundum nempe, Monialium, quas, Duce *S. Clara* Virgine *Assisinate*, congregavit in Ecclesia *S. Damiani*, unde *Clarissæ*, & *Damianæ*, seu *Daminianisticæ* dictæ, quæ primæ Ordinis asperitati strictius inhæserunt, & ab aliis discrepant Monialibus, quæ *Urbanisticæ* appellantur, & quæ mitigationem Regulæ ab *Urbano V.* factam sequuntur, & prædia possident. Tertium denique Ordinem, seu *Pœnitentium*, instituit *S. Franciscus*, qui complectitur non solum in Claustris degentes Cœnobitas, qui & tertiæ Sancti *Francisci* Regulæ adhærent, sed etiam laicos viros & fœminas, qui domi suæ juxta ejusdem Regulæ præscriptum vivunt. De *S. Francisco*, & ejus Or-

dine , præter *S. Bonaventuram* , qui *Vitam Sancti* illius Patriarchæ accuratissimè scripsit , legendi sunt *Annales Wadinghi* , qui de initio , & propagatione illius Ordinis , necnon de Viris , qui sanctitate , dignitate & doctrina hunc Ordinem illustrarunt , longo latoque calamo differit . Hic dumtaxat ex *Wadingho* in *Annalibus Minorum* ad annum *MCCXLIV.* breviter observabo , post Sancti *Francisci* obitum , qui contigit *IV. Nonas Octobris* anni *MCCXXVI.* *Heliam* , qui secundus à *B. Francisco* Ministri Generalis Ordinis Minorum munus excepit , fuisse Sanctissimo Patriarchæ dissimilem , & invexisse in Ordinem insatiabilem cupiditatem ædificandi loca sumptuosa , procurandi legata pia , & effrænem libidinem bona temporalia possidendi , adeò ut Sanctissimum illud Institutum funditus evertisset , nisi Sancti *Antonius* , & *Bonaventura* ruentem Ordinem validè sustinuissent . Verùm hanc *Helie* Ministri Generalis , & aliquorum Ordinis Minorum licentiam , cæterorum ejusdem Ordinis pietas atque observantia longè superavit , firmo videlicet permanente Oraculo , quo dicitur Christus *S. Francisco* promississe , nunquam defuturos in ipsius Religione Viros , qui doctrinæ vitæq; exemplo aliis in Ecclesia tempore quantumlibet caliginoso prælucere . Ordinis Minorum plures nunc sunt familiæ , de quibus suo loco dicemus . Numerosissima est *Observantium* , qui & *Cordigeri* dicuntur , quòd funiculo cingantur . Eorum alii *Conventuales* majoris seu laxioris , alii minoris , idest , arctioris observantiæ , vocantur . Illis immobilia in communi possidere permissum , aliis vetitum est .



De Origine & Antiquitate Ordinis Carmelitarum non una omnium est sententia. Carmelitæ quippè ad *Eliam*, & *Elizeum* Veteris Testamenti Prophetas, & Montis Carmeli incolas, suam originem referunt. *Sixtus Quartus*, *Sixtus Quintus*. *Pius Quintus*, *L. Andres*. Societatis Jesu, alique non Carmelitæ, & magnæ notæ Doctores, idem asserunt. Ipse verò secutus consilium Apost. c. 3. Epist. ad *Ti-tum* dicentis: *Genealogias, & contentiones & pugnas evita, sunt enim inutiles & vanæ*; vel, ut ait idem Apostolus 2. ad *Timotheum* capite tertio: *Sciens quia generant lites*; consultiùs esse duco, de Carmelitarum Origine penitùs in præsentia filere, & ea tantummodo hic referre, quæ de Carmelitarum Ordine comperta habemus, atque à nemine in dubium revocantur. In primis, fatentur omnes, *Beatum Albertum*, qui Ecclesiam Hierosolymitanam ab anno MCCIV. usque ad annum MCCXIV. rexit, dedisse Montis Carmeli Eremitis Regulam brevissimam præscribentem divini Officii & Orationis quotidianæ pensum, constructionem Oratorii in medio cellularum, ubi manè per singulos dies ad audienda Missarum solemnia convenirent, perpetuam ab esu carniū abstinentiam, jejunium à Festo S. Crucis ad Paschā; solitudinem, fugam otii, Prioris electionem, &c. Hæc Regula, quam *B. Albertus* Patriarcha dedit Eremitis Montis Carmeli, fuit confirmata ab *Honorio III.* Pontifice Maximo anno MCCXXVI. eamque postea *Hugo à S. Charo* Tituli S. *Sabinæ* Presbyter Cardinalis ex Ordine Prædicatorum assumptus, & *Willelmus*, Anteradensis Episcopus, auctoritate ab *Innocentio IV.* sibi commissā, declararunt, correxerunt, mitigarunt: quam declarationem, correctionem,

& mitigationem ipse Pontifex confirmavit, Diplomate dato Lugduni Kalendis Septembris anni MCCXLVIII. sicut refert *Castillus* primâ parte suæ Historiæ, libro 2. capite 25. Præterea, constat *Honorium IV.* Pontificem Maximum, anno MCCLXXXV. dedisse Carmelitis pallium album, mutatis videlicet, ut ait *Spondanus* ad annum MCCLXXXV. Num. XX. eorum chlamydeb, quæ ex albo panno latis fasciis pullis sive canusinis intertextis variatæ erant. Quam mutationem Bonifacius VIII. confirmavit anno primo Pontificatus sui. Denique, Religiosi Carmelitani cultum *B. Mariæ Virginis*, cujus se *Fratres de Monte Carmelo* appellant, longè latèque in Occidente propagarunt per piam Sodalitatem, *Mariani Scapularis*, cui *Clemens X.* Diplomate, quod incipit: *Commissa nobis*, dato die VIII. mensis Maij anni MDCLXXIII. plures Indulgentias concessit. Testatur *Henricus Spondanus* ad an. MCCLIV. num. XII. *Simoni Stoch*, Anglo, Priori Generali Ordinis Carmelitarum (qui *Burdegala* in Gallia an. MCCL. mortuus est, ut habet hujus Urbis Chronicon, & quem uti Sanctum Ordo colit) primùm Beatissimam Virginem manifestè apparuisse, & sacrum Scapulare contulisse. *S. Ludovicus*, Galliarum Rex, dum Sacrum Bellum in Palæstina gereret, amissâ libertate, deleta peste & Barbarorum armis exercitu, magno pretio redemptus, in Gallias rediit, non Palæstinæ palmas, non Orientis pretiosos uniones, non gazam Regum secum deportans, sed horum omnium loco secum deduxit antiquos Carmeli Incolas, ut testatur *Petrus Matthæus* in Vita *S. Ludovici*, ex quibus, ut cætera taceam bona, quæ jam Ecclesiæ obvenerunt, una prodiit *Theresia*, ad quam *S. Ludovicus Bertrandus* Ord. Præd. Epistolam scripsit

psit , quâ ei denunciavit, Sacrum Ordinem , quem  
ibat institutum , intra quinquaginta annos futu-  
rum in Ecclesia omnium virtutum & laudum gene-  
re florentissimum , sicut opportuniùs ostendimus  
in Colloquio VI. in Historiam Sæculi XVI. Plura  
in laudem Ordinis Carmelitarum leges apud *Tri-*  
*themium* in libro de Ortu & progressu Carmelita-  
rum, *Lezanam* in Annalibus Carmeliticis , *Auber-*  
*tum Miræum* in libro de Origine & incrementis Or-  
dinis Carmelitarum , *Philippum à sancta Trinitate*  
in decore Carmeli Religiosi, & in Historia Carme-  
litici Ordinis , & alios .

Haud minùs obscura est Ordinis Eremitarum  
S. *Augustini* Origo , quam alii accersunt à tempo-  
ribus S. *Augustini* , quem hujus Ordinis Instituto-  
rem esse volunt ; & hos absque ullo veritatis præ-  
judicio in suo sensu abundare permittimus . Alii,  
ut videre est apud *Spondanum* ad annum MCLVI.  
asserunt, *Alexandrum IV.* Pontificem Maximum ,  
S. *Augustini* monitu sibi per quietem apparentis ,  
multas Congregationes *Eremitarum* diversis Re-  
gulis , titulis & vestibus viventes , ad tollendam  
omnem confusionem in unam Ordinis & Regulæ  
S. *Augustini* observantiam , in uniformem vivendi  
ac vestiendi modum rede gisse , atque huic Ordini  
præfecisse primum Priorem Generalem *Lanfrancum*  
*Septalanum* Mediolanensem . Quinque autem erant  
Eremitarum Congregationes , ex quibus coaluit  
hic Ordo Eremitarum S. *Augustini* . Prima dice-  
batur Congregatio Eremitarum S. *Augustini* , qui  
nullum Generalem habebant, sed parebant Episco-  
pis . Altera erat Eremitarum Congregatio Bu-  
drioli in Cæsenate Diœcesi instituta à B. *Joanne*  
*Bono* , & hæc à propriis Generalibus regebatur .



Tertia appellabatur Congregatio *Eremitarum de Briclinis*, quibus *Gregorius IX.* Regulam *S. Augustini* tradidit. Quarta vocabatur Congregatio *Eremitarum S. Guillelmi*, quæ tam latè propagata est, ut in duas fuerit divisa, quarum primæ caput fuit Monasterium in *Stabulo Rhodis*, quo in loco Vir Sanctus obierat; alterius verò *Eremitarum S. Guillelmi* Congregationis caput erat Monasterium *De Fabali Monte*, quæ Congregatio proprio Generali parebat sub Regula Sancti *Benedicti*. Porro, non abs re erit hic observare, Sanctum *Guillelmum*, istorum *Eremitarum* Institutorem, perperam à nonnullis confundi cum *Guillelmo IX.* Aquitanix & Pictorum Duce, cum tamen ab eo fuerit omninò diversus. *Guillelmus* siquidem Aquitanix & Pictorum Dux mortuus est in sua peregrinatione ad *S. Jacobum*, quam anno *mcxxxvii.* pœnitentiâ motus susceperat, teste *Orderico* libro *xiii.* *Historiæ*. *Guillelmus* verò *Eremitarum* Institutor, consilio *Eugenii Papæ III.* Hierosolymam profectus est, & cœlesti voce monitus venit in Tusciam, ubi sanctè vixit, & obiit anno millesimo centesimo quinquagesimo septimo, ut testatur *Albertus* ejus discipulus, qui Vitam *S. Guillelmi* Eremitæ cognomento *Magni* scripsit. Ejus mentio habetur in *Martyrologio Romano* ad diem *x.* mensis *Februarii* his verbis: *In Stabulo Rhodis* (quod nomen ejus Monasterii fuit) *in territorio Senensi Sancti Guillelmi Eremitæ*. Ad eamdem diem *x.* mensis *Februarii* *Henschenius* Vitam Sancti *Guillelmi Magni* Eremitæ descripsit. Legendus etiam est *Joannes Beslius* in *Historia Comitum Pictaviensium*, & Ducum Aquitanix parte 2. ubi integrum Tractatum habet de mendaciis, falsitatibus, & anachronismis inspersis

Ope-

Operi Joannis Haii , qui Sæculo præterito Commentarium Historicum edidit, in quo falsam illam opinionem, quæ duos illos *Guillelmos* in unum confundit, pluribus exponit ac propugnat . Hæc obiter observanda esse duxi , ut certam haberes notitiam harum Congregationum Eremitarum , ex quibus formatus est Ordo Eremitarum *S. Augustini* , qui Ordo adeò celebris evasit, ut *Joannes XXII.* ei tria in Romana Curia Officia, quæ conjunxerat, concesserit, videlicet munus custodiendi Sacrarii Pontificii, Bibliothecæ Pontificiæ, & Confessionis Pontificis pro tempore existentis audiendæ, sicut testatur *Pamphilus Signinus* Episcopus in Chronico Augustiniano ad annum mcccxi. sed de Ordinis Eremitarum *S. Augustini* propagatione, Sanctis & Illustribus Viris plura leges apud *Jordanum de Saxonia* in Vitis Fratrum .

D. Perge , quæso , aliorum Religiosorum Ordinum , qui Sæculis XIII. & XIV. originem habuerunt , referre Institutionem ?

M. Prætermitto Ordinem , qui Sæculo XIII. in Provincia Tarraconensi institutus est, dictusque *Pauperum Catholicorum* , qui , rebus omnibus abdicatis , pauperem vitam professi , & consilia Evangelica amplexi , jejuniis & orationibus, lectioni , exhortationi , ac disputationibus adversus Hæreticos sese consecrarunt . Hic quippè Ordo , licèt ab *Innocentio III.* anno mccxv. approbatus , diù tamen non stetit . Prætermitto etiam Ordinem *Humiliatorum* , quem sub Regula *S. Benedicti* anno mcc. confirmavit *Innocentius III.* eumque postea abolevit *Pius V.* propter insidias *B. Carolo Borromeo* paratas anno mdlxx. Missis itaque his jam antiquatis Ordinibus , illos dumtaxat hic referam ,  
qui

qui adhuc perstant, & Ecclesiam doctrinâ ac pietate illustrent. Omnium antiquissimus est Ordo *Sanctissimæ Trinitatis de Redemptione Captivorum*, qui institutus est à S. Joanne de Matha in Gallo-Provincia nato, Sacræ Facultatis Parisiensis Doctore, atque à Sancto Felice Anachoreta Vallesiano, in loco Diœcesis Meldensis, qui *Cervus Frigidus* dicitur, ubi adhuc Ordinis Caput, licet apud Maturinenses Lutetiæ ut plurimum degat Minister Generalis, qui semper Gallus esse debet, & cujus electio ad solos Gallos, & inter eos ad solos quatuor hujus Ordinis Provinciarum, Franciæ videlicet, Campaniæ, Picardiæ, & Normanniæ Ministros pertinet. Hic Ordo, qui captivos Christianos ab Infidelium servitute liberandi præcipuam, curam habet, confirmatus fuit ab Innocentio III. anno MCXCVIII. Pontificatus sui primo, sicut observavimus in secundo Colloquio. S. Joannes de Matha, hujus Ordinis Conditor Romæ obiit die XXI. mensis Decembris anni MCCXIII. & in Ecclesia S. Thomæ de Formis sepultus est.

Ordo *Vallis Scholarium* institutus est à Guillelmo Sacræ Facultatis Parisiensis Doctore, & aliquot aliis ejusdem Academiæ Magistris, quibus sese adjunxerunt XXXVI. Scholastici, qui sub Regula S. Augustini Deo militare decreverunt ac voverunt in Valle, quam ipsis Guillelmus Joinvillæus Lingonensis Episcopus assignavit, quæ indè nuncupata est *Vallis Scholarium*, & hoc nomen etiam adhæsit Ordini, qui confirmatus est ab Honorio III. anno MCCXVIII. Huic Ordini *Vallis Scholarium* coævus fuit alius Ordo in Diœcesi pariter Lingonensi institutus à quodam Viardo sub districtiori Cisterciensium Instituto, cujus austeriorem observantiam



tiam describit , & commendat *Jacobus de Vitriaco* Cap. xvii. *Historiæ Occidentalis* .

Congregationem *Silvestrinorum* inchoavit anno mcccxxi. in Monte Fano , non longè à Fabriano , insigni Piceni oppido , B. *Silvester Guzolinus* Canonicus Auximas , ac deinde Eremita , qui famâ sanctitatis cùm multos Discipulos allexisset , eis Religiosum Vitæ Institutum sub Regula S. *Benedicti* præscripsit , abiitque è vivis nonagenarius anno mclxvii. Ejus Vitam scripsit *Andreas Jacobi* , ejusdem *Silvestrinorum* Congregationis post ipsum , quartus Abbas Generalis , quam apud *Surium* Tomo vi. posterioris editionis ad diem xxvi. mensis Novembris legere est . Hanc *Silvestrinorum* Congregationem confirmavit *Innocentius IV.* Diplomate dato quinto Kalendas Julii ann. mccxlvii. quod incipit his verbis : *Religiosam Vitam &c.*

Ordo Sanctæ Mariæ de Mercede Redemptionis Captivorum à Maurorum & Saracenorum servitute , monente Dei-parâ , Sancto Petro Nolasco , natione Gallo , S. Raymundo Pennafortio , Ordinis Prædicatorum , & Jacobo I. Aragonum Regi conspicuam se præbente , institutus est Barcinone die x. mensis Augusti anni mccxxiii. sub Regula Sancti Augustini , & certis Constitutionibus à S. Raymundo Pennafortio præscriptis , ut testatur *Clemens VIII.* in Bulla Canonizationis Sancti Raymundi his verbis : *Quare hi* (scilicet Jacobus Aragoniæ Rex , & Raymundus) *collatis inter se consiliis & consentientibus animis , Ordinem B. Mariæ de Misericordia , seu de Mercede Redemptionis captivorum fundaverunt , cui Beatus Raymundus certas vivendi leges præscripsit ad istius Ordinis vocationem accommodatissimas . Hunc Ordinem Autoritate* Pon-

Pontificiâ approbavit *Gregorius IX.* ann. MCCXXXV. Sanctus verò *Petrus Nolascus*, qui unâ cum *S. Raymundo Pennafortio* istius Ordinis Institutor fuit, obiit die XXIX. mensis Januarii anni circiter MCCL. ejusque vitam ex libro *Francisci Zumel*, ejusdem Ordinis, *De Vitis Patrum & Magistrorum Generalium*, descripsit ac publicavit *Bollandus* inter Acta Sanctorum mensis Januarii ad diem XXIX.

Ordini *Servorum B. Mariæ Virginis* initium dederunt anno MCCXXXIII. septem Viri nobiles Florentini, qui Regulam *S. Augustini* cum nigra veste ab Archiepiscopo acceperunt. Sanctus etiam *Petrus Veronensis*, qui postea Fratrum Prædicatorum Ordinem, & Ecclesiam suo Martyrio illustravit, pro *Servorum Beatæ Virginis* clarissimo Ordine egregiam navavit operam, & diligentissimè examinatis ac recognitis hujus Ordinis Religiosorum moribus ac regulis, de optima hujus Religionis institutione certiorum fecit *Innocentiū IV.* qui hunc Ordinem approbavit. Hinc Officium *S. Petri* Martyris habet Ordo *Servorum B. Virginis* sub ritu duplici in Constitutionibus ab immemorabili tempore celebrandum, eidemque *S. Petro* Martyri ac Fratrum Prædicatorum Ordini Religio *Servorum B. Virginis* summè se obstrictam profitetur, quâ de re videri possunt *Annales Servorum Centuriâ primâ*, libro secundo, capite quarto. Inter Generales hujus Ordinis *Servorum B. Mariæ Virginis* censetur *S. Philippus Benitius*, qui obiit die XXII. mensis Augusti an. MCCLXXXV. quo die ejus memoria in Ecclesia colitur.

*Cælestinorum* Congregatio erecta est à *Petro de Morone*, qui propè Sulmonem Eremiticam vitam professus, ac postea Summus Pontifex creatus,

*Cælestinus V.* dictus est, indeque huic Congregationi *Cælestinorum* inditum nomen. Cæpit hoc Institutum in Magellana Apuliæ Eremito, multis ob famam *Petri* sanctitatis eò confluentibus, extructâque Ecclesia & Monasterio sub nomine *Spiritus Sancti* circa annum *MCCCLXX*. Confirmata est hæc *Cælestinorum* Congregatio, & amplissimis Privilegiis donata à *Cælestino V.* Pontifice Maximo, qui post quintum mensem, Pontificatu abdicato, pristina vitæ normæ retinendę cupidus, ad hanc Congregationem, à qua ægrè divulsus fuerat, rediit. Sequuntur *Cælestini* Regulam *S. Benedicti*. Sub eadem *S. Benedicti* Regula Congregatio *S. Mariæ Montis Oliveti* anno *MCCCXIII*. instituta est à Beato *Bernardo Ptolomæo* nobili Senensi, qui Juris primum Professor, post usum oculorum invocatione *B. Mariæ* Virginis receptum, in Montem ejus nominis, in Aretina Diocesi secessit, asperam vivendi rationem amplexus. Sed, instigante Diabolo, novitatis nomine Avenione apud *Joannem XXII*. accusatus, ab eodem Pontifice de ejus vivendi ratione ac Instituto certiore factò, absolutus est, suæque Congregationis confirmationem à *Clemente VI.* Pontifice Maximo anno *MCCCXLIV*. obtinuit, ac tandem, sæviante per Etruriam, immò, per totâ Italianam, pestilentia, dùm Fratribus suis, quorum magna pars hac grassante pestilenti lue icta erat, solatium auxiliumque summâ charitate incensus afferre adnititur, lethifero ipse morbo correptus ac brevi confectus ad vitam migravit immortalem, *xi. Kalend. Septembris anni MCCCXLV*.

*Eremitæ Sancti Pauli* Budæ in Hungaria, ex Instituto nimirum *S. Pauli* primi Anachoretæ, Auctore



thore B. *Eusebio* Strigonenſi Archiepiſcopo , cœperunt cirà annum MCCXV. Sed eorum Ordinem annodumtaxat MCCCXXVIII. confirmavit , multiſque auxit Privilegiis *Joannes XXII.* adductus precibus *Caroli* Hungariæ Regis, ut videre eſt in ejus Diplomate cā de re dato Avenione anno MCCCXXVIII. quod *Odoricus Raynaldus* refert ad hunc annum num. LXXXIII.

Sancta *Brigida*, vel *Birgitta*, Danię Regis filia, *Ulphonis* Neritię in Svecia Principis Vidua , Religioſum Ordinem S. *Salvatoris* circa ann. MCCCXLIII. inſtituit apud Waſtenam in Svecia, ſub Regula S. *Auguſtini* , additis novis ſanctionibus , Chriſto , ut ferunt, dictante. Veſte & Chlāmyde griſei coloris tam Viri, quàm Moniales illius Ordinis induuntur , Cruce rubeā chlamydi intertextā , cum albo circulo in medio . Hunc habitum Monachalem non ſumpſit B. *Birgitta* , ſed Ordinis ſui confirmationem anno MCCCXX. impetravit ab *Urbano V.* Pontifice Maximo . Obiit Sancta illa Vidua , Peregrinationibus, revelationibus , & miraculis clara, Romæ x. Kalend. Auguſti anni MCCCXXIII. eamque primùm Romani Pontifices *Bonifacius IX.* & *Joannes XXIII.* in Sanctarum numerum retulerunt . Sed ne iſta Canonizatio facta ab his duobus Pontificibus , quos , tempore Schiſmatis , univerſa non agnoſcebat Eccleſia, vacillaret , ad removen- dum omnem ſcrupulum , *Martinus V.* Pontifex Maximus factam à laudatis Pontificibus S. *Birgittæ* Apotheoſim, ſeu Canonizationem, ultimò ſanxit ac confirmavit Conſtitutione datā Florentiæ Kalendis Julii anni MCCCXIX.

*Hieronymiani* , ſive Monachi S. *Hieronymi*, Au-  
ctore

etore *Petro Fernando* Hispano, ejusque Socio *Petro Romano*, B. Augustini Regulam amplexi, Instituti sui approbationem à *Gregorio XI.* circa annum MCCCLXXIV. obtinuerunt. Hujus Ordinis caput est *Lupiana*, vulgò *Fanum Beatæ Virginis de Guadalupe* in Diœcesi *Toletana*. Testatur *Philippus Brietius* Societatis *Jesu* in Annalibus ad annum MCCCLXXIII. hos Religiosos Hieronymianos nunc in *Hispania* magni nominis esse, & *Sancti Laurentii Escurialis* inquilinos & custodes, atque Bibliothecarios. Alii Eremitæ *Sancti Hieronymi* à Beato *Petro Gambacurta* nobili *Pisano* fuerunt instituti sub annum MCCCLXXX. qui nullis initio votis adstricti, victum sibi manibus quærebant, & sublevandis pauperibus incumbebant. At *S. Pii V.* Pontificis Maximi autoritate Vota solemniter amplexi, litteris & concionibus operam dare cœperunt.

Denique, Ordinem *S. Ambrosii* dudum institutum, sed absque certa Regula à Sede Apostolica approbatâ, confirmavit *Gregorius XI.* sub Regula *S. Augustini*, cum potestate recitandi Ambrosianum Officium, Priorem eligendi, Verbum Dei prædicandi, Confessiones audiendi, & mortuos sepeliendi, sicut legitur in ejus Diplomate dato *Avenione* 3. Kalend. Decembris anni MCCCLXXV. quod extat Tomo 1. Bullarii Romani pag. 289. Caput hujus Ordinis est Monasterium *Mediolanense*, *S. Ambrosii ad Nervis*.

Consultò prætermisi Ordinem *Jesuatorum*, sic appellatum, quòd Sanctissimum nomen *Jesu* frequenter in ore haberent; quia licet hic Ordo à *S. Joanne Columbano* Senis in *Etruria* fuerit institutus,

tus, & ab *Urbano V.* sub Regula *S. Augustini* anno *MCCCLXVII.* confirmatus; attamen postea extinctus est à *Clemente IX.* Diplomate dato die *IV.* mensis Decembris anni *MDCLXVIII.*

D. Hi sunt igitur omnes Ordines, qui Sæculis *XIII.* & *XIV.* fuerunt instituti?

M. Præter istos Ordines Religiosos, quos hætenus percensui, alii Equestres Ordines Sæculis *XIII.* & *XIV.* fuerunt instituti, quorum primus circa annum *MCCXXXI.* conditus à *S. Bartholomæo*, patriâ *Vicentino*, Ordinis Fratrum Prædicatorum, dicitur Ordo Equitum *S. Mariæ Gloriosæ*, fuitq; confirmatus ab *Urbano IV.* Constitutione datâ *Viterbii* Kalend. *Januarii* an. *MCCLXI.* Horum Equitum, qui Regulam *S. Augustini* profitebantur, erat Viduarum, & pupillorum suscipere patrocinium, pacem & concordiam inter homines pro viribus promovere ac fovere, præsertim in his *Italiæ* civitatibus, quæ cruentis Gibellinorum & Guelphorum Factionibus, ac intestinis odiis, bellisq; conflabant. Tunicâ albâ, & subcinericiâ togâ induti, Crucem purpuream in campo albo, duabus supra positâ stellis, præferebant, & vulgò *Fratres Gaudentes* appellabantur, quod nullis Religionis solemnibus votis addicti, in ædibus suis cum uxoribus & liberis vitam agerent. Eodem Sæculo *XIII.* hoc est, anno *MCCIV.* *Alexander IV.* Pontifex Maximus, Ordinem Fratrum & Militum Hospitalis Leprosorum *S. Lazari Hierosolymitani* sub Regula *S. Augustini* confirmavit, eumque Privilegiis auxit *Clemens IV.* Alios duos Equestres Ordines sæculo *XIV.* approbavit *Joannes XXII.* unum videlicet in *Aragonia*, dictum Ordinem *Montesæ* ab urbe Regni *Aragonii*, in  
qua



qua hujus Ordinis Sedes præcipua constituta est. Obstringebantur novi istius Ordinis Milites, qui veste candidâ cum rubra Cruce erant insigniti, Cisterciensium Leges sub proprio Magistro servare, & Valentinum Regnum à Maurorum incursibus tue-ri. Hunc Militarem Ordinem, rogante Aragonio Rege, confirmavit Joannes XXII. anno mcccxvii. & post biennium idem Pontifex alteram approba-vit Sacram Militiam in Lusitania institutam, di-ctamque *Militiam*, seu *Ordinem Christi*. Hæc nova Militia in Lusitaniæ Regno ad propulsandos Mau-ros ac Saracenos constituta est, Cruce rubrâ, lineâ candidâ interfecante distincta, cujus Sedes prin-cipalis Castrum Marinum Silvensis in Algarbiis Diœcesis, unde postea Tomarium hujus Ordinis Milites migrarunt, ut videre est apud *Spondanum* ad annum mcccxvii. Num. 3. De utroque illo Mi-litari Ordine, videlicet *Montesiae*, & *Christi*, legen-dus etiam est Joannes Mariana Soc. Jesu libro xv. *Rerum Hispanicarum* cap. xv. Mitto Ordinem Mi-litarem *Equitum Navalium*, seu *de Nave* dictorum quem *Carolus Dirrachinus*, Rex Siciliæ, ut rem-maritimam, quâ multum indigebat, in Regno suo promoveret, anno mcccclxxxii. instituit, cu-jus ipse Princeps esse voluit, electo in protectorem Ordinis S. Nicolao Episcopo Mirensi, erectoque in ejus memoriam Templo, ut refert idem *Spon-danus* ad annum mcccclxxxii. Num. 3. Mitto etiam Ordinem *Periscelidis*, seu *de la Jarretiere*, quem *Eduardus VI.* Angliæ Rex, suo in Regno circa an-num mccccl. instituit cum hac Gallica Inscriptione: *Hony Soit qui mal y pense*, occasione, ut vulgò di-citur, ortâ ex Periscelide defluenti Comitissæ Sa-

risberienſis, quam Rex deperibat, & quam ei cum publica amoris ſignificatione reddidit, in cujus rei memoriam Rex hunc Equēſtrem, ſed non Militarem, *Periſcelidis* Ordinem inſtituit, qui etiamnūm in Anglia magno in honore habetur. Mitto denique alium Equēſtrem, ſed non Militarem Ordinem *Stellæ* dictum, quem *Joannes*, Galliarum Rex, anno mccccli. inſtituit in memoriam illius *Syderis*, quod Magos ab Oriente ad Chriſtum recens natum adorandum perduxit. Equites hujus Ordinis deferabant ſignum *Stellæ* torqui aureo appenſum, necnon veſtis conſpicuo loco Phrygio opere adtextum cum hoc Symbolo: *Monſtrant Regibus Aſtraviam*, ſed diuturnus non fuit hujus Ordinis ſplendor, quia ob multitudinem gregariorum, qui, ferventibus bellis, in illum admiſſi ſunt, adeo viluit, ut *Carolus V.* Galliarum Rex, *Joannis* filius, illum Excubiarum Præfecto, ejuſque Satellitibus dimiſerit.

D. In referendis Religioſis Ordinibus, qui Sæculis XIII. & XIV. fuerunt inſtituti, cumulatiſſimè mihi feciſti ſatis. Sed quid Sacri Canones circa Monasticam Diſciplinam in his duobus Sæculis præcipuè ſtatuerint, mox neceſſe eſt, ut paucis verbis attingas.

M. Nimius proſectò forem, ſi ſingula, quæ Sæculis XIII. & XIV. circa Monasticam Diſciplinam Sacris Canonibus ſancita ſunt, perſequi vellem. Rem totam igitur paucis abſolvam. In primis, pretium pro ingreſſu Monasterii, ſeu pro receptione ad Religioſam Profeſſionem exigere ſimonix damnant Canones Conciliorum, quæ Sæculis XIII. & XIV. fuerunt celebrata. Si tamen

Monasterium tenue esset , poterat absque simoniæ labe aliquid accipere pro victu personæ , quæ in Monasterio recipiebatur . Ita docet S. Thomas, qui Sæculo XIII. floruit, & Disciplinæ Monasticæ illius temporis testis lucupletissimus esse debet . Sic autem loquitur Angelicus ille Doctor in 4. Sent. Distinct. 25. Quæst. 2. Art. 2. ad 7. *Dicendum, quòd cùm possessiones alicujus loci Religiosi non sufficiunt ad sustentandum plures , tunc potest exigi ab eo, qui in loco illo vult servire Deo , non quasi pretium Religionis , sed ut habeat Monasterium undè ei possit provideri, & idè non committitur simonia .* Et in sua Summa Theologica Secundâ Secundæ Quæst. 100. Art. 3. in Responsione ad tertiam Objectionem , hæc habet : *pro ingressu Monasterii non licet aliquid exigere vel accipere quasi pretium . Licet tamen , si Monasterium sit tenue , quod non sufficiat ad tot personas nutriendas , gratis quidem ingressum Monasterii exhibere , sed accipere aliquid pro victu personæ, quæ in Monasterio fuerit recipienda , si ad hoc non sufficiunt Monasterii opes .* Parentes filios suos minores, ut constat exemplo S. Thomæ Aquinatis , Vitæ Monasticæ Sæculis XIII. & XIV. quandòque devovebant, sed tamen ad sæculum redire poterant , nisi anno ætatis decimo quinto Parentum Oblationem confirmarent , sicut expressè definivit Innocentius III. in Epistola cxvi. libri xv. ad Lugdunensem Archiepiscopatum datâ , ubi ait : *Cautum reperitur in Canone , ut minoris ætatis filii , qui oblati Monasterio fuerint, suscipientes habitum vel Tonsuram , si à Prælati suis anno quintodecimo requisiti , se in assumptæ Religionis proposito consenserint permansuros , penitendi licentia præcludatur , alioquin eis non adima-*



tur ad sæculum redeundi facultas , ne coacta præstare Deo servitia videantur . Inoleverat in Gallis Sæculo XIII. gravissimus abusus , quo Parentes , ut filios suos ab hæreditate arcerent , illos in Monasteria detrudebant . Contra quem abusum insatiabili Parentum cupiditate invecum *Guillelmus Parisiensis Episcopus lib. de Moribus cap. ix.* ita scribit: *Alii à Parentibus & Propinquis eo modo in clauastro proiciuntur , quemadmodum catuli & porculi , quos Matres non sufficiunt enutrire , ut videlicet mundo non spiritualiter, sed ( ut ita dicam ) civiliter moriantur , videlicet ut portione hæreditaria priventur , & ad eos, qui in Sæculo remanent, devolvatur, & quantum ad hoc Simoniaca est hujusmodi projectio, immersio, vel intentio .* Quapropter , ut obiter dicam , sicut meritò culpari debent parentes , qui filios suos ab ingressu Religionis , quandò vocantur à Deo , præpostero affectu , vel intuitu commodi temporalis deterrent , ità vehementer improbari debet ea insatiabilis cupiditas parentum , qui familiam à plurium liberorum onere liberare volentes, his liberis ingressum Religionis procurant, vel quod naturâ sint ad res gerendas inepti, animo hebetes , vel corpore vitiosi , vel ut aliis liberis, quos plus diligunt, istorum quasi ablegatione , ampliores relinquant opes . Certè , hunc abusum Statui Religioso , & Ecclesiæ valdè infestum deplorat *S. Hieronymus in Epistola 8. ad Demetriadem* his verbis : *Solent miseri Parentes , & non plenæ fidei Christiani , deformes , & aliquo membro debiles filias , quia dignos generos non inveniunt, virginitati tradere : tanti , ut dicitur vitrum , quanti margaritum .* Certè , qui religiosiores sibi videntur , parvo sumptu,

*Et qui vix ad alimenta sufficiat, Virginitati dato, omnem censum in utroque sexu secularibus liberis largiuntur. Quod nuper in hac urbe dives quidam fecit Presbyter, ut duas filias in proposito virginali inopes relinqueret, & aliorum ad omnem copiam filiorum, luxuriæ atque deliciis provideret. Fecerunt hoc multæ, proh dolor, nostri propositi fœminæ; atque utinam rarum esset exemplum. Quod quantò crebrius est, tantò istæ feliciores, quæ ne plurimarum quidem exempla secutæ sunt.*

Religiosos Viros, Ordinum etiam Mendicantium, Sæculis XIII. & XIV. ad curam & regimen animarum, ad Ecclesiæ munera frequentèr assumptos, ad Cardinalitiam, Patriarchalem, Archiepiscopalem, Episcopalem dignitatem, immo, aliquos ad Summum Pontificatum fuisse provectos testantur Ecclesiæ, singulorumque Ordinum Annales. Religiosi tamen, qui ad Ecclesiasticas dignitates erant assumpti, sui Ordinis habitum deferre, & Regulam, Constitutionesque, quantum eo in statu fieri poterat, observare tenebantur, sicut S. Thomas, qui Sæculo XIII. floruit, apertè docet Secundâ Secundæ Quæst. CLXXXV. Art. 3. his verbis: *Dicendum est, quod si qua sunt in Regularibus Observantiis, quæ non impediunt Pontificale Officium, sed magis valeant ad perfectionis custodiam, sicut est continentia, paupertas & alia hujusmodi, ad hæc remanet Religiosus, etiam factus Episcopus, obligatus, & per consequens ad portandum habitum suæ Religionis, qui est hujus obligationis signum. Addit etiam Sanctus ille Doctor in Responsione ad tertiam objectionem, Episcopum ex Ordinibus Religiosis assumptum proprium nullo modo habere posse, nec*

*Testamentum facere . Si tamen ex concessione Papæ Testamentum faciat , non intelligitur ex proprio facere Testamentum ; Sed Apostolica autoritate intelligitur esse ampliata potestas suæ dispensationis , ut ejus dispensatio possit valere post mortem .* Ordinibus Religiosorum Mendicantium Sæculis XIII. & XIV. multa Romani Pontifices concesserunt Privilegia, quæ in Galliis occasionem dederunt *Guillelmo à Sancto Amore* , aliisque ejusdem furfuris hominibus & Status Religiosi æmulis obrectatoribus in ruinam illorum Ordinum conspirandi . Contendebat *Guillelmus à Sancto Amore* in libro , quem edidit , *De periculis Novissimorum Temporum* , Religiosos Mendicantes , juxta illud Christi Domini dictum *Matthæi cap. xxiii* . *Nolite vocari ab hominibus Rabbi* , sibi nullo pacto vindicare posse munus Magisterii , seu publicè docendi, prædicandi, Confessiones audiendi , aliaque Ecclesiastica munia obeundi , sed illos è commercio & societate hominum omninò semotos peccata suà plangere ac manibus operari debere . Contra hunc Religiosorum Ordinum impugnatorem Opusculum , seu Apologiam, pro Religiosis Ordinibus scripsit *S. Thomas* , qui fuit hujus persecutionis particeps . Probat autem Angelicus ille Doctor , Viros Religiosos munus docendi , ut ministerium suo statui congruum , suscipere posse , quia Viri Religiosi magis sunt ad docendum idonei, utpote qui rerum divinarum contemplationi plus cæteris vacant . Hinc multi Sancti Patres , qui Religiosam vitam professi sunt , publicè docuerunt , & ad Episcopales Infulas fuerunt sublimati . Si ergo Viri Religiosi Episcopale munus , quod est maximum in Eccle-



Ecclesia , obire possunt , quidni docendi , & prædicandi Officium , quod minus est , exercere poterunt ? Sanctum *Gregorium Nazianzenum* , licet Monachus esset , Constantinopolim adductum fuisse , ut ibi Sacram Scripturam doceret , Ecclesiastica narrat Historia , & Sanctus *Hieronymus* in Epistola ad *Rusticum* Monachum ait. *Sic vive in Monasterio , ut Clericus esse merearis , multo tempore disce , quæ postmodum doceas .* Non ergo ab Officio docendi , prædicandi , & Confessiones audiendi arceri debent Viri Religiosi , qui ad illud in Ecclesia exercendum sunt instituti , sicut Ordines Religiosorum Mendicantium . His , & aliis luculentissimis rationibus refellit Sanctus *Thomas* Status Religiosi impugnatores , & ad illud Scripturæ Sacræ testimonium : *Nolite vocari Rabbi* , quod *Guillelmus à Sancto Amore* obiiciebat , respondet Sanctus Doctor , per hæc Christi verba non prohiberi quemlibet Magisterii appetitum , sed præposterum duntaxat & indebitum Magisterii desiderium , à quo abhorrent Viri Regulares , cum non appetant Magisterium , nisi propter publicam utilitatem , nec velint fieri Magistri Scholastici , nisi de consensu Prælatorum suorum . Demùm , Viros Religiosos ad opus manuum non teneri , nisi sit Regulis & Constitutionibus Monasticis præscriptum , probat Sanctus *Thomas* contra *Guillelmum à Sancto Amore* multis argumentis , ex quibus hoc unum subiiciam : *Qui habent undè aliàs vivant* , inquit S. *Thomas* , quàm de labore manuum , quia habent possessiones , quæ ad eorum vitam sustentandam à Fidelibus collatæ sunt , vel habent ministerium prædicationis sibi commissum , de quo vivere possunt ,

sunt, primæ ad Corinth. cap. 9. Dominus ordinavit his qui Evangelium annuntiant, de Evangelio vivere... Similiter aliqui Religiosi sunt, qui Ecclesiæ deserviunt in divino Officio, & de hoc etiam licitè vivere possunt. Unde dicitur primæ ad Corinth. cap. 9. Qui altari deserviunt, cum altari participant. Et adductâ auctoritate S. Augustini in libro de Opere Monachorum, subjungit S. Thomas: Similiter sunt aliqui Religiosi, qui Sacræ Scripturæ vacant, & de hoc etiam licitè vivere possunt. Non ergò omnes Religiosi tenentur manibus laborare. Legendus est idem Sanctus Doctor Secundâ Secundæ Quæst. CLXXXVII. Art. 1. ubi probat, Religiosos posse docere, prædicare, & alia Officia exercere in Ecclesia, & in Artic. III. ejusdem quæstionis docet, Religiosos, qui Scripturæ Sacræ studio incumbunt, vel prædicationis ministerio funguntur, non teneri manibus operari, sed potius ad procurandam salutem animarum debere à labore manuum omninò abstinere. Nec solum S. Thomas, sed etiam S. Bonaventura, splendidissimum Ordinis Minorum decus, Sæculo XIII. Guillelmum à Sancto Amore, Capitalem Status Religiosi hostem, confutavit tam in Opusculo de Paupertate Christi, quàm in Apologia Pauperum. Unde factum est, ut Romani Pontifices Ordinum Mendicantium causam Statumq; semper protexerint. Alexander IV. Pontifex Maximus proscripsit pestilentem librum de periculis novissimorum temporum, quem contra Ordines Mendicantium scripturierat Guillelmus à Sancto Amore, & in eorum gratiam quadraginta Pontificia Diplomata dedit. Clemens V. Religiosorum itidem patrociniū suscepit, probans eos à Deo & Ecclesia vocatos ad auxilium

lium regiminis Ecclesiæ, licet tardiùs quàm de multis, etiam eos inter alios vocatos deberi meritò computandos, ut refert Continuator Guillelmi Nangii apud Lucam Dacherium tomo XI. Spicilegii. Nec minus Religiosis Mendicantibus favit Innocentius VI. Pontifex Maximus contra Richardum Armachanum Archiepiscopum, & Hiberniæ primatem, sicut ad annum MCCCCLVIII. refert Thomas Walsinghamus, qui tamen hic & quavis datâ occasione virulento calamo Religiosos Mendicantes perstringit. Hæc pauca observanda esse duxi ad vindicandum Statum Religiosum, cujus tanta dignitas ac perfectio est, ut S. Thomas Quodlibeto III. Quæst. VI. Art. XVII. pluribus momentis evincat, Religiosos esse majoris perfectionis, quàm sint Presbyteri Parochiales.

Non possum etiam, nec debeo hic prætermittere specialem Ritum, seu Disciplinam, quæ etiamnum viget in Ordine Fratrum Prædicatorum, & ex qua imperiti quidam & malevoli homines ansam & occasionem temerè arripiunt celeberrimum hunc Ordinem calumniandi. Hic autem Ritum, seu Disciplina in hoc consistit, quòd Fratres Prædicatores intèr celebrandum Missæ Sacrificium sinistrâ manu Corpus Christi Domini sumant. Hunc ritum nonnulli maledici pœnam esse distant omnibus Fratribus Prædicatoribus à Romano Pontifice impositam, eò quòd Bernardus Politianus, ejusdem Ordinis, venenum in Eucharistia Henrico VII. Imperatori porrexisset, & sacrilegum ac parricidiale facinus perpetrasset. Verùm, hæc putida calumnia est, tum quia certissimis monumentis, quæ in Colloquio II. adduxi, constat,



*Henricum VII.* Imperatorem non veneno, sed naturali morte extinctum fuisse; tum etiam, quia Ritus ille, quem adhuc observant Fratres Prædicatores, dum sacrum faciunt, tenendi sinistrâ manu Hostiam usque ad Communionem, ab ipso Ordinis exordio invaluit, & ante *Henrici VII.* Imperatoris obitum, qui contigit anno millesimo trecentesimo decimo tertio. Vidi quippè ipse, dum Parisiis essem, antiquum Rituale, quod in Parisiensi Ordinis Fratrum Prædicatorum Conventu, & Collegio S. *Jacobi* asseruatur, & quod an. *MCCLVI.* manu scriptum est, in quo statuitur, ut Sacerdos Hostiam manu sinistrâ usque ad Communionem teneat. Qua ex Rubrica nullus dubito, quin hæc consuetudo, quæ adhuc apud Fratres Prædicatores obtinet, sumendi manu sinistrâ Corpus Christi, manaverit, cum Hostia sic fracta commodè ac decentè à sinistra in dexteram transferri haud possit. Hic autem ritus solis Fratribus Prædicatoribus peculiaris est, quia Sacram Hostiam super Patena non frangunt ac deponunt, ut facere solent sæculares Sacerdotes, & aliorum Ordinum Regulares, sed super Calicem frangunt. *Id ceremoniæ*, inquit *Bzovius*, Ordinis Prædicatorum, in *Continuatione Baronii* ad annum *MCCCXIII.* Sinistra communicandi manu datum etiam à Sede Apostolica Ordini Prædicatorum, propter triumphatam à Fratribus Berengarianam Hæresim in contumeliam Sanctissimæ Eucharistiæ in Europa temporibus D. Dominici, & Petri Martyris reviviscentem, ut tum post Agnus Dei sinistra manu super Calicem elevatâ Hostiam teneant, tunc universo populo adorandum Christum Deum verum & hominem sub speciebus panis & vini præsentem exponerent;

nerent; tùm ipsi tunctione pectoris interiorem animi latratriam ostenderent in Sacro Sanctum pignus salutis. Hunc specialem Ritum ex singulari Privilegio Ordini Prædicatorum fuisse ab Ecclesia concessum, testatur itidèm alter ejusdem Ordinis Scriptor Leonardus de Utino, qui floruit circà an. mccccxliv. & in suo Quadragesimali, Sermonè 42. hæc habet: *In principio Ordinis nostri insurrexit quædam hæresis asserens, non esse verum Corpus Christi in Altari, nisi quandiù elevatur. Cujus opinionis fuit Magister Johannes Wiclef. Ordo autem noster prævaluit contra hanc Hæresim, miro modo eam confutando, in cujus signum datum est Ordini nostro, ut in Missa post Agnus Dei ante Communionem tenerent Fratres Hostiam elevatam supra Calicem, ut sic adoraretur ab universo populo, tanquam verum Corpus & Sanguis Christi, & ne deponeretur post Communionem. Et, post pauca interjecta, subdit idem Scriptor: Plures Fratres nostri Martyrio coronati sunt ab Hæreticis, & dùm essem in Concilio Ferrariensi tempore Eugenii Papæ IV. relatum est, plures Conventus nostri Ordinis funditus eversos ab Hussitis in Boemia, & Fratres trucidatos ab eisdem. Ordo enim noster valdè insudavit contra Hæreses, ad earum extirpationem præcipuè circà hoc Sacramentum Corporis Christi. Sed hæc satis dicta sint ad hanc infamem propulsandam calumniam, quæ dissimulata & celeberrimo Fratrum Prædicatorum Ordini dedecori, & Ecclesiæ offensioni verteretur; Si tamen plura eâ de re scire desideres, leges librum, quem ann. mdclxxxvi. edidit Marcellus de Cavalleriis, Ordinis Prædicatorum, inscriptum: Statera Sacra Missam juxtà ritum Ordinis Prædicatorum expendens.*

D. Expecto nunc pro coronide nostri Colloquii Synopsim Doctrinæ Moralis Christianæ, & hoc unum scire velim, an Doctrina Moralis Christiana suam Sæculis XIII. & XIV. puritatem ac integritatem retinuerit, quam in Sæculis præcedentibus obtinuisse jam vidimus?

M. Moralem Doctrinam Sæculis XIII. & XIV. avitam suam retinuisse puritatem, sat superque probant Opera *S. Thomæ Aquinatis*, qui Sæculo XIII. floruit, & in rebus, quæ spectant mores, trita Sanctorum Patrum viæ ita adhæsit, ut ab ea nunquam deflexerit. Infinitus profectò essem, si singula percurrere vellem, quæ Angelicus ille Doctor, præsertim in *Secunda Secundæ* suæ Summæ Tripartitæ contra Usuram, Simoniam, Homicidium, & alia id genus vitia moribus opposita, methodo perspicuâ docet, ubique Ethices castissimæ suppeditando Regulas ac præcepta, quibus fidelium mores informari, corrigi & emendari debent. Quatuor dumtaxat, quæ maximè commendant doctrinam Moralem *S. Thomæ*, & ad ejus puritatem contra emergentes laxitates conservandam plurimum conducere possunt, hîc generatim annotabo.

In primis, perpetuò docet *S. Thomas*, in rebus spectantibus mores, neminem excusari, si sequatur erroneas opiniones alicujus Magistri, quia in talibus ignorantia non excusat. Sic suam mentem dilucidè aperit Angelicus ille Præceptor Quodlibeto tertio, Articulo decimo his verbis: *Respondeo dicendum, quòd si stent diversæ opiniones Doctorum Scripturæ Sacræ, siquidem non pertineant ad fidem & bonos mores, absque periculo auditores utramque opi-*  
niq.



nionem sequi possunt . Tunc enim habet locum , quod Apostolus dicit ad Romanos cap. 14. Unusquisque in suo sensu abundet . In his verò quæ pertinent ad fidem & bonos mores , nullus excusatur , si sequatur erroneam opinionem alicujus Magistri . In talibus enim ignorantia non excusat ; alioquin immunes à peccato fuissent , qui secuti sunt opinionem Arii , Nestorii , & aliorum Hæresiarcharum . Nec potest excusationem habere propter simplicitatem auditorum , si in talibus opinionem sequantur . In rebus enim dubiis non est de facili præstandus assensus , quin immò , ut Augustinus dicit in libro 3. de Doctrina Christiana : Consulere debet quis regulam fidei , quam de Scripturarum plenioribus locis , & Ecclesiæ autoritate percepit . Id confirmat S. Thomas Quodlibeto 8. Artic. 13. ubi quærit: An quando sunt diversæ opiniones , de aliquo facto , ille qui sequitur minus tutam , peccet ? Cui quæstioni sic respondet Doctor Angelicus : Respondeo dicendum , quod duobus modis aliquis ad peccatum obligatur: uno modo faciendo contra legem , ut cum aliquis fornicatur: alio modo faciendo contra conscientiam , etiamsi non sit contra legem , ut si conscientia dicat alicui , quod levare festucam de terra sit peccatum mortale . Ex conscientia autem aliquis obligatur ad peccatum , sive habeat certam fidem de contrario ejus quod agit , sive etiam habeat opinionem cum aliqua dubitatione . Illud autem quod agitur contra legem , semper est malum , nec excusatur per hoc , quod est secundum conscientiam , & similiter quod est contra conscientiam est malum , quamvis non sit contra legem . Quod autem nec contra conscientiam , nec contra legem est , non potest esse peccatum . Attende , quæro , ad hæc verba S. Thomæ: Illud quod agitur contra legem ,  
sem-

*semper est malum, nec excusatur per hoc, quod est secundum conscientiam, quibus verbis Sanctus Doctor novum probabilitatis commentum, ex quo varii in doctrina Morali pullularunt errores Vaticanis protriti fulminibus, præfocavit. Sic S. Thomas Regiâ viâ incedens, certas tutasque sententias Patribus & Ecclesiæ communes delegit, eoque delectu sibi ac suis discipulis ab erroribus, à periculo, aut metu censurarum immunitatem comparavit, & proprium fecit veluti suæ Scholæ characterem. Voluit quippe Angelicus Doctor, ut sui Discipuli tam à laxis opinionibus & corruptelis doctrinæ Moralis abhorrerent, quàm à rigidioribus sententiis quorundam Theologorum, qui zelum habentes, sed non secundum scientiam, onera importabilia imponunt, asperiores reddunt viam salutis, & in quæstionibus ambiguis, in quibus de peccato mortali agitur, semper ad rigorem deflectunt, peccatorum mortalium numerum augment, ac nimiam asperitate peccatoribus aditum poenitentiae sic præcludunt, ut in causa sint, cur illi in desperationem suæ salutis adducti, se in præcipitium proripiant, & cum Juda fugiant ad infelicem laqueum. Hunc intempestivum in doctrina Morali rigorem improbat S. Thomas Quodlibeto 9. Art. 15. ubi docet, periculosè determinari quæstiones, in quibus agitur de peccato mortali: Omnis quæstio, inquit, in qua de peccato mortali agitur, nisi expressè veritas habeatur, periculosè determinatur, quia error, quo non creditur esse peccatum mortale, quod est peccatum mortale, conscientiam non excusat a toto, licet fortè à tanto, Error verò, quo creditur esse mortale, quod non est mortale, ex conscientia ligat ad peccatum mortale.*

*tale . Præcipue autem periculosum est , ubi veritas ambigua est &c. In delectu itaque opinionum , præ cæteris, qui Summas Casuum conscientiaë conscripserunt, sequere S.Thomam , & non minùs à laxioribus, quàm à rigidioribus declina sententiis, quas in Scholas invexerunt , & hominum generi propinarunt recentiores Casuistæ . Utere etiam prudentissimo consilio , quod olim Cardinalis Bellarminus dedit Episcopo Theanenſi nepoti suo in Opusculo quod ad ipsum direxit, ubi hæc habet: Si quis velit in tuto salutem suam collocare , is omninò debet certam veritatem inquirere , & non respicere quid multi hoc tempore dicant, aut faciant : & si rei certitudo non possit ad liquidum apparere , debet omninò tutiorem partem sequi , & nulla ratione , nullius imperio, nulla utilitate temporali proposita ad minus tutam partem declinare . Agitur enim de summa rei, cùm de salute aterna tractatur , & facillimum est conscientiam erroneam exemplo aliorum induere , & eo modo , conscientia non remordente , ad eum locum descendere, ubi vermis non moritur , & ignis non exstinguitur .*

Alterum , quod circà Doctrinam Moralem S. Thomæ observare debes , spectat magnum dilectionis divinæ præceptum , quod si totius Moralis Christianæ Compendium, Evangelii Summam, legis finem , & solidæ pietatis principium dixeris , a veritate non aberrabis . Hoc autem de dilectione divina præceptum adeò necessarium esse existimavit S. Thomas , ut 1. 2. quæst. 89. art. 6. doceat , teneri omnem creaturam rationalem in primo rationis diluculo ad Deum se convertere , illum ceu ultimum finem agnoscere , & primitias amoris



fui ei consecrare : tunc enim inquit Angelicus Doctor , *primum quod occurrit homini discretionem habenti , est deliberare de seipso .* Quibus verbis innuit S. Thomas, in illa prima rationis aurora Solem invisibilem , qui illuminat omnem hominem venientem in hunc Mundum, pias immittere cogitationes deliberandi de se, quibus intimatur , & veluti promulgatur lex naturalis ; cui legi obtemperans , *si ad debitum finem se ipsum ordinaverit , per gratiam consequetur remissionem peccati originalis ; si verò non ordinet seipsum ad debitum finem , secundum quod in illa etate est capax discretionis, peccabit mortaliter , non faciens quod in se est .* Cum igitur homines, dum ipsis affulgere incipit rationis crepusculum , ad dilectionis divinæ præceptum obstrinantur, necesse est, ut omnibus incumbat obligatio divinæ illius Legis: *Diliges Dominum ex toto corde, tuo, ex tota mente tua, & ex totis viribus tuis .* Sed quo pacto à nobis impleri debeat divinum istud præceptum , luculenter juxta ac solidè explicat idem S. Thomas opusculo 18. cap. 5. his verbis: *alio modo ex toto corde, mente, anima, & fortitudine Deum diligimus, si nihil nobis desit ad divinam dilectionem, quod actu, vel habitu in Deum non referamus, & hujus divinæ dilectionis perfectio datur homini in præcepto .* Primò quidem, ut omnia in Deum referat, sicut in finem, sicut Apostolus dicit 1. ad Corinth. cap. 10. *Sive manducatis, sive bibitis, omnia in gloriam Dei facite: quod quidem impletur, cum aliquis vitam suam ad Dei servitium ordinat, & per consequens omnia quæ per se ipsum agit, omnia virtualiter ordinantur in Deum, nisi sint talia, quæ ab eo abducant, sicut sunt peccata, & sic Deum diligit homo ex*

toto

*toto corde . Secundò, ut intellectum suum homo subji-  
 ciat, ea credens quæ divinitus traduntur, secundum  
 illud Apostoli 2. ad Corinth. cap. 10. In captivitatem  
 redigentes omnem intellectum in obsequium Christi :  
 & sic Deus diligitur ex tota mente . Tertiò, ut quæ-  
 cumque homo amat, in Deo amet, & universaliter om-  
 nem suam affectionem ad Dei dilectionem referat .  
 Unde dicebat Apostolus 2. ad Corinth. cap. 5. sive enim  
 mente excedimus, Deo : sive sobrii sumus, vobis : Cha-  
 ritas enim Christi urget nos : & sic Deus ex tota anima  
 diligitur . Quartò, ut omnia exteriora nostra verba,  
 & opera ex divina charitate firmentur, secundum il-  
 lud Apostoli 1. ad Corinth. cap. ultimo : Omnia enim  
 vestra in charitate fiant : & sic Deus ex tota fortitu-  
 dine diligitur . Hic est ergo tertius perfectæ dilectionis  
 modus, ad quem omnes ex necessitate præcepti obli-  
 gantur . Eamdem veritatem inculcat S. Thomas  
 in Quæstionibus disputatis, quæstione de Charitate  
 art. 11. ad 2. & in sua Summa Theologica, seu 2. 2.  
 quæst. 44. art. 4. Disce itaque à S. Thoma, Scholæ  
 Angelo, modum adimplendi divinæ dilectionis  
 præceptum, cujus necessitatem clamat ipsa natura,  
 & hanc naturæ vocem Sacræ Scripturæ paginæ al-  
 tius insonant, omnesque historiæ, prophetiæ, figu-  
 ræ, mysteria, minæ, & documenta nihil aliud  
 agunt, quàm ut diligendi Dei præceptum omnium  
 animis penitiùs infigant, doceantque, totum ani-  
 mum nostrum soli Deo castâ ac gratuitâ charitate  
 esse consecrandum . Hinc jure merito Romani  
 Pontifices quasdam flagitiosas damnarunt proposi-  
 tiones, quæ ad negandum maximum divinæ dile-  
 ctionis præceptum apertè collimare videbantur .  
 Alexander VII. anno MDCLXV. hanc propositionem*

proscripsit: Homo nullo unquam vitæ suæ tempore, tenetur elicere actum fidei, spei, & charitatis, ex vi præceptorum ad eas virtutes pertinentium. Idem opinionis monstrum contrivit Innocentius XI. quando anno MDCLXXIX. probroso stigmate confixit has propositiones: *An peccet mortaliter, qui actum dilectionis Dei semel tantum in vita eliceret, condemnare non audemus. Item: Probabile est, nec singulis quidem rigorosè quinquenniis per se obligare præceptum charitatis erga Deum. Item: Tunc solum obligat, quando tenemur justificari, & non habemus aliam viam, qua justificari possumus. Denique, Alexander VIII. Pontifex Maximus, anno MDCXC. hanc sacrilegam damnavit propositionem: Bonitas objectiva consistit in convenientia objecti cum natura rationali: formalis verò in conformitate actus cum regula morum. Ad hoc sufficit, ut actus moralis tendat in finem ultimum interpretativè. Hunc homo non tenetur amare neque in principio, neque in decursu, neque in fine vitæ suæ mortalis, Quæ propositiones, ut nemo non videt, totam simul Christianam Religionem evertunt, Incarnationis consilium destruunt, omnium mysteriorum fructum evacuant, delent Scripturas omnes, omnium errorum virus complectuntur, & cor ipsum Religionis invadunt.*

Tertia observatio generalis, quam hic atterere animus est, & quâ præcipuè commendatur puritas doctrinæ Moralis S. Thomæ, versatur circà dispositiones, quas necessarias esse docet Angelicus Doctor ad consequendam in Sacramento Pœnitentiæ remissionem peccatorum. Sic enim Sanctissimus Præceptor 3. part. quæst. 85. art. 5. in quo  
in-



inquit: *utrum principium pœnitentiæ sit ex timore?*  
Statuit in quo sita sit vera pœnitentia: *Respondeo,*  
*inquit, dicendum, quòd de pœnitentia loqui possumus*  
*duplici modo, quantum ad habitum, & sic immediatè*  
*a Deo infunditur sine nobis principaliter operantibus,*  
*non tamen sine nobis dispositivè cooperantibus per ali-*  
*quos actus. Alio modo possumus loqui de pœnitentia*  
*quantum ad actus, quibus Deo operanti in pœnitentia*  
*cooperamur, quorum actuum primum principium est*  
*Dei operatio convertentis cor, secundum illud Thren.*  
*ult. Converte nos, Domine, ad te, & convertemur.*  
*Secundus actus est motus fidei, tertius est motus timo-*  
*ris servilis, quo quis timore suppliciorum à peccatis*  
*retrahitur. Quartus actus est motus spei, quo quis*  
*sub spe veniæ consequendæ assumit propositum emen-*  
*dandi. Quintus actus est motus charitatis, quo alicui*  
*peccatum displicet, secundum se ipsum, & non jam*  
*propter supplicia. Sextus actus est motus timoris fi-*  
*lialis, quo propter reverentiam Dei aliquis emendam*  
*Deo voluntarius offert. Sic igitur patet, quod actus*  
*pœnitentiæ à timore servili procedit, sicut à primo mo-*  
*tu affectus ad hoc ordinato: à timore autem filiali, si-*  
*cut ab immediato & proximo principio. Viden, San-*  
*ctum Thomam actuum pœnitentis seriem præfor-*  
*mando expressè affectum dilectionis requirere,*  
*eumque charitatis nomine donare, ac subindè in*  
*Sacramento pœnitentiæ necessarium esse ad remis-*  
*sionem peccatorum actum initialis amoris Dei*  
*super omnia dilecti, sicut apertè declarat idem,*  
*Sanctus Doctor 3. parte, quæst. 86. art. 3. his ver-*  
*bis: Unde non potest esse verè pœnitens, qui de uno*  
*peccato pœnitet, & non de alio. Si enim displiceret ei*  
*illud peccatum, quia est contra Deum super omnia di-*

*lectum (quod requiritur ad rationem veræ pœnitentiæ) sequeretur quod de omnibus peccatis pœniteret. Et sanè, ut homo sit verè pœnitens, debet primò dolere de peccato, ut est offensa Dei, injuria Deo illata, & privatio amicitiae ejus. Secundò, debet se convertere ad Deum, juxta illud Joelis Prophetæ cap. 2. Convertimini ad me in toto corde vestro. Denique, oportet ut ejus voluntas recedat à peccato. Porro hæc tria pœnitens habet cum Sacramento Pœnitentiæ per motum inchoatę dilectionis divinæ. Mens quippè nostra, ut ait S. Thomas lib. 4. contra Gentes c. 72. debite ad Deum converti non potest sine charitate. Præterea, Actus, quo alicui displicet peccatum propter seipsum, est motus charitatis, ut ait idem Sanctus Doctor loco mox citato, seu 3. parte quæst. 85. art. 5. Demùm, qui timore pœnæ ab aliquo peccato abstinet, non simpliciter ejus voluntas à peccato recedit, sicut voluntas ejus, qui amore justitiæ abstinet à peccato, ut inquit S. Thomas 1. 2. qu. 107. art. 2. ad 1. Non potest igitur juxta principia S. Thomæ fieri in Sacramento pœnitentiæ remissio peccatorum sine aliquo actu initialis amoris Dei. Hæc doctrina de necessitate dilectionis divinæ in Sacramento Pœnitentiæ ad obtinendam remissionem peccatorum, connexa omninò est cum sententia S. Thomæ docentis, ut superius diximus, teneri omnem creaturam rationalem in primo rationis diluculo sese convertere ad Deum, ut ultimum finem, eumque diligere. At enim, si puer tenetur in primo rationis diluculo ad Deum sincero corde sese convertere (converti autem non potest ad Deum, & in illum se suaque omnia referre absque amore) à fortiori peccator, qui post patra-*

ta flagitia novitatem vitæ inire vult, ad Deum astringitur amore converti.

Ultimò, circa Doctrinam Moralem S. Thomæ, duas potissimum Regulas observare debes, quas præscribit Angelicus ille Doctor ad dignè administrandum, vel percipiendum Eucharistiæ Sacramentum apprimè necessarias. Prima Regula hæc est: *Si peccatum est manifestum, debet denegari Eucharistia, sive in occulto, sive in manifesto petat.* Ita docet S. Thomas in 4. Sentent. distinct. 9. art. 5. in Respons. ad 1. quæst. Ex qua S. Doctoris Regula, sequitur primò, publicè criminosos, manifestèque infames à Sacra Communione arceri omninò debere, videlicèt meretrices, publicos concubenarios, fœneratores, magos, sortilegos, blasphemos, histriones, & joculatores notorios, aleatores, & eos, qui choreas agunt, suisque gestibus & cantilenis ad libidinem se & alios provocant, necnon eos, qui odia & inimicitias exercent, vel qui in aliqua peccandi occasione versantur. Secundò, ex hac S. Thomæ Regula sequitur, mulieres, quæ impudicè & inhonestè se ornant, crinibus, coloribus, vestibus, non ut suis maritis placeant, sed ut adscititiis ornamentis oculos hominum in se convertant, eisque offensionis & damnationis laqueos parent, ad Sacram itidem Communionem admitti non debere. Hinc Innocentius XI. Pontifex Maximus, anno MDCLXXXIII. die xxx. Novembris Edictum Romæ promulgavit, quo districtè præcepit, ut mulieres, cujuscumque gradus & conditionis sint, in plateis, & in aliis locis publicis, sed præsertim in Ecclesiis, indutæ appareant non sumptuosis, non caudatis vestibus, non crinibus inaniter



intortis, non fūco ac pigmentis vultu illito, non pectore nudo, aut tenui velo obtecto, sed ita vestito, ut ne præter faciem quidquam cernatur, simulque prohibet Sanctissimus ille Pontifex Sacerdotibus, ne hujusmodi mulieres, quæ humeris, pectore, mammillis, brachiisve nudatis ad Eucharistiæ Sacramentum accedere non formidant, constanti cordis robore ac zelo muniti, Divino Sacramento pascant.

Altera Regula S. Thomæ hæc est: *Eucharistiæ Sacramentum potest considerari ex parte sumentis; in quo requiritur, ut cum magna devotione & reverentia ad hoc Sacramentum accedat, & ideo si aliquis se quotidie ad hoc paratum inveniat, laudabile est, quod quotidie sumat. Unde Augustinus, cum dixisset: Accipe quotidie, ut quotidie tibi prosit, subjungit: Sic vive, ut quotidie merearis accipere. Sed quia multoties in pluribus hominum impedimenta hujus devotionis occurrunt propter corporis indispositionem vel animæ, non est utile omnibus hominibus quotidie ad hoc Sacramentum accedere, sed quotiescumque se ad illud homo invenerit præparatum. Unde in libro De Ecclesiasticis Dogmatibus dicitur: Quotidie Eucharistiæ communionem accipere, nec laudo, nec vitupero; ita docet Angelicus Doctor 3. par. quæst. 80. art. 10. ubi quærit, utrum liceat quotidie Eucharistiæ Sacramentum suscipere? Ab hac Regula, in qua Doctor Angelicus, post Sanctos Patres, magnam animi sanctimoniam ad sacram quotidie percipiendam, Eucharistiam requirit, & singularem diligentiam, curam, & reverentiam in parando ad ejus susceptionem animo postulat, omnino recesserunt moderni aliquot Casuistæ, qui vel maxime indignos,*  
& di-

& divinæ gratiæ inanissimos homines ad Sacram-  
Communione impellebant , ut patet ex hac hor-  
renda propositione , quæ ab *Innocentio XI.* Pontifi-  
ce Maximo anno MDCLXXIX. proscripta fuit : *Fre-*  
*quens Confessio & Communio, etiam in his , qui gen-*  
*tilitèr vivunt, est nota Prædestinationis .* Certè hæc  
propositio recentèr invecta , & toti retro antiqui-  
tati Patrum ignota , quæ quoslibet sui & Mundi  
amore tumentes, ac gentilitèr viventes ad tremen-  
dum mysterium per nudam peccatorum confessio-  
nem admittit, tantùm abhorret & distat à doctri-  
na *S. Thomæ*, quantùm lux à tenebris, à die nox, &  
Oriens distat ab Occidente .

Plura non dicam de Doctrina Morali , quâ  
*S. Thomas* Sæculo decimo tertio Ecclesiam illustra-  
vit, quamque in sequentibus sæculis complexi Ca-  
tholici Doctores Theologiam Moralem illibatam  
conservarunt , exitialem morum depravationem  
profligarunt, ac maximâ sollicitudine caverunt ,  
ne benè fundata antiquitas scelestâ novitate subru-  
eretur , ne Superiorum instituta violarentur , ne  
rescinderentur scita Patrum, ne convellerentur de-  
finita Majorum, sed sese intra sacratæ atque incor-  
ruptæ vetustatis castissimos limites prophanæ , ac  
novellæ curiositatis libido contineretur . Hinc  
*Alexander VII.* Pontifex Maximus , ut ostenderet ,  
quantùm detestaretur perversa quorundam laxio-  
rum Casuistarum dogmata , quibus mores & Di-  
sciplina Christiana corrumpuntur , & Evangelio  
penitùs contraria invehitur morum dissolutio; ve-  
hementèr optabat, ut aliquis Ordinis Dominicani  
Theologus Doctrinæ Moralis Regulas non ex mo-  
dernorum Casuistarum libris excerptas , sed ex sa-

cris litteris, ex Decretis Romanorum Pontificum, ex Conciliorum Canonibus, ex Operibus Sanctorum Patrum, ex libris doctiorum Theologorum, SS. *Thomæ*, *Raymundi*, *Antonini*, & ex Instructionibus S. *Caroli Borromæi* haustas traderet, & ad eas omnes Theologi in dirigendis fidelium moribus communia Placita conformarent. Ut igitur in sana Ecclesiæ Romanæ morum doctrina sanus atque integer permanere possis, charissime discipule, uni firmitèr adhære S. *Thomæ* doctrinæ morali, quam Summi Pontifices maximis elogiis commendarunt. Coaceruent sibi, qui voluerint, Magistros prurientes auribus: Tu sequere Sanctum *Thomam*, Scholæ Angelum, qui unus pro decem millibus computatur, similis huic Angelo, qui, ut ait Propheta *Daniel* cap. 10. v. 6. ita loquebatur, ut ejus verba viderentur à multis unà loquentibus prolata: *Vox Sermonum ejus, ut vox multitudinis. Vox siquidem S. Thomæ, Sanctorum omnium Doctorum vox est, quorum doctrinam sectatus est, exposuit, illustravit, roboravit, &, ut verbis utar Petri Labbei doctissimi Societatis Jesu Scriptoris, collegit S. Thomas in sua Summa quidquid doceri potest, aut sciri. Inclusit Ambrosios, Hieronymos, Gregorios. Inclusit se ipsum, major se ipso & minor. Epitomen fecit alienæ Sapientiæ, & Summam suæ. Didicit omnes, qui Thomam intelligit, nec totum Thomam intelligit, qui omnes didicit. Vox itaque S. Thomæ est vox multitudinis, & dùm eam audimus, Sanctorum omnium Doctorum vocem nobis audire videmur. Felicem te! Si inter tot discrimina, quæ passim in Disciplina morum occurrunt, Ducem tibi adsciveris S. Thomam, qui vias tuas di-*



diriget, pericula deteget, salebroſa complanabit. Abſque eo Duce quàm periculofum ſit arduam iſtam alexque plenam ſuſcipere provinciam, diſce exemplo multorum, qui in doctrina morum nullius Ducis & rectoris veſtigia ſequentes, per intricabiles tenebras oberrant, & præeunte ratiuncularum fallaci fulgore deluſi, in varia præcipitia dilapſi, cæci facti ſunt & duces cæcorum: *Ducem & rectorem non habere malum eſt, & multarum calamitatum argumentum, nec non inordinatæ perturbationis & confuſionis principium. Quemadmodum enim ſi Coryphæum & ducem ſuſtuleris, non erit amplius Chorus concinnus & ordinatus; & ſi à phalange exercitus amoveris Imperatorem, non erit amplius ordinata acies; & ſi à navigio ademeris Gubernatorem, navem demerges: ita malum quidem eſt, atque everſionis occaſio rectore carere. Verba ſunt S. Joannis Chryſoſtomi Homil. XLIII. in Epistolam ad Hebreos. Quæ cum ita ſint, Chariffime diſcipule, fac ut doctrina S. Thomæ non recedat ab ore, non recedat à corde, quia ipſam ſequens, non devias; ipſam cogitans, non erras; ipſam tenens, non corrumpis; ipſam loquens, non mentiris; ipſi ſtudens, ad veritatem pervenis, ut teſtatur Clemens VI. Pontifex Maximus in Sermone de S. Thoma, cujus thema, *Eccè plusquam Salomon hic.**

D. Non opus eſt, ut mihi ſtimulos ſubdas ad ſectandam doctrinam S. Thomæ, quem tanquàm Magiſtrum audit, ac certatim præciariſ encomiis exornat omnis eruditorum hominum natio. Hunc quippè Angelicum Doctorem, divinæ mentis fideliffimum Interpretem, cui quidquid ſcio lubens acceptum refero, Ducem, & in ſtudiis meis Re-

ctorem hæcenus secutus sum , & ejus doctrinæ as-  
furgere , fascisque submittere semper gloriabor ,  
eam in spem certissimè erectus , fore ut , quemad-  
modum *Tobias* , Angeli ductu & ope adiutus, iter,  
quod susceperat , auspiciatò confecit , & immanem  
ex aquis erumpentem piscem impavidus vivum  
arripuit ac exenteravit ; Sic ipse S. *Thomæ*, Scholæ  
Angeli, præsidio fretus, studiorû meorum cursum fe-  
licitèr absolvam, & munitus Sanctissimi illius Præ-  
ceptoris doctrinâ, ex qua, ut legitur Cantici Cantic.  
cap. 4. v. 4. *mille clypei pendent , omnis armatura  
fortium* , omnia errorum monstra intrepidus con-  
fodiam ; Faxit Deus , Optimus Maximus , ut se-  
ctando S. *Thomæ* doctrinam , virtutes ejus æmulari  
possim , vitam castissimam , Orationem assiduam ,  
humilitatem singularem, charitatem heroicam, re-  
rum humanarum contemptum , nihilque præter  
Deum , quem Sanctus ille Doctor unicè concupi-  
vit , & feliciter consecutus est , desiderem , ac tan-  
dèm solam Dei gloriam , & Ecclesiæ utilitatem,  
unicum mihi studiorum ac laborum meorum fru-  
ctum proponam . Eò collineat votorum meorum  
Summa .

*Finis Tomi quinti .*

# M E N D A,

Quæ irrepsērunt in Editionem hujus Tomi Quinti in Historiam Ecclesiasticam.

## MENDA

## CORRIGE

Pag. 11. Lin. 22.	succesit	succesit
29. 1.	Rudophus	Rodulphus
228. 9.	Gregorii XI.	Gregorius XI.
235. 10.	in quo	in qua
263. 23.	ac	ad

*Alia, si quæ occurrunt, leviora menda, facili negotio inter legendum emendabis, tuâque humanitate, studiose Lector, ultrò condonabis.*





# M E N D A ,

Quæ irrepererunt in Editionem hujus Tomi Quinti in Historiam Ecclesiasticam.

## MENDA

## CORRIGE.

Pag. 11.	Lin. 22.	succesit	succesit
29.	1.	Rudolphus	Rodolphus
152.	22.	MCCXVI.	MCCXXVI.
228.	9.	Gregorii XI.	Gregorius XI.
235.	10.	in quo	in qua
247.	27.	propugnatos	propugnatas
263.	23.	ac	ad
282.	27.	melleus	malleus

*Alia, si quæ occurrent, leviora menda, facili negotio inter legendum emendabis, tuaque humanitate, studiose Lector, ultrò condonabis.*

**A**Dverte etiam, benigne Lector, nonnulla in hocce Tomo V. Historiæ Ecclesiasticæ jam typis edito fuisse à quibusdam deprehensa, quæ hic correctione, aut explicatione aliquâ indigere visa sunt.

Primò, pag. 77. lin. 28. dico, *Innocentium III.* creatum fuisse Cardinalem à *Cælestino III.* Quâ in re, ut ingenuè fatear, lapsum memoriæ passus sum. *Innocentius* quippè *III.* non fuit creatus Cardinalis à *Cælestino III.* sed à *Clemente III.* Decessore *Cælestini III.* Cardinalium albo adscriptus est, ut videre est apud *Platinam*, *Ciacconium*, & alios, qui de Vitis Romanorum Pontificum, & Cardinalium scripserunt. Sed *Opere in longo fas est obrepere somnum.*

Secundò, pag. 178. decem recenseo articulos Concilii Parisiensis, quorum postremus his  
ver-

verbis conceptus est: *Malus Angelus & Adam habuerunt, unde possent stare, etsi non unde possent proficere.* Quibus verbis prædicta Synodus innuere dumtaxat voluit, malum Angelum, & Adamum habuisse auxilium sufficiens, seu *auxilium sine quo non perseverare poterant, sed non habuisse auxilium efficax, seu auxilium quo perseverarent, uti docet S. Augustinus in libro de Correptione, & gratia* Cap. XI. & XII.

Tertiò, pag. 397. dico, *S. Dominicum* Ordinis Prædicatorum Fundatorem, omnigenâ quidem literaturâ præditum fuisse, nullum tamen edidisse librum. Ast, nolens cum nemine super hac re contentiosum ducere funem, nec quidpiam decerpere de gloria Sanctissimi illius Patriarchæ (quem, ut meum amantissimum Patrem, impensissimè colere eximiæ felicitatis & summo semper honoris loco ducam) amplissimam Lectori potestatem permitto amplectendi sententiam eorum, qui *S. Dominicum*, de Ecclesia optimè meritum, inter clarissimos Sæculi XIII. Scriptores referendum esse censent.

Quartò, pag. 410. assero, *S. Thomam*, Doctorem Angelicum, cum è Castro, in quo à Matre, suisque fratribus captivus detinebatur, dimissus est; statim Coloniam missum esse, ut sub *Alberto Magno* Philosophiæ & Theologiæ operam daret, quod nullo pacto adversatur Breviario Romano, in quo ad diem VI I. mensis Martii legitur, *S. Thomam*, statim ac è Castro dimissus est, Lutetiam Parisiorum fuisse profectum, sed potius utrumque cum veritate Historiæ optimè cohæret. Nam *S. Thomas* liber è Castro dimissus Pa-



risios quidẽm à *Joanne Teutonico*, Ordinis Prædicatorum Generali Magistro, ductus est, non ut ibi Philosophiæ & Theologiæ studio incumbere, sed ut in Capitulo Generali eâ in Urbe celebrando ipsi de Collegio, seu de Studio Generali provideretur, quò factum est, ut Parisiis confestim secedens *S. Thomas*, Coloniam missus fuerit, ut sub *Alberto Magno* Philosophicis & Theologicis excoleretur Disciplinis, sicut testantur *Guillelmus de Toco*, testis suppar, & vitæ *S. Thomæ* Scriptor antiquissimus, necnon *S. Antoninus* 3. part. Chronicorum tit. 22. cap. 7. parag. 4.

Quintò, pag. 522. Affirmo post doctissimum *Mabillonium*, Salutationem Angelicam Sæculo dumtaxat Ecclesiæ XI. frequentari cœpisse, sed hoc intelligendum velim de Horis, seu precibus Canonicis, quibus antè XI. Sæculum post Orationem Dominicam necdùm adjecta erat Salutatio Angelica, sicut ex antiquissimis cùm Monachorum, tùm Religiosorum Ordinum Statutis evincit à me laudatus *Mabillonius*. Non eo tamen inficias, Salutationem Angelicam esse in Ecclesia antiquissimam, ac sæpiùs à Sanctis Patribus fuisse usurpatam, præsertim à *S. Cyrillo* Patriarcha Alexandrino, qui præfuit Concilio Occumenico Ephesino contra Hæresiarcham *Nestorium* anno cccxxxī. celebrato.

Sextò, pag. 561. assero, omnes historias, Prophetias, Mysteria docere, totum animum nostrum soli Deo castâ ac gratuitâ charitate esse consecrandum; absit tamen ut his verbis excludere voluerim amorem spei, per quem Deum diligimus, ceù mercedem & objectivam Beati-  
tu-

tudinem nostram , cùm S. *Augustinus* pluribus in locis amorem spei commendet, præsertim Enarratione in Psalmum 134. ubi hæc habet : *sic amare debes, ut ipsum , scilicet Deum , pro mercede desiderare non desinas, qui solus te satiet, sicut Philippus desiderabat, cùm diceret : Ostende nobis Patrem , & sufficit nobis .*

Postremo, non solum in hocce Tomo, sed in quatuor aliis prioribus , compello interdum cum aliquo honoris titulo aliquot Scriptores, quorum Opera fuerunt Romæ censorio stigmate confixa , non quòd eorum mihi probetur doctrina , quæ ab Ecclesia proscripta est , sed quòd ex ipsis certa quædam possint hauriri documenta, quæ antiquitati illustrandæ , Catholicæ Religionis veritati asserendæ inservire, & Historiæ Ecclesiasticæ haud modicam lucem affundere possunt .





